

撫浙疏草序

經術推江都而奏議

惟宣公卓絕今古最

後若韓魏公范文正

所上條奏動合機宜
國計民瘼歷歷傳之
指腕故當皆相業遂
繼以韓范竝稱亦由兩

命來公開府時指授方略

雲詢訪疾苦激勸噢咻

以身親之卽片符尺

檄並著治績行無愧

百姓故言可對君父

也辛丑歲

雲翁公祖奉

命來撫我浙正淞民不堪

命昔海濱鯨鱣數苦

不靖萑苻林樾之中

牙旗金鉞不但椎埋

為姦遷徙之民悲哀

鴻不職之吏稱乳虎
又饑荒洊至凋瘵流
離苟非大經濟才若
韓范雖或能宣布

聖天子德意撫柔此一方
民欲指顧而安內寧
外措餉籌兵蓋難公
下車粥饑民則先議

賑弭山賊則竟議勦
警貪弁不職則重議
劾議賑而存活者至
聖天十有五萬議剿而浙

東西至桴鼓不鳴議

効而墨吏至聖風解

綬受事者咸滌慮洗

心以謹奉上法他若

嚴月五
安遷徙蠲積逋議練
餉省國費留折贖贍
孤貧斷積案平大獄
禽巨寇獲廢宗至于

大造之法丈量之方
凡刑名政教戶口財
賦爲嘗所亟者無不
刺目棘心由饑由渴

經營措置抗疏露章
以故三年之中吏習
而民安之島嶼餘孽
皆迴面投戈奔走受

吏視公未下車以前
風教固大殊矣昔周
文襄撫江南深恤民
隱止奏減逋稅一疏

望重一皆王端毅撫
南陽民爲繪像立祠
而平襄盜招流移諸
疏當日人不傳其愷

切公疏草五卷以宣

公之忠亮攄韓范之

報賊治狀民皆見爲血忱

帝亦嘉爲碩畫每有所奏

輒爲

霽顏至屢賜晉秩于是兩
浙士民咸樂以公之
榮爲己之利也然則

音內展讀是編卽未足盡

顯公經術之百一乎而

弘攬政要瞻仰吉光
永念陰膏用昭中外

卽公異日相業亦可

以類見矣


賜進士出身奉

旨內陞候補京卿前

特簡吏科都給事中翰林

院庶吉士通家治生

禹航嚴沆頓首謹題



撫浙疏草序

歲在甲辰

大中丞朱公以撫浙績

懋晉大司馬督師八

閩旣而以舊督回

朝尙緩仍留

公視浙事數月之間

紳士父老跂新眷舊

之情驚喜過望之樂

有形容之不能盡者

間聞民間藉藉云過

吾浙者皆謂吾浙人

何厚幸一時督撫旣
皆分陝之賢而兩撫
後先同樹甘棠之望
殆如饗飫珍餽者當

前後會隨境皆適而
際賓筵將徹未徹之
時重親平素悅口慰
饑之味其爲快志正

月三
百倍恒情耳乃

公則周詳四顧慮告

成者多倦而五日京

兆視我者或申飭之

不暇詳也乃檢三年

中條奏檄移諸件授

諸梓以遍告諸有司

使士若民咸知公心

三年如一日焉予受
讀已不禁強起言曰
是何能白

公之心也公未出都

門卽以全浙爲心胸
旣下車卽以億兆爲
性命凡調劑乎兵民
之間高明沉潛並用

互出斟酌乎時事之
宜益下全上曲當周
遮未嘗不矢拔薤之
節也摘瑕錄瑜不忍

以迎新送舊僕僕勞
我吏民未嘗不操水
鏡之明也廣大含弘
不欲以詹詹察察小

卷六
慧傷我德意且蒿目
焦勞繪民隱而同魏
鄭公之草推心吏士
傳手教而泯硃墨筆

之文凡此皆

公以精神氣略全攝
兩浙于寤寐几席之
間父子不能知近屬

不能曉區區露章之
疏條教之文又何能
盡

公三載偉績之萬一

也雖然
公之可見者有在將
去而人慕戀之未去
而人歡躍之此不出

于公而足見公者也
若出于公者不特章
疏文移不能盡公卽
盡舉公所未出者欲

耳

以見公尤何能盡然
則公之精神百姓之
愛慕已傳之矣是授
之梓者以之告誡諸

有司使知

公惠養小民者大槩

已如此撫戢戎寇者

大槩已如此籌荒逋

飭漕驛禁奸鋤暴諸

種種大槩已如此以

身師其可見者以心

思繹其所未見者俾

一一則傲弗替焉何

不可

時

康熙三年甲辰孟冬

之吉大理寺寺丞

錢塘治生戴京曾

頓首拜撰



撫浙疏草目次

卷之一

報入境受事日期疏

題明 欽件寬限併留按務書吏疏

彙報浙屬旱災疏

回奏訪犯顧文祉招擬疏

報勦虎爪山賊疏

報獲廢宗朱盛治疏

條議練餉或照糧或按畝加派疏

報解完過協餉疏

覆拾肆伍陸柒年兵協缺額急請撥補疏

題拾捌年兵餉原撥無徵虛額請補疏

再報會勦虎爪山賊疏

叅甌屬悞餉各官疏

回奏犯弁徐勇等招擬疏

回奏犯弁陶定邦等招擬疏

入境糾劾有司疏

大計露章糾叅疏

題覆韓侍橋等招擬疏

報浙西賊寇斬獲情形疏

報練餉限內難完情由疏

回奏犯弁沈海招擬疏

條議安插寧台溫遷徙人民疏

題報借給溫區缺餉疏

覆柁水無募疏

請豁駁減李艷陽軍器價值疏

回奏范印心圈房並無受賄疏

盤獲妖僧疏

報入境受事日期疏

題爲恭報微臣受事日期仰祈

睿鑒事

臣欽奉

簡命巡撫兩浙陸月拾陸日

陛辭拾柒日復蒙

皇上賞給

朝服鞍馬感激

天恩敢不力矢捐糜勉圖報稱臣惟

王命有程束裝遄發由水陸南行已于閏柒月貳拾

日抵浙西嘉興府境准前撫臣史 咨移送

欽給巡撫浙江關防壹顆

令旗捌桿

令牌捌面并

欽件書吏文卷及按臣歸併

欽件案卷各到臣臣恭設香案望

闕叩頭謝

恩隨于本月貳拾伍日至省城受事訖伏念浙省江

閩要衝師糧孔棘一應兵馬錢糧吏治民生皆

須規畫時宜講求利弊容臣躬親綜覈次第入

告外合將入境交代并受事日期先具

題報伏乞

睿鑒施行

順治拾捌年閏柒月貳拾柒日題捌月貳拾壹

日奉

旨該部知道

題明 欽件寬限併留按務書吏疏

題爲題明交代

欽件仰祈

睿鑒事切臣于順治十八年閏七月二十日至浙江

嘉興府境上接前撫臣史 交代文卷臣細察

咨移並無

欽件部咨數目并按臣歸併

欽件勘劄數目臣閱之不勝駭異卽維舟境上督令

分守杭嘉湖道張武烈分巡嘉湖道上官鑑及

杭嘉二府推官紀元尹從王并移咨備詢去後
隨准撫臣史 着令經管書吏攷造件冊據開
無限事件五百六十五件有限事件六十三件
按臣歸併勘劄事件一百八十七件咨覆到臣
臣查前撫臣開列部咨內有順治十四年十一
月初一日奉到

欽限二月至今尚未回

奏者有順治十六年十月十九日奉到

欽限一月至今尚未回

奏者諸如此類不下數十百件并按臣歸併勘劄

從

勅回之日至臣受事之日俱有先期逾限者伏乞

皇上照例容臣受事之日爲始一一嚴催回

奏但臣更有

請者臣衙門額設經制書吏二十名臣凜遵

功令行藩臬二司遴考新人供役至按臣衙門按件

人役歸併過臣事益煩劇臣查按臣衙門原設

經管文卷書吏三名遴取藩臬道府供役書吏

八名臣照額取用誠恐人役太冗如一槩不用則錄囚秋決科場訪案俱事關重大無人承管必致貽悞考成容臣照經管文卷書吏額設名數行藩臬二司遴取三人供役其餘一槩發回不用外相應一併

題明伏乞

皇上睿鑒施行

順治十八年八月初八日題奉

旨該部知道

彙報浙屬旱災疏

題爲旱魃爲虐民命難生叩乞轉詳具

題亟甦民困事據布政司呈詳各屬申報旱荒緣

由到臣該臣看得浙省奇災亢旱自夏徂秋驕

陽約計肆月臣入境之始萬壑俱乾川源盡竭

舟行阻塞四望田禾到處皆成枯槁及至省受

事之後披閱士民呈訴接據各屬申詳哀籲號

呼咸稱今歲凶荒春初則霪雨爲害二麥無收

夏秋則旱魃爲虐人工難挽臣俱批行布政司

一一確查據詳杭之海寧富陽餘杭新城於潛
臨安昌化嘉之平湖寧之鄞縣慈谿奉化定海
紹之山陰會稽蕭山餘姚上虞新昌嚴之淳安
遂安壽昌桐廬等縣皆實實被災所當亟

請蠲賑以恤災黎者也至紹之嵊縣呈報稍後先經
申明被災如一除安吉烏程崇德建德等拾貳
州縣又仁和秀水武義分水等壹拾捌縣并嘉
之海鹽溫之泰順金之義烏及衢州一所俱經
督臣兩次具

題已經部覆俟確取受災分數花名文冊核實另
題外總緣兩浙全省受災故各屬報有遲速更緣
前撫臣史 枬病垂危故六月夏災遲至臣到
地方始行彙報祈

皇上勅下該部一併核議蠲恤庶災黎稍有起色而
國課不致虛懸矣既經該司具詳前來臣謹會同
督臣趙 合詞具

題伏乞

勅下該部議覆施行

順治拾捌年捌月貳拾日題玖月拾捌日奉

旨戶部議奏

回奏訪犯顧文社招梃疏

題爲恭報訪拿盜窩贓罪事據按察司審擬顧文社等招由到臣該臣看得顧文社窩盜一案始于吳大仁之赴愬蓋因文社當日曾誣大仁之子爲盜故大仁報復亦呈文社爲窩也但查顧二事犯吳江王家相搜獲贓械之時不逮文社卽顧六事犯江寧波及文社又經督臣郎審係無干給照回籍是兩案久經審結明矣至當日原獲贓械起自顧六之寓與文社相隔一門

原不知情無論器械給散兵捕無憑查驗且贓
經主認盜夥無板何得以無贓無証久結之盜
案復懸擬文社大辟乎但查吳大仁告發之案
事由文社首僕范大爲盜而妄及大仁之子吳
國祥則誣盜害人串捕搶奪收擬從成誠情平
而法當也虎捕吳鳳楊元並遣允宜查事在拾
捌年正月初九日
大赦以前應否援

宥出自

睿裁非臣所敢擅也查此案部限陸箇月回

奏因前撫臣告病謝事該臣接管催結已經疏
請寬限在案既經該司呈詳前來相應一併

題明伏乞

皇上勅下三法司核擬施行

順治拾捌年捌月貳拾捌日題玖月貳拾柒日
奉

旨三法司核議具奏

報勦虎爪山賊疏

題爲彙報內地賊情仰祈

睿鑒事竊惟浙省海氛未靖山賊跳梁民不安生匪
伊朝夕加以今歲旱災異常饑民逋寇相聚竊
發處處見告臣自閏柒月貳拾伍日入疆受事
節據地方道將呈報浙東虎爪山一帶賊寇出
沒臣一面調兵撲勦至其先後塘報情形不敢
不據實上

聞案據各道協呈報云到臣該臣看得虎爪山賊

寇阻險負嶋出沒流毒商賈戒途人民受患已
非一日入夏以來流突錢富蕭諸浦江桐廬等
處劫殺焚燒綿延數百里幾無寧日甚至嘯聚
數千謀攻城邑雖因汛守兵單亦地方文武各
官平日玩寇疎防釀成燎原至此也先經前撫
臣調發官兵檄令嚴協副將宋天祿統領搜剿
不意黨孽未殲輒令班師遂失勝算尋以沿海
汛防兵馬虛弱復經抽調出洋賊探內地兵單
因之蔓延且伺我一意海防乃肆行劫殺臣受
事以來節據各道將有司詳報賊勢披猖憂心
如灼卽密授道將方畧調集各屬汛兵弁發親
隨開甲兵丁及臣標中軍遊擊葉桂馥統率標
兵三百名疾馳虎爪山一帶地方會同各屬道
將相機撲剿俟有情形卽行

題報至于地方疎防文武容臣一面行查職名確
察焚劫實蹟另疏指叅外事關內地山賊情形
相應彙疏密

題伏乞

皇上睿鑒施行

順治拾捌年玖月初伍日題拾月初叁日奉

旨兵部知道

報獲廢宗朱盛治疏

題爲捉獲故明廢宗請

旨定奪事據按察司會審朱盛治供由到臣該臣看得故明廢宗朱盛治亡命江湖遁形海島相依諸逆久逋從叛之誅改扮緇流實有不軌之跡作伴之道達等供証已確同行之吳忠舉首甚詳且詩句無將妖書不道罪更彰明臣會官庭訊本犯俛首無辭事關叛宗被獲所當請

旨定奪者也謹將逆詩一本東明歷妖言一本恭呈

御覽其戒牒二紙送部查核外理合具

題伏乞

勅下該部覆議行臣遵奉施行

順治拾捌年玖月初伍日題拾月初貳日奉

旨朱盛治併本內有名人犯着該撫差的當員役拿解來京嚴審擬罪具奏該部知道逆詩妖書并發

條議練餉或照糧或按畝加派疏

題爲各省鎮兵餉找撥屆期

請動所增練餉以濟軍需事據布政司呈詳到臣該

臣看得加增練餉初准部咨議照故明崇禎十

二年則例前撫臣史 據藩司詳查當年舊存

底冊全省加增銀肆拾柒萬柒千貳百捌拾伍

兩有奇係照全書地畝額銀一項握算統計歲

徵條銀每兩再加練餉壹錢柒分捌毫零合省

計之歲該加增前額之數此昔人因則壤之肥

曉加額餉之多寡止依賦則不照畝數之議也
前撫臣于本年柒月拾伍日咨明戶部業已一
面派行各屬立限科徵矣茲續准部文題奉

俞旨約計浙省田地山蕩屯田池塘漫園肆拾捌萬
壹千叁百餘頃每畝加派壹分共該加餉肆拾
捌萬壹千叁百壹拾陸兩有奇是無論額銀之
殊等惟在加餉之均平止照畝數不依賦則之
議也今據該司詳考新定全書及部約畝數額
內本省田地二項實止叁拾肆萬陸百餘頃此
中稱土分糧雖有高下然正賦多倍新加照依
部議每畝加餉一分似可奉行其如額內尚有
山蕩池塘漫園共壹拾叁萬捌千貳百肆拾柒
頃零歲課每畝正銀或伍厘或陸厘不等若槩
加壹分是新加倍于常額賦則不均恐有逋欠
難徵之弊矣又屯田貳千壹百叁拾餘頃向係
津貼衛所官丁漕運之資難與民產同科該司
恐異日各屬紛控復有此詳臣查初次部咨原
令照崇禎拾貳年之例浙省止該加餉肆拾柒

萬柒千貳百捌拾伍兩有奇今續奉部行照畝
應加餉銀肆拾捌萬壹千叁百壹拾陸兩有奇
除海寧等縣蠲恤田畝銀捌拾柒兩玖錢伍分
零又仁錢二縣界墻舟山無徵銀貳千陸拾貳
兩貳錢柒分零各應照減實該徵加餉肆拾柒
萬玖千壹百陸拾陸兩陸錢叁分零較之明例
稍有餘額時值軍興旁午自當照此派徵若夫
則壤之異等山蕩之殊科似宜仍照昔年因糧
輸餉之例照歲徵田地額銀算派可無輕重懸
殊之嘆也倘計臣以照畝加餉之議必不可更
合無令各府屬邑照全書原額田地山蕩等項
畝數各印官查照本邑上中下科則酌量哀益
各自通融調劑總期無虧部行照畝加分之數
庶幾額賦稱平或不致有後來紛控拖逋之事
也前次造送照糧加派文冊先經投部應聽確
酌末議擇善上

請行臣遵奉者也至于近奉

俞旨遷徙寧台溫三府屬沿海居民其委棄地土條

糧亦在額內俱應減免臣見行各道勘造魚鱗
圖冊實蠲細數俟各官造報至日容臣另疏具
題再減餉額可也本年加派銀兩臣已勒限該司
務照立限嚴催不敢少有怠緩除將布政司造
到照畝改派加銀文冊送部核議外臣謹會同
督臣趙 鹽臣蕭 合詞具
題伏乞

勅下該部核議施行

順治拾捌年玖月拾叁日題拾月拾壹日奉

旨戶部知道

報解完過協餉疏

題為微臣蒞任催完協餉數目恭報起解日期仰
祈

睿鑒事臣奉

命撫浙沿途接閱邸報節准部咨見浙省積逋各省
原撥協餉為數最多奉有

嚴綸立限完解臣晝夜兼程不敢少延于閏柒月貳
拾伍日抵省受事日接閩楚粵督撫索餉公移
不日懸釜待炊則日脫巾可慮危言激切臣寢

處靡寧因詰藩司糧道積欠之由皆係玩愒成
習各屬催徵不前民欠奉

赦者拾之柒那移別用者拾之叁實爲前官貽悞致
今餉額虛懸臣見在徹底清查另疏據實入

告蒞任以來令箭嚴檄立法督催不遺餘力計完閩
餉項下拾捌年捌月初貳日差運判許兆祥解
糧道拾柒年漕折銀肆萬兩運司拾捌年鹽課
銀伍萬兩捌月初四日差寧波府照磨張國樑
解布政司拾捌年正賦銀貳萬兩按察司拾陸
年贓罰銀叁千玖百肆拾捌兩北關拾捌年關
稅銀貳萬叁千捌百捌拾叁兩捌錢陸分玖月
初拾日差諸暨縣典史郭用奇解布政司拾捌
年正賦銀肆萬兩此外兌支都統郎賽閩省欠
給拾柒年秋季俸餉銀陸千壹百陸兩伍錢又
准福建巡撫徐 咨兌給滿州正藍旗餉銀捌
千伍百兩又福建巡撫徐 咨兌給硝商馬化
龍拾捌年鹽課銀壹萬玖千兩以上共催完過
閩餉貳拾壹萬壹千四百叁拾捌兩叁錢陸分

又滇餉項下于拾捌年捌月貳拾伍日差運司
知事賀雲舉解運司鹽課銀叁萬壹千兩玖月
拾貳日差臨安縣典史查德培解布政司拾柒
年正賦銀貳萬貳千捌百壹拾肆兩壹分貳厘
肆毫以上共催完過滇餉伍萬叁千捌百壹拾
肆兩壹分貳厘肆毫粵西餉項下于拾捌年玖
月拾貳日差臨安縣典史查德培解布政司拾
陸年正賦銀壹萬兩粵東餉項下于拾捌年玖
月初拾日差紹興府通判党纘武昌化縣手宰
巡檢張士岐解糧道漕折銀壹拾貳萬陸千貳
百伍拾兩陸錢叁分以上滇閩兩粵通共完解
過銀肆拾萬壹千伍百叁兩零貳厘肆毫此臣
日與司道凜惕

功令切責所屬相勉考成故僅及四旬得以湊完前
數少濟各省燃眉之用惟是原撥節年協餉積
欠尚多問之司帑則那用見徵奉

蠲無抵課之有司則侵欠相半呼應不靈至于台溫
二府屬縣幾經殘破人民逃散歷年逋餉無術

催科經營各官惟有甘心聽叅而已清餉部臣
蔡音達里移送報部各冊可考臣雖朝夕拮据
恐一時未易清楚也至于立限諸餉或應糾叅
或應追補者容臣逐件具疏奏

聞但限內難完情由前准部咨原令據實披陳謹因
報解餉銀而併及之除未完各餉不敢少有容
徇臣仍一面查催外所有解過銀兩數目理合
題報伏乞

勅下該部查察施行

順治拾捌年玖月拾叁日題拾月拾壹日奉

旨戶部知道

覆拾肆伍陸柒年兵協缺額急請撥補疏

題爲備陳兵協二餉虧缺情由請乞

題明以清項欸以濟軍需事據布政司呈詳到臣

該臣看得浙省兵協二餉順治拾肆拾伍拾陸
拾柒年各有撥欸籍使各屬依期徵解藩司按
欸奏支何至肆年之內缺額肆拾餘萬率由災
青頻仍寇災叠見在各屬止急新徵而緩前官
之舊欠在藩司姑那見貯而應索餉之燃眉施
欠日多借支日甚及拾伍年以前民欠奉

蠲動那見餉全無抵補加以部撥之中又有缺額等項于是匱缺之由襟肘盡露臣受事旬日接到

部咨該前撫臣史 具

題請補虧餉部覆詰責從前緊急軍需自應照款起解何得節年借支缺額如許令徹底嚴查民欠借支緣由將巡撫藩司職各一併回奏從重叅處奉有依議嚴行之

旨臣因兵協二餉虧欠日久寢處不遑屢檄該司造冊備詳乃悉從前貽悞各有由來謹按冊詳查

如十四年分部撥楚粵二餉軍儲南折銀貳拾壹萬肆千陸百柒拾餘兩經畧廣督差員守催時各屬盡數起解外未完伍萬玖千陸百玖拾餘兩前任左布政使張縉彥遂將在庫拾肆伍年金花絹折銀照數那解完額內除衢州府續收各屬軍儲南折報抵餉銀伍千貳百伍拾餘兩實計借支伍萬肆千肆百肆拾柒兩零又部撥本省拾肆年兵餉壹百壹萬陸千捌百餘兩各屬未完本年兵餉及各年截曠錢息共銀壹

拾壹萬陸千陸百貳拾貳兩零前司張縉彥又照此數那拾叁年南耗拾肆伍年正賦金花絹折以應滿漢官兵及調援寧台溫軍餉之用二次共計壹拾柒萬壹千陸拾餘兩此拾肆年借支虧額之情由也拾伍年分部撥本省兵餉共銀玖拾貳萬伍千柒拾餘兩值台溫郡邑寇犯荒殘以及各屬逋解共未完銀壹拾貳萬玖百陸拾餘兩當日五省兵馬調防需餉甚急前司張縉彥將在庫稅契監吏事例拾肆年正賦裁扣拾伍年裁扣馬價共銀壹拾貳萬玖百陸拾餘兩那應各項此拾伍年借支虧額之情由也以上那用數內止有顏料蠟茶馬價續完壹百玖拾餘兩其原借拾肆伍年金花絹折應催各屬原欠拾肆伍年軍儲南折補償後張縉彥報陞去任左布政使白秉真任內適安南將軍統師抵浙該司請將本項留兌大兵之費不謂各屬仍無完解該司又將在庫拾柒年金花絹折銀伍萬玖千陸百玖拾餘兩轉展那抵此又白

秉貞任內復行借支之數也計兩年各屬未完
共貳拾玖萬壹千捌百肆拾兩零前司那借應
行取償者今俱奉

赦無抵矣至拾陸年兵協二餉部撥正雜等項共貳
百壹萬貳千叁拾餘兩內有折色蠟茶仍奉部
文採買本色銅絲筆管會同館馬價係兵工二
部錢糧并舟山無徵共銀伍千貳百貳拾陸兩
零皆係虛欸又前任左布政使許文秀因拾貳
年分未完楚餉催解急迫借支拾陸年餉銀柒
千叁百伍拾柒兩零又截贖錢息共未完陸萬
壹千玖拾玖兩零以上三項共缺柒萬叁千陸
百捌拾餘兩適拾陸年間海賊突犯江南調兵
援勦糧料兵餉刻不能緩前任右布政使員盡
忠照此缺數借在庫拾伍年裁扣馬價拾陸年
優免會議等銀支給應催拾叁年未免楚餉拾
肆伍年裁贖錢息解補今拾伍年以前奉
赦無抵矣此拾陸年借支虧額之情由也拾柒年分
部撥本省兵餉共壹百陸拾貳萬壹千壹百貳

拾餘兩中有重撥南耗少撥段價無額裁官經費與兵工二部錢糧舟山無徵等銀又前司張縉彥因金衢二府欠解楚粵二餉借支各年南耗銀肆萬貳千叁百捌拾餘兩代解應追金衢未完補償今民欠奉

赦無抵以上各款共缺額壹拾伍萬貳千伍百伍拾柒兩伍錢零該前任左布政使白秉真署司事右布政使薛信辰于在庫拾伍陸柒年膳夫稅契典稅牙稅監吏事例金花絹折馬價運軍行月糧優免會議裁改歲造局絲等銀照數等項兵餉此拾柒年借支虧額之情由也通計肆年之內共缺餉額伍拾貳萬叁千伍百貳拾餘兩除續完伍千肆百肆拾陸兩零實動支過伍拾壹萬捌千捌拾兩零今據左布政使袁一相列冊以解部項下銀內應請作正開銷者壹拾壹萬陸百陸拾餘兩以缺額重撥少撥等銀應請照數撥補者肆拾萬陸千肆百壹拾兩零內少撥段價叁萬兩臣于預備採買拾柒年段疋疏

中另行

題請定奪外其餘應補協餉兵餉環呼坐索均不能再緩須臾兼之各屬如溫台寇殘人民離散沿海遷徙百姓委棄地土課稅難徵今年各處旱災有司詳報缺額益甚頃接水師總兵常進功公移言溫區兵馬數月無糧疾呼不已臣行咨司那別餉陸千兩暫濟饑軍然司帑若洗實無分毫存蓄臣查部催粵餉咨文中有瓊廉二府餉缺兵逃督撫俱奉

嚴旨今浙省匱調至此臣係新任代前官受過咎不敢辭若復因循不言將來卽爲粵東之續貽誤軍需民社則又非微臣一人之罪所可贖也伏懇

皇上垂念邊海重地封疆安危所係

特勅部臣亟爲撥發庶外省之燃眉協餉不致虛懸而本屬之將士呼庚方可補救此臣不得不激切瀆陳仰請

明綸俞允者也至于部覆謂前任藩司不行逐年清

楚新舊交盤又不確查明白該司有綜核之責
從前不行清理以致那移沿欠誠難辭過但餉
銀迫切取辦一時皆係左支右吾自爲補湊非
前官真有贏餘之積貯爲後官之所那移也至
于有無官役侵欺是否實係民欠查拾貳叁肆
伍年原撥協餉侵欠細數業經清餉司官蔡音
達里核查有冊聽戶部酌裁另撥無容再贅惟
是本省兵餉拾伍年以前各年欠額倍于協餉
其間官役之冒侵紳衿之拖欠以及那給解京
本色錢糧亦多歷年不楚臣原撥藩司嚴限各
屬造冊報查送部定奪但恐各府一時難集據
冊咨送部臣一有駁詰往返愈多耽時悞餉干
係非輕况寧台溫三府屬寇殘地方弁今遷徙
民土

蠲除糧額責任重大倘非專官察勘真偽難憑有司
欺弊難保必無伏祈

皇上勅部速遴廉幹滿官一員前來浙省徹底嚴查
則官民之侵欠易清諸項之銅弊立破矣其經

借藩司職名俱已逐年詳列疏中部查該撫職
各拾肆年至拾柒年止前任撫臣陳 倬 史

任內之事也理合一併

題明事關備陳缺餉字逾常格統惟

鑒宥既經該司冊詳前來除將冊揭送部查核外相
應具

題伏乞

勅下該部覆議施行

順治拾捌年拾月初叁日題拾壹月初伍日奉

旨該部議奏

題拾捌年兵餉原撥無徵虛額請補疏

題爲酌撥拾捌年兵餉事據布政司呈詳到臣該
臣看得浙省拾捌年兵餉先據藩司呈報部撥
捌分餉欸有實無徵抵與民欠奉

獨計虛額壹拾壹萬陸千柒百玖拾餘兩又應共撥
二分餉銀叁拾萬壹千叁百餘兩臣因各區月
餉壓欠呼庚于捌月內具疏請

旨撥補間項准部咨將二分餉銀找撥有欸可以少
濟饑軍之急矣其無徵奉

蠲等欸因司冊登答尚未詳細節次駁行確核臣于
前疏之中亦經

題明另容補贖今據詳冊原撥欸中有舟山無徵
銀叁百貳兩肆錢叁分零拾伍年間准有部文
減徵在案銅絲筆管銀壹百壹拾柒兩壹錢貳
分係工部之額會同館馬站銀壹百伍拾叁兩
叁錢貳分係兵部之額又裁官經費銀壹萬伍
千陸百貳拾兩貳錢此項係舊定全書所載先
經議裁水利道通判主簿訓導員役俸工等銀
之額後奉部頒經費錄浙省應設院司道府州

縣吏書人役廩工等銀計該貳拾壹萬貳千叁
百柒拾兩柒錢柒分內以故明舊額及前此議
裁官役俸工等銀共止有貳拾萬柒千柒百陸
拾貳兩叁錢捌分較之新制尚缺銀壹萬伍千
玖百伍拾伍兩伍錢玖分另于別項抵給實無
餘剩可充兵餉該司見造新舊額欸細冊送部
可考以上皆無從徵解之欸也又截贖小建銀
原撥陸萬貳千陸百捌拾叁兩玖錢內透撥陸

千陸百捌拾陸兩玖錢零實止伍萬伍千玖百玖拾陸兩玖錢玖分零又除災荒蠲免貳百壹拾貳兩肆錢陸分零外據報已完銀貳萬叁千柒百伍拾捌兩柒錢貳分零先爲糧料俸工操賞各項軍需支給已盡尚未完叁萬貳千貳拾伍兩捌錢零係衛嚴台溫四府拖欠今拾伍年以前民欠奉

蠲此亦無可徵補之款也又

奏銷存剩銀壹萬玖千肆百肆拾陸兩柒錢叁分

此項銀兩係順治捌年餉司奉撤將錢局存錢銅鉛炭等項算爲價值交盤右布政司接鑄就將此銀轉給爐頭充作錢本鑄出制錢分發各屬搭給玖拾等年官役俸工及拾壹年兵餉仍應催各屬編徵條銀照數扣還乃從前經管各官竟無分毫完解罪豈容辭但玖拾年俸工與拾壹年兵餉俱係奉

蠲年分今亦無可追徵除將前官職名揭報該部覈議外此項缺數仍應另行撥補者也至贖贖一

項部撥拾叁拾肆拾伍拾柒年共銀柒萬伍千玖百叁拾伍兩陸錢伍分該司通查按察司贖銀數已未完銀共壹拾伍萬壹千壹拾柒兩陸錢伍分零內除解過戶部銀叁萬玖千陸百兩壹錢貳分零又拾伍年支給兵餉請銷銀肆千肆百陸拾壹兩叁錢又拾柒年兵餉

題留銀伍萬玖千貳百陸拾陸兩柒錢其餘應存爲拾捌年兵餉支用今計已未完止有肆萬柒千柒百捌拾玖兩伍錢叁分零照部撥原數實缺貳萬捌千壹百肆拾陸兩零前據司詳謂贖贖缺額壹萬捌千肆百柒拾餘兩者以朱大典贖產玖千陸百柒拾兩有奇之數先算于捌分餉內今部撥復將此銀歸于貳分項下則捌分內之缺額又當加入此數也通計無徵奉

蠲缺數前

題應補銀壹拾壹萬陸千柒百有奇再又扣入朱大典贖產一項實共壹拾貳萬陸千肆百陸拾玖兩捌錢有奇此皆目前急缺之餉官兵續命

之資誠不容少緩時刻者其危迫情由臣於備
陳兵協二餉疏中已經冒瀆

宸聰伏乞

皇上勅部早爲撥補則萬分緊急之軍需庶不致以
虛欸貽悞而民社封疆均有攸賴矣既經該司
呈詳前來除將布政司造報條晰各欸細數及
經管職名冊揭送部查核外臣謹會同督臣趙

合詞具

題伏乞

勅下該部覆議施行

順治拾捌年拾月初叁日題拾壹月初伍日奉
旨該部速議具奏

再報會勦虎爪山賊疏

題爲再報勦賊情形仰祈

睿鑒事臣自閏柒月貳拾伍日抵省受事節據杭紹
道將塘報虎爪山一帶土寇焚劫公行賊衆謀
犯諸暨蕭山二邑請發救兵日以見告勢在危
迫臣方履任尚未罷管軍務查內地各協官兵
檄調出洋存汛無幾時督臣遠駐溫州調度省
城無兵可發不得已馳檄杭紹金三道調撤守
汛塘兵移緩就急委撫標中軍遊擊葉桂韻統

領存省守兵及臣隨帶効用千總趙寧李天祿
率領閑甲親丁星夜前赴蕭諸二縣相機援勦
隨具有彙報內地賊情等事密疏入

告在案臣慮賊勢猖狂各路兵力不足又經移會督
臣趙提督臣田隨准咨覆陸續發兵併力
合勦去後節據該道協塘報勦撫緣由到臣該
臣看得山賊聚衆數千負隅恃險出沒剽掠擒
人拷餉殆非旦夕皆因調勦官兵平日虛應故
事遂致蔓延地方臣接護理分守寧紹台道知
府吳之樞并蕭諸二邑印官塘報賊衆謀犯縣
治之警卽檄調杭紹金嚴及撫標官兵隨帶閑
甲舊人星馳往援先經塘報密

題已徹

皇上睿鑒矣隨據各官塘報肆拾叁都與賊對敵馬
步官兵用命衝殺賊遂遁去雖以少擊衆互有
殺傷然該縣城郭人民得賴以無虞而賊勢亦
從此大創臣移文調增官兵業經總督提督二
臣相繼發兵合師撲勦嗣後羅山追擊官兵奮

勇當先多有俘馘賊遂奔逃山谷臣恐承突別境嚴飭四路道將堵截各處要隘入山搜勦務盡根株徐家開又有賊首蔡和尚之獲傅家村又有擒獲偽將軍之印守紹道又有偽總兵鄭茂三十三率領六十餘人納械投誠之報自此脅從既散黨翼益孤雖賊首楊四尚逃匿窮山然釜底遊魂不難計日授首也臣接准吏部咨開通省防守地方勦禦賊寇提調兵馬一切軍務俱應專責提督總管奉有

俞旨隨卽欽遵移會總督提督二臣籌畫調遣務期竄匿餘氛盡行殄滅至于前後陣獲賊犯楊集郎等臣會同駐防總管柯魁及副都統司道諸臣逐名審實真賊俱正法梟示審係脅從被擄者公同釋放訖查陣亡隨帶閒甲効用千總李天祿紹協百總曹蓋並傷亡兵丁臣俱一一卹賞報獲軍器發營應用行間文武効命應俟事平彙敘優恤所獲偽將軍銀印見在送部驗銷臣查出洋官兵俱報回汛應聽總督提督二臣

酌發會勦省會無兵臣將隨帶閑甲舊人撤回
防禦外謹將近日追勦情形先行題

報臣謹會同督臣趙 提督臣田 合詞密

題伏乞

睿鑒施行

順治拾捌年拾月拾貳日題拾壹月拾陸日奉

旨兵部察議具奏

叅廳屬悞餉各官疏

題爲特叅邊海悞餉印官以懲積玩事該臣看得
溫區爲邊海要衝主客官軍雲集戍守全藉月
餉按時支給詎謂府縣印官怠視催科節年原
撥額賦動稱荒殘強半拖欠臣受事以來連接
駐防鎮將呼庚之文咸云缺餉幾及半年真可
詫異適值官兵出洋會勦溫州水師左右兩營
餉銀該府竟無分毫措給臣已嚴檄藩司于原
撥之外那借別項銀陸千兩以濟軍行及詳查

完欠數目據司冊開原撥拾陸年至拾捌年該府并各府協濟溫區各營兵餉俱拾分派足內除金衛嚴處等府各年未完者仍聽該司催解抵還那給司庫正餉其未完職官見在查取冊揭另疏

題叅至查溫屬各縣拾陸年實未完銀伍萬貳百叁拾伍兩貳錢零拾柒年分實未完銀肆萬伍千貳百柒拾壹兩貳錢零拾捌年分先撥捌分餉內實未完銀柒萬叁千壹拾伍兩肆錢零緊急軍需拖欠如許雖其歷年通賦根由實因瀕海各邑連年慘被海逆殘破人民流亡以致無徵然臣經檄行道府確勘該府宜自當躬率屬縣履畝踏勘據實冊報以憑請

旨定奪乃復任意因循在平日則置原撥額賦于不問惟有藉口荒殘至呼餉但詳請別項以濟急一任衝邊枵腹倘致變生脫巾豈彼百身所可贖耶臣晝夜思維通盤打算不得不檄令藩司袁一相那發司帑暫濟燃眉並飭該道府設法

催徵臣又念寇殘地方實有無徵田地連年逋欠虛懸餉額必致貽悞軍需曾經于備陳兵協二餉疏內端請滿臣查勘在案但見在積玩有司溺職罪狀臣不得不確查分數據實特叅以伸

功令今將經營各官職名拾陸年分未完各官永嘉縣署印推官沈達等拾柒年分未完各官瑞安縣知縣魯可遠等拾捌年未完各官永嘉縣知縣韓則愈等相應懇乞

皇上勅部嚴加核議從重處分以儆玩悞者也既經

該司呈詳前來除將青冊送部查核外臣謹會

同督臣趙 合詞具

題伏乞

勅下該部覆議施行

順治拾捌年拾月拾貳日題拾壹月初拾日奉旨這經徵玩悞各官着分別議處具奏該部知道

同奏犯弁徐勇等招擬疏

題爲特叅貪橫武弁以肅軍紀以靖地方事准刑
部咨開浙按平 題叅千總徐勇等詐贓緣由

奉

旨徐勇姚進忠唐可大周初俱着革了職并本內有
名蠹犯該撫提問追擬具奏該部知道欽遵抄部
咨院仰司審擬在案今據按察使呈稱云等

因到臣該臣看得徐勇姚進忠唐可大等么磨
末弁婪索爲工不聞守禦之能惟事搜求之術

如見面取結修城等項無一不恣意苛求卽器
皿米豆雞鵝等物無件不更番攫取徐勇計得
贓壹百肆兩伍錢姚進忠計得贓壹百叁拾陸
兩肆錢唐可大計得贓肆拾捌兩兵丁曹管王
班徐六各得贓陸兩勇與進忠可大照例責徒
曹管等決杖革役把總周初雖審無贓私然防
禦無術亦應罷斥但查徐勇等事犯

大赦之前可否追贓免罪應聽部覆

睿裁非臣所敢擅便也既經該司確核前來該臣覆
勘無異相應具

題伏乞

皇上勅部議覆施行

順治拾捌年拾月貳拾陸日題拾壹月貳拾陸
日奉

旨刑部核議具奏

同奏犯弁陶定邦等招擬疏

題爲悍兵殺命事准刑部咨開浙按牟 題叅嘉

興千總陶定邦等緣由奉

旨陶定邦着革了職併楊文等該撫提問擬罪具奏

該部知道欽遵抄部咨院仰司審擬在案今據按

察使呈稱云等因到臣該臣看得陶定邦身

爲將領奉檄撤回水陸分馳全無約束以致管

隊畢廷順下兵丁周德等闖入子衿項繼綬家

索夫不遂持刃行兇既砍其頭顱搜其銀兩復

傷伊子克明克勤手腕腿脇何物悍卒乃兇橫
若此耶周德按律邊戍夫復何辭陳奎同行助
虐楊文在旁不救均配不枉陶定邦紀律不嚴
畢廷順不行鈴束分別杖懲允蔽厥辜楊仁審
不在場相應免議但事犯在

大赦以前應否追贓免罪統聽該部核議非臣所敢
擅便也既經該司確擬前來理合具

題伏乞

皇上勅部覆議施行

順治拾捌年拾月貳拾陸日題拾壹月貳拾捌

日奉

旨刑部核議具奏

入境糾劾有司疏

題爲特糾不職有司以肅吏治事竊惟吏治臧否
民生之休戚繫焉浙省

王師絡繹供億艱繁所在疾苦值此財匱民窮所
藉有司調劑生全更殷且切若乃術工朘削志
在苞苴者何可一日姑息臣受事三月例有糾
劾適又當

輯瑞屆期三載黜陟攸關

大典敢不博諮廣詢以期無負任使茲先訪得貪穢

不職者三人劣蹟昭彰難容民上合諸左布政使袁一相按察使宋琬分守道右叅議張武烈分巡杭嚴道僉事熊光裕分巡嘉湖道僉事上官鑑嘉興府推官尹從王湖州府推官李煥嚴州府推官嵇永福各揭報相同謹將原揭賍欸一一臚列爲

皇上陳之

計開

嚴州府同知孫時出劣蹟

一本官二云

海鹽縣知縣雷騰龍劣蹟

一本官二云

署長興縣事安吉州同知王配乾劣蹟

一本官二云

以上三員官箴盡壞民怨沸騰或任蠹而縱令作奸或借題而公行巧攫均應糾叅議處以儆官邪者也伏乞

勅下該部再行查訪如果臣言不謬將孫時出等及

各蠹役一併查究施行

順治拾捌年拾月貳拾陸日題拾壹月貳拾玖

日奉

旨這所叅孫時出等各款併本內有名人役該督親
審確議具奏該部知道

大計露章糾叅疏

題爲糾劾方面有司官員以備

計察事切惟三年考績八法繩愆首摘大戾亦不遺

小訾次嚴見在毋姑容去任斯皆黜幽陟明之

鉅典誠慎且重也臣受事方新適當屆期惟恐諮詢

之難周則致勸懲之失當故日進藩臬諸司諄

戒矢公品騰弗少寬方面而偏議有司弗徇庇

大奸而過求卑秩再三丁寧務協輿論三月以

來悉心廉訪如同知孫時出知縣雷騰龍州同

王配乾貪婪不職臣例有入境之糾業經具疏
論劾矣茲據司道府廳之揭報合臣聞見之所
及應在露章之列者又得十有八員因稽往牘
浙省從來

計處方面有司總之不過一十五員較之今日先後
叅論亦謂寧嚴無縱矣其餘見在司道守令或
錢糧掛議或服官平常臣以履任日淺知之非
真未敢過于索癥亦未敢信無倖漏容臣次第
體實有聞必

告斷不敢少假也至于應舉卓異一項臣查撫屬各
官才能稱職者固不乏人若如近日科疏條議
所謂錢穀全完治行絕倫者實難其選臣亦何
敢漫焉謬薦自貽欺罔之咎也相應免舉謹將
應劾方面有司各官一十八員劣蹟一一爲我
皇上陳之

計開

應劾官員

驛傳道陞任副使楊世學賦性乖張耽

情廼槩收支慢視徒煩夫役之哀呼
料理無長遂致軍需之坐悞此一官
者所當照浮躁例降調者也

衢州府見任知府甘日進術攻攫取政
尚殘苛虧鋪行而賠累噴有煩言縱
皂快以作奸人皆側目

孝豐縣見任知縣夏騰高借題派索巧
爲無藝之求任蠹婪私甘作叢奸之
藪官常盡墮民怨實深

署長興縣事紹興衛裁改經歷吳玉已
官常裂檢利欲薰心那條銀以縱冒
借之私解兵餉而實侵漁之橐以上
三員均當照貪例處分提問追擬者
也

台州府見任同知程浩稽察全疎政行
多舛防海則玩弛飭備署印則苛濫
擾民

仁和縣見任知縣張夢麟縱羣小之玩

侮誘諸事于廢弛銷掣不清供輸多悞

嘉善縣見任知縣張于廷人人侮法事
事叢奸錢糧縱羣蠹以侵延夫役聽
多僉而擾累

武康縣見任知縣白之宇夏楚作威既
速毒民之謗帷薄不飭更貽納婦之
譏

象山縣見任知縣董醇生疎于察奸吏
役因而舞弊昏于聽譖蠹皂得以婪
私

蕭山縣丁憂知縣黃應宮聞喪無哀感
之容縱蠹有侵牟之弊讀禮遺譏臨
民有愧以上六員均當照不謹例議
處者也

温州府降調知府劉冕當遲暮之顏齡
復衰殘而多病難容尸位亟畀投閑
景寧縣見任知縣蘇筠景逼崦嵫時親

醫藥不堪臥理動致廢弛

臨安縣丁憂知縣董承志抱病日久曠職良多付事理于不聞任追呼而罔應

平陽縣見任知縣高儀坤手足不仁徵輪滋悞方巖疆之多事豈病廢之養安以上四員所當照年老有疾例休致者也

溫州府見任知府孟希舜督核無能誘推貽誤時值兵糧之並急莫展

之一籌

東陽縣見任知縣李杼玉政令下移昏庸實甚任欺朦而罔覺縱派索以行私以上二員所當照不及例降調者也

金華府陞任通判張璠遇事每多率意臨官動見乖方聽訊任情株牽滋累常山縣見任知縣項時亨夸炫自多更

張無序徒有凌人傲色全無剔弊實
行以上二員所當照浮躁例降調者
也伏乞

勅下該部院覆核分別議處施行

順治拾捌年拾壹月初壹日題
貳月拾伍日

奉

旨該部院知道

題覆韓侍橋等招擬疏

題爲倉橐侮辱道官大干法紀縣官誤漕養奸全
無振剔謹特疏糾叅仰乞

睿鑒處分事案准刑部咨開漕運總督蔡 題叅倉

蠹吳涵等侮辱道官緣由奉

旨據奏倉蠹吳涵等桶和漕米侮辱道臣大干法紀

着該撫按嚴拿究擬具奏高登雲等着從重議處

具奏該部知道欽遵抄部咨院仰司確審在案今

據按察司呈稱 云等因到臣該臣看得嘉禾

鼓噪一案緣販夫韓侍橋吳涵等俱以積猾攬充與旗丁爭持交兌致方應泰遂給楊澄等發激糧道臨倉取米壹石榻殿適有柒升陸合之折而侍橋等通盤合算遂訛傳有陸千伍百餘石之增一時糧里諸人蜂屯蟻聚閭辱頻加此倉蠹鼓衆之申所由來也今屢經駁勘而鼓噪情罪雖云事起烏合不能執一而問若訛言倡衆實侍橋等號召所致並遣洵不爲枉運弁楊澄等縱丁指勒與索加之應泰均杖何辭龔仁初陸敬審不在場相應免罪知縣高登雲遵照部覆革職免擬至于是日鼓噪秀水原無干涉止以同在郡城並罹叅處相應併覆查各犯俱在

大赦以前應否原宥所當聽部核議者也既經該司確擬前來該臣覆勘無異理合具

題伏乞

皇上勅部議覆施行

順治拾捌年拾壹月拾壹日題拾貳月拾捌日

奉

旨刑部核議具奏

報浙西賊寇斬獲情形疏

題爲彙報浙西盜賊情形仰祈

睿鑒事竊惟兩浙爲財賦輿區年來寇盜充斥皆由
地方文武玩忽疏防以致民不聊生頃因浙東
山賊橫行臣移會總督提督二臣會兵援勦業
經兩次具疏上

聞矣茲浙西郡邑半居水鄉各處積盜出沒于巨浸
之濱窟穴于荒山之麓或聯艘行劫或擒人拷
餉肆害有年臣受事之初所在見告時未罷管

軍務嚴飭各該道協設法備禦力嚴保甲酌發官兵相機撲剿去後節據道協詳報斬獲劇寇緣由到臣該臣看得浙西郡邑係山陬水窟之地久爲盜藪以致張潤嘴等出沒流毒擒人拷餉失事頻聞今歲官兵調赴海洋內地單虛且亢旱爲災盜風易起加以浙東撲剿餘孽獸奔鳥逸據各地方呈報賊情不一已經嚴檄道協并節移總督提督二臣酌調迅勦務期盡掃根株以靖地方今于拾壹月初叁日通寇張潤嘴一朝授首其江干於潛崇德等處各盜俱陸續報有斬獲從此搜勦餘氛蕩平可計日而待矣除仁和縣一都九畝疎防各官先經疏叅外其餘有功員役并失事職名通俟查明另疏具

題用昭勸懲事關彙報盜賊情形臣謹會同督臣

趙 合詞密

題伏乞

勅下該部查照施行

順治拾捌年拾壹月拾玖日題拾貳月拾陸日

奉

旨兵部知道

報練餉限內難完情由疏

題爲各省鎮兵餉找撥屆期請動所增練餉以濟

軍需事據布政司呈詳云等因到臣該臣看

得加徵練餉部限文到兩月全完此誠至急之

軍需也浙省應加銀兩計該肆拾柒萬玖千壹

百餘兩行催各屬先已完過銀貳拾捌萬壹千

伍百餘兩其餘未完臣嚴檄疾呼不遺餘力茲

據司詳未能全完之故如溫處荒殘正供每多

逋額加徵更苦不前又寧台溫沿海編氓遷移

失業方在彙冊報查又杭金衢嚴溫處石山灘
蕩加賦不堪尚求減派至于今歲旱災所在見
告且諸餉一時並急雖追比嚴切苦于法無可
施凡此艱匱之情亦由事勢使然也但部定限
兩月之限業已屆期臣又何敢少爲寬假先蒙
逾限不完之咎行據該司查取已完未完各官
職名分數造送冊揭相應據實

題報聽部查照分別紀錄議處用昭勸懲倘蒙

皇上垂念地方遼廣山陬海澨災旱遷移兩月之間

派徵加餉肆拾餘萬卽行文知照亦往返靡及
誠難限內全完或將未完各官稍爲寬貸責令
嚴限催科出自

睿慈鑒原非臣所敢擅議也既經該司呈詳前來除
將杭處等府屬及各衙所職名冊揭送部查核
外臣謹會同督臣趙 合詞具
題伏乞

勅下該部覆議施行

順治拾捌年拾壹月拾玖日題拾貳月拾肆日

奉

旨該部核議具奏

回奏犯弁沈海招擬疏

題爲營弁殺妾殺子據實

題叅事准刑部咨開浙江總督趙 題叅都司沈

海殺死妾男緣由奉

旨沈海着革了職併本內有名人犯該撫按提問擬

罪具

奏該部知道欽遵抄部咨院仰司審擬在案茲據

按察司呈稱

云

等因到臣該臣看得沈海之

手刃其二妾弁及於幼子也蓋因其弟沈全同

居官署一蓄疑于登樓會飲再懷猜于佔產通
謀是以禍起一朝連殞三命臣嚴加駁勘究之
金銀畜產盡屬子虛姦估情形終無實據伊子
沈起蛟之確供不移揆厥人情未有左袒其讐
而忘天性之親者矣則沈海之病癩殺人狂言
無據固已衆口如一律加擅殺其妾之罪城旦
允協沈全不避瓜李之嫌重杖非枉但事犯在
大赦以前可否免宥應候部議

具
睿裁者也既經該司確擬不該臣覆勘無異相應

題伏乞

皇上勅部覆議施行

順治拾捌年拾壹月拾玖日題拾貳月拾肆日
奉

旨刑部核議具奏

條議安插寧台溫遷徙人民疏

題爲欽奉

上諭事案准戶部咨開恭接

上諭諭戶部前因江南浙江福建廣東瀕海地方逼近賊巢海逆不時侵犯以致生民不獲寧宇故盡令遷移內地實爲保全民生今若不速給田地房屋小民何以資生殊非令其遷移保全之意四省遷移人民着各該督撫詳察酌給田地房屋務須親身料理安插得生使小民盡霑實惠不得但委

屬員草率了事如料理不周小民不霑實惠或破
民控告或別經發覺定行治罪爾部卽遵諭速行
特諭欽此欽遵案呈到部移咨到臣該臣欽奉

上諭移會督臣趙 隨准回稱因會同部員巡視沿

海邊界約季冬方得訂期親臨詳察至拾壹月

內部郎木祿等事竣回省復准督臣移會前來

臣隨具疏

題報于拾壹月拾玖日自甯起行由寧波台州前

赴溫州會同督臣詳察酌議料理安插一面先

行寧台溫各道府備造遷徙人民戶口及

田土等項清冊去後續據分巡紹台道僉事楊

三辰呈稱該本道看得遷移之民中有叁等其

壹業主原係城居擇于海鄉立庄者今所遷移

乃其鄉庄其戶籍仍在安插已有着落似乎無

容再議其壹戶族親黨雖世居海鄉姻連枝屬

半在腹裏壹奉遷移各自投親認故接連依傍

早已招留安插似亦無煩指陳惟有壹等人非

土籍有流寓寄居靠海求食傘門獨戶罷癯孱

弱不能自立者據府查有天仙荒田冊報共田地四萬壹百壹拾柒畝陸分零照人授畝隨田搭房分任官給牛種開墾三年成熟照例起科此外田畝不足或以別郡荒者分給之又界外之舊道并練餉之新增具

題豁免俾已棄之田獲免追呼而失業之民立腳有地於安插

皇仁無或遺議矣合將文冊呈詳等因又據分巡處道副使萬朝呈稱該本道看得甌郡遷界

口據各縣報稱參萬肆千柒百伍拾有奇

遷民屢年海道摧虐幸遷界內乍安喘息伏聞

皇仁軫念撥給房產瑣尾懼呼更生有望今據該府

屬詳稱遷民有原係城市居址界內田落棄置

雖無恒產尙未顛連者其有依親傍故甫離都

井田處界內猶得枝棲托業者似無過厯

宸衷獨此四顧無門棲身寺廟結草薙岩資生乏策

號寒啼饑深宜憫恤夫界內凋敝村落並無可

移之房惟是成熟土田所在皆非閑產今各縣

皆以寇荒田土請給爲詞所慮者荒田可給而
遺額未蠲不先重累失所之民乎夫貧民開墾
尙有量給牛種三年成熟起科之例矧以失所
之民望

思若渴俯俟

題蠲額課之後優給牛種另酌以起科之例就近
撥給則實惠可沾而流離庶有利賴矣等因又
據分巡海道右叅政兼副使馮瑾呈稱該本道
看得近海之民久罹火勦使之遷于內地
寧宇又慮失業之氓資生無策查給房屋田產
故

明旨甫下流離之民室家相慶也奉院履畝而撫煦
之論以

朝廷至意流民更相慶如初地方有司敢不力行使
流民早沾一日之惠卽早得一日之安今計寧
波一郡遷徙男婦共壹萬有奇目前皆托居里
鄰親戚暫相依倚雖無露處而終非其定居而
各屬又無官置房產可以給與且遭亂荒蕪之

田俱在界外其界內皆有王熟壤而大戶不過一夫之田小戶亦纔數畝勢難奪彼以與此無已請于通省內郡清查無王積荒通融撥給似爲計之得矣然田不知何所目前之所居者去田旣遠恐不便于耕且產業蕩盡牛種無資又不能耕該府議請特疏具

題發帑以賑濟之使之葺茅宇備犂種庶乎田廬相依興作以時如此則可爲得所矣今查寧波所屬除慈邑無遷民亦無荒田不問外惟奉邑

有荒田貳千餘畝象邑荒田山共叁千餘畝奉邑遷民少僅足以給本地之人象邑不足以給遷移之半若鄞縣若定海界內毫無荒田惟仰望于別郡荒區撥給於以廣沛

皇仁是流民與有司所旦夕仰望者也等因各到臣據此該臣看得寧台溫三郡瀕海居民逼近賊巢久困水火蒙我

皇上遠念封疆重計遷其民于內地予保生全復憫流移之苦時頒

上諭命督撫酌給田房親身料理溥哉

皇恩澤及萬姓曷有極也臣敢不仰體

德意悉心調劑其期相安惟是巡行所至沿海郡邑

日進道府有司再三議論咸云界內受廩編戶

業皆世守輪糧若強議抽撥誰甘舍自己之產

割與無闕切之家恐爭端羣起紛紛構怨寧有

已時地方各官力陳非所以安民適足以啓隙

也據各屬申詳遷徙之民有言依親僦居者有

言佃田得所者有言編成保甲者有言安插樂

業者率皆苟且報竣臣自寧波由台郡以抵溫

州經過各邑或罹寇殘或被兵火市井蕭索城

郭丘墟沿途難民鵲衣鵲面擁臣馬首環呼乞

賑者處處皆然臣量爲捐俸一一慰遣批行各

府確查救濟相晤督臣趙 熟商撥給別無可

計因查寧之奉化冊報寇荒地共貳千陸百

餘畝台之天仙貳縣冊報寇荒地肆萬壹百餘

畝溫之永嘉清瑞安平陽肆縣被寇被災荒

蕪尤甚冊報共有貳拾玖萬柒千柒百餘畝俱

在界內各該有司僉議量給荒田使之開墾臣
與督臣傳集道府各官細加籌畫惟有撥給荒
田之議可以權濟目前然臣等又念流離窮民
廬舍毀焚田園棄置再有何力能自耕荒倘非
破格賑濟官給牛種實無良策安此拾萬之生
靈也臣伏思前年蒙

世祖皇帝因滇黔初闢特發

內帑壹拾貳萬兩令督撫分賑兩省真正窮民深
山幽谷靡不感頌茲瀕海郡邑久隸編氓一朝
盡徙界內尙無尺椽寸土棲身置足民生困苦
甚于滇黔仰懇

皇上量撥餉銀散給窮民置買牛種搭蓋茅房就依
荒田安插分耨起哀鴻于中澤化廢土爲樂郊
一舉而兩利之計也臣非不知時丁多事

國用維艱奚敢謬爲引籲但奉有酌給田地房屋
不得委屬員草率了事如料理不周小民不霑
實惠或被控告發覺定行治罪之

上諭煌煌

天語不寒而慄臣等再四會議既不能抽撥有王田
房以致控告爭執且無官田民業可議撥給又
乏存留無碍可行搜括臣如與有司扶同塞責
謾云安插事畢是置民瘼于罔顧欺誑

朝廷有悖

上諭豈臣子忠公奉職之心亦義之所不敢出也故
不避瑣聒冒瀆

宸聰伏冀

鑒察或復別有定奪聽部酌議非臣所敢必也至查

參府屬邑冊報前項寇災田土內溫區地方業

經督臣趙具

題一次其餘寇殘地畝向雖駁行文勘經營各官

因循怠緩俱未報明以致歷年餉額虛懸無徵

臣接管嚴查于備陳兵協二餉及叅溫區悞餉

各官疏中節次

題明在案今臣頒發冊式責成各道及府正各刑

官分任丈勘俟冊報齊會疏題

請蠲除荒額然後酌量撥給田地查參府冊報遷徙

丁口內寧波府屬男子婦女壹萬壹千柒百壹拾肆名口台州府屬男子婦女共肆萬陸千陸百壹拾伍名口温州府屬男子婦女共叁萬肆千柒百伍拾陸丁口臣與督臣細察內如本戶原居城市及在界內村坊其有庄田棄在界外者則十之一二此一等之家房地猶存丁口如故似可弗撥荒田若願自承種者聽如本戶不能力田向來手藝營生又有親戚相傍者則十之二三彼既不諳農務此一等之人亦可弗給荒田如本戶向來倚田爲命今地棄房毀以及農工耕作赤手貧民無家可歸無土可耕者則拾之伍陸此壹等之民流移失所扶老挈幼寄跡露處最爲可憐均當酌撥荒地賑濟資生臣稽開荒原有古制按會典浙省衛所開載屯田計丁受畝每戶給田不過壹拾陸畝臣等以爲撥給荒田亦倣此制清查前項專力務農此等人戶每壹丁壹口授田壹拾畝編立壹戶給照管業每同井肆戶共給官牛壹頭量與賑濟資

本搭蓋茅草房屋依田耕鑿叁年成熟照例起
科一切夫差毋許派當如有故違告發叅處則
笑笑斯民安棲田里俾獲老幼完聚而無流散
失所之悲皆沐

皇上再生之恩永永無盡矣其棄置田地丁口額糧
數目文冊見檄司道府縣公同丈量俟造冊到
日另疏題

請豁免除寧台溫叁府造到遷徙戶口冊送部察核
外臣遍歷海濱廣諏民隱酌議會同謹會同督

臣趙 謬陳管見如果臣等所言可採伏乞

勅下該部查議行臣等遵奉施行

康熙元年正月貳拾伍日題貳月貳拾壹日奉
旨該部議奏

題報借給溫區缺餉疏

題爲彙報溫區兵餉歷欠情由並陳虧額那惜濟
急顛末據實具疏

題明事該臣看得溫區郡邑瀕江負海首爲衝險
主客官兵雲集戍守環甲荷戈惟餉爲命詎容
少給查拾捌年各營餉米藩司十分撥足坐派
該府照額徵給有司各官自當預爲設法支給
以時孰謂藉口荒殘寇變爲辭積逋缺額每致
士卒呼庚臣自受事之始節據溫區水師鎮將

以月餉壓欠出海期迫大聲移索不得已那給
司庫別項銀陸千兩駐防樂清山永營副將賀
世虎官兵壓欠半年嗷嗷待哺又那司庫銀叁
千兩急濟饑兵卽于去年拾月內具有特叅邊
海悞餉印官一疏將經營各官

題叅奉

旨處分在案臣一面嚴檄該道府設法追徵適奉

上諭遷徙沿海人民棄置界外田土應蠲糧額爲數
甚多各營月餉日益壓欠有至半年七個月無

糧者索餉之文日以見苦情詞危切寢食靡寧
時臣奉

命親身料理安插人民介馬星馳沿海地方途次接
准督臣咨扎具言餉詘兵饑且值歲暮邊海要
地軍心生變脫巾可虞臣念瓊廉故事深以爲
慮不敢坐視貽悞封疆而與督臣熟商不得不
復借司餉叁萬兩權以濟急用懃饑軍此項餉
銀應檄溫屬徵補抵還但各邑人民遷徙田土
棄置原額銀米虧缺無徵臣見在查取應免田

欽丁糧文冊細數到日另疏請

旨聽部察核定奪事關借給兵餉臣謹將先後始末

情由會同督臣趙 合詞密疏

題明伏乞

勅下該部查照施行

康熙元年正月貳拾伍日題貳月拾捌日奉

旨該部知道

覆花水無募疏

題爲要地戰守非輕水師實益宜講部議拘執成
例兵卒萬難偏廢亟懇

睿裁以無悞機宜事該臣看得江南派募捕舵水手
用之以操舟出洋必須慎擇善知風候慣識水
性者方可克之非同陸兵敢于率募致悞軍機
大事也臣履任以來節准江督移咨屢檄嚴飭
寧台溫叅郡濱海各邑立限召募不遺餘力如
寧屬定閩設有水鎮各營駕船捕兵每報事故

懸缺無補自顧尙不暇給安能舍已從人台溫
貳屬頻經寇犯沿海漁民以及水師兵目或係
死徙或爲刼去被賊搜掠靡存各該道府具詳
甚悉也是以應募無人督臣趙 前恐有悞軍
務將各官具疏叅處奉

旨罰治無奈有司惕于

功令混派里甲妄報鄉農塞責克數查寧台溫先後
報解共壹千貳百捌拾名內有中途病故紛紛
逃亡無從追獲又如陳壽等捌拾壹名解至江

寧控告俱係田夫不諳舟楫業經江督封詞駁
回則浙省實無應募之情可以槩見也臣自奉
命安插遷徙人民自寧波歷台州以至温州沿途百
姓及老幼婦女擁臣馬首泣懇僉報水手苦累
莫辨耕農不分手藝盡爲差拘如捕羈囚號呼
徧野不忍見聞投詞控訴幾于克棟矣臣念捕
舵水手駕船出勦實司三軍性命爭戰在浩渺
之中衝犂于對敵之際此豈小故乃可以負枵
山樵漫焉輕試臣一一批行各道查審不識風

濤者釋放歸耕外惟是寧台溫地方既無願募之民又當遷徙之後一聞強報所在逃亡茲據各道有司激切備詳絕無可募各具印結前來臣亦何敢緘默不言自蹈貽誤軍機之咎也伏思江南蘇松常鎮淮揚陸郡俱瀕大海各沙漁民實繁有徒幅輳既廣召募非艱原與浙東壹隅大相逕庭仰祈

皇上仍勅江南督臣就近選募足額庶免耽誤重務卽如臣屬各區水師經制捕舵水手因募補參載尚未足額去年兩經兵部密覆行催速定經制一疏將督臣趙 前撫臣史 及水營將領題叅罰俸奉

旨欽遵有案可稽誠無撒豆神術再爲江南募解亦非敢過于飾詞諉卸其任也臣雖罷管軍務但前准部咨責成購募今既無覓不敢不以目擊生民困苦情形據實上

聞謹將寧溫貳府民詞抄冊送部察核定奪臣謹會同督臣趙 合詞密

題統乞

勅下該部議覆施行

康熙元年正月參拾日題貳月貳拾肆日奉
旨已有旨了該部知道

請豁駁減李艷陽軍器價值疏

題爲查叅未完

欽件事案准工部咨開該本部得查叅區造過軍器
浮用銀兩何得藉稱烏槍加長綿甲加厚物料
增添日久而不行追解息玩之咎何辭事關錢
糧應將經管各官請

請

勅下該撫照數速追解部等因奉

旨是依議速行欽遵抄部咨院仰司嚴追在案茲據
布政司呈稱云等因到臣該臣看得廢弁李
艷陽順治柒年間委造出洋勦賊軍火器械一
案部駁減追浮價捌千玖百捌拾陸兩有奇事
經拾有餘年承追各官嚴限追比竟無完結如
前任布政使胡文暉許文秀員盡忠白秉真栢
州府推官紀元俱經議處在案臣因細詢從前
難完情由據接管布政使袁一相李茂推官紀
元節次具詳當年委令李艷陽監造軍器時有

前任都統金

劉

副都統徐

吳

同前督

臣陳 前撫臣蕭

會商海洋勦寇堅甲利器

最爲先務製造烏槍加長棉甲加厚鉛鐵等彈

俱照時值給辦似不能與豫省產地同日而語

故所費工料逾于部定價值有案可稽事非本

弁擅主其議而有浮冒之弊也前此督撫失于

題明後來銷算失于聲說以致部議駁減一旦坐

追艷陽名下何術賄補如許金錢及查原領匠

役星散外府無從勾問赤貧一弁累歲羈囚無

產可變且曉曉稱寃情殊可矜前撫臣秦 陳

史 三次具疏請

旨蠲豁備陳始末已極詳晰蓋知前項工價俱係實用非同侵冒之比可以株連懸坐也部覆不允復令嚴追茲又逾年敲朴監比已窮于法仍然無贖該司與刑官咸謂少可詠求斷不以已之功名曲徇待盡之弁自貽罪戾卽再加叅處亦無濟于事援引

御極赦詔請爲豁免情詞真切誠非假飾仰祈

睿鑒遠年軍器價值原由都統督撫會議酌定實非承造侵欺前後撫臣節次具疏可據此萬難完結之事應請

勅部議豁銷案用廣

皇仁庶

欽件不致徒懸接任之官或免無辜之累矣此案部咨前撫臣立限三月完解該臣蒞任接管限期久違當經具疏寬限復因奉

諭安插遷徙人民又經疏

請展限在案既經該司呈詳前來不敢不以難完緣

由據實上

聞相應一併

題明伏乞

勅下該部覆議施行

康熙元年貳月初捌日題叁月初柒日奉

旨工部議奏

回奏范印心圈房並無受賄疏

題爲直糾貪濫道臣受賄違

旨壞制殃民仰

勅嚴處以儆官邪事案准吏部咨開該臣等議得科

臣汪之洙疏叅杭嚴道范印心添駐滿兵原撥

駐錢塘門因城內房屋倒壞議于城北圈撥民

房居住滿兵有候選知縣鍾運泰懼圈已房通

謀印心令城北居民共出銀肆萬餘兩過付與

印心于是謬爲公議之舉僉謀于衆其與議者

皆城北鄉紳城南鄉紳翁祖望急趨爭之印心
置若罔聞又虛張聲勢誘同滿州踏勘城北百
姓不會其意譁噪而不能禁遂將三橋址洋壩
頭直至東平廟巷盡行封佔又督臣趙 據士
民輸助蓋造營房呈詞咨部准行撫臣佟 議
于滿州城內照舊添設房屋首願捐俸以爲倡
士民靡不樂從而印心嚴禁仁和錢塘貳縣不
許輕收輸助杭民怨恨至今未已等語范印心
相應解任其科臣所叅情節并疏內候選知縣

鍾運泰一併請

勅下該撫逐件嚴查的確據實具奏以憑再議等因
奉

旨是依議嚴行欽此抄部咨院行司確審在案茲據
按察司呈稱云 等因到臣該臣看得科臣疏
叅原任杭嚴道范印心圈房受賄情節部覆行
前撫按臣逐件嚴查歷據司詳先後審勘滿兵
房屋部文原行在附營連邊側近處所督臣趙
於官兵未到前參月卽已會集各官踏勘派

定湧金門一帶通國士民共相見聞初非先派
城北再改城南也圈撥既有定議城北何煩賄
免據審鍾運泰力辯已房不在應圈之列從未
爲城北關說及歛銀肆萬之事南北士民共爲
運泰抱白俱有不扶甘結而鄉紳翁祖望亦稱
每次會議在籍各紳共集與聞原無與該道力
爭之言也又審誘同滿州踏勘城北爲百姓關
柵擲土據士民馬鳴良等辯稱撥房已定該道
豈能誘勘既未踏勘又何有擲土關柵之事至
於捐造營房誠有大戶伍錢小戶叁錢之說此
係失業之民願行輸助于滿營建造冀可復還
已業然催督淹時仍同築舍前督撫按臣恐事
涉科派將所輸捌百餘金

題明發還則又非該道之有阻撓也臣以事關賍
案嚴行駁審乃供証情節終始不移所當據實
具

報聽部覆核定奪者也查此案原行前撫臣佟

按臣楊 查

奏佟 被逮進京接任史 告病離任按臣楊

又以按差奉撤致未查

奏該臣接管再疏具

題寬限在案理合一併

題明既經該司呈詳前來臣謹會同督臣趙 合

詞具

題伏乞

勅下該部查覆施行

康熙元年貳月拾陸日題參月拾伍日奉

旨該部知道

盤獲妖僧疏

題爲妖僧惑衆騙拐逃人盤獲器械有據事據按

察司呈稱

云

等因到臣該臣看得妖僧羅漢

忽冒皇姑忽稱西域異言異服惑衆招搖收養

亡命逃人妄言王侯供養尤可怪者海禁何等

森嚴輒復公言朝海道路聲張索兵列械當此

多事之秋凡此人妖皆干

國憲所當據實具題

勅部從重議處以除奸宄者也既據該司詳覆前來

相應具

題伏乞

勅下該部察議施行

康熙元年貳月拾陸日題參月拾陸日奉

旨據奏妖僧惑衆騙拐逃人盤獲器械大于法紀并
本內有名各犯着該督嚴拿究擬具奏該部知道

撫浙疏草目次

卷之二

報解僞王朱在鉞疏

回奏汪謙自縊疏

叅唐大武縱丁毆官疏

題覆重犯龔昭實招擬疏

條陳漕船灑帶白糧疏

題覆白糧經費疏

回奏許煥供招疏

報解僞王朱在鉞疏

題爲勦獲謀叛僞王解請

明旨定奪事該臣看得浙省邊海巖疆逆氛未靖奸
先伏戎招亡聚叛固非一日臣去年蒞任之初
浙東虎爪山賊竊發謀攻城邑時臣尙未罷管
軍務檄調杭紹金嚴道將并撫標官兵及隨帶
閑甲舊人星馳赴援一面移會總督提督二臣
發兵會勦又據道將塘報浙西大盜相繼猖獗
復發兵驅勦逋寇張濶嘴尋經授首故明廢宗

回奏郭真儒招擬疏

題覆王賢等侵蝕絹價疏

報節年閏餉全完疏

彙報浙屬饑荒疏

報獲巨寇唐起凡疏

題報誣叛重犯徐文煥招擬疏

回奏員盡忠叅款疏

請豁故犯范德賍銀疏

回奏高鳳起招擬疏

再報紹屬奇荒疏

預儲邊海糧米疏

議覆出洋進勦事宜疏

回奏吳逢聖叅款疏

回奏故令李景勛叅款疏

回奏楊鼎瑞供招疏

回奏陳廷楹供擬疏

題覆平瑞失事疏

條議土寇不得濫准投誠疏

題覆應裁倉官驛丞疏

覆奏劉璽招擬疏

回奏趙秉和招擬疏

題請拾捌年災荒流免元年錢糧疏

覆奏叛犯周澄江自行投監疏

回奏王太寧等招擬疏

題報逃人孫德等夥劫招擬疏

題覆假印重犯李熹援赦疏

回奏閩道泰招罪疏

回奏鹽徒朱二十等招擬疏

朱盛治連通海逆潛入內地幸就擒獲臣俱節
次先後

題報上徹

宸聰矣但兩浙賊夥雖經俘斬餘孽奔逃根株尙多
未芟復移督提二臣會委杭協副總兵王可就
責令督勦務收蕩平之效隨據副將王可就搜
歷層山扼險佈伏復于黃山等處斬殺賊首僞
僉都御史周君太僞監軍道繆四僞總兵小李
三等及各賊級并獲僞印僞劄旗帳甲仗等項

浙東寇黨漸次可得殲除惟浙西賊寇飄忽
掠更有盜線盜窩爲之護庇該將細加根搜復
于於卸叉等處陣斬逆賊伍百肆拾餘人又大
寇唐起凡等黨附實繁陰納故明周藩孽宗朱
在鉞立爲四王子稱戈聚衆扇惑愚民羅拜封
官祭旗犒宴臣先密諭該將深入巢穴設法搜
勦茲據王可就統率隨征將士搜擒僞王朱在
鉞僞副將吳振甫僞叅將沈德僞糧道程彥夫
巨窩施燬唐恩鮑起龍張治虛伯古見等又獲

偽將軍錫印壹顆解赴公衙門臣隨會同將軍
柯 及副都統司道府廳公審朱在鉞廢藩遺
裔通謀海逆同巨窩施燼入唐起凡營寨散布
偽印偽劄號召部署祭旗羅拜宴會等情各供
如繪當與見獲之吳振甫沈德程彥夫唐恩虛
伯古見張治鮑起龍等均難違謀叛之條者也
除寇首唐起凡見在窮搜務獲并口供未獲各
犯俱密緝擒拿外時值春汛海警頻聞朱在鉞
等各犯未便久羈省獄臣卽差官押解進京由

水路起行相應請

旨勅部收審定奪內犯吳振甫一名據伊供出各犯
尙多未獲應暫留在浙俟密拿各犯到省質証
明白另疏起解相應

題明其所獲偽印偽劄一併送部驗銷旗帳甲仗
等項發營收用至副總兵王可就及隨征官兵
涉險搜勦擒王斬將懋著勞績應否叙錄所當
聽部察議者也臣謹會同鎮浙將軍臣柯 督
臣趙 提督臣田 合詞密

題伏乞

勅下該部核議施行

康熙元年貳月拾陸日題叁月拾肆日奉

旨兵部察議具奏

回奏汪廉自縊疏

題爲特糾道臣威逼有因縣令投繯可異仰請
勅部嚴查重處以肅吏議以昭

國憲事案准吏部咨開該臣等議得科臣徐惺疏
叅鄞縣知縣汪廉投繯一案據該督撫二疏內
稱道文則稱身死府文則稱縊死道府互異其
中大有情弊隨行確查乃該道回稱該縣脩硤
估價憂惶所迫而按察使毛一麟則稱該縣輸
放軍需憂慮自盡是否確情等語臣之所聞則

汪令將科場作弊一案流徙重犯李燧升解部
家口不准輕保在外不意該道痛加辱詈以致
汪令含冤身死且該府報曰縊死而該道則報
曰身死情弊彰彰若謂取有伊男結狀該道何
難威逼甘結以爲口實等語查縣令職膺民社
豈肯輕生自縊汪廉之投繯其中必有意迫不
得已之情李國棟相應解任請

勅該撫按將汪令致死根由的係是何情節嚴加察
究李國棟申報與該府所報互異是何情弊及
有無因不准輕保重犯家口辱詈致死威逼伊
男甘結等情逐一嚴察據實明白具奏以憑議
覆可也等因奉

旨依議嚴行欽遵抄部咨院行司確審在案茲據按
察司呈稱云等因到臣該臣看得原任海兵
道李國棟以呈報鄞令汪廉身死與府文互異
科臣疏叅謂汪廉自縊因李燧升解部家口不
准輕保爲該道辱詈含冤所致該臣接管弔查
原卷再三駁勘茲據司詳李國棟先報汪廉身

死原據典史張廷讚之申審據廷讚初供謂未經目擊不敢輕信隨役之口故以身死報道迨與汪永璿面驗縊死是真回縣遂以縊死報府嗣後申詳道文復經續改縊死此當日互異之情由也至于致死情節歷勘皆云該令以軍需礮價兩事憂迫遂以身殉隨役毛倫等供無異詞其子汪永璿等又謂實因錢糧無措惶急自盡豈肯輕置父讎自甘扶隱且具有如虛甘罪之供詞及查李燧升家口起解查係拾伍年拾貳月初貳日在前署縣通判譚啓運任內之事汪廉始自拾貳月初陸日到任事非經手原無該道辱詈之情汪永璿出結實非該道威勒使然前後供審相同該臣覆勘無異所當據實題報聽部覈議定奪既經該司呈詳前來相應具題伏乞

勅下該部覆議施行

康熙元年貳月拾捌日題叁月拾伍日奉

旨該部知道

叅唐大武縱丁殿官疏

題爲悍弁梟軍賄匪民船阻撓軍務擁衆拒殺職
官白晝反叛異常大變事據按察司呈稱云云
等因到臣該臣看得閩旋大兵先准福建撫臣
咨會用船棚百隻事關緊急軍務卽檄行驛傳
道先期料理尤恐取備不敷並行嘉湖二郡分
道封刷湖郡同知顧玉鉉查有民船多係領運
弁丁庇匿漕船封內本官親詣搜貼詎爲温州
衛旗丁俞應傑柳三麻子蘇弘綱黃大受林仲

華蘇光彥等倡首鳴鑼擁衆拒毆甚至毀裂冠裳官役俱受重傷口中安知有三尺乎臣思嘉善縣豪奴肆惡毆官于前旋有湖州府悍丁行兇毆官于後轉相効尤

國法何在遂嚴行該道止據拿獲爲首行兇水手諸錢陳二呂大等發司會審各犯確供的係兇應傑等首行肆橫今皆畏罪潛逃臣復檄糧道前去水次督漕開行著落運弁根追各犯獲日另究外但隨幫守備唐大武縱容旗丁匿船坐視毆官擒役罪已難逭而又曲庇兇首不即解盡爲遠遁溺職殊甚所當據實

題叅從重議處者也既經會詳前來臣謹會同督

臣趙 總漕臣蔡 合詞具

題伏乞

勅下該部覆議施行

康熙元年貳月拾捌日題叁月拾肆日奉

旨據奏領運弁丁庇匿民船拒毆官役大干法紀會應傑諸錢等着該督嚴提究擬具奏唐大武着議

處具奏該部知道

題覆重犯龔昭實招擬疏

題爲恭報衙蠹贓罪事案准按臣楊 移送未完

勘劄內開刑部咨開該本部會同院寺會看得
衙蠹龔昭實因催糧詐索夏伯羽銀柒兩尙不
遂欲肆行毒毆鎖至中途殞命不得謂之素無
讐隙矣擬依鬪毆殺人律終有未協又案查龔
昭實係訪拿事發口供有云身打死夏伯羽其
子夏君周何不告狀雖屬昭實辯詞而君周不
告情由本內並未聲說明白且初次成招曾否

檢驗亦未

題明君周口供又並無毆打字樣止告免檢種種

可疑事關人命仍請

勅下該按逐一嚴審速行具覆可也奉

旨依議行欽遵抄部咨院仰司覆審在案茲據按察

司呈稱

云云

等因到臣該臣看得蠹皂龔昭實

乘差催餉欲肆誅求因夏伯羽之餽微乃練鎖以克毆畢命中途絞抵奚喙前按臣具

題正典部駁謂詐取不遂毆殺似有仇隙律擬向

未允協又謂羽子夏君周不鳴父冤而告免檢
事有疑義誠慎刑之至論也茲再三駁勘問刑
各官咸以昭實之毆伯羽實由婪財不厭原非
故殺存心舍此絢首別無引律君周父死之日
適當海寇突犯偕母遠避無暇申懇迨至平定
告府有卷亦非不會上控也至于泣求免檢羽
妻若子不忍又將安葬六載之屍棺重發骸骨
復罹蒸剔之慘此亦人子至情並無可疑之實
雖傷痕未經檢驗然歷審昭實凌毆伯羽殞命

崇朝供証甚明蓋非懸坐臣查人命無援

赦之條仍照原擬處絞緩決用示衙憲詐贓殺人之

戒誠不爲枉既經該司詳覆前來相應具

題伏乞

皇上勅下法司議覆施行

康熙元年貳月貳拾貳日題叁月叁拾日奉

旨三法司知道

條陳漕船漕帶白糧疏

題爲直陳白糧經費私派之弊請除佐領押運苛
勒之非仰祈

鑒裁仍令廷臣會議漕帶官解損益以剔蠹害以蘇
民困事切惟浙省嘉湖二府白糧正供夙稱苦
累故明年間押運解京俱僉糧里蠹弊相沿民
當此役靡不破家自我

朝定鼎初改官收吏解本以軫恤民艱詎期官胥咸
以白糧項下原編經費藉口不敷詳議額外加

派銀米信于全書而加派之外收糧官吏每石
又有科索三四錢不等之例各邑積奸視爲利
數謀充押吏恣意花消侵蝕正糧自順治拾年
以前無壹年清楚既以苦民復又病

國至拾壹年間奉頒

詔旨內一欵白糧民解累民官解仍以累民今後于
該省漕糧船分帶以慰官民之累應行事宜該督
撫作速議奏欽此該前撫臣秦 力祛積弊調濟

軍民條議通省漕糧船內派用陸拾貳船聽裝

半徵本色白糧卽以全書額費貳萬玖千貳拾
參兩壹錢叁分均給官丁充長途抵京交納之
費扣算各項尙餘貳千壹拾伍兩玖錢肆分留
充本省脩脩糧船之用一切條議派加銀米盡
數裁革將應用經費列欵上

聞計部核議民間私貼永行禁止拾貳年貳月內奉
有

俞旨白糧事例既與漕糧不同經費加厚叅罰加嚴
餘俱依議行欽此咨行申飭在案小民重困得以

少甦而領運官丁皆知經費足用自無所累願帶白糧查拾壹年起至拾肆年照額全完顆粒無欠較之從前官吏押運侵欺糧米迄今猶懸數萬無處追呼皆有部案可稽則漕帶官運二項利害截然乃已事之明驗者也迨拾伍年間計部條奏欽奉

上諭事壹疏未壹款云白糧附漕代運臣部行該督撫具

題江南白糧較浙省多且經制久定官民稱便仍令協部押運爲妥臣部覆准照舊行惟浙江更易舊制附漕代運除改折外實運白米叁萬叁千壹百石原額經費貳萬玖千兩之外又有支行月本色米柒百玖拾石折色銀玖百肆拾捌兩查例協部止領經費不支行月今附漕船代運經費外又支行月是未常有減于民而反有虧于

國似不如仍照舊遼委佐二押運得省重支行月糧爲有益也當經會議允從奉

旨通行前任糧道按舊冊復照初年條款于原編經費之外議加不敷銀叁萬肆千叁百捌拾捌兩有奇米伍千伍百壹拾伍石捌斗有奇民間照田起科每畝或壹分或捌玖厘不等每畝米叁肆合不等俱未經

題明有司按年徵派小民剝肉醫瘡自拾伍年至今肆載苛徵重歛民不堪命臣履任之初據各屬士民紛紛投告俱批糧道刑官確察情弊又據各縣協運佐領等官具呈每年僱船起運卽有奸徒來充船戶倩託勢要坐名送船迫制縣令霸裝白糧倍索水脚用償錯謬及至中途盜糧肆虐莫可誰何總由官蠹朘削民膏數盈累萬致有朵頤漁利者挾之以不敢不從之勢年來改爲佐領押運之事官民交相受害矣臣方在確諮廣詢酌量條陳適科臣兩疏言之一則議用減存漕船原領前費一則議減新增條款節省克部覆行查臣繕閱歷年卷宗嚴檄糧道備查顛末見在另具兩疏

旨定奪外惟是欲除額外私徵必當議復漕帶臣身在地方既知民生疾苦安敢緘默不言因細繹拾伍年戶部條奏浙省白糧附漕代運原額經費之外又有支行月未嘗有減于民而反有虧于

國不如仍委佐二押運之爲有益等語此計臣未悉額編經費之外又有私派亦未察漕帶之法原無重支行月故言有損于

國無減于民也謹按部覆前總漕臣沈 前撫臣

秦 漕幫帶解一疏如浙省漕船每年出運計壹千肆百餘艘每船旗丁本折行月二糧俱應支給領兌抵通交卸據前任督糧道孔思周條議于各幫漕船內抽撥叁拾捌隻帶運嘉屬白糧再撥貳拾肆隻帶運湖屬白糧以此陸拾貳船本名應兌漕米酒派全省漕船照例于裝白運丁名下每船于月糧內扣除負重銀貳拾肆兩散給全省受酒各船則此抽裝白糧之船額該行月二糧乃其漕兌項下應領本等之工食

原不因改運白糧另自重支也如拾伍拾陸兩
年白糧復改佐二部運前項裝白之陸拾貳船
仍撥領兌漕米各船行月二糧支領如故並未
減存節省在各衛運丁若不帶解白糧卽去領
兌漕米其於

國課原無損益此人所明白易知不待深思而再
計也前部臣所謂無益于民有損于

國是爲一悞矣自更有司押運復增如許私派船
戶中途侵勒貽累協部賠補不惟病

國實切病民是爲再悞矣一舉兩失殆非經久之
長策也臣又查徵糧起運利弊尙不止此如每
年拾月開倉例雖漕白並徵若以佐二領運必
俟漕糧兌竣開行始催募民船裝白時已參肆
月間及其過淮又必待各省漕糧盡數出口北
上方得踵漕而行白糧民船從來不許越在漕
幫之前往年漕船回空白糧尙不能過津門倘
遇旱乾水枯天寒河凍直至春融冰泮乃可剝
船抵京官役船戶水手羣集守凍加索食米勢

必蠶食正糧交納掛欠事所不免脫或不幸途
次漂沒船糧止坐協部賠償卑微小吏何力贖
足此官解之害有損無益也若仍令漕幫帶運
自有抽派漕艘不須僱募民船其倩託裝糧途
次侵勒索無所施且漕白隨幫並兌同時開行
過淮出口程限如期既免敗後之虞可無守凍
之費上京交納自無掛欠脫或不幸途有漂沒
船糧照漕運事例全幫攤賠衆擎易舉前此漕
糧速完實係附漕之利有益無損也至于江南

蘇松常三府白糧計部但據該督撫稱以糧多
于浙經制久定不如協部照舊爲妥然彼時督
撫罔察三府屬糧里交糧壹石私派贈費更甚
于浙止憑下屬議詳模糊了事迄今民困未蘇
蠹例相仍不能興革似未可以此爲喻也臣請
自康熙元年始如漕糧全運斷宜仍用漕船酒
帶之議全書額編經費悉如前任總漕浙撫二

臣

題定項款照部覆白糧事理與漕運不同經費加

厚不可裁減所當欽遵

俞旨盡革私派永遠遵行俾嘉湖百姓並蒙其福誠非渺小也然此白糧陋規常例外而院司道府內而倉場保歇以爲生涯之計倘併漕帶解則去其平日恒業故上下相蒙牢不可破雖經臺省諸臣論及斯事因未詳盡條陳計曹議格不允臣從民生

國計起見據實直陳伏惟

皇上俯念頻年以來軍興浩繁雜派迭出東南民力

困苦最極今日省一分之費則俾此不遺受一分之惠也臣查此案原係會議改行之事備將前後疏議咨部始末序載另覆科臣王 柯疏中見在入

告茲不重贅相應恭請

睿裁仍勅廷臣質証前後奏議細察漕帶官運孰爲損益亟復良法著爲定制庶加派之弊可禁民生之累可蘇矣事關條陳利弊字溢常格統祈鑒宥施行

康熙元年貳月貳拾捌日題參月貳拾叁日奉
旨該部議奏

題覆白糧經費疏

題爲漕船空棄可惜請復帶運白糧之事以省
國費以資後用事據糧儲道呈稱云等因到臣

該臣看得科臣條奏白糧暫用減存漕船領運
部議一切經費止照原編白糧項下銀兩支給
不許動用漕運項下錢糧臣行據督糧道具詳
新舊條議各款備查拾貳年間部覆前總漕臣
沈 前撫臣秦 疏議漕船附解白糧經費款
冊原止用白糧舊額銀兩民間私貼奉有

俞旨永行禁革在案自拾伍年間復更佐二押運又有額外私貼銀米民累已及今既用減存船隻其運丁應領經費自當仍照拾貳年部覆

題定各欸銀米照數均給無容異議但據道詳冊開各衛所運丁每船原有應支行糧折銀壹拾玖兩捌錢本色米壹拾陸石伍斗月糧折銀叁拾陸兩玖錢陸分本色米伍拾貳石捌斗此行月貳項係漕運項欸當年抽撥漕船陸拾貳隻改裝白糧其本船應運漕米酒派通省漕船故各丁仍該支領二項本折銀米惟于月糧內題負重成規扣除每船銀貳拾肆兩散給通省受酒漕船亦經前漕臣前撫臣各原疏具

題在部可考也科疏議用減存船隻係閑泊水次原不派兌漕糧則此行月二糧既不准動支漕運錢糧而又禁止民間加貼是無從取給矣各船運丁長途飯食勢所必需亦不能使之枵腹從事臣因稽前次

題過經費原冊內開白糧項下全書舊額經費係

交官丁買辦包索由關墊庫剝淺起車到京上
納等費若運丁壹名駕軍拾名行月二糧昔在
漕運項下支領原米列在原冊道詳補給事非
無據第新增私貼奉文禁止難以擅行臣恐運
丁藉口觀望必致稽延悞運嚴批糧道檄催各
屬遵照部咨速給全書舊額先督兌完開行北
上應否補給行月聽部查明原題欸冊酌議定
奪至續議加由墊席費叁拾兩脩船添貢玖兩
叁錢查拾貳年送部冊內無載不准議給今年

暫用減存漕船較之僱募民船私貼得減民困
少甦倘將來新運如漕米仍行改折當照此例
遵行旣省苦蓋減船之費又免私加苛勒之苦
國計民生兩得之矣除將該道造送前任糧道條
議白糧經費舊欸今次議用減存漕船銀米數
目清冊貳本送部察核外臣謹會同總漕臣蔡
合詞具

題伏乞

勅下該部核覆施行

康熙元年貳月貳拾捌日題叁月貳拾叁日奉

旨戶部議奏

同奏許煥供招疏

題爲郡守婪縱有據劣跡久已彰聞伏乞

乾斷處分以肅官常以紓民患事案准吏部咨開該
本部議得科臣疏叅嘉興府知府許煥性本輕
佻形同傀儡列欵請

勅臣部處分許煥相應解任

勅下該撫按并有名蠹役逐欵查審具奏以憑另議
可也等因奉

旨依議行欽此抄部咨院仰司確審在案茲據按察

司呈稱云等因到臣該臣看得科叅解任知府許煥認府繁劇振刷無能如勾攝徐儲元則縱蠹役袁文等掠匿家資如准詞賣差則任庫胥馮彪承行婪索歲考童生實徐升違禁抄報因以騙財入已雖歷審無賄賣之情本官之防維安在至勒平湖令金鍛茶瓶餽銀刑訊鄒欽等堅供風影及駁勘再三該縣亦申結並無其事又難過爲吹求查修樓募貲原無勒助海塘額銀並未動支據詳甚晰也許煥居官廢事聽蠹作奸杖懲不枉馮彪袁文俞瑞雲曹四袁必呂各蠹共計

諭後贓銀伍百壹兩俱應照

例流徙徐升潘大依律分別配責允足蔽辜但查事犯在

順治拾捌年正月初玖日

赦詔以前應否免罪追贓聽部核議酌奪者也既經該司具詳前來相應具

題伏乞

勅下該部核議施行

康熙元年癸卯八月初十日題癸卯月參拾日奉

旨刑部核議具奏

回奏郭真儒招擬疏

題爲特糾貪黷有司以肅吏治以安民生事案准

刑部咨開該浙按年題叅林悅仁等劣款緣

由奉

旨林悅仁劉執中郭真儒俱着革了職併本內有名

臺役該撫提問追擬具奏該部知道欽此抄部咨

院仰司確審在案茲據按察司呈稱云云等因

到臣除劉執中已經回

奏林悅仁另疏具

題外該臣看得革職知縣郭真儒賦性昏庸防奸疎忽如擅科漕費一欵始曾僉票差派旋知有碍撤銷屢勘雖無染指而舉動實已乖張又多徵白糧一欵刑訊陳起鳳供係暗加冊內比徵本官毫無覺察亦非諉卸衙役至于夏仲等之勒索耗贈褚茂章之狂噪公堂供証有人均非無謂原叅真儒縱蠹不職夫復何辭陳起鳳夏仲唐子亮薛萬春共贓壹百陸拾兩肆錢俱應照例流徙郭真儒褚茂章並予贖杖洵不爲枉但事犯

赦前應否免罪追贓聽部核議定奪既經該司具詳一前來相應具

題伏乞

勅下該部核覆施行

康熙元年叁月初柒日題叁月叁拾日奉

刑部核議具奏

題覆王賢等侵蝕絹價疏

題爲本色之額解虛懸錢糧之侵扣可駭謹據事
直糾仰祈

勅部嚴察以足正供以清積弊事准戶部咨開該臣
等看得科臣成肇毅疏叅浙省杭州等府額解
絹疋年來竟被積棍王賢王廷斗李育生洪功
遲張仁潘仲吳令爲等以至局甲之都會府總
之方遲等辦買絹疋之時闕然並至包攬打點
指稱投府呈樣府申藩司領銀有扣除之例承

行起徵科書辦又扣常例銀壹千兩展轉分肥
辦銀不足等語題叅前來王賢等打點衙門藩
司書辦扣除常例等款請

勅該撫按嚴提確審情弊并將節年未完絹疋或係
積棍領銀侵蝕或係藩司發銀不足并久報起
解未到情弊逐一詳查速行題叅以憑從重究
處可也等因奉

旨是依議嚴速行欽此抄部咨院仰司提究在案茲
據按察司呈稱云等因到臣該臣看得王賢

與耳明等屢易姓名誑領絹價已報起解者久
無批廻指稱織辦者全無絹疋歷年侵蝕罪不
勝誅誤

上供而貽叅罰莫此爲甚臣節准部催再四嚴行駁
勘茲據該司逐一核明王賢又名周上珍王珍
王象淳侵欠拾肆年絹貳千叁百壹拾壹疋有
奇拾陸年絹壹千貳拾貳疋貳丈有奇耳明又
名耳墀除已完解之外則有未獲批廻拾伍年
絹玖百捌拾陸疋有奇潘仲又名潘燦則有駁

回換解拾伍年絹壹千貳百有奇吳臣甫又名
吳詳欠解伍拾壹疋周元貞又名周道亨其欠
解貳拾肆疋洪清卽宋翼欠解壹疋壹丈有奇
徐忠端欠解貳疋貳丈有奇都欵欠解貳丈捌
尺有奇以及杭局官報完貳百貳拾叁疋有奇
俱拾陸年領辦之絹允符部行之數臣查內有
已解換辦者嚴檄藩司勒限起解追掣批廻審
實侵沒私橐者俱照原領價值搜查家產立限
監追毋容少緩也王賢侵欠數至貳萬壹千有

奇引例綱首尙有餘辜耳明等欠解有差分別
徒杖允當至如起徵科之扣剋多贓科疏原未
指名及拘訊經承金奉超王之佑堅供無染及
節經駁審各犯亦未供質扣侵自難懸坐又科
叅有名之王廷斗李育生洪功遲張仁吳令爲
都會等查各名下絹疋無欠相應免議部查經
管怠玩藩司職名據布政使袁一相詳報拾肆
伍年則左藩張縉彥也拾陸年則署印右藩員
盡忠也第查各犯事在

大赦以前可否援免追贓均應聽部核議定奪查此案部限綦嚴臣于接任巡海及難完情由屢經疏

請寬限部覆咨照在案相應一併

題明伏乞

皇上勅部覆議施行

康熙元年叁月初拾日題伍月拾肆日奉

旨三法司核議具奏

報節年閩餉全完疏

題爲請

旨嚴催協餉以濟軍需事據布政司呈稱云等因

到臣該臣看得部撥浙省協閩諸餉自順治拾

貳年起至拾捌年止歷年壓欠共數拾餘萬皆

因前任經營各官呼應不靈遲悞至此臣自去

年閏柒月之杪履任受事閩省督撫索餉公移

危辭迫切差員守催急如星火部覆前後五疏

俱奉

嚴綸令前撫臣史 自行回

奏臣接讀部咨寢處靡寧因檄左布政使袁一相
清查各年逋欠根由始知前司督催不力節年
補舊那新積欠無償遂致虧額臣于去年十月
內具有備陳兵協二餉虧缺情由等事一疏詳
陳拾伍年以前民欠那移雖有未完奉
赦無抵給陸柒年重撥各項以及舟山無徵等款其
有伍拾壹萬捌千捌兩有奇請

旨撥補至康熙元年正月方准部咨先撥練餉壹拾
肆萬玖百餘兩得以補解各餉計臣接任以來
夙夜拮据檄催剴諭禿唇焦自上年捌月初
貳日起至今年貳月拾玖日止先後完解兌給
閩餉共肆拾肆萬壹千陸百伍拾捌兩肆錢柒
分零內拾捌年見徵銀壹拾玖萬捌千伍百貳
拾玖兩柒錢零又補拾貳年至拾伍年積逋銀
叁萬柒千肆百陸拾捌兩壹錢零拾陸拾柒年
帶徵銀貳拾萬伍千陸百陸拾兩陸錢零此皆
臣任內督徵已完之數也捌年積累一旦清除

臣雖倖逭接管之愆實係從前貽悞之咎謹備
五次立限部咨據實上

聞以明考成之功過也再查藩司近報起解閩餉銀
壹拾玖萬貳千陸百肆拾壹兩有奇之內該督
糧道應補拾伍年分月糧白折等銀陸萬貳千
伍百伍拾捌兩零向因餉額多寡未經查明藩
司糧道彼此爭執前任經管亦未裁決因循至
今臣于貳月內檄取司道奉行卷案及新定全
書專委直季刑官徹底清察始定前額今據革
職糧道婁應奎詳稱閩餉緊急那借各年收存
淺貢輕賁等銀肆萬玖千柒拾餘兩湊解前項
原撥閩餉自當仍令該道清追拾伍年本項以
還各欸者也除將各完解數目文冊送部查核
外相應一併

題明伏乞

勅下該部查照施行

康熙元年叁月拾陸日題肆月拾肆日奉

旨着察核戶部知道

彙報浙屬饑荒疏

題爲彙報浙民歲凶饑饉並陳設法賑濟情由仰
祈

睿鑒事據杭湖紹屬道府詳報歲凶饑饉緣由各到
臣該臣看得浙省民力迫于輸將累于供億至
今日而疲敝極矣孰謂去年之夏旱魃爲災秋
成失望富戶罄產賠糧苦無售主貧民逃生遭
課乏術追呼公私交困頽楮難形兼之自冬徂
春四方米價日加騰貴熒熒子遺半菽不飽茹

草根而食樹皮者在有之鬻妻子而棄父母者比比皆是村舍無烟流移遍野窮簷蔀屋之家僻壤深山之處死于斷爨斃于催科者更不知凡幾臣披閱各屬申呈及饑民陳控或哀乞賑濟或籲懇停徵日以見告中述情辭一字一淚誠不能繪監門之圖以盡其悲嘆之狀也民生顛連至此豈非臣等失職之故歟因稽浙屬常平預備倉穀從前各官總未講求及此詢之有司僉云顆粒無貯亦將何項以濟目前待命

之衆耶臣進司道守令會同督臣趙

鹽臣蕭

置簿勸輸量力資助臣分當先倡卽檄印官買米煮粥分途設廠徐徐賑濟以俟豆麥有秋或可苟延饑民旦夕之一息耳臣復查照先年

戶部

題定賑荒則例揭示通衢傳諭士民彼此相勉其爲捐賑仍令赴官報數籍名以憑照例獎叙各府州縣責成各道躬自主賑臣于省城內外立廠數處亦不時親臨察考用圖實效外事闕地

方饑饉情由自當彙疏上

聞其有各官或紳衿義民捐助銀米數目容臣賑濟
事畢造冊彙報相應具

題伏乞

勅下該部查照施行

康熙元年參月拾陸日題肆月拾肆日奉

旨該部知道

報獲巨寇唐起凡疏

題爲恭報元兇邏緝計窮僞託投誠希畱漏網仰

祈

睿鑒立賜

乾斷以靖地方事該臣看得元兇唐起凡卽唐士英
一草竊土賊也順治柒年拾壹月間該前撫臣
蕭准其投誠押發錢塘縣編入保甲仍復爲
盜至玖年正月間汎守德清營將獲解湖州道
府押保兇脫遂依山爲巢妄言惑衆招集亡命

誘納愚民或擒人拷餉或劫殺並行流毒生靈
固非一日每次遣兵會勦逆卽獸散潛逃及聞
官軍撤回復又結夥剽掠此皆地方該管各官
平日不肯實心搜勦早盡根株以致養癰壹拾
柴載原非山海擁兵負固不服者比也失事情
形屢經塘報奉

旨督緝久在逋誅臣于去年履任之始尙未罷埋軍
務節據道將報稱此賊殺人逼餉肆無忌憚因
知向來故習遂力圖掃穴曾經密疏入

告移會督臣趙 提督臣田 調發勁旅又專委杭

協副將王可就總統嘉湖協守官兵分道進山
四路搜勦仍大張示諭許令自新乃起凡怙終
不悛陰奉故明遺孽朱在鉞立爲王子聚衆稱
戈祭旗封職散布僞劄罪豈勝誅幸賴

皇上天威遠振諸將用命俘斬犁巢已將僞王朱在
鉞等一鼓就擒聞有悔過投首者臣會同公審
盡爲釋保歸農以廣

皇仁惟首逆唐起凡仍蹈故智才身遠逸意在再逞

臣于報解僞王疏內一併

題明備給咨牌廣捕勒限嚴比務期必獲仍督副將王可就選差能弁根踪追緝今據該將呈報捐貲購求往返數月追至蘇州地方探的唐逆計窮力竭同夥金令襄隱慝蘇城被差去官兵密守各門入城偵緝二賊自揣不能遁跡掩諱勦迫真情巧詆浙省不許向化起凡更名唐似彪忽又自稱爲僞崇仁伯以聳聽聞令襄更名金德如于本年叁月初朔日潛投江寧撫標中軍李成功處假託投誠欲思狡脫鬼域奸謀至此極矣臣因繹寧海將軍祖 咨內開載金德如妄供

欽案盜首張濶嘴等于柒月間投誠盡被殺死等語更屬風影臣查張濶嘴等一案逋逃大盜共有伍名奉

旨將署湖協遊擊張柱國戴罪催勦內沈公超陳彪陸守成濮三等肆名皆率衆投誠盡宥前罪惟張濶嘴遍緝未獲直至去年拾壹月初伍日該

將探知濶嘴在德清縣界分帖拷餉卽領兵追
至寒山地方當陣斬殺臣于拾壹月拾柒日亦
經密疏

題報在部可按月日截然並未據有柒月間欲投
誠臣等及道將衙門之報何容狡賊捏詞欺誑
以爲緩死之口實也但唐賊因黨類勦滅勢窮
爲官兵捕急難存自供畢露一二捕役卽可就
擒原非帶兵來降尚有餘黨可以鼓勵者同日
而語亦安用此投誠再叛孤身亡命之賊哉倘
信其詭言俾令虎兇出押則各處奸盜將來效
尤羣起賊風何日得息乎况屢經樞臣奉
旨申飭草竊土寇俱當力勦不得濫行招撫誠爲弭
盜安民至計煌煌

令甲斷不可爲二賊寬貸也臣恐鎮海將軍祖江
寧撫臣韓未悉臣歷經

題報始末卽密移二臣亟將二逆交發差員押解
到浙固監恭候

皇上乾斷處分庶元兇不致漏網而地方得以寧

矣臣謹會同督臣趙 提督臣田 合詞密

題伏乞

勅下該部核議施行

康熙元年癸月拾陸日題肆月拾肆日奉

旨兵部議奏

題報誣叛重犯徐文煥招擬疏

題爲叛國害民事據按察司呈稱云等因到臣
該臣看得徐文煥海寧惡皂也借李正芳之餓
斃乃扛屍抄搶于張廷等家迨縣令出票差拘
輒敢抗拒逃省因廷爲王筠故僕疑彼庇護說
情復興通海危詞捏就無風巨浪並將懷隙之
陳文森張伯宇張心宇及差拘之謝升錢君生
談佑芝等或誣相助運米或誣同黨趕殺爲一
網打盡之計刁險極矣臣同滿漢諸臣會職五

次不但地方鄰佑防守等証其質不爽卽其妻
馮氏亦供文煥拾陸日上省具首相距路阻何
以稱本日目覩王筠有運米下海之事供詞矛
盾欺罔顯然誣叛已真法豈容貸雖其親屬自
認情虛泣憐減罪但文煥以皂靈抗法而欲陷
人重辟若不嚴懲反坐長此安窮應照

新例擬斬何說之辭既經該司確詳前來除張廷訐
告抄槍一事應聽另結外臣謹會同將軍臣柯

留臣趙合詞具

題伏乞

勅下三法司覆議施行

康熙元年參月貳拾伍日題柒月貳拾捌日奉
旨三法司核擬具奏

回奏員盡忠叅欵疏

題爲粵東瘡痍未起貪吏不宜承宣謹據事直糾
以蘇民困以儆官邪事准吏部咨開該本部議
得科臣王 疏叅新補廣東左布政使員盡忠
原任浙江右藩署左司事其扣剋與賄囑署印
各欵臣部難以懸議員盡忠相應解任請

勅該督撫按確查明白具奏至在浙千金買置秀雅
班併

勅督撫按確查虛實其攜至京師歌舞不絕雖喚兩

鄴並本官質問稱並無此事難以遽信應

勅該城御史再加查問具覆以憑再議等因奉

旨是依議欽此抄部咨院仰司確審在案茲據按察

司呈稱云云等因到臣該臣看得科叅員盡忠

一案蓋以綾紗榜紙船價等項俱有扣剋及賄

委糧道置買戲子盡屬不法奉

旨咨行嚴察茲據該司以首款証佐馬黃譽等久在

京師無從質問卽尙見在領辦紗綾之馮應登

與庫書聞麟生等堅供本官實無染指止緣機

盡穆御時欲違衆獨承乃捏詞多費致有弓影

之疑也二款據魯龍確稱榜紙原有減存事在

前撫臣批行審議而前後藩司共扣貳千伍百

之數又以此項民欠繁多有扣卽放必待事竣

始能銷算並非盡忠之入橐也三款查糧道一

印始則司詳委府繼以府辭兼攝本官亦曾懇

詳于先豈復有賄營于後也至于四款之船價

不特道書祁伯彰供爲當堂給放卽承造之張

升等亦稱領價無虛若夫置買役童班名秀雅

浙省實無此名卽前在部訊已屬子虛矣今盡忠雖物故京邸然亦不敢忽于推勘臣確遵

功令再四嚴查無如屢審証供如一亦難強指爲有也既經該司確詳前來相應據實

題覆再查此案屢經駁審未免愆期臣與督臣俱奉

上諭安插沿海遷民兩經具疏展限准有部咨相應

一併奏明臣謹會同督臣趙一合詞具

伏乞

皇上勅部核議施行

康熙元年叁月貳拾伍日題肆月貳拾肆日奉

旨該部知道

請豁故犯范德賍銀疏

題爲籲憐赤貧嫠稚徒死無益懇賜援

赦家產盡絕申詳超豁事據按察司呈詳故犯范德

賍銀追比難完緣由到臣該臣看得故捕范德

審追賍銀叁千柒百肆拾有餘窮搜五載共止

完過叁百拾兩陸錢餘欠銀兩已准部撥拾捌

年兵餉爲三軍待食急需刻不可緩而本犯久

化獄燐止遺老嫠稚子七著無存萬計千敲終

無分毫追納刑官迫切呼籲惟有束手聽參臬

司以實無產變再四詳請蠲豁臣疊經嚴駁案
幾盈几究無可追屢據該廳縣親臨踏看具有
不扶甘結則贓案徒懸兵精何賴臣若不據實
上

聞必貽遲悞之咎伏讀

詔欵備開果有產盡人亡准與豁免之例茲范德一
案正與例符既經該司確詳前來除將印結送
部查核外相應具

題伏乞

皇上勅部核議另撥施行

康熙元年叁月貳拾玖日題伍月初捌日奉
旨該部議奏

回奏高鳳起招擬疏

題爲特糾不職有司以勵官箴以安民生事案准
吏部咨開浙按年題叅高鳳起劉之浩欸跡
緣由奉

旨高鳳起着革了職該撫提問追擬具奏劉之浩着
議處具奏該部知道欽此抄部咨院仰司提審在
案茲據按察司呈稱云等因到臣該臣看得
高鳳起身膺民社縱蠹貽殃致王定遠余景士
需求程君選保釋銀捌拾捌兩余海元侵用吳

君秀等物價銀肆拾柒兩徐朝周昌以人命居
奇得方烏皮貳拾兩伍錢之餽王定遠又以假
命焚索攫方三七壹拾貳兩之私甚如指供應
而胡君仁有肆拾貳兩之遺扣夫價而毛志蘭
等有伍拾柒兩之勒何莫非鳳起之昏瞶耶屢
經駁勘本官雖無分肥先經訪案有卷而慢無
覺察杖懲奚辭王定遠吳君仁俞海元訪案擬
絞毛志蘭訪案擬徒無庸再議徐朝余景士承
行婪賄並徒不枉周昌差索有據杖當厥辜各
款贓銀分別給沒但事犯

大赦以前可否免罪應聽部議核奪既經該司確詳
前來相應具

題伏乞

皇上勅部覆議施行

康熙元年肆月初捌日題伍月拾陸日奉

旨刑部核議具奏

再報紹屬奇荒疏

題爲紹屬奇荒特甚殘黎流斃堪憐謹據各縣開
報情形備呈懇賜再

題破格賑恤以救子遺事據分守寧紹台道右叅
議王廷璧呈稱切照去歲之荒莫甚于浙東浙
東之荒尤莫甚于紹屬四月無雨河溝赤裂山
田磽土籽粒無收去冬卽已號呼徹天遺骸遍
野本道日擊情形不勝悲惻當卽捐俸首倡已
經具詳業蒙批示仍卽奉檄多方勸諭紳衿富

室樂輸不等但設賑原以百日爲滿時日尙遠
目今青黃不接貧民尤屬難支本道每一出行
見老弱男婦盡皆伶仃匍匐殘息奄奄日腫腮
黃肉銷骨露加以欠糧欠米敲扑難停自爾膚
裂血焦一倒不起然此皆入冊饑民尤有湯粥
苟延近日各縣開報大駭聽聞有亘古所僅見
者除現在上冊受賑饑民捌縣共伍萬玖千伍
百叁拾壹口俟賑完另冊呈報再除賣妻鬻子
丐逃外郡食草茹皮拋荒田地者不開外如據
山陰縣報有宦裔貧生孀妻孤女閉門餓死者
不下數拾家矣又據會稽縣報山中人挑草而
食不識草性爲草毒死有臨溪掬水而飲卽倒
斃河干者共有叁百餘口矣又據蕭山縣報一
脚夫出外挑脚生理送客過江兩日方面其妻
煮草未熟卽餓死竈前懷中之子含母乳而哭
斃其夫歸見一慟而卽縊死又有江滸空山賑
報不及其死叁拾餘名矣又據餘姚縣報滸山
臨山等處地方女止換米貳斗男止換穀伍升

并有舊家子女插標于弁自賣自身究無售主
連斃于道矣據諸暨縣報逃亡接踵于道死屍
遍山谷矣又據嵊縣新昌縣均報有食草食皮
不能下咽哽喉而死者比比矣最慘者尤莫甚
于上虞有闔門飲藥自縊者貳拾餘家矣有晝
不開門鄰里排闥而入屍僵縱橫者數拾家矣
如此情形豈惟聞者酸鼻見者目呆直令冤鬼
俱墜痛裂肝肺諸如此類或以舊家子女顧惜
廉恥或以丈夫出外婦女含羞荒冊無名賑救
不及故冊報又纍纍如此之多本道一面嚴加
申飭查核一面仍力行勸諭捐輸但紹俗華而
鮮實從來已然故有外窮衣冠之飾家無擔石
之糧卽稍有素封已經捐輸幾次漸與貧民等
其初賑期以四月爲滿者原欲待二麥告成饑
民始得活命目今秋尙遠而麥未熟捐賑者有
限而望賑者愈無窮故奇慘異變層見叠出問
之有司俸已全捐矣問之鄉紳倉無餘粟矣問
之富室咸自顧不暇矣天無雨粟之時人無點

金之術徒以蕭然冷署日聽饑兒餓女之哭聲
此本道所以呼天而無控者不得不仰懇本院
念此孑遺再賜題

請倘得于前疏報荒捐免外別賜賑救則數萬生靈
人人有再生之路矣原係據報地方奇荒異慘
不得不大呼求救除將各縣饑民戶口原冊備
呈外擬合據實具呈等因到臣據此該臣看得
紹屬各邑奇荒異饑最苦情形臣于彙報捐賑
疏中業已備述上

聞矣茲又據守紹道王廷璧呈詳紹屬饑荒設賑
助樂輸原以百日爲限今則麥秋尙遠富室力
不能資有司俸捐已竭出行道上惟見仳僂男
婦骨立形銷廼羸乞憐倒途不起者比比皆然
兼以敲扑輸將鬻妻售子插標弁首覓主無從
因而逃斃者不知凡幾如山會之報有宦裔貧
儒孀嫠孤女閉戶絕食而死者有村野窮夫茹
草中毒臨溪飲水而殞者如蕭餘之報有脚夫
赴食遲歸若妻與子含乳並斃夫見自經者有

山僻去處男女止換米數斗猶鮮售主連喪于
路者新噉上虞之報有剝食草皮不能下咽晝
不啓門飲藥以自盡者如此凶荒殊駭聞聽臣
讀之未竟慘目傷心誠所云亘古未有之事也
該道悲辭激切請捐議救刻不可緩但查倉無
積粟帑乏點金從何設處臣復捐資叁百兩先
發該道同各有司再爲勸輸以延待盡才遺然
浙省遍地饑荒杯水難拯車薪臣與司道微肩
相向確議搜括並無可動官銀止各衙門自理
贖款有未經撥充餉用者令盡數清查方可暫
濟粥煑之費然亦爲數無幾恐難取必一時倘
蒙

皇仁浩蕩憫念生靈破格蠲賑出自

睿慈非臣所敢擅便也除檄行司道府縣加意勸賑
并搜查各項無碍贖款設法賑濟統俟事竣分
別造冊另報外既經該道呈報前來事關地方
異常凶荒總由臣等溺職召青不敢隱嘿相應
補牘

題明伏乞

睿鑒施行

康熙元年肆月初捌日題伍月拾肆日奉

旨該部議奏

預儲邊海糧米疏

題爲密報偵探近日海逆情形事據布政司呈稱

云等因到臣該臣看得春汛方殷賊踪大集

屢據塘報所在戒嚴內地官兵撤調沿海協防

師旅雲集寧台溫三郡全藉儲糧以資宿飽提

臣田鎮臣常尙節次移咨預備米石臣

念緊急軍需刻不可緩嚴檄藩司及經管道府

設法辦運今據各官具詳去年旱魃爲災秋收

失望自冬徂春商販不至米價日湧每石賣價

貳兩伍陸錢不等民間食草茹皮原額秋屯南
米僅可徵供各標官兵本地支用尙苦無濟若
預儲調發兵糈實難措應據藩司具詳除本省
額徵各米之外實缺米玖萬捌千餘石應請于
會議裁扣存剩馬價等銀內買補但今省城時
價每石貳兩貳錢貳分查部定之價肆錢叁斗
大相懸絕戍守官兵嗷嗷待哺似難拘執致悞
封疆大事也臣批行該司動支正項先買壹萬
伍千石責令各該有司照依市價差官速運宣

台溫三郡分收貯倉以備主客官兵緩急之用

事關急需不敢怠忽謹將市買時價先行據實
上

聞以俟銷算庶免從來駁詰之咎此後買米市價再
有低昂不能逆料容臣隨時核實具

題聽部查議定奪至于缺額棄置無徵額應留
各項錢糧臣一面批司確查另疏再陳既經該
司呈詳前來相應密

題伏乞

勅下該部議覆施行

康熙元年肆月初玖日題伍月初柒日奉

旨該部議奏

議覆出洋進剿事宜疏

題爲禁海宜急于除弊滅賊當先于得人敢不稍
盡愚誠沒身報効事准兵部咨開該臣等會覆
鑲黃旗漢軍都統劉 下拜喀喇布勒哈番尹
大器等奏前事等因奉

旨差往福建侍郎石圖鏗泰着停止阿達哈哈番郭
煒等亦着暫止據郭煒所奏佐領張琮阿達哈哈
番陳夢栢皆福建名將左右相輔加以尹大器釐
飭海弊互相交攻賊糧斷絕賊器盡空可以立斃

應用大小戰船百隻官兵玖千有奇等語今若卽以所奏准行令郭燾等前往又恐徒費錢糧無益于事如不准行又慮滅寇機會有失應將伊等各疏行令閩省靖藩海澄公該督撫提督併江浙漢軍將軍督撫提督詳查疏內情由若有可行應用船隻兵馬錢糧等項詳明確議具奏如不可行亦將不可用情由具奏再各省瀕海汛地應設水師訓練賊至卽可勦禦賊遁卽可乘機進取事宜爾等身歷濱海必深知逆賊情形何以卽克勦滅各

將所知酌議妥確速奏欽此密封到部咨院欽遵

等因到臣該臣密移總督臣趙 提督臣田

至省公同會看得逆賊鄭成功險阻海洋招納

亡叛狂逞流突塗炭生靈臣等受

朝廷厚祿無刻不力圖勦滅以慰

皇上宵旰之勞惟是審時度勢未有進取機宜今拜

塔喇布勒哈番尹大器阿達哈哈番郭燾兩次

條陳力言時不可失據稱止用一等戰船肆拾

號每船用大小砲拾捌門官兵壹百貳拾名二

等戰船肆拾號每船用砲拾門官兵壹百名三等戰船貳拾號每船用砲貳門官兵肆拾名計三等船隻止有百號官兵亦止攻于陸百名竟欲出洋殺賊爭勝奏功其爲勇敢銳志固不可測臣等恭奉

明綸自當細心商酌何敢扶同嘗試年來鄭逆大艦船隻有數千餘號烏合賊兵有拾萬餘衆若郭燐議用兵船較論是以壹船而敵數拾船壹軍而抵拾餘賊衆寡勢殊情事易見尹大器雖云

兵不在多而在精然言于陸戰或可微功若言于水戰恐難爭勝此一不可行也賊人舵工水手日在風濤往來飄忽如履平地我軍水手舵工因向禁出海未經遠涉外洋倘遇相敵在洪波巨浸之間進退操縱彼慣我疎且船兵數少首尾委難聯合官兵雖勇陸地可以馳騁用少擊衆而水上未能施展應後援前萬一有失致損

國威此二不可行也鄭逆大夥新得臺灣見在製

機

甲

移

今

斷

淺

之

奏

旨

睿

戰

疆

聞

明

要

大

皇

臣

廟

無

水陸官兵卽協力夾攻賊若奔逃亦可相機撲
勦也謹遵酌議妥確之

旨臣等謬陳管見合詞密

題伏祈

睿鑒施行

康熙元年肆月初玖日題 月

日奉

旨將此三疏與郭煥尹大器等看伊等有何話說寫
來具奏

回奏吳逢聖叅欵疏

題爲特叅悖

旨私加等事案准吏部咨開該本部議得科臣汪

疏叅浙江糧道吳逢聖督兌漕糧索勒公費財

利薰心任弁牽鼻加米加銀腹削民膏賄委白

身押運酷比運官自縊等事吳逢聖應解任查

本官已經該按題叅覆准降調在案仍應候勘

請

勅下該撫按將科臣所叅私加婪賄情節逐欵嚴察

並李門子等犯查審據實具

奏以憑再議可也等因奉

旨是依議行欽遵抄部咨院仰司提審在案茲據按察司呈稱云云等因到臣該臣看得解任糧道吳逢聖科叅各款不職婪私質証有人似非無謂也但據臬司刑官幾經會勘皆云任竄詐贓逢聖原未染指臣以事關回

奏嚴加駁審証口不易其詞又難過爲吹索如臨嘉興水次勒取公費一款則係門子李毓秀通同該縣總書張曙涯乘詐倉甲贓銀壹百貳拾金二蠹均烹入橐實無餽銀之據也如官丁攢送公費擅加銀米一款歷審運官楊澄旗丁方應泰堅供烏有委未私加已經另案具

題矣如濫委運弁一款查係署道員盡忠僉選之事與逢聖無涉也至于逼索欠弁談嘉一款亦係毓秀假借乞恩婪贓參拾兩談嘉因官糧私負交迫自經伊子談經道歷供如一也又承差江大泓因差提錢糧遲悞受責而毓秀又嚇詐

欽定四庫全書
刑部
壹拾貳金原未收監大泓之確供可據也總緣
逢聖覺察無能縱奸肆詐律加杖懲允蔽厥辜

李毓秀張曙涯

諭後得贓並從誠爲不枉但事犯

大赦以前可否追贓免罪應聽部議核奪既經該司

確詳前來相應具

題伏乞

皇上勅部覆議施行

康熙元年肆月拾陸日題伍月貳拾肆日奉

旨刑部核議具奏

回奏故令李景勛叅款疏

題爲直糾縣令縱蠹虐民乞賜

乾斷以肅吏治事案准刑部咨開浙按楊 題叅李

景勛劣款緣由奉

旨李景勛着革了職併本內有名蠹犯該撫嚴提究
擬具奏該部知道欽此抄部咨院仰司確審在案

茲據按察司呈稱云云等因到臣該臣看得蠹

役林有秩等乘故令李景勛之昏庸乃指官以
設騙如比較求寬共婪李衷白等銀貳百柒拾

兩是有秩與陸之綸分得也借造船折夫而誑
丁贊明等壹百柒拾餘兩又有秩與陳士英曹
大彬之烹肥也迨至參肆伍款存秩訪案相同
因驛站而扣尅肆拾金乘人令而索詐壹百貳
拾兩殿戶銷籤而攫叁拾捌兩卽差役陸楚生
亦有肆兩之得初審証佐俱有指送內衙之供
及駁行再勘質之景勛之子李瀛仍是諸蠹入
已之贓總由本官形同木偶羣奸得肆狼貪歷
審確無遁情計贓劍分絞徒景勛已故免議但
事犯

大赦以前可否追贓免罪應聽部議核奪既經該司
確詳前來相應具

題伏乞

皇上勅部覆議施行

康熙元年肆月拾陸日題朔月初壹日奉

旨三法司核議具奏

回奏楊鼎瑞供招疏

題爲特糾奸貪糧道隱欠漕儲剝軍漁利虧船病
運捏盜冒功請

勅嚴行追究以肅漕紀事案准刑部咨開該督理京
通二倉御史范 題叅楊鼎瑞賍款緣由奉

旨這所叅楊鼎瑞奸貪各款着該撫按提問追擬具
奏欽此抄部咨院仰司確審在案茲據按察司呈
稱云 云等因到臣該臣看得原任糧道楊鼎瑞
先該臺臣范平疏叅罪狀奉

旨提問緣本官先任山東武德道以

大計被叅東省結案之後始得赴浙對簿茲據司詳

駁訊查買補一欵運丁王順呂調陽吳雲龍等

餘米例應三七扣留除抵夙欠外有贏餘乃爲

王上培等買補未完原非不顧舊欠而盡補新

虧也又強買一欵王順等供係巡倉原行以浙

之有餘補浙之不足弁丁自相交易鼎瑞並未

經手至釐羨之應給與否又係坐糧廳按各丁

名下之完欠分別扣發亦非糧道所能侵沒也

乘坐糧船雖行月仍給本丁之用而五船實爲

過濫若回空殿後二船以催押尚有隨帶之官

續到水次查未後時至東光塘報張皇盜劫語

不擇音且楊中州等領銀原無劫失何舉動之

乖張也若買補餘米全完拾伍年經營運務幸

微叙典是其本等職掌既無別弊亦難過爲吹

索也楊鼎瑞念在貪功動多躁妄審無染指實

據杖當厥辜王上培久欠無償仍應杖治宋世

斌同日另結原欠各丁米價照案追給但查事

犯在順治拾捌年正月初玖日

赦前應否免罪聽部核議定奪既經該司呈詳前來相應具

題伏乞

勅下該部覆議施行

康熙元年肆月貳拾日題伍月貳拾壹日奉

旨刑部核議具奏

回奏陳廷楹供擬疏

題爲特糾不職有司肅吏治以安民生事案准按

臣楊 移送未完勘劄內開刑部咨開浙撫史

題叅餘姚縣知縣陳廷楹等贓款緣由奉

旨陳廷楹李景勛俱着革了職并本內有名蠹役該

巡按御史提問追擬具奏張如璿着議處具奏該

部知道欽此抄部咨院仰司確審在案茲據按察

司呈稱云云等因到臣該臣看得原任餘姚知

縣陳廷楹覺察無能疎庸致悞徵解稅契則虛

元資有伍拾陸兩之那欠給支工食則何人傑
項鑣有壹百陸拾玖兩伍錢之扣侵文移不能
裁決本官之自供不爽錢糧失于防護捐貽之
成案具存惟派辦軍需等項小民方疲于供億
實無胥役私索之弊也陳廷楹雖賍無染指而
疎縱溺職杖懲難追何人傑項鑣婪剋有據並
徙奚辭賍名照追故犯盧元資那用稅契應着
家屬追補還官但查事犯俱在順治拾捌年正
月初玖日

赦前應否免罪所當聽部核議定奪既經該司呈詳

前來相應具

題伏乞

勅下該部議覆施行

康熙元年肆月貳拾日題伍月貳拾柒日奉

旨刑部核議具奏

題覆平瑞失事疏

題爲大鯨賊艦竊犯官兵奮勇獲捷事准兵部咨
開該浙江巡撫陳 題前事等因奉

旨兵部密速議奏欽此密封到部除署印照磨張振
祖懷印奔回署篆同知于起泮自刎未死應聽
吏部查議外該臣等看得閩逆聯鯨北犯溫郡
前報平陽瑞安二縣俱已從賊臣部先覆平南
將軍固山額真趙 浙閩總督李 并該撫再
報緊急賊情海寇猖獗殆甚飛報緊急賊情等

疏內已將防勦應援各事宜一一酌議具覆在案今據該撫疏奏閩逆率衆犯溫平瑞二縣駐防將領等官或降或逃不能嬰城固守至溫郡爲浙省首衝幸滿漢文官兵合力同心追擊挫諸固山提督諸臣策應聲援遊擊熊應鳳衝擊盤石西門賊始開船分泊今據報賊踪數千要犯定關崇明等處臣隨調度兵馬防勦策應及移會江南督撫亟加預備又督臣提師赴溫援勦固山提督統旅星馳寧紹堵防等因查賊犯平瑞地方駐防將領各官不能戮力相繼降逃

律以

國法自難輕貸應俟確查叛逃情形具奏再議逆寇狡謀叵測雖經攻擊稍退而定關崇明等處備預宜周應請

勅下平南將軍固山額真及江浙各該督撫嚴飭提鎮道將等官殫心籌畫相機勦禦務期保固萬全其平瑞二縣倉庫獄囚人民并城守斬獲有功各官職名應行該督撫確查另疏

奏報等因奉

旨是依議行欽此欽遵密封到部咨院行司確查在案茲據按察司呈稱云云等因到臣該臣看得鄭逆窺犯溫郡文武諸臣嬰城固守無失而平瑞等處遭其蹂躪旋即恢復部查有功及失守各員并縣所倉庫獄囚人民等項臣接管以來屢檄嚴催茲據該司彙述在事滿漢文武功員如鎮臣尙等已經前撫臣陳彙叙

題報表

旨從優加級紀錄給賞在案矣如失事之文職則署平陽懷印奔回之張振祖署瑞安自刎未歿旋又病殞之于起泮已經提問結案矣至不肯壽押而爲賊戮者平陽縣丞王牧民也潛匿在城不去者瑞安縣丞儲夢麟典史陳清也又如亂中失印則平陽教諭張佳熊交印正齋則訓導黃懷玉護印未失則瑞安教諭陳明彥訓導朱綸也若以武職而言則首倡迎降者平陽守備車任暹也而守備章士達千總謝肇乾周鼎把

總李九富與瑞安把總姚來泰皆被協相從乘間來歸奉

旨省釋矣他如平陽把總傅定國鍾鳴亦棄逆逃回而定國旋經病殞若把總張貴張成名則帶兵而且戰且走者也至若瑞安之率兵從逆者則有遊擊艾成祥千總楊志道把總崔官守備竇奉先千總羅仲金把總姜升等一班逆弁也而義不從賊者則守備侯閭把總應廷吉戴翊宸羅啓雄已故楊希才等又斬關而出矣比千總

王虎已棄賊奔回而金鄉千總譚聖朝且授銜索餉業經擒回正法若同時下海者猶有百總王明德與把總蕭徵芬而跳城逃出則有已故把總黃德懷印奔回則有百總王世昭惟百總趙宗湯戰歿沙場爲可嘉耳又查叛屬家口如艾青等已經解部發落而車任暹等弁屢檄嚴查據稱家口俱隨帶下海原無田產在甌惟楊志道典房價銀叁拾兩譚聖朝典房床桌價銀陸兩又若誤疑崔官叛屬之崔世泰屢審確非

同族自應宥釋而譚聖朝之妻賈氏子亞聰自
海來歸似于叛屬可原相應請

旨處分者也至于倉庫一項平陽失去庫銀自伍月
念壹日至陸月初柒日實共徵銀肆百叁拾玖
兩柒錢有奇按之流水無差瑞安在庫條銀壹
千捌百陸拾玖兩又雜項銀貳百叁拾陸兩內
除投井撈起銀壹千壹百肆拾壹兩實已失銀
玖百陸拾肆兩又舊存庫銀壹百拾兩捌錢銅
錢壹百吊倉穀貳百肆拾壹石有餘糧米肆拾

貳石陸斗有餘亦皆失去之數也至查金鄉蒲
門並未設有倉庫監牢惟平陽獄犯林八林南
五乘亂在逃應行躡緝查失去之戰船則浦次
拾肆隻已經燒燬而楊志道又帶去肆隻實失
壹拾捌隻矣又查軍火器械平瑞金蒲等處共
計失去紅衣炮貳拾叁位佛狼機拾叁位銅鐵
百子炮柒拾捌門叁眼鎗貳拾陸門鳥鎗伍拾
捌門弓肆拾張箭肆百肆拾伍枝火藥柒千肆
百零玖觔彈子貳千貳百伍拾叁觔銅銃壹門

小紅衣炮壹門騎炮壹門馬蹄銃壹門牛角七
節石礮伍觔火礮火球各拾箇大彈子伍拾箇
小彈子捌百叁拾壹箇腰刀拾伍把鈎簾伍把
鎗頭肆把木柄刀伍把鐵釘肆把鐵錠肆枚此
皆屢經確核之實數也若夫道鎮職名則巡溫
道副使萬代尙已奉別案革職而鎮臣尙又
經叙錄加陞似難另議臣查此案部行前撫臣
陳 查報接任撫臣佟 史 經催未結該臣
接管久已稽遲兩經具疏

題明展限惟有部咨尙未逾期今察司詳前後院
司往返批駁道府縣勘覆由語頭緒繁雜文移
冗長臣刪叙簡明具疏奏

聞仍將前由始末原冊另抄送部察核外既經該司
確詳前來臣謹會同督臣趙 令詞密
題伏乞

皇上勅部覆議施行

康熙元年肆月貳拾日題伍月貳拾壹日奉
旨兵部知道

條議土寇不得溫准投誠疏

題爲請禁叛盜倖投並嚴窩線重典用彰

國憲以靖盜源以安地方事臣惟山海大逆罔知
天命有歸尙敢負固不服皆罪在不赦乃蒙

皇上憫念愚迷宏開祝網之仁槩予自新之路凡投

誠僞職叛黨加以厚祿高官善養安插浩蕩如
天之恩自古靡及也大小臣工自當仰體

朝廷德意實心招撫真正逆夥自可立奏昇平獨是
浙省則有不然如海洋巨寇有名頭目以及脇

從希見來歸若烏合土賊鼠竊強盜殺人逼餉
焚劫公行追兵捕追急卽詭冒投誠遂令日無
三尺屢投屢叛貽害無窮然此等強盜止當責
成防捕印官嚴督兵捕就能制其死命豈可不
察真僞盡宥其罪反長亂萌前經樞臣奉

旨申飭草竊土賊不許濫行招撫良有深見詎容相
悖也臣受事以來稔知狡盜情形隱憂方切謹
一一爲我

皇上密陳之浙西郡邑與江南接壤東聯溲潑北滙

太湖風爲盜賊出沒淵藪若兩省汛防各官時
勤督捕何難立盡根株惟是十餘年間各處強
徒初起不過數十成羣盜船亦止四伍連踪打
劫商民焚劫村店自當協力追捕卽可束手成
擒無奈積習相沿在其從容飽颺不聞相加一
矢遂卽漸至幾百同夥自稱僞總兵僞副將名
色號召愚民殺人放火姦搶公行始議會勦盜
見捕急在浙省則奔江南在江南則逃浙省多
方打點假意乞降或赴營將告投或向有司首

報給照護身悉爲宥釋每留一二盜首陽託安
插省郡其餘同夥餘黨陰令仍在行劫事將偵
露仍復叛去近獲唐起凡等賊可爲明驗臣又
披閱盜案有強犯吳雲二等八人在下蕭山縣
地方搶劫樂清縣解人張甫錢根初獲韓大五
十三等供劫官銀交與未獲同夥周有壽等作
投誠費用等語方在行緝而周有壽等果皆投
誠留營置之不問劫失前餉仍着該管賠補據
知縣黃應官申稱劫餉責賠遵不敢違但此輩

所爲議一人在省餘黨罄外搶劫及至事敗在
省者乞牌招撫名曰投誠反以爲功出有劫銀
之樂歸無問罪之憂法網則有投誠免其大辟
盜贓則有印官代爲賠償何樂不爲地方因何
得靖盜無着落失餉應賠今贓盜俱獲似又難
逃洞鑒等情臣查原招果是如此至今懸案未
結見在駁勘強盜營投廢法不能逐事枚舉此
其一端也又如一等劇盜聚黨數十人坐駕飛
艇結窩家于山鄉水窟串通城鎮棍惡名曰盜

線作賊鷹犬專探素封宦室潛報各盜白晝截劫既擄家資復捉男婦縛載以行將所擄人口布蒙其面弗使知識幽囚曠野姦淫逼拷靡所不至到處俱有窩家縱容居停于是原報盜線公然傳信被害之家恐被殺害捉去男婦不敢一字鳴官只得變產措銀哀求盜線前往取贖名曰講餉自拾百以至于兩量家業之高下定身價之低昂甚有費至數千金方得贖歸婦女被污資產盡傾相顧含羞畏忍不言盜線盜窩

烹贖得志日事搶人肆無忌憚此風惟在浙西

爲甚間有被害告許亦去營幹投誠卽脫然觸事今日行劫明日倖投有司不敢過詰失主莫可聲冤曾未幾時仍復爲非及其追緝又得更名別投矣最可異者假資牌劄自稱偽職名目巧誑聳聽希圖漏網諸臣罔察輕准投誠盜風日熾民不聊生此又其一端也近如大盜濮二卽濮超等流毒多年奉

旨緝拿去秋允其來投留標效用免罪爲幸頃復請

通山賊楊四置買弓箭散布同夥又行肆橫見
經首獲又盜渠赤脚張三卽張守智殘害江浙
交界宥罪安插已爲厚倖忽又復叛逃入太湖
殺兵劫民沿及浙屬見准蘇撫移文會勦此等
積盜每探兵出卽逃兵回復聚原無伎倆若遇
捕迫必又狡計投誠蓋以乞命爲兒戲視再叛
爲等閒致使江浙愚頑轉相扇誘樂從入夥以
爲刑法不加其身也殷實良民棄家遠徙桑蔴
盡廢村落近且盜總自濫行招撫強盜養癰貽患

至此今不亟圖剷弭將見無賴盡化爲盜流害

事 恐無已時關係封疆匪小臣請

皇上特賜申明投誠之令凡係海上來歸人員及被
難逃回兵民悉有前罪具

優錄食糧歸農分別安插用廣

皇仁招撫至意其餘土賊強盜責成該管道將有司
嚴行勦滅仍照樞部行文不得濫行招撫用長
亂階尙敢因循疎玩將各官加等重治並請

勅下江浙兩省文武衙門一體欽遵凡投誠人等該

管衙門必察根由詳細彼此密移知會庶奸宄
潛消狡盜難漏則

國憲大彰人心知警盜源塞而地方安矣至于擒
人拷餉窩家盜線情罪重大律文不載每多游
移末減臣謂此等窩線姦搶詐財焚殺民命惡
過窮奇今後捉獲審實講餉過駐通盜有據應
比照強盜殺傷人姦人婦女并積至百人以上
條例不分曾否得財俱照得財律斬奏

請梟示決不待時用此重典救民水火誠非淺渺也

至于十家長左右兩鄰知情容隱法所難貸亦
應另擬流置重例俾愚蒙知儆不致互爲徇庇
矣均聽部議定奪事關條陳字稍逾格仰祈

睿慈鑒宥如果臣言可採伏乞

勅下該部議覆施行

康熙元年肆月貳拾日題伍月貳拾日奉

旨兵部議奏

題擬應裁倉官驛丞疏

題爲內外尙多冗員請

勅一併議裁事據布政司呈詳議裁倉驛各員緣由

到臣該臣看得部查州縣同城之驛丞無糧之

倉大使酌議清汰冗員誠節省虛靡至計也臣

行據司詳浙省各府設有倉大使十二員今杭

嘉湖三府月糧係隨漕並徵無俟收貯寧紹金

衢嚴五府俱各縣隨徵隨解台溫處三府係徵

銀赴省買米給軍各倉皆無存貯倉官無所司

其出納卽各府別有徵收而照磨一官亦可兼理是十一府倉大使俱當盡裁者也驛丞一項見在三十二驛由嘉屬西水驛至衢屬廣濟驛係入閩孔道自錢塘東渡由紹寧台以抵溫州又自蘭谿登陸經處屬亦抵溫州此三路者皆係通衢附近郡城驛務殷繁自難槩議裁併內如紹興之姚江驛金華之華溪驛處州之丹峰驛芝田驛皆係與縣同城而溫州之西臯驛附在樂清縣西鄉以上五驛俱可議裁其驛務併歸該縣典史就便兼攝以省冗員可也既經該司會同糧儲驛傳二道議詳前來除清冊送部查核外相應具

題伏乞

勅下該部核覆施行

康熙元年肆月貳拾捌日題陸月拾肆日奉
旨該部知道

覆奏劉璽招提疏

題爲錢糧交盤不清正供歷年無着謹據實

題叅仰祈

嚴勅究追以完

國課以清積弊事准刑部咨開該本部查得原任

知縣劉璽因侵冒錢糧先經該撫陳 題叅奉

旨赴浙查審欽遵去後今據該撫疏稱銀米皆係袁

永嘉等侵冒劉璽失于覺察分別徒杖前來查

劉璽歷任六載致袁永嘉等冒銀捌千貳百餘

兩又侵米伍千捌百餘石本官豈無染指且袁
永嘉等壹百伍拾餘人並未分別民役至侵米
折銀壹項或應歸欠米數內或應歸欠銀數內
併金嘉等侵欠絲綿作何追補疏中俱未開明
事關錢糧難以核覆相應仍請

勅下該撫逐一嚴審明確作速追贓擬罪具奏可也
等因奉

旨依議嚴速行欽此抄部咨院仰司覆審在案茲據

按察司呈稱云等因到臣該臣看得原任程

令劉璽交盤錢糧一案前經撫臣佟勘明

題覆部議各役侵冒銀米甚多該令豈無染指又
袁永嘉等並未分別民役并侵米折銀應歸何
款及金嘉等侵欠絲綿作何追補等項

題駁前來臣經反覆研勘茲據該司以借冒等銀
俱緣全書未載經承奸役蒙蔽混支逐年積累
致虧正項捌千有奇而掛侵南白米石又藉口
輸運滛折任意侵欺歷年無完遂逾伍千之數
再三窮究本官有無侵漁各犯且呼天搶地代

爲剖白矣至于未分民役茲經分晰已明細查批廻未獲銀壹萬伍千壹百貳拾餘兩內壹萬叁千叁百陸拾餘兩爲役所欠而壹千柒百伍拾有奇則民欠之數也掛侵糧米共伍千捌百壹拾餘石內伍千肆百玖拾有餘查係役欠而叁百壹拾捌石有奇亦屬民欠之數也其透冒侵蝕等銀捌千貳百陸拾肆兩零則皆役蠹而非民欠矣然民役雖有攸分查各事犯俱在

上諭之前仍依本律止應徒杖似非失出若夫領解

南白二糧里民掛欠其中勘變家產追解未前似應嚴比完日照值銷算仍歸欠米之數爲可稽也又如金嘉等侵欠絲綿除項仲亨閔士璉管中試查欠追價外而沈起龍之領解絲綿據稱解部駁辦原絲未發金嘉領解絲綿已准部咨收過貳拾捌箱未開數目俱應聽候部奪咨照再行追勘者也至京絲價值數目差訛已駁行該司改正矣劉璽覺察無能縱役侵冒杖懲允當厥辜袁永嘉等侵欠纍纍內犯或死或逃

俱經着屬嚴追緝結而見在之各犯分別民役
依律徒杖奚辭但事犯

大赦以前可否免罪應候部議酌奪再查此案頭緒
繁多往返駁覆文移冗長除將該司備叙全招
清冊送部察核外相應具

題伏乞

皇上勅部覆議施行

康熙元年伍月拾貳日題陸月拾陸日奉

旨刑部核議具奏

回奏趙秉和招擬疏

題爲特糾縱蠹虐民縣令以儆官邪以安地方事
案准刑部咨開浙按楊 題叅蕭山知縣趙秉
和劣欵緣由奉

旨這所叅趙秉和各欵併本內有名人犯着該撫親
審確擬具奏該部知道欽此抄部咨院仰司提
審在案茲據按察司呈稱云等因到臣該臣
審看得知縣趙秉和稟資庸懦縱蠹貽殃致工
書任應宿因戰船而婪李華等銀二百三十五

兩借折夫而索何德等銀六十八金卽匠役凌
通等亦勒其二十二兩以飽私橐甚而虎捕蔡
勇等又皆狼狽爲奸捏辭窩盜酷詐章統十八
十三兩章大賢四十六兩方梅氏衣銀三十三
兩周心宇三十一兩四蠹烹分入已俱經訪案
審明歷勘供質不爽各名下贓銀應從此案追
沒外勒欠票二紙合追還原主者也至于徐正
領侵四司工料銀七十餘兩業已司廳審勘本
犯與省歇莫雲霖等分追補解而板累任士三
之八十五金仍聽彼案歸結若夫趙國輔一犯
據秉和供並未收役查叅欸原無贓迹今本犯
病亾無庸再議總之秉和憤然罔覺狐党盈庭
律依杖愆允當厥辜任應宿攫贓纍纍絢首奚
辭蔡勇陳安李春王宇朋比詐財並置流徙非
枉但事在

大赦以前可否免罪應聽部議核奪旣經該司確擬
前來該臣審勘無異相應具

題伏乞

皇上勅部覆議施行

康熙元年伍月拾貳日題捌月初叁日奉

旨三法司核議具奏

題請拾捌年災荒流免元年錢糧疏

題爲旱魃爲虐民命難生叩乞轉詳具

題亟甦民困事據布政司呈稱云等因到臣該

臣看得錢塘海寧等二十九縣被災田地應免

分數已經部覆定有則例臣儆該司嚴催造冊

分投部寺查核但查從前災傷議免每有原報

應免災荒人戶本年條銀畏止全完及蒙議蠲

文到反不得沾實惠其不在原報災荒應免人

戶本年條銀率多逋負若儘欠蠲除是使頑戶

反被其澤順民徒泣向隅似非

朝廷恤災之仁更有官蠹作奸乘機中飽亦復不少

矣臣因此駁藩司議詳十八年分不係災荒欠

戶仍應比追外如原冊被災小民果有尾欠亦

令照則清楚與已報全完者照順治十年奉

蠲流免之例扣算應免分數俱准流抵康熙元年本

名下應納錢糧一轉移間純良之民咸知實惠

普徧窮簷庶不虛

嘉惠災黎至意仍將花戶欠數曉示

蠲減則奸頑不致倖免而官胥亦不得侵蝕矣至于

應免欸項起存均減除禮部項下

上供急需及漕運等欸不入蠲數又先撥兵協二餉

俱難再議外合將元年分戶部項下未撥二分

等項及存留各欸扣數配抵併于工部項下循

例分免可無偏畸也其被災都箇花戶姓名應

免銀兩各縣造報未齊駁核改正恐違限期先

行

題報應減額數仍一面見在勒限攢造細冊俟部

覆之日另行咨部存查既經該司呈詳前來先將造到錢塘等縣旱災應免總數清冊送部查核外相應具

題伏乞

勅下該部議覆施行

康熙元年伍月拾貳日題陸月拾陸日奉

旨着察核該部知道

覆奏叛犯周澄江自行投監疏

題爲恭報衙蠹賍罪事案准刑部咨開該本部會同院寺會看得周澄江先經浙按疏稱從僞拷餉擬斬題報臣等以澄江並無自認親供題駁去後今據該按取有澄江口供仍擬斬併徐道士王一捷擬徒前來但細查招內有澄江親供海賊破城監犯俱逃伊于寇退卽來投監等語其澄江果否亂後逸出自行投獄疏內尚未明晰應仍請

勅下該撫嚴查的確作速具奏可也等因奉

旨依議行欽遵抄部咨院仰司確查在案茲據按察

司呈稱云等因到臣該臣看得周澄江乘居

海濱授銜派餉業經前按臣擬斬

題覆在案復准部查本犯寇退投監實情咨行確

覆茲據該司屢行府縣嚴查委係順治十四年

八月遇有海寇之變城破庫劫獄囚俱逃旬餘

賊退而本犯于九月十九日自行投監取有該

府縣併禁卒各不扶印結存卷比照江南徐元

善免死從杖永著爲例之

俞旨確詳到臣臣覆核與例相符可否允從應聽部

議核奪徐道士王一捷仍依前擬徒配案贓照

追入官既經該司呈詳前來相應具

題伏乞

勅下三法司核議施行

康熙元年伍月拾貳日題柒月貳拾玖日奉

旨三法司知道

同奏王太寧等招擬疏

題爲疲郡民力已竭貪蠹腹削不已乞

勅嚴察禁飭黜積弊以全殘黎事案准戶部咨開該

臣等看得科臣蘭挺達疏稱寧波一府禁旅駐

防草豆軍需加以造船無一非取給於鄞邑雖

各府俱有協濟貪并蠹役包攬折銀仍派鄞邑

支應鄞縣張縣丞慈谿縣丞徵收加派折乾

侵漁奸胥楊士升王太寧戴君錫周麻子孫喜

張堂等凡有大兵應付船隻人夫多派數倍折

銀入囊又經訪竄役戴章甫楊忠甫勒詐李規
大船伍兩小船叁兩得賄私放又藩司發銀買
豆委官侵尅短價以致濕爛搪塞該府另派里
下出銀補完等因查兵馬經臨地方俱准動支
正項錢糧供應原不許加徵私派累及小民何
物官役包攬折銀恣意勒索殊干法紀請
勅下該撫按備將科臣所叅各款逐一確查具題以
憑核議可也等因奉

依議嚴行欽此抄部咨院仰司嚴審在案茲據按
察司呈稱云等因到臣該臣看得科疏大兵
臨寧獨苦鄆邑及各蠹乘機苛索一案臣以事
關奸胥厲民再三嚴駁據審原任縣丞張書紳
聶大成久經陞任原未奉委收放而鄆慈奉化
等縣以司發豆料未能猝到不得不預派以應
軍需雖里民上納不過十分之一二旋即扣抵
正供而毛一璉戴星每里有七升五合之加耗
已供烹贍捌拾貳兩陸錢有奇矣若派船派夫
楊士升供由官派似未婪私而王太寧索得過

班陋例銀壹百壹拾兩周麻子索得食鍋等物
銀壹百兩先經按臣楊 訪拿審確原贓仍

應此案追沒至多派人夫戴君錫有壹拾伍兩
之得船戶季規陳坤有貳拾金之供卽差使酒
食戴章甫楊忠甫亦有壹拾貳兩之索各婪入
橐矣又如濕豆一項自省運寧俱由水路搬載
濕潤事實有因但歷訊經承咸供盡行給散並
無存倉另派等弊不特各縣剝晰而里通供稱
甚確似難深求除孫喜無從解質張堂未與軍
需張書紳聶大成屢審無干免議外王太寧等
均有入已之贓難辭並徙楊士升不行稟究杖
懲蔽辜但事犯

大赦以前可否追贓免罪應聽部議核奪既經該司
確詳前來相應具

題伏乞

勅下該部覆施行

康熙元年伍月貳拾貳日題陸月貳拾陸日奉
旨刑部核議具奏

題報逃人孫德等夥劫招擬疏

題爲捉獲劫財大盜據供旗下逃丁請

旨確察定奪以靖地方事據按司呈稱云等因到

臣該臣看得孫德楊燧子曹翰小壽兒進才與

已故之劉大在逃之白兔子俱自供逃人共謀

爲盜者也結同心于妓館肆強劫于路岐乘閩

省差官劉汝珩奉差過浙遣親吳順先程往蘓

採買顏料路至赤山埠僻七盜行兇執械群劫

箱籠藏貨盡爲所有挑夫陶明店敬何仁甫勢

極奔救喊集地方趙九等追擒衆盜于當場而銀包盃鐲等物相繼搜獲失主劉汝珩堅供被劫三百兩然押盜徧尋終不可得惟恐追捕諸盜落荒委棄屢駁司廳確勘無異似難深求原數也賍証供真論斬不枉但邇來拿獲盜犯每稱旗下逃人希圖緩死今孫德楊姪子小壽兄進才曹翰俱供旗主姓名真僞難辨未敢定擬所當請

勅督捕確查本主逃檔明白應作何議處聽部察核

定奪行臣遵照沈大華無辜應釋未獲白免子

見在嚴緝另結外既經該司招詳前來臣謹會

同督臣趙 合詞具

題伏乞

勅下督捕及法司核議施行

康熙元年伍月貳拾貳日題奉

旨三法司核擬具奏

題覆假印重犯李嘉援 赦疏

題爲欽奉

詔欵事據按察司呈稱云云等因到臣該臣看得李

嘉假冒子裕私刊木印乘魯二與沈清有工銀

未楚之口角遂商同屠鼎攬書假票殊標而王

海峰陳八則詭稱差役拘攝得受魯二布麥等

物迨後沈清訪知陳升擒報嘉等自作之孽又

安所逃乎首惡李嘉按律應斬屠鼎王海峰陳

八比匪爲奸均擬遠流魯二輕言受詐杖懲不

枉但事犯

大赦以前李熹罪非十惡可否與流杖之屠鼎等均

一 邀免罪贓追沒官應聽部議核奪既經該司確

一 詳前來該臣駁勘無異相應具

題伏乞

勅下法司覆議施行

康熙元年伍月貳拾貳日題捌月初壹日奉

旨三法司核議具奏

回奏閩道泰招罪疏

題爲塘報事案准刑部咨開浙督趙 題前事奉

旨閩道泰着革職該撫按提問究擬具奏該部知

道欽此抄部咨院仰司確審在案茲據按察司

呈稱云云等因到臣該臣看得閩道泰委署縣

務彈盜安民是其職守乃于會勦重務而延不

發船以致官兵失利違悞軍機咎自難追至查

保放盜犯一事恐有受賄故縱情弊屢經駁勘

據詳朱四朱五獲禁已久並無主質贓証適當

本官謝事之際遂有張君仲徐君甫等乘機潤保而君甫假捏舉人周振瑗名帖要挾求釋道泰昏瞶罔覺輕徇准保歷審委無賄縱之弊及嚴究徐君甫所持名帖實係添寫假冒周振瑗並未知情司廳屢審証口不移臣復親提刑訊各犯堅供如一閩道泰按律滿杖允足蔽辜袁秀張秀衙役得贓應照

新例流徙張君仲徐君甫陳二受賕保盜并扶同潤保之袁道明等分別徒杖贓各照追均不爲枉

朱五并續報江寧現獲之朱四俱各從盜案結閩道泰係關軍務罪難援

赦張君仲等各犯係在

大赦之前應否免罪追贓所當聽部核議定奪者也

既經該司確詳前來相應密

題伏乞

勅下該部核覆施行

康熙元年陸月初陸日題柒月初柒日奉

旨刑部核擬具奏

回奏鹽徒朱三十等招擬疏

題爲特叅鹽徒拒捕傷兵請

勅撫臣嚴拿究審以靖販源事准刑部咨開浙江巡

鹽蕭 題前事等因奉

旨據奏張彝鼎等結黨興販拒捕傷兵大干法紀着

該撫嚴提究擬具奏該部知道欽此抄部咨院

仰司提審在案茲據按察司呈稱云等因到

臣該臣看得鹽徒朱三十張大普張大豪俱相
從監故爲首張彝鼎之同夥也裝載私鹽公行

興販業經離臣蕭

擒獲

題叅准部咨行寃審茲據司廳再四確鞫朱三十等私販情真翟二攬載有據比時百總葛應高與墩兵陳士田率騎突至各犯俱棄船登岸旋被擒獲實未拒捕打杖不特各犯供吐鼠竄不逞卽葛應高等亦稱原無器械屢勘不移委難失入也除首犯張彝鼎已故免議外朱三十張大普張大豪違禁私販翟二受僱載鹽均擬城旦非枉見獲船鹽按律沒官朱得之審屬仇扳應與省釋旣經該司確勘前來該臣駁覆無異相應具

題伏乞

勅下該部核議施行

康熙元年陸月初叁日題柒月拾叁日奉

旨刑部核擬具奏



仁

撫浙疏草目次

卷之三

議給解滇餉路費疏

請蠲寧台溫遷棄丁畝田糧疏

題報寧台旱災紹屬潮患疏

題給兵米不便折銀疏

題報積欠協餉全完疏

題覆台郡劫失庫銀疏

回奏蠹胥孔貞敬招擬疏

補遺
覆奏台郡刦失錢糧疏

題報捐助桅木價值疏

再陳白糧經費疏

題覆捐賑饑民疏

再請蠲免寧台溫遷棄無徵疏

議給解滇餉路費疏

題爲白折徵解愆期恭請

勅部預頒定額以便及時完解事據糧儲道呈稱

云等因到臣該臣看得委解錢糧佐領俱屬卑

官沿途食用勢所必需向例每兩俱有額給路

費若無支領安能使之枵腹以從事也部撥浙

省拾捌年白折車夫等銀協克滇餉陸萬兩解

交楚督轉解平西王軍前支用查白糧項下原

有額編車脚路費自應于內酌給以爲解官途

題餉蠹徐廷臣懸贖難結疏

題覆重犯明學招擬疏

題覆部駁 計冊互異各官疏

題明大獄積贖尚多疏

題請重犯陸山二等免罪疏

題覆重犯金老定免罪疏

題覆假印重犯賀君卿援 赦疏

覆題郭真儒欵蹟疏

覆題竄犯劉泮章等招擬疏

回奏滿營築墻工料併病民緣由疏

題明巡歷邊海清查欠餉疏

題覆廠夫胡振甫等招擬疏

題覆重犯李思生援 詔豁罪疏

題覆劣衿蕭若蘭等招擬疏

覆審高鳳起欵蹟疏

剖陳科疏各欵疏

覆審林悅仁欵蹟疏

題覆重犯周廷娟免罪疏

中之用今部臣盡作正項克數撥餉費無從出糧道議于該年支剩行糧內動支應用係存留無碍之款每兩量給七釐並非冒濫臣兩經咨達戶部據覆解運餉銀水耗俱有應付此項原無路費不准議給但查勘合應付惟有夫馬船隻原無衆口供應廩糧末秩差官領解餉鞘爲數既多必藉人力隨行照看食費難缺如水程或遇風濤淺溜僱夫添輓盤剝陸路長途又必倩人幫協若裁給路費能保其不侵用正餉耶

且從前起解白折協餉據詳陸柒捌等年撥克粵東兵餉每兩原有動給路費壹分叁釐成例可援惟拾貳等年撥克本省兵餉所以不需路費見今漕折起解每兩編徵路費壹分輕資解部每兩動給壹分叁釐亦逐年銷算有冊何獨白折一項不准支給雖楚浙一水亦途長江陰每兩止給柒釐已稱節省實非過給在部臣惟以慎重靡費起見然任勞窮員亦難使之自爲裹糧致有向隅之泣也臣據委解官役

環門哀籲咸愬貧無措費該道又爲詳請具
題事非獲已應如所議仍于存留行糧折銀項下
支領銷美用恤解餉苦差以杜將來加派病民
之弊所當聽部查照漕折輕賚定例酌給者也
既經該道呈詳前來相應具

題伏乞

勅下該部察覆施行

康熙元年陸月初貳日題柒月初拾日奉

旨戶部議奏

請蠲寧台溫遷葬丁訟田糧疏

題爲遵

旨會閱浙省沿海一帶事據布政司呈稱云等因

到臣該臣看得寧台溫三府沿海人民遷移內
地各戶田土遺置畝外者照全書額徵丁口正
糧亟應除豁以甦民困臣前奉

諭安插遷徙編民誠恐耽延誤餉備檄司道府縣公
同丈勘造冊清查更念事關

題豁

國課倘非嚴立章程徹底詳察必致以熟冒荒詐
弊叢生臣頒發冊結三式責令產戶親填地
畝四至丁口糧則分委經營各官履畝勘實務
令直截造報瞭如指掌自去冬迄今因冊籍繁
多地方遼廣劄催檄督舌敝頰枯時逾半載始
得報齊茲據寧台溫三道及屯局都司運司送
到各冊備發藩司按全書科則逐一磨笺查寧
波府鄞奉定象四縣台州府臨黃太寧四縣溫
州府永樂瑞平四縣通計三府一十二縣共棄
置田地山蕩貳百伍拾伍萬叁千捌百伍拾捌
畝零共人丁貳拾萬肆千壹百貳拾貳丁零共
無徵銀壹拾貳萬貳千玖百陸拾伍兩捌錢零
無徵米壹萬伍千陸百玖拾捌石捌斗零又臨
海縣無徵民屯籽粒壹拾柒石捌斗零共無徵
拾捌年練餉銀貳萬伍千伍百伍拾捌兩伍錢
零此沿海遷棄無徵銀米之確數爲藩司項下
應蠲之額也各府秋米每年例于十月開徵拾
捌年柒月內奉

旨遷移該年畀外應徵秋米全無收納查拾捌年額銀在未遷之前徵過銀伍萬叁千伍百貳拾兩陸錢零尚未完銀陸萬玖千肆百肆拾伍兩壹錢零又本年練餉該銀貳萬伍千伍百叁拾捌兩伍錢零亦係遷棄在先加徵在後以上三項皆藩司拾捌年分缺額之數也又運司鹽課溫屬水鄉蕩價無徵銀肆百叁拾貳兩肆錢零太平縣水鄉蕩價無徵并滴珠銀肆拾壹兩壹錢零此二項向係藩司徵解運司今已無徵缺額又黃巖縣塗租無徵銀肆百兩肆錢零定海縣蕩田無徵銀肆兩零又黃巖太平定海三縣鹽課無徵銀壹百玖拾兩壹錢此皆運司項下應蠲之額也又台州松門海門金鄉昌國五衛通計棄置屯田共壹萬壹千貳百柒拾叁畝零無徵本色米貳千叁百柒拾壹石零每石折銀壹兩共該銀貳千叁百柒拾壹兩零無徵折色銀壹拾捌兩壹錢柒分零此皆屯司項下應蠲之額也查藩司項下應蠲銀米俱係撥充各餉刻

不容緩拾捌年遷棄無徵官軍嗷嗷待食勢必
于元年分額銀內預支濟用其元年分缺額無
徵銀壹拾貳萬貳千玖百陸拾餘兩內除運司
水鄉蕩價之外實缺壹拾貳萬貳千肆百玖拾
貳兩叁錢零此二項預支虧額俱當議補謹按
司冊通計拾捌年借支元年銀陸萬玖千肆百
肆拾伍兩壹錢零元年分缺額銀壹拾貳萬貳
千肆百玖拾貳兩叁錢零拾捌年練餉部撥元
年捌分兵餉內缺貳萬伍千伍百叁拾捌兩伍
錢零共缺額銀貳拾壹萬柒千肆百柒拾陸兩
零又拾捌年缺額米壹萬伍千陸百玖拾捌石
捌斗零內有糧道項下運丁月糧樂清縣減肆
百陸石叁斗肆升零定海縣減貳拾貳石壹斗
叁升零應聽另議撥補實缺米壹萬伍千貳百
柒拾石肆斗零皆係官兵月米應撥別餉買補
該銀叁萬伍百肆拾兩捌錢零該司咨呈戶部
已有照會俟查明實數

題報找撥據報遵照在案合計見在應補銀米二

項共該貳拾肆萬捌千壹拾陸兩捌錢肆分零
今兵協二餉需用緊迫司詳請于閩滇協餉改
撥別省或于別省協濟浙省所當亟爲請

旨早賜蠲除照數撥補至運司屯司及糧道月糧並
應聽部一併察核定奪臣因棄土田糧關係正
供故萬分詳慎責成各道督率府縣印官丈勘
具結似無虛捏恐部臣以錢糧爲重或有駁查
登答往返回

奏動經年月今缺額數多三軍待命呼庚可虞萬
難徐候撥給倘以事關重大伏祈

皇上特勅部臣先行撥補缺額以濟急需一而避差
滿官一員前來浙省會同原委丈量各官再行
履畝察勘真實自明庶免文移駁覆稽延而無
耽悞急餉之咎也至如丁口數目前報遷徙係
實在沿海人口今冊造送則係隨糧計口額丁
故有不符應併

題明今據該司造到寧台溫三府一十二縣棄置
無徵田地丁口四至原冊同各官印結另造簡

明文冊併應免錢糧項欵清冊及運司併屯衛
台州松門文冊俱送查核外其金鄉昌國二衛
先具田畝簡明數目仍催到四至文冊另行達
部既經呈詳前來臣謹會同督臣趙 鹽臣蕭
合詞密

題伏乞

勅下該部議覆施行

康熙元年陸月初陸日題

旨該部速議具奏

題報寧台旱災紹屬潮患疏

題爲申報異常旱荒事據寧台紹屬道府各詳報
災荒緣由到臣該臣看得浙省去歲旱荒饑饉
流離請蠲議賑業經屢疏上

聞方興今歲有秋收此待盡子遺不謂浙東各屬自
春入夏亢旱異常茲據海道呈詳鄞慈等五縣
早禾盡稿晚種無期一望荒郊槩爲焦土又如
台州接壤之寧海一縣呈報奇荒爲災特甚此
皆邊海戍守重地各該有司既慮民命之顛連

又懼兵食之難措汲汲額陳誠非得已而提督
臣田 又恐糧餉不繼有誤勦防咨報相符臣
念地方災苦營鎮月餉關係甚重勢難急應且
米價湧貴辦運維艱檄行藩司動支庫銀設法
買米用濟急需前經咨部臣復密疏具

題在案至于紹屬上虞旱災之餘踵接潮患據守
道詳報五都至九都計田米萬捌千玖百餘畝
四都以及十都計田肆萬肆千陸百餘畝潮水
停蓄之處禾苗隨種隨枯災患洵臻尤非他邑

可比臣每閱告災之文深以不職召青憐憫自
懼除一面備檄道府有司確勘被災分數另行
造冊報部並另議蠲恤外所有報災情形理合
據實先行入

告臣謹會同督臣趙 合詞具

題伏乞

勅下該部察照施行

康熙元年陸月拾捌日題 月 日奉

旨

題給兵米不便折銀疏

題爲部撥米價不敷軍需萬不可缺謹報明時值
懇卽核

題以便銷筭事據布政司呈詳云等因到臣該

臣看得浙省兵米不敷部議每米三斗折銀四
錢但浙省各鎮官兵向來有司俱買本色按月
關支從無支領折銀之例拾捌年分不敷米價
已經該司造冊報部復准咨回照原行折銀茲
據司詳兵丁月米爲三軍待命之需提鎮二臣

俱稱邊海重地全藉本色以資宿飽况自去年
旱災秋成既失商販不通米價湧貴市買爲艱
部定折銀較之時值幾及兩倍提鎮移文見處
彼時險汎窮兵使從何地買運賤米若照部議
執發折銀各營兵丁必向民間勒買不唯反滋
爭端抑且貽悞戍守故前此不得不爲買備用
濟急需至元年分兵米先因提臣四 鎮臣常
尚 以寧台溫三府汎守戒嚴亟催儲米臣
檄藩司動支庫銀先買壹萬伍千石以備主客

官兵支用已具有密報偵探一疏仰竇

宸聰聽部議奪其拾捌年分業經買米解給彙冊

奏報軍士嗷嗷食用誠難再議折銀該司具詳

題明銷筭實因兵糈急缺必需非敢故違部議也

既經呈詳前來相應具

題伏乞

勅下該部察覆施行

康熙元年陸月念貳日題柒月念陸日奉

旨戶部議奏

題報積欠協餉全完疏

題爲彙報積欠各省協餉嚴限督催截數全完仰

祈

睿鑒事臣自去年閏柒月貳拾伍日受事接營餉務

以來緝閱前後部咨稽查積欠各省協餉歷年

未完福建督臣李

題催四次撫臣徐

題催五次湖廣督臣張

題催三次廣西撫臣于

題催一次部覆議處經督撫藩司各降罰督催俱奉

嚴綸急如星火而閩楚粵各省督撫差官索餉公移手劄危詞迫切日以見告臣時初澈查庫帑如磬虧餉數多心悸神惶莫知所措因請見任藩司袁一相李茂始悉各省協餉拾伍年以前俱爲前任司餉各官貽誤各年見徵惟事那新抵舊以致奉

赦無補臣憂心如焚節次密疏具

題在案茲備查從前協餉歷欠之額拾肆年分計捌千捌百捌拾玖兩捌錢玖分零拾陸年分計壹拾捌萬肆千壹百柒拾壹兩壹分零拾柒年分計肆拾捌萬陸千陸拾壹兩貳錢玖分零拾捌年分計柒拾萬玖千肆百肆拾壹兩肆錢壹分零各年共未完協額壹百叁拾捌萬捌千伍百陸拾叁兩陸錢壹分零而楚餉項下有透撥銀伍萬伍千叁百貳拾餘兩之數尚不與焉懸額如此呼應維艱兼之兩浙頻年旱荒有司催

科徵解不前臣日與司道經營各官凜惕

功令羽檄交馳罔敢少懈計臣任事迄今將及一載

完過閩餉柒拾肆萬叁百肆拾伍兩肆錢柒分

肆釐粵東餉壹拾貳萬陸千貳百伍拾兩陸錢

叁分粵西餉叁萬壹千玖百肆拾兩肆錢捌分

楚餉壹拾壹萬捌千叁百貳拾肆兩叁錢壹釐

滇餉壹拾柒萬玖千肆百叁拾貳兩伍錢陸分

零閩旋大兵支用原撥餉銀壹拾柒萬玖千陸

百貳兩玖錢伍分零江南京口餉銀壹萬貳千

陸百陸拾柒兩貳錢零前項原欠壹百叁拾捌

萬捌千伍百陸拾叁兩陸錢壹分有奇之額已

經照數完解其楚餉透撥伍萬伍千叁百貳拾

餘兩卽于留抵閩旋官兵支用之內通融解發

各項撥欸截數全完俱無遺欠矣惟是節年協

額積欠難清從前支借外項無補臣徹底清查

前具有備陳六協二餉缺額緣由一疏上

聞部議先撥練餉壹拾貳萬兩用濟燃眉臣始得陸

續徵解無悞至于拾捌年旱災奉

蠲及沿海棄置無徵猶有缺額尚待部撥補苴臣嘔
心盡瘁夙夜拮据不敢怠忽而經營司道各官
亦復奉行恐後多方那措勉力報完歷年壓欠
一旦全清庶幾倖逭再誤之愆也茲據藩司彙
敘始末叅罰情由見在另疏

題報定奪所有臣任內督催完過積欠協餉細數
及起解日期備造清冊送部查考外理合一併
具疏

題明伏乞

勅下該部察照施行

康熙元年陸月貳拾捌日題捌月初玖日奉

旨着察核戶部知道

題覆台郡刼失庫銀疏

題爲台郡旣復功罪宜明謹密陳綜核之實以服羣情以伸

國法事准戶部咨開該本部看得各屬完解貯庫皆在拾叁年之冬至拾肆年之秋今寇犯在拾肆年捌月半年之內錢糧豈無解發司庫乃直待寇至報係刼失其中難免侵冒情弊再解役金生紳旣經殺傷解役金茂赤貧應着原委官賠補難以一槩請豁且部收王祚久本色蠟茶

等項先經妄報被劫後俱完解情弊顯然相應
請

勅下該撫查明承追各官指叅以憑議處并將原報
劫失銀數逐項徹底清查另造清冊具題以憑
覈覆等因奉

旨是依議行欽此抄部咨院仰司確覆去後茲據布
政司呈稱

云

等因到臣該臣看得台郡劫失

錢糧兩經勘實具疏

題明部覆恐有侵冒情弊復又駁回逐項另造清

冊茲據司詳庫失錢糧係順治拾叁年冬及拾
肆年秋陸續收貯故未經解司當日海逆倉卒
登犯據城一月守令被脇從賊雖窮簷蔭屋亦
盡遭搜劫豈庫帑所貯反有存留遺與後來官
胥乘機侵冒乎揆于情理事之必無明白易見
臣祇遵再駁節次批查該府縣結勘最真斷難
復問于殘破之餘以貽不結之案也若王祚久
補解本色蠟茶等項前撫臣陳

因

上供急需恐干叅罰乃據司議在于各年未完新加

折色銀內辦解補苴司府敘詳有案亦非先行
妄報被劫而後追取完補也至解役金生紳等
被劫錢糧部議應着原委官賠補據查原委官
係本府通判鄭重已經于失事一案革職擬戍
赤貧一官問遣已久斷難追賠惟太平縣借支
團甲銀十兩民壯工食銀叁拾肆兩陸錢俱照
數追完于元年陸月拾肆日解司收庫又黃巖
場鹽課未完銀貳百叁拾陸兩肆錢零已據刑
官追完于元年伍月初拾日差潘霞管解投納
訖部查承追各官職名自應免議該司通查原
欠錢糧備照部文逐項登答造冊見在所當聽
部覆核定奪除府縣各官印結前已送部在案
既經該司呈詳前來除將清冊送部外相應密
題伏乞

勅下該部察覆施行

康熙元年柒月拾柒日題捌月拾壹日奉

旨戶部知道

四奏蠹胥孔貞敬招擬疏

題爲奸蠹詐派愈竒地方腹削日甚謹據實指陳

仰祈

勅部嚴察仍爲通行禁飭以除弊安民事准工部咨

開工科薛 題前事奉

旨這奏內孔外郎濫派私詐情弊大干法紀着該撫

按察明嚴提究擬具奏該部知道欽此抄部咨院

仰司提審在案茲據按察司呈稱云等因到

臣該臣看得科叅司蠹孔外郎機乘造舩詐派

行戶奉

旨咨行究擬行據司詳原疏孔外郎未有的名備搜
藩司卯簿亦並無孔姓吏胥再四訪察止有藩
司已故總科吏孔聞知身死六年其子孔貞敬
營叅海鹽兵吏曾經承管戰船初次提審尚以
縣蠹司胥不符曉曉置辯覆加嚴鞫始將在縣
婪詐之贓一一供出因漏役之各供竟肆行其
需索得受木鐵等匠馬二沈張童等贓銀共貳
拾伍兩歷經駁勘據審俱屬窮工確証止有此
數毫無隱匿至于取用鋪行欠價未給在海鹽
則欠林復初銀壹千壹百肆拾肆兩許完銀貳
百玖拾兩戴成銀玖拾兩洪太如銀壹百柒拾
捌兩係兵書許世昌經承久經物故原非貞敬
之指索也在嘉善則欠陳吳德銀叁百肆拾貳
兩江順銀陸百貳拾肆兩貳錢係兵書俞乃言
等經承雖無勒取而不詳明正項支給罪自難
追亦與貞敬無涉也除二邑鋪戶欠價已經嚴
檄各該縣速行照數查額找給外孔貞敬婪贓

有據流徙足蔽厥辜俞乃言俞汝榮陸上澗倪士仙發價稽遲並杖非枉但事犯

大赦以前可否追贓免罪應聽部議核奪既經該司確擬前來相應具

題伏乞

勅下該部覆議施行

康熙元年捌月初捌日題

奉

旨刑部核議具奏

欽此

題餉蠹徐廷臣懸贓難結原

題爲餉蠹害民已極勒審贓証並真謹據招

題報事案准刑部咨開該本部查得徐廷臣王景

明張光羽皆蠹役孫文謨案內人犯也先據該

撫疏覆臣部查廷臣贓銀壹萬肆千捌百餘兩

疏開應追銀柒千叁百餘兩零與原招銀數不

符且要犯王景明張光宇未獲

題駁去後今據該撫疏稱前擬贓銀飾殿八分卽

在使費一錢之內尚未詳確况王景明張光宇

逃脫未經面質又疏開廷臣供王景明張光宇
二犯潛匿京師既有居址應請

勅下兵部及巡城御史嚴行緝拿獲日押赴該撫窵
審賍數明確一併具奏可也等因奉

旨依議欽此抄部咨會兵部都察院轉行捕營五城
緝拿去後准都察院咨送犯人張光宇到部擬
合咨解等因到院備仰按察司研審在案茲據

該司呈稱云等因到臣該臣看得餉蠹徐廷

臣南米科賍一案疏經三上而三駁審者止緣

賍數未符要犯未獲致案久難結也臣自接管

查催不遺餘力司廳屢詳確勘當日成招之時

廷臣實未到官而以公費一錢篩颺八分列爲

二項懸坐廷臣名下計賍壹萬肆千有餘迨廷

臣赴部投辯發浙質審歷供承管錢法南米非

其經手復經咨部請發王景明張光宇等而景

明一犯又爲司差王元士疎縱脫逃窮搜浙省

終無弋獲光宇已准緝解又訊係餉司湯大臨

家僮亦並未承認勒賍及再三駁勘審據正供

節慶實在公費之內計贓柒千三百有奇查廷臣原領餉司裴有學置貨銀伍千伍百兩應着抵完前贓尚欠壹千捌百餘兩仍請

嚴勅直省廣緝務獲王景明結案各犯俱照原擬庶廷臣不得肆其狡口而贓案不致久懸矣據經該司呈詳前來相應據實具

題伏乞

勅下該部議覆施行

康熙元年捌月拾伍日題玖月貳拾叁日奉

旨該部擬議具奏

題覆重犯明學招擬疏

題爲恭陳四款以佐

皇上勤民大政事案准刑部咨開該本府會同院寺
會查得周進等首主通海一案今據該撫按疏
開周進明學赴縣首報馬鳴鑾私通海寇差伊
等往送馬信禮初見有銀麒麟紗帽爲証縣令
李何煒會同防官至馬宦家搜出紗帽弓箭蟒
緞等物點明貯庫等語後審馬鳴鑾通海情由
盡屬子虛將周進明學依誣主律擬絞又聞馬

鳴鑾以縣令李何煒統丁百餘兇傷五命洗劫家財互訐情節因李何煒離任已久未經審明具

題前來查周進明學首王通海其搜出紗帽雖原係優人來彥的但來彥未經拘獲對質且馬鳴鑾互訐李何煒離任未經審明事關重大應候勅下該撫按嚴訊紗帽果否係來彥的并提李何煒將抄搶情由質審確擬速行具

奏可也等因奉

旨依議行欽此抄部咨院仰司覆審在案茲據按察司呈稱云等因到臣該臣看得明學等逆奴誣王一案業經前撫臣佟擬絞具

題准部駁查來彥係案內要犯未經獲質及馬鳴鑾互訐李何煒抄搶情由尚未審明咨行覆勘茲據司廳研鞫戲旦來彥與學等畫謀陷王謂非精點紗帽不足以實通海之詞屢審明學供認不爽雖來彥在逃故犯周進確供具在則其共謀陷王情真罪當至知縣李何煒適因海濱

多事見者生疑乃與衙役朱錫等多人入室搜
勘當此蜂擁人稠遑計其家資搶失今提到何
煒與馬鳴鑾屢經而質官役無染似難窮詰何
煒已經叅處降職無容再議查來彥事發畏罪
驚竄七載承緝無踪且異籍逃亡弋獲難期必
俟對簿

欽案徒懸應候照提獲日另結除周進斃獄免議明
學同謀誣首雖稱寇變後自行投獄該司以學
家奴告主難從寬典仍照原擬絢首不枉衙役
朱錫等同行搜勘實無贓私杖懲難辭但事在
赦前朱錫等似應寬免既經該司確覆前來相應具
題伏乞

勅下法司核議施行

康熙元年捌月貳拾陸日題拾月初壹日奉
旨三法司知道

題覆部駁 計冊互異各官疏

題爲

計冊關係不輕吏治難容紊混謹循例摘叅以肅

大典事准吏部咨開會議得吏科河南道循例摘叅

二疏細查數內事情如廣西梧州府同知張璠

督撫同舉卓異而浙撫則以原任浮躁露章查

本官拾伍年拾壹月陞今該撫題叅憑何所據

浙江副使楊世學巡撫叅其賦性乖張耽情勉

藥楚督冊內又稱其老成練達政務畢舉以上

各官相應

勅下各該督撫將互異緣由明白回奏到部之日另議又有雖經緣事實未解任其中賢否倍宜詳察而台州府推官王階浙江冊內不聞及奉文裁汰之官而本任之賢否自在而右布政薛信辰寧海知縣于時榮浙江冊內不聞浙江平湖縣知縣金鍛雖經別案叅處見在任事例應註考以上所叅相應

勅下各該督撫將未開緣由明白具奏以憑另議等因奉

因奉

旨是依議行欽此抄部咨院仰司確覆去後茲據布政司呈稱云等因到臣該臣看得三年課吏採訪官評督撫甄別賢否原憑兩司道府刑官揭報事蹟以定去留母論陞遷降調凡有疵議難容曲徇此從來考察之章程也臣于去秋受事適當

大計屆期因履任日淺見聞未真諄戒司道府廳矢公品騰又恐勸懲失當再三面詢司道刑官衆

論僉同據冊註考曾將任事方新諮訪靡及情
由卽于糾劾疏端具

題在部可案茲部查原任金華府通判張番于拾
伍年拾壹月陞任以浮躁叅處憑何所據臣檢
司道府廳冊揭原開劣蹟三款內如扣除蔣君
義米價叁百兩告發在本官見任之前審結在
本官陞去之後據查此案米價至今尚無着落
又如署浦聽蠹視茂元以緝盜牽累多人見有
王六貴等被害質証此皆在浙劣款例難姑息

去任而追于吏議臣以浮躁論劾所憑各官揭
報原非無據至粵西督撫舉其才能又非臣所
可得而知也原任驛傳道副史楊世學藩臬二
司揭報劣蹟二款謂其性情乖張日耽麴蘖料
理兵船漫不經手以致稽遲軍務又任內站銀
拖欠甚多曠職如此法豈容寬臣據實糾彈不
能爲之隱諱也本官在楚或能盡職是其改絃
勵節又豈可以在浙過失同日而語乎至查該
叅緣事降革等官如無貪酷事蹟司道府廳舉

冊不敘優考不列事實臣衙門止註降革字樣
所從來矣如原任右布政使薛信辰冊開順治
拾柒年陸月到任本年捌月內因前任爲賄填
事一案部議照原任降一級調用本官任事僅
及兩月聞報降調優劣難評兩司亦無事實填
報臣復加詳慎查閱拾伍年撫臣陳

造報

大計底冊內有右布政使李士焜以工部侍郎外補
于順治拾叁年肆月內到任拾月內聞報京察
處分在任半年有餘冊內註考亦止填已經京
察間任未常另註優劣臣因薛信辰任事較李
士焜更淺原無功過可指故註已經降調非敢
疎略上屆報送五花冊在部可查也台州府見
任推官王階適當考察之期有武舉王年永許
奏通政司奉

旨各行勘問臣時初蒞據臬司具詳復駁行再審虛
實雖兩司道府俱言本官稱職然查緣事未結
之官從無又註優考之例自貽駁詰之咎故註
以被許候查此臣慎重官評亦非輕忽遺議也

若寧海縣知縣于時榮到任未久旋以前任萊州府經歷署掖縣印務因協餉未完被叅降調平湖縣知縣金鋹因侵欺工部項下錢糧被叅察議司道府廳俱無劣蹟開報故註于時榮前任降調註金鋹已經工部

題叅候議字樣此二員別案處分之官查其在任平常既無貪酷事蹟亦無庸再別優劣已上各官臣據藩臬二司守巡各道知府推官揭報相符分別詳填蓋亦率由舊章非自臣始有違誤也至于各官離任一年以上不得註考部文臣于拜疏發冊之後方准咨到事已無及隨于拾捌年拾壹月拾柒日具疏

題明在案相應據實回

奏聽部察核定奪既經該司查覆前來理合具題伏乞

勅下該部議覆施行

康熙元年捌月貳拾陸日題拾月初壹日奉

旨該部院知道

題明大獄積牘尚多疏

題爲大獄積牘尚多臣因會審再駁謹具疏

題明以俟勒催詳結事切惟刑獄重情死生攸繫

出入平反務在詳明倘原招少有疑竇必須再

三駁問允協方敢疏陳罪案蓋仰體

皇仁明慎用刑至意也臣受事以來適當巡方停止

一切刑名積案併歸臣衙門清理備查前任撫

按諸臣各年

奏報大獄冊內重犯起數已完者少未完者多甚

有沉滯六七年或十餘年難結之事繙閱招由如係強盜或供情失實贓仗未明或同夥淹斃事主無人如係人命或屍傷舛謬或証佐久亡以及叛逆詐僞等案罪犯亦屢審游移雖經前按臣巡歷會審率多駁勘未結向來積牘職此之故臣自接管按務立限催結不遺餘力每據臬司詳覆重犯情真罪當者必批牢固監候會審具

題蓋事關重刑非會同問刑各官親審明允不敢

輕易上

聞致干法司駁詰但查往時各府重犯俱羈本處候巡方所至始送審錄臣駐劄省城勢不能如按臣巡行會審業經申飭司道提取各案重犯証佐來省會同司道各官自七月初旬至八月終旬陸續詳審過批允重犯情罪無疑者共一十六起見在逐起另疏具

題聽候法司核議定奪惟是拾壹年起至拾捌年止據臬司冊開逐年

題報大獄共有六百四十八起已結三百三十一
起未結三百一十七起中有情罪未確臣將解
詳會審者一一逐起駁發再勘其未解會審批
駁待覆者仍嚴督催結又有已經監故案無餘
犯可審者尚在清查容臣次第

奏報外臣因各年尚多積贖皆係前官駁審未結
茲經臣會審再駁浙省幅輒遼廣批詳往反動
經月日始得詳報若有疑義勢必駁查又需時
日然各案從前因駁久滯非臣任內耽延且近

准刑部咨飭清查刑獄速行疏請發落若不據
實

奏明今次駁問情由恐蹈將來遲結之咎謹因秋
期審錄事竣並查今歲無監候奉

旨秋決人犯理合一併

題明伏乞

勅下該部查照施行

康熙元年捌月貳拾陸日題拾月初壹日奉

旨刑部知道

題請重犯陸山二等免罪疏

題爲恭陳四款以佐

皇上勤民大政事據按察司呈稱云等因到臣該

臣看得陸山二賣菜爲生岑宜捕魚度活家居
海濱致被賊擒實非甘心相從各有該縣親鄰
原呈可據也前據紹協都司韓可桂報開二犯
因砲擊碎舩跳水陣獲俱當正法但初審再勘
陸山二岑宜堅供被擄迫脇乘間逃歸曉曉稱
冤前按臣奉會審游移駁發覆訊問刑各官

悉心推敲咸謂陸山二公宜委是棄逆來歸非
屬對仗成縛臣以事關平反批令拘訊原獲兵
丁王印斗滿貴質審虛實而二卒又隨將去任
無從對簿再三駁勘該司查取該縣當日被擄
下海報呈及里鄰親族其結驗明無假似與真
心爲賊者有間情既矜疑允當祝網用昭
朝廷招徠向化之仁也可否允從合聽部議定奪既
經該司確詳前來相應具

題伏乞

勅下法司議覆施行

康熙元年玖月初壹日題拾月初陸日奉

旨三法司核議具奏

題覆重犯金老定免罪疏

題爲恭陳四款以佐

皇上勤民大政事據按察司呈稱云云等因到臣該
臣會審得金老定曾入賊營受衛夥劫迫爲江
西廣信營弁搜獲業經該省道府審供係招賊
投誠移文原籍久已取結歸農矣復以索逋往
鄉携有鹽徒徐文沈龍等致鄭舍有鳴衆獲解
初審以目前之罪罪之故擬重辟後屢經駁勘
原係賒鹽取價委非怙惡不悛不特鄰佑士民

互質不誣卽含有亦云不曾執械口供歷歷烏
得以舊染而加之顯戮耶況事在

大赦以前可否與罪杖徒犯之徐文等均邀祝網仍
聽法司核奪既經該司確詳前來相應具

題伏乞

勅下法司覆議施行

康熙元年玖月叁拾日題拾壹月拾叁日奉

旨刑部核議具奏

題覆假印重犯賀君卿援 赦疏

題爲恭陳四款以佐

皇上勤民大政事據按察使呈稱云等因到臣謹

臣會審得賀君卿詐僞奸徒也因船工急需乃

僞造印票婪詐陸士國賍銀叁拾貳兩俱質鑿

鑿雖竊擲僞文希圖滅跡而復刻明驗律斬奚

辭張耀甫同謀代寫站配不在至疎縱之俞瑞

生馮相及伊親施明各杖允蔽厥辜但事在

大赦以前此案核非十惡可否援

例免罪贓仍照追均聽法司議奪既經該司確詳前來相應具

題伏乞

勅下法司覆核施行

康熙元年玖月叁拾日題拾壹月拾叁日奉

旨三法司核議具奏

覆題郭真儒欺贖疏

題爲特糾貪黷有司以肅吏治以安民生事准刑部咨開該本部看得革職知縣郭真儒先經浙按列欵糾參奉

旨提問去後今據該撫疏稱真儒贓無染指衙役陳起鳳等各有詐贓分別流徙杖罪前來查原疏參郭真儒橫徵白糧三百餘石今審係衙役陳起鳳入已又止認米壹百石與原參不符難以擬結相應仍請

勅下該撫嚴審確招限五個月具奏可也等因奉
旨依議行欽此部咨院仰司覆審去後催據按察
司呈稱云云等因到臣該臣看得革職知縣郭
真儒原叅劣蹟四款前據臬司勘明真儒與生
員褚茂章擬杖衙役陳起鳳等擬徙

題覆在案唯橫徵白糧一款部以坐贓不符原款
駁回再審臣卽轉行問官執法嚴訊據司詳讞
嘉善通縣二百畝除儒官四十四畝自納外其
餘一百五十六畝蠹書陳起鳳每畝多派五七
斗不等盡入私囊被害孫詳等前後供吐無異
也但事關部駁屢批細鞠刑官查按臣叅疏雖
開私派糧長名下白糧米一石或數斗不等約
共三百餘石茲察訊通邑止二百畝卽科每畝
一石亦止二百石况內云數斗不等此蓋約略
而言誠不能舍供質而懸坐原叅之數也研審
再三証口如一似難深求蠹胥瞞官暗派真儒
覺察無聞駁勘委無染指應與陳起鳳分別杖
徙贓照追沒其別款夏仲唐子亮薛萬春劣生

稽茂彰俱照原擬

赦前應否免罪追贓聽部核議定奪既經該司勘詳
前來相應具

題伏乞

勅下該部核覆施行

康熙元年玖月叁拾日題拾壹月拾叁日奉

旨刑部知道

覆題蠹犯劉泮章等拓擬疏

題爲

宸衷之宵旰甚殷有司之朦蔽未改謹據事指陳仰

祈

勅部察議以圖實政事准刑部咨開查得蠹役劉泮
章劉美中局騙徐用章逼姦其妻王氏一案先
經科臣糾叅臣部題覆奉

旨行今該撫將泮章等研審定罪併將賄縱情節查
明指叅去後今據該撫疏稱泮章等所騙用章

蕩契價值壹千貳百兩已經追還其姦情係指姦無據止審實得用章田價壹百零肆兩其承問官原無賄囑之情將泮章等擬徙援

赦具題前來查劉泮章劉美中勒徐用章蕩價壹千貳百兩田價銀壹百貳拾兩并逼姦其妻王氏被用章告發審實泮章等賄囑承問官薄擬皆確有可據今疏稱止得賍銀壹百零肆兩承問官並無賄囑情弊與原叅大不相符况逼姦王氏既稱無據而招內又無王氏親供且疏內未將原叅各款開列難以擬結相應仍

將該撫將泮章等勒詐逼姦嚴加究審并確查承問官有無賄縱情弊限五個月具奏可也等因具題奉

旨依議行欽此抄部咨院仰司覆審去後催據按察司呈稱云等因到臣該臣看得蠹犯劉泮章等賍罪前經具疏回

奏部以原叅各款審未相符覆議再勘茲據司詳劉泮章指詐徐用章田價止得銀壹百零肆兩

其蕩價契載壹千貳百兩原欲貸銀使用後因
告發退還附卷見係蕩契實非確有蕩價也劉
美中先以贓証無人照律擬配自金茂出質始
審實得贓壹百兩卽與泮章並議流徙此皆拾
柒年捌月內爰書定案在科叅部文未到之先
承問官按罪懲奸原非薄擬歷審供招委無賄
囑情弊至逼姦一節據王氏堅供祇因當日索
債有移宿其家一語遂致用章憤訐並未有姦
屢駁無異似難深求劉泮章劉美中仍照原擬
流徙洵無枉縱但查事犯

赦前應否免罪追贓統聽部議定奪既經該司呈詳
前來相應具

題伏乞

勅下該部覆議施行

康熙元年玖月叁拾日題拾壹月拾叁日奉

旨刑部知道

回奏滿營築牆工料併病民緣由疏

題爲請

旨遵行事據布按二司巡杭道各呈稱云等因到
臣該臣看得鎮浙官兵內有四旗于滿營城外
撥房居住部議築牆分畀奉有

俞旨臣與督臣面商檄委道府廳縣會同滿營查勘
丈量據詳應自湧金門一帶由沈公井巷至積
善坊巷接連滿洲城畛爲止計築牆計四百八
十三丈每六尺爲一度計八百零五度照順治

七年築砌吩牆磚灰夫匠等項原冊每度該銀
叁拾柒兩伍錢叁分玖釐伍毫內除應拆舊牆
堪用磚料抵美新磚價銀陸千捌兩叁錢零外
加拆牆工價伍百貳拾伍兩叁錢陸分土箕桶
檐鐵鈹等項肆百餘兩共該銀貳萬伍千壹百
叁拾伍兩叁錢陸分一切工價俱照柒年成例
不使少有浮溢其近吩民房仍應拆去壹千餘
間合用錢糧應聽戶部于正項銀內撥給動支
仍照例責派杭嘉湖紹嚴五府分工築造此奉

部文添築吩牆之議也臣等正在區畫間又准
鎮浙將軍柯 令照省城式樣上用五馬並行
通拆舊牆重新築建隨卽復行司道府縣改議
築城據稱計城基袤長貳千柒百陸拾柒度城
身城堞高濶尺寸照省城式樣每度總計工料
銀壹百壹拾肆兩伍錢零其該銀叁拾壹萬柒
千捌拾餘兩內除拆用舊磚抵價壹萬捌百肆
拾柒兩柒錢零實該銀叁拾萬陸千貳百叁拾
餘兩應拆民房捌千餘間鹽運司公署并織染

局亦在應拆之內工費懸殊不啻十倍此准將
軍改令築城之議也臣等再三籌酌浙省自順
治初年以來征調頻仍災傷相繼閭閻困苦供
應繁難加以去年亢旱今歲饑荒流移喪亡情
狀臣屢經具疏上

聞矣茲築牆分畊之役部令設法修築斷不能擅派
民間但所需工料爲數甚多搜括公家帑如懸
磬勸輸各屬術乏點金誠無法可設得以興此
大工也若照部文止添築畊牆自應比照順治
柒年成例動支京餉派諸五府庀料鳩工庶不
有誤軍務應請

勅令戶兵工三部會議錢糧行臣等遵奉舉行至將
軍柯 又欲議照築砌城垣式樣計估工料參
拾餘萬折燬民房約略八千餘間鹽運司織染
局二處公署俱當圈占另勘揆之事勢公私萬
難輕舉况杭郡市民節次安插營兵遷徙流離
苦不勝言若再築城又令失業殊堪惻憫司道
府縣咸謂兩奉部文止令築牆不令築城且言

兵民沿習已久相安無異或可暫停休息俟時
和年豐徐議修築介牆亦軍民兩利之一策也
可否行止聽部定奪非臣等所敢擅議也既經
司道會詳前來除將築牆估冊送部查核外臣
謹會同督臣趙 合詞具
題伏乞

勅下該部議覆施行

康熙元年拾月初肆日題拾壹月拾叁日奉

旨該部議奏

題明巡歷邊海清查欠餉疏

題爲遵

旨會閱浙省沿海一帶事准提督臣田 咨開欠餉
緣由到臣該臣看得寧台溫三郡俱濱海洋戍
守官軍最爲險苦全藉足食爲先誠不可須臾
緩也臣受事之初每閱鎮將移文備述各營歷
欠糧餉有至半年無給者惟溫州爲甚台寧次
之臣細察根由據該道詳稱溫屬各縣自拾伍
年海寇盤據半年人民屠戮城郭丘墟台屬郡

邑屢經殘破田土荒蕪遂致無術催科故節年
兵協二餉歷欠至此臣憂心如焚因檄各道有
司徹底清查如温州一府拾陸年起至拾捌年
止共積欠餉銀壹拾陸萬捌千肆百陸拾柒兩
有奇臣具有特叅邊海誤餉印官等事一疏兩
經

題叅在案至今仍無分毫完解去年之秋又奉

上諭遷徙沿海居民寧台溫三府瀕海田土盡行棄
置從前遺欠民苦失業流離有司愈難追呼雖

日加叅罰何濟于事更慮官軍枵腹待食恐變
生意外節次那移司庫正項以爲剝肉醫瘡之
計臣亦屢疏

題明矣前催據司道彙報遷徙田地山蕩無徵糧
額及逋欠等項共應蠲免找撥銀貳拾肆萬捌
千餘兩備查號段四至科則各冊具疏

請撥補餉銀以極燃眉此懸釜待爨之需萬難刻緩
誠恐部臣慎重駁查徒爲往返貽悞故不獲已
有議差滿官覆查之舉今部議仍令臣再行逐

項查明作速

題報核議奉有

俞旨臣敢不凜遵刻期清察但臣去年沿海安插人民就頒冊式查報棄置田糧間日督催直至半載之後始得造冊報竣蓋因台溫越在海嶠去省途遙文移批駁動輒數月今各區呼庚之文踵至脫巾之患可虞若坐待各屬勘覆撥餉必致有悞兵食臣行據藩司查報寧台二府及紹興協濟寧波軍糧各年約共欠餉捌萬捌百柒拾陸兩有奇亦屢催無應臣當親臨四府逐款嚴查方克有濟擬于本月貳拾肆日東行察核軍餉侵欠并覆查棄置田糧臣還府勒限造冊彙疏

奏報可無耽延悞餉之咎也但往返有三月之前臣查有新舊難完

欽件業于請寬

欽件限期一疏具

題俱經各部展有限期今巡行濱海地方一切奉

行部咨及展限事件容臣回省日料理仍照各部立限陸續如期報結庶免違限之責相應一併密疏

題明伏乞

勅下該部查照施行

康熙元年拾月貳拾肆日題拾壹月貳拾壹日奉

旨該部知道

題覆廠夫胡振甫等招擬疏

題為謹陳廠夫橫行之害事案准兵部咨開該臣等看得驛站夫役自有額設工食銀兩私派累民屢經嚴飭今據科臣張疏稱浙省嘉秀二縣除驛站夫役之外濫設廠夫巧立名色科派鄉民為害不一等語查私派廠夫作惡害民相應請

勅該撫按嚴查蠹役科派情弊并廠夫害民實跡按法從重究治凡所屬見在廠夫盡行禁革止用

額設驛夫不許復設厥夫名色以除民害并通行各省撫按一體查禁可也等因奉

旨是依議嚴行欽此抄部咨院仰司確審在案茲據按察司呈稱云云等因到臣該臣看得嘉禾厥夫之害爲日已久自按臣牟訪確拿寃而科臣張列疏糾叅始得明正其罪而永革之然寃其始禍則由經承之希圖扣剋也今研審嘉邑尹起莘與沈覺則有捌拾叁兩陸錢之私而鍾隆祚則獨婪陸拾貳兩柒錢之數其秀邑止錢弘胤一人已經物故無可究追乃若厥夫肆

橫則胡振甫等之毆辱子矜更加搶奪審賍貳拾捌兩施君甫等之借命居奇夥黨圍詐共勒壹百肆拾肆兩劉敬橋牛行之索柒拾貳兩劉敬山誘賄之賍陸兩又黨李思溪等重等之加陸兩肆錢有奇張敬宇指揮攫取業有貳兩之供吳山縱惡詐財合有陸拾陸兩之得均屬不法惟沈華山娶妻繆氏審非姦佔劉敬山忿斃張明山原屬病亡爲有差耳及寃頂首圖復等

欒據供爲首數人止有一十三金之設餘皆流
丐僱克一旦奉革俱已遠竄審無聚助思復之
事臣以事關除弊再四駁究終無異辭鍾隆祚
尹起莘沈覺楊文衙役犯贓難辭流徙胡振甫
張敬宇律依搶奪施君甫朱明甫薛益並擬誤
殺與詐欺之劉敬橋吳山失囚之唐相分別徒
站允當厥辜周拔山等之劫掠并洪亮之烹私
及鈕立等之說事各杖不枉但事在

大赦以前可否追贓免罪均聽部議核奪既經該司
確勘前來相應具

題伏乞

勅下該部覆議施行

康熙元年拾月貳拾肆日題拾壹月貳拾貳日
奉

旨刑部核議具奏

題覆重犯李恩生援 詔豁罪疏

題爲恭陳四款以佐

皇上勤民大政事據按察司呈稱云等因到臣該

臣會審得李恩生原係故犯袁聖章供其曾在
海賊厲捷船上書寫及經駁勘又有別案監斃
宋周亦供識其面貌致擬重辟然初無自認確
供也業于拾叁年大獄冊內

題報在案後該前按臣牟 巡歷會勘閱招批駁
屢經問刑各官覆審本犯傭書打糧終無確情

止供聖章與宋周原爲同黨事因仇口株扳刑
訊再三毫無異說今二犯俱服冥誅無從質問
情實矜疑應與平反該司援引

詔欸有因叛逆干連原係無辜者卽與審明

題諮之例此案適與相符自應據實

題明聽部議奪旣經該司確詳前來理合具

題伏乞

勅下法司覆議施行

康熙元年拾月貳拾玖日題拾貳月初陸日奉

旨二法司核議具奏

題覆劣衿蕭若蘭等招擬疏

題爲叩

閣事案准刑部咨開該本部議得王朋趙勝潘龍鶴
魯榮等狀告生員蕭若蘭等隱田虧賦情由在
該督撫按控告批布政司查議並未審結遽赴
部院衙門控告又擅行越赴叩

聞王朋等應照例責四十板其所告情由應不准行
但狀內田畝錢糧在外未結相應將王朋等發
該撫按查明確議報部可也等因具題奉

旨是王朋等依議欽此抄部咨院仰司確審在案茲據按察司呈稱云等因到臣該臣看得王朋等訴告劣衿蕭若蘭等免差一案准部咨行究審臣以事關叩

關重案再四嚴駁茲據司詳蕭若蘭等初執全書原有丁石之例後奉部文有免本身丁口之行遂于拾陸年定役之際除完田畝正賦之外每生欲與乞免貳拾畝一切雜項差徭據王朋等以爲民圖向有派值豆禾馬草人夫船隻等類皆

差若生員盡得俸免則愈貽民差偏重之弊此控告所由始也但維時止審在城十六甲計若蘭等免差田柒百餘畝並未有免田四萬玖千有餘日免差銀伍萬有奇之事及研審數次王朋等確供係槩言通邑諸生欲免十年之田役而總計之非若蘭輩實有科贓入已之數也況自王朋等告發之後該縣已經盡裁優免名色拾捌年至今士民一體當差並未准免則各衿徒有免差之舉究無得免之實惟是蕭若蘭馬

文樞張治倡論免差難辭疏杖在迹斥生姜承
烈與縣書何嗣昌未經就質仍行照提另結查
事在

敕前可否宥免均聽部議核奪既經該司確詳前來
相應具

題伏乞

勅下該部覆議施行

康熙元年拾壹月拾伍日題檢貳月念玖日奉

旨刑部核議具奏

覆審高鳳起款蹟疏

題爲特糾不職有司以勵官箴以安民生事准刑
部咨開該本部看得革職知縣高鳳起先經浙
按以貪縱糾參奉

旨提問去後今據該撫疏稱鳳起縱蠹貽殃致衙役
王定遠等各有詐贓分別流徙杖罪前來查原
參鳳起與衙蠹分贓今審俱係衙役王定遠等
得受與原參不符且招開本官短少鋪行物價
應取鋪戶領狀止據蠹役余海元領狀遂稱本

官無涉顯屬支飾事關犯贓難以擬結相應仍請

勅下該撫逐款嚴審確招限五個月具奏可也等因奉

旨依議行欽此抄部咨院仰司覆審去後催據按察司呈稱云云等因到臣該臣看得革職知縣高鳳起一案臣經勘明

題覆准部駁查原叅官役烹分今審盡歸衙役及短少價值又無鋪戶領狀咨行再審行據該司再三嚴勒程君選爲人命禁鋪王定遠指稱求情與收屍勒索共得銀捌拾肆兩先經訪欵審實後又疏叅相符質之被害始終不移委非鳳起之脫卸也至造船取用物料價值四十七金初因驛站錢糧不敷未經給發繼因鋪行揚言陳告遂將俸銀補給適以經承被訪費用行戶吳君秀等堅供曾向禁中面索已據余海元自認償還歷訊口詞鑿鑿如繪情無支飾又非鳳起之短價也若夫各欵之贓原叅盡屬竄侵今

審並無異說惟鳳起縱蠹焚索杖懲不枉各犯
得贓有據罪照原擬蔽辜但事在

赦前可否追贓免罪仍聽部議核奪既經該司覆勘
前來理合具

題伏乞

勅下該部議覆施行

康熙元年拾壹月拾伍日題拾貳月貳拾玖日
奉

旨刑部知道

剖陳科疏各款疏

奏爲遵

旨明白回

奏事康熙元年拾貳月初捌日准吏部咨內開三
等阿達哈哈番禮科右給事中黃熙纘有特糾
撫臣之昏庸以重封疆之倚賴事一疏奉

旨言官據事糾參理所宜然黃熙纘這本內以昏庸
聾聵等語詬訾殊不合理着嚴飭行這所參事
情着朱昌祚明白回奏該部知道欽此欽遵移

咨到臣准此臣聽誦

天語惶恐靡寧微臣奉職無狀致來人言乃蒙

皇上不卽加嚴譴猶令臣明白回

奏敢不就科臣所叅之事謹按原疏始末一一據實剖陳于

在父之前以明臣原未敢少有疎忽從事也據科臣引戶部駁查彙報浙民歲凶等事一疏以拾肆伍年浙江撫按題報拾叁拾肆年以前秋冬積穀冊開杭嘉湖紹四府共積穀銀壹千捌百玖拾叁兩叁錢零積穀叁千叁百柒石玖斗伍升未據報銷該撫何得以顆粒無貯勸輸賑濟爲辭科臣以爲臣坐視饑民之死隱匿

朝廷積貯致貪吏奸胥侵那等語臣查本年春間如報饑荒異常則止有杭之仁和錢塘海寧富陽餘杭新城臨安於潛八縣嘉之嘉興秀水石門桐鄉四縣湖之安吉長興孝豐三州縣紹之山陰會稽蕭山諸暨餘姚新昌嵊縣上虞八縣據該管道府備陳饑民困苦情形真堪惻憫發粟

救荒刻不容緩臣詢之在省司道僉云積穀用
盡惟有勸輸設賑可濟目前臣身在地方目覩
奇荒有聞卽當入

告且查杭嘉湖紹四府常平倉穀並無存貯故一面
公議捐資急爲救濟實未嘗坐視斯民于饑困
也續准部咨駁詰前撫臣陳 前按臣王 原
報前項穀數行據各屬申報向以孤貧口糧議
裁充餉拾叁年間奉有部文許今自理秋冬贖
罪穀銀抵給孤貧口糧各縣每年有相沿給領

者有督撫按鹽諸臣批給告賑貧生表生者或
有事犯物故遇

赦免罪無追者又有前冊已經報部支用及煮粥賑
饑者復行兩司查勘支銷細冊俱在順治拾陸
年以前給領有人收除有卷則四府屬倉穀實
無存留見有印冊送部可憑其未經報銷者係
前撫臣任內之事並非臣去年接任擅用安得
以臣爲隱匿

朝廷積穀而不行報銷也冊載月日截然可考其餘

不報饑荒各府屬縣積穀據各屬有報俱給預
貧口糧并被寇刦失各項支用等款雖部文未
查臣亦通行兩司確察備造各年細數文冊見
在另疏

題報聽部核奪何科臣不待行查回覆謾謂臣爲
昏庸此誠不得其解也據科臣又引工部駁查
恩詔頒行已久等事一疏以拾年拾壹年民欠錢糧
只開未完總數並無里甲細數府縣印結且先
報未完數少今報民欠數多其中不無侵那等

弊科臣以爲

恩詔頒行已久豈有拾拾壹兩年至今該撫始報民
欠數多倘係官吏侵那卽應糾叅何得代爲冒
免等語臣查拾拾壹兩年民欠錢糧應蠲項款
係順治拾伍年陸月貳拾捌日前撫臣陳 准
到戶部咨查延至拾陸年陸月初肆日該接任
撫臣佟 據藩司員盡忠造報兩年民欠里甲
細冊內卽開有未完多而民欠少者有未完少
而民欠多者有未完民欠相符者前撫臣據以

具疏

題覆原冊止送戶部察核在工部前撫臣原未送冊並非臣任內不造里甲細數始報民欠數多也至拾陸年拾月初捌日復准戶部駁查各縣未完止開總數竟無細欸并查冊報侵那官役及前任違限巡撫藩司職名議處咨行前撫臣佟 史 行察俱未

題覆臣于拾捌年閏柒月貳拾伍日到任清理交代積案有沉閣柒捌年未結者臣節次具疏

題明展限因查此案久延藩司屢詳未明臣照部議再三駁察將原冊所開武康等一十六縣未完與民欠相符者議免其未完多民欠少者查係錢塘等四十七縣皆官役借支未經清還其未完少民欠多者查係餘孝等二十一縣皆官役那解不行追補臣逐一登答冊報戶部定奪又將侵那官役一面嚴行府廳各官勒限比追并着見任印官補還各項其經徵掌署各官職名備列在冊聽部察議違限藩司胡文華前任

撫臣陳 一併

題參業該部覆已經病故免議在案則侵那應免至臣接管始得分別

題報並未代爲各屬冒免原疏備敘可查臣又查兩年民欠內有禮工二部項欸復具前由并取該司未完項欸文冊分送二部于元年陸月拾捌日補牘

題明工部未悉里甲細冊前撫臣早送戶部故止照今送未完冊議覆乃有先後未完民欠多少及無里甲印結之語也科臣未察前後各疏情由謬謂拾拾壹兩年民欠自臣方報欠數互異卽指臣爲冒免殊不知報冊不明事在參年之前迨臣接任清察塵案分晰完欠兩疏具

題部臣始按欸駁查何科臣亦加臣以昏庸此益不得其解也據科臣又引部查清查師生俸廩等事一疏以解部止有師生俸廩銀叁千肆拾貳兩並未開報缺官俸薪銀叁千貳百玖拾壹兩部撥屯本柒千壹百玖拾柒兩因何借端朦

其清疏中
卷三
混未完貳萬陸千肆百伍拾貳兩初查之時登
不開蠲免字樣數次駁查方稱

赦免其中實有侵欺情弊如再巧飾該撫即將各官
指叅科臣亦謂臣借端那移突開

恩宥代爲各官巧飾明知侵欺故爲容隱合汚等語
臣查清查師生俸廩一案于順治拾叁年叁月
初陸日前撫臣秦 准到部咨行查本年拾壹
月內前撫臣陳 據學道藩司備造貳年起至
拾壹年止各屬師生空缺銀兩冊具

題送部至拾陸年肆月貳拾捌日前撫臣佟 復

准部咨駁查已未完數目及解獲批廻延至拾

柒年捌月內前撫臣史 據藩司開列登答文

冊同原解批廻送部查議該部以此案奉

旨題報不便據咨具覆于拾柒年拾貳月初拾日咨

回前撫臣止今具疏

題明並未駁查別項情節臣于拾捌年閏柒月貳
拾伍日到任卽將司報原冊于本年捌月貳拾
日查照部文具

題送部至本年拾壹月初柒日部始駁查前後數
目臣准部咨細心察核如部駁前報解部銀叁
千肆拾貳兩零係部文拾陸年肆月內開單行
查之數前據司詳浙省並無解過此數批收文
案止有順治柒年拾壹月初陸日差官李祿貞
解銀叁千貳百玖拾壹兩壹錢叁分零內有缺
官俸薪銀壹千叁百玖拾壹兩伍錢陸分零師
生俸廩銀壹千捌百玖拾玖兩伍錢柒分零又
拾貳年貳月初肆日差官彭延祚解銀貳千捌
拾陸兩柒錢貳分零內缺官俸薪銀壹千肆百
陸拾玖兩壹分零師生俸廩銀陸百壹拾柒兩
柒錢壹分零其原獲批廻奉部弔查前撫臣史
于順治拾柒年捌月貳拾陸日咨送在部至
今未曾發回臣又駁行藩司確查的據隨據呈
送順治捌年閏貳月貳拾玖日戶部陝西司出
給解官李祿貞實收馬丁果註有缺官俸薪廩
生空廩等項字樣合解叁千貳百玖拾壹兩壹
錢零又拾貳年伍月拾肆日陝西司出給解官

彭延祚實收亦註有空缺各官并廩生俸薪馬料等銀字樣彰明較著臣所以分別據實具

題實收可憑並無另有解部師生俸廩叁千肆拾貳兩之批收部臣執謂有此項已完數目必非無據伏祈

勅部查當年收銀庫簿文案則虛實自可立見也臣前疏所報已解到部缺官俸薪及師生俸廩二項銀兩驗陝西司出給解官李葆貞彭延祚實收爲憑據實查報並非朦混再請

勅部將李葆貞彭延祚原獲批廻細查有無缺官俸薪一項在內則真僞便可明晰如果無解部師生俸廩叁千肆拾貳兩一項卽係前任撫臣藩司冊報差悞自有部案可稽則李葆貞彭延祚實解前項由臣任內查覆始爲更正非臣察核不符之咎也又電本柒千壹百玖拾柒兩零查係順治拾年伍月內奉部撥取陸柒兩年師生俸廩項欸抵解楚省興屯之用彼時各屬止完本項銀壹千柒百叁拾陸兩貳錢柒分其餘缺

額前任藩司那借各年缺官柴馬南米折銀奏
解足數獲有批題併迭在部查驗未發則各年
民欠師生俸稟項內理應扣還那借各項之額
明矣今無從追補節據司詳再三駁詰無異故
敢敘疏入

告臣所捧者批收所核者冊籍並非借端爲各官朦
蔽也至未完民欠貳萬陸千肆百伍拾叁兩零
數次查報未言蠲免其咎在前任撫臣經營年
月昭然及臣接任後在拾捌年拾壹月方准部

駁原冊各款多寡令清查着落該司行據各屬

縣見任各官分晰貳年起至拾壹年止未完銀
數咸稱歷年民欠疊奉

恩蠲造冊報司該司彙報到臣因查拾壹年陸月以
前拖欠各年錢糧節奉有

赦拾叁年拾貳月有

赦拾伍年正月有

赦臣又何敢悖

詔款壅民隱而不以奏

聞于臣據詳

題覆聽部察奪亦非臣任內前此不報蠲免今此

突開

恩宥且貳年至拾壹年風述之事經徵接任各官事
故久去不知凡幾前任奉查撫臣亦數易其手
臣接查拾餘年之後錢糧將代何官巧飾故爲
容隱將與何官合汚罔無糾劾卽部議如再巧
飾不解該撫將各官指叅計臣亦明知非臣任
內舛謬故令臣指叅科臣不詳此事根由妄謂

情弊多端斥臣昏庸至極又加臣龔贖二字深
文備詆刻意吹求此更不得其解也臣又據其
疏端有謂巡撫一官最重錢穀刑名官評毫不
容混故撫臣正則百屬清撫臣昏則百屬混等
語臣自撫浙年餘適當前人積弛之餘錢穀之
累歲侵那刑獄之逐年淹滯朝夕拮据食息不
遑如最緊急者莫如兵協二餉竟虧額至肆拾
餘萬盡爲前官那空屢奉

嚴諭將前任督撫二臣降級戴罪又令自行回

奏久在

皇上照臨之中臣自受事之期憂心如焚卽徹底清釐分別那移缺額具有備陳兵協二餉等事密疏又有特叅邊海悞餉等事密疏節次詳陳仰

干

天聽矣臣罔敢少懈督催諸餉形神交瘁未及一載將積欠閩楚滇粵各餉盡數徵完共計壹百叁拾捌萬捌千伍百餘兩又完透撥楚餉伍萬伍千叁百餘兩具有彙報積欠各省協餉全完等

事一疏

題明在案各屬侵那官蠹臣俱嚴檄拿禁見在清追查有去任各官劉之浩王廷獻等交盤不楚臣亦先後

題叅發回對質毫不姑徇又如

欽案大獄有多年沉悶者爲數不少前具有大獄積牘尚多等事一疏

奏明遲悞緣由已蒙

宸鑒矣臣自夏徂秋同司道刑官逐件會審情真罪

當者俱經陸續

題結証口游移者見在駁審招詳臣因浙省政事殷繁每披閱文移寢必子夜起必鐘鳴手不停批案不留牘自履任迄今殫力嘔心期于速結前後具

題七百餘疏回奏

欽件部咨十居其半歷年塵案稍有頭緒雖力與心違救過無暇然于錢穀刑名二事臣則未嘗有混也臣去秋抵浙卽當

大計之期論劾方面有司一十八人又入境糾劾有司三人原處貪酷各官劣蹟俱經督臣審實盡與原叅相符侵欺錢糧有糾濫委署官有糾從未寬假是臣于官評亦未嘗有混也科臣罔稽各疏本未不詳回

奏虛實乃拾部查之唾餘輒指爲臣過未知其是誠何心總難逆

皇上神明之察也伏念臣一介孤踪拾年冷署落落寡合慙拙性成久荷

朝廷養

隆恩昇撫浙邦惟知執法律已茹藥飲水勉效捐糜
以期無忝厥職獨是不善逢迎動多賈怨不畏
強禦每事招尤指摘忽加實臣自致分宜罷斥
以謝科臣惟有席藁待罪靜聽

皇上乾斷處分而已緣奉有明白回
奏之

旨備述原疏錢糧項欵前後奉查月日不敢不詳細

謹陳下咽字逾常格統祈

皇上鑒宥施行

康熙元年拾貳月貳拾壹日題貳年正月拾柒

日奉

旨這回奏情節着察議具奏該部知道

覆審林悅仁款賸疏

題爲特糾貪黷有司以肅吏治以安民生事准刑
部咨開該本部看得革職同知林悅仁先經浙
按以貪酷特參奉

旨提問去後今據該撫疏稱悅仁縱蠹婪贓昏庸失
察並衙役梁秀等分別流徙徒杖前來查林悅
仁原參誣稱施英進等通盜窩盜共詐贓銀肆
百餘兩今俱卸于衙役梁秀等共得贓貳百肆
拾貳兩與原參不符且原參款內本官將盜犯

陸二并沈二妻丁氏疎縱脫逃其中有無受賄
賣放並未審明又招內高承既係牢頭應照衙
役究治何以以民例擬罪種種未符難以擬結
相應仍請

勅下該撫逐款嚴審確招限伍個月具奏可也奉

旨依議行欽此抄部咨院仰司覆審去後催據按察
司呈稱云等因到臣該臣看得革職同知林
悅仁縱蠹婪私前經勘明具

題部覆以原叅贓數不符又卸衙役疎逃盜犯未

審有無賄放牢頭何以亦照民例擬罪再行駁
審茲據司詳原疏雖臚七款其實皆徐賓王施
英進二人之事名諱字號分列多贓本以彰悅
仁之劣蹟也再三嚴駁蠹捕梁秀施惠等實詐
徐賓王共贓壹百捌拾貳兩方德高承實詐施
英進共贓陸拾兩質訊害証咸供被蠹攫取始
終不移似難謂悅仁之脫卸也前後詰審二十
餘次委無不盡之贓亦難懸坐原叅之數至陸
二丁氏中途被奪旋即拘獲既未縱脫自無婪

刑部題
賄據查陸二久已監故丁氏係台刑官審釋與
悅仁無涉供証甚明也若高承審供因叔逋欠
錢糧收禁日久故名牢頭原係民人而非衙役
前照民例擬罪亦非未符林悅仁與梁秀等仍
照原擬允蔽厥辜但各犯事在

赦前應否免罪追贓所當聽部核議定奪既經該司
呈詳前來相應具

題伏乞

勅下該部核覆施行

康熙元年拾貳月貳拾壹日題貳年正月拾玖

日奉

旨刑部知道

題覆重犯周廷娟免罪疏

題爲塘報海逆復窺溫汎官兵分馳援勦事案准
刑部咨開該本部看得浙江督撫題覆盤石衛
樂清縣失城一案兵部以獄囚應聽臣部查議
題奉

俞旨密咨前來查該督撫疏稱盤石等衛所並無獄
囚惟樂清縣脫逃監犯一名周廷娟應請

勅下該撫嚴緝務獲等因奉

旨是依議行欽此抄部咨院仰司嚴緝在案茲據按

察司呈稱_云等因到臣該臣看得周廷娟與周永良險謀修怨倩李具木偽雕縣篆捏造訪款投匿害人分別斬絞歷審詳明後周永良李具木因解按臣會勘二犯同時溺水身故唯周廷娟監候

題結間順治拾伍年拾壹月初捌日適因海逆攻破樂清縣城廷娟乘亂出獄隨該前任督撫臣題報躡緝在案茲據該司訊稱周廷娟初不從賊下海向因潛避黃巖洪福地方後見寇靖路開于拾捌年陸月拾叁日喚同原差周欽自行投到臣屢經駁審供質無異據詳罪非十惡援赦請矜應否允從合聽法司議奪既經該司勘詳前來相應密

題伏乞

勅下法司議覆施行

康熙元年拾貳月貳拾貳日題貳年正月貳拾伍日奉

旨三法司核議具奏

覆奏台郡刦失錢糧疏

題爲台郡旣復功罪宜明謹密陳綜核之實以服
群情以昭

國法事准戶部咨開該臣等查得台屬被寇刦失
拾拾壹拾貳拾叁拾肆年分各縣貯庫銀兩該
撫竟不嚴查起解批廻聽憑司道府官詳報何
得卽爲請

獨且各年徵收錢糧俱每年完解藩司何得藉口被
寇刦失其中承追各官并侵欺官役徇情不叅

混請題調難以輕議相應仍請

勅該撫限文到兩月內將所屬銀數徹底清查具題
并將不行詳查司道等各官指名題參以憑查
議如再不行徹底清查明自仍照前混請

劉免定將該撫指參議處者也等因奉

旨是依議行本內漢字訥訛納着改正欽此抄部咨
院仰司確追去後催據布政司呈稱云等因

到臣該臣看得台州府臨海黃巖太平三縣順

治拾肆年海逆突犯郡邑相繼告陷公帑民財

搜刮靡遺前任撫臣陳

原報被失倉庫銀

一 米事經六載駁察多番原無欺弊及臣接任因
念錢穀重務不敢不再三詳查前據司道府縣
確勘咸稱知府齊維藩被擒下海臨海知縣黎
嶽詹迫脇獻印黃巖知縣劉登龍執投江流太
平署印通判鄭重失守提問賊衆據城兩月焚
殺殆無虛日該道府縣極言刦失情事最真安
有錢糧存貯以爲後來官胥虛冒此理勢之所
必無者也故臣取有各官印結具疏

題覆原非扶同容徇茲復准部咨謂各年分各縣
貯庫銀兩該撫竟不驗查起解批廻聽憑司道
府官詳報且各年錢糧俱每年完解藩司何得
藉口被刦其中承追各官并侵欺官役徇情不
參混請

題蠲難以輕議仍令臣徹底清查併將不行詳查
司道等官指名

題參查議如再渥請

蠲免定將該撫指參等語臣凜惕嚴詰行據該司道

府合詞詳稱台屬報失銀兩共計伍千玖百柒
拾叁兩零內如臨海縣條銀壹千伍拾兩黃巖
縣條銀壹千伍百兩太平縣金花等銀壹千伍
百壹拾伍兩叁錢零皆係拾肆年分見年錢糧
卽拾壹年牛角銀壹百兩亦拾肆年叁月奉文
催徵貯庫至截曠明馬等銀原係奉文另匣存
貯本色顏料蠟茶等銀年分雖殊並係解府辦
料非應解藩司之欸其餘帶徵拾拾壹拾貳拾
叁等年銀兩亦係拾肆年催完收庫俱非遠年

久貯不解之銀也以上各項據報或應暫貯候
解或應收存候給或係里長納糧未及併封適
遇寇變該府縣俱稱銀未起解倉卒被劫未有
發解批廻臣批駁再三實無起解批廻可驗非
臣竟不細查全憑司道詳報也若解役金生紳
領解銀叁兩伍錢本役被賊截死金茂領解壹
千伍百壹拾餘兩被賊劫傷原失銀兩欲議賠
於緣事署印通判鄭重而鄭重又以失事擬成
久經遣發無從追問部謂徇情不叅承追并侵

欺官役何得濶請

蠲免臣查司道府縣先後呈詳當日海逆登犯變起
一時守令被脅從賊到處屠戮人民郡邑盤據
日久倉庫銀米豈能安然及其賊退前任督撫
按臣卽各委官署事清查錢糧始報前數果有
侵欺情弊彼時豈無叅報臣接任于伍年之後
駁查奚啻額禿並無侵漁實據何憑指叅官役
且查拾叁年正月內馬信叛變該府倉庫盡被
搜劫距拾肆年捌月賊來重犯僅止年餘庫內

焉有節年久貯未解之銀此可不辯自明矣該
道府縣詳陳劫失是真萬目昭彰委無乘機侵
隱具有甘結亦非臣徇私不參不行詳查司道
等官也台屬各縣連遭兵火城郭丘墟流移載
道臣于前年之冬奉

旨躬歷遼海安插人民經過台府黃巖目擊心傷若
以員被寇劫錢糧懸坐追賠必問諸以前官役
查俱或擄或亡追無從追欲派諸里逋子遺膏
血斷難重納前據司道各官屢次激切呈覆臣
再四嚴駁各官堅稱詳查無隱不得不據實爲
民請

蠲仰體

皇上視民如傷之仁非敢故爲朦混顧豁不行指參
司道等官也臣復遵部駁再行嚴查據見任左
布政使袁一相右布政使李茂巡台道僉事劉
緝堯台州府知府郭日燧臨海縣知縣葉棠華
黃巖縣知縣田宇太平縣知縣張國棟衆口同
辭仍稱實無欺隱情弊伏祈

睿鑒寇劫無虛早賜豁免以結塵案倘部臣再以爲
謬或差能幹部員來浙清查前項則果否欺隱
自可立見也再查原報司道府縣係布政司左
布政使張縉彥分巡紹台道署道事右布政使
胡文華台州府署印推官王階臨海縣署印紹
興衛經歷吳玉已黃巖縣署印按察司知事錢
自彭太平縣知縣王道鵬列揭見在所當一併
題報聽部核議定奪既經該司呈詳前來除將冊
揭送部相應密

題伏乞

勅下該部議覆施行

康熙貳年正月參拾日題參月初伍日奉

旨戶部知道

題報捐助桅木價值疏

題爲恭報興修戰船仰祈

勅部速覆以資征討事據布政司呈稱云等因到

臣該臣看得順治拾陸年間安南將軍明
等奉

命統師駐劄浙省需戰船出洋剿逆該前督臣趙
前撫臣佟

題明共計修造水艍犁艍等船壹百陸拾捌隻續
該安南將軍并總督提督水鎮各臣備移艍艍

等船加增物料併修沙唬艚船各船以供哨探
至大船桅木計新換舊存共堪用止一十六株
尚少一百五十二株俱議於蕪湖等處購買應
用又該前撫臣佟 以確陳船工未盡事宜
補贖再

請部覆動支額徵戰船銀兩如有不敷照依三部會
議事例動支何部何項錢糧先行動用奉有
俞旨及查順治拾伍年貳月內先該浙閩總督李

有戰船各桅蓋姓浙省杉木難求一疏內議各

船松桅濕朽難支必須購買外江合式杉木爲
價不貲應請動支錢糧項欵工部議覆以歲額
錢糧入不敷出無可議動請

勅該督設法搜用奉

旨在案當日師旅雲集出洋緊迫坐待桅木爲戰船
制勝之主除沙唬艚船各桅隨船辦用外至水
艚犁艚船身旣大所需桅木必長八丈餘圍圓
五六尺者方可充用計船一百六十八隻見存
堪用一十六桅又投誠官馬龍帶來一桅不計

價值其餘尚該一百五十一桅差官遊擊王裕民理問章廷諍先領司庫銀壹萬貳千兩前往鎮江等處採買商人巫守儒王顯等大桅杉木除揀退外實選用三百三十七株拼成一百一十九株計價壹萬玖千肆百陸拾玖兩內先發銀壹萬貳千兩又找給銀柒千肆百陸拾玖兩此項價銀係滿漢差官暨該地方道府廳縣公同核減估給並無浮冒取有各商領狀可憑自應照數銷筭者也此外仍該三十二桅則于本省辦買杉木七株松木三十八株拼成三十二桅核實價銀貳千伍百壹兩柒分先發銀叁百兩找給銀貳千貳百壹兩柒分以上各桅俱發戰船監用訖通計用過桅木價銀共貳萬壹千玖百柒拾兩柒分時因船工急用皆于司庫那借正項餉銀先行湊發因別無項欸可以抵補查部覆照依三部會議事理動支何部何項先行支用又部覆前督臣李原疏有仍令該督設法搜用之議前據布政司援引廣東造船

一案原有文武各官捐輸成例共襄船工浙省
自當循例捐輸以補借支桅價曾經詳允通行
幸諸臣共矢急公圖敢自後文職自督撫以及
司道關差分司府廳州縣等官武職自提督總
兵以及隨征調防協守標營都司衛所等官捐
助不等共銀壹萬柒千貳百陸拾肆兩捌錢捌
分叁厘抵還前項桅木價值仍不敷銀肆千柒
百伍兩壹錢捌分柒厘據詳應于工部項下順
治拾肆年分牛角銀奏支以足貳萬壹千玖百
柒拾兩柒分之數緣捐輸銀兩有限不能如數
完補不得不于部額再爲取給所當

題明聽部核銷者也文武各官捐輸一項該司備
查戶兵兩部俱有

題敘之例業將文武各官捐助數目造冊見在統
聽該部察照分別議敘以示鼓勵至臣接任以
來因查前項戰船工料各屬俱那正餉支用數
多久未核實

題報以致兵協各餉懸額無償此項桅價亟當議

補但時詘舉羸徒墮蒿目臣敢不爲諸司首倡
用清借額惟是力與心違涓埃之滴未能助

軍國之萬一也既經該司呈詳前來除將船桅銀

兩項值及捐助職名數目清冊送部外臣謹會

同督臣趙 合詞密

題伏乞

勅下該部察議施行

康熙貳年正月參拾日題 月 日奉

旨

再陳白糧經費疏

題爲直陳白糧經費私派之弊請除佐領押運奇

勒之非仰祈

鑒裁仍令廷臣會議漕帶官解損益以剔蠹害以蘓

民困事據糧儲道呈稱云云等因到臣該臣看

得浙省嘉湖二府白糧明季俱僉糧里解運除

給原編經費之外賠累多端民當是役靡不傾

家我

朝定鼎初年改議官收吏解以甦民困自順治參年

至拾年士民條議私貼倍于正項經費而各屬
押吏猶有侵欠至今未楚拾壹年間奉有

恩詔令漕船洒帶白糧止給全書額費一切私貼俱
行裁革至拾伍年間戶部條議仍復縣佐部運
又以經費不敷議照先年加派之例每年額外
加銀貳萬玖千貳兩貳錢加米肆千捌百壹拾
石以充部糧官役之用康熙元年起運拾捌年
白糧科臣王 條陳暫用減存漕船裝運白
糧部覆民間私貼盡令裁禁誠爲恤民至計臣

因具有直陳白糧經費私派之弊等事一疏備
言漕幫帶解之利請除官運加派之非戶部未
允所議康熙貳年起運元年白糧照舊令各縣
佐貳等官押運茲據督糧道叅政梁鳳鳴屢行
嘉湖二府印官刑官各縣知縣確勘昔年原編
全書經費咸稱實不足用援引順治拾伍年士
民條議成例列款請增以速輓運臣以事關加
費難以輕議再三批駁該道與有司申呈民運
白糧係

上方玉食既責成官解是代民勞若所費不敷協部窮員奚能仔肩賠累非惟耽延悞運勢必侵欠正糧該道詳查白糧一項止有江南蘓松常三府浙江嘉湖二府事同一例浙省經費自宜照江南見行成規如僱船水脚丁字沽起剥抵通添簞提溜由閘車脚鋪墊賃棧等項又每船糧夫及添簞飯米協部官役飯米皆萬難裁省必須做照徵給內嘉興府應用飯米于該屬餘耗米內支給外其尚存餘耗米卽應改徵折色並

入經費銀內銷筭至全書所載船夫車脚等米每石折銀伍錢原係故明年間時價如照依徵給委不敷用若照漕運行糧每石折銀壹兩貳錢又似太浮該道計江南所定各項費用詳議每石折價捌錢陸分壹厘零較諸舊定折價每石僅增叁錢陸分壹厘有奇因查漕運項下行月二糧折色昔年亦止定價伍錢抵石給軍近念運丁苦役月糧加增折銀壹兩行糧加增折銀壹兩貳錢俱載新定全書今白運經費不足

量議加貼似非浮派況查年來本色白米民間
市價每石壹兩叁肆錢不等又改折正耗米一
半部定每石折銀貳兩徵收起解則協部官運
經費船夫車脚米折似難仍照舊額伍錢抵石
之例以苦解官允宜如該道所請照議加給委
非病民也至湖州府屬全書額載止徵車夫等
銀原無米折可增經費飯米亦無餘耗可給其
不敷銀米亦當照嘉屬一例據議應按各縣正
糧通加徵補歸安縣每石應加徵銀肆錢肆分
貳厘貳毫零米叁升壹合捌勺零烏程縣每石
應加徵銀肆錢肆分伍厘肆毫零米叁升肆勺
零長興縣每石應加徵銀伍錢陸分陸厘米肆
升肆合玖勺零德清縣每石應加徵銀肆錢玖
分伍厘壹毫米肆升叁合玖勺零武康縣每石
應加徵銀伍錢捌厘肆絲柒忽米壹斗伍升伍
合壹勺零俾足經費之用此皆一照江南官解
白糧之例斟酌損益要使部押各官不致藉口
苦累貽悞

上供他如江南例所不載者業已槩行裁削矣事係
因革務求畫一庶幾永遠可行而無悞運之虞
也今運裁定貼費比順治拾伍年條議民間私
貼減去銀玖千伍百叁拾伍兩肆錢減去米伍
千伍百叁拾玖石貳斗亦可少甦民困矣臣恐
各屬協部各官觀望稽延嚴批該道先照全書
額編經費責令各印官速給僱船毋庸少緩時
刻其見議所加不敷經費俟部允日另徵找給
仍令該道備造拾伍年條議及今倣照江南條

款各項細數文冊送部察核覆請裁酌定奪經

該道呈詳前來將清冊送部外臣謹會同總漕

臣林

督臣趙

鹽臣趙

合詞具

題伏乞

勅下該部議覆施行

康熙貳年正月叁拾日題叁月初柒日奉

旨戶部知道

題覆捐賑饑民疏

題爲彙報浙民歲凶饑饉並陳設法賑濟情由仰
祈

睿鑒事據布政司呈稱云等因到臣該臣看得浙
省順治拾捌年亢旱奇荒秋成無獲自冬歷春
民生日困道殣流亾溝瘠顛連之狀見諸有司
之申詳與士民之控告傷心慘目繪圖難盡在
浙西則杭郡爲最在浙東則紹興爲最倉無可
發之粟民鮮蓋藏之家臣詢在省司道各官惟

有捐賑一事可以亟救目前臣隨具彙報浙民
歲凶與紹屬奇荒特甚兩疏入

告一面會商前督臣趙

前鹽臣蕭 首先倡捐

設廠煮賑不敢少緩仍令該道置簿勸輸自司
道府廳縣學以及紳衿民庶捐助有差他如委
任料理分別賑恤俱令共襄厥事據杭屬冊報
收過捐賑銀叁千叁百肆拾陸兩肆錢柒分米
叁千貳百柒石玖斗柒升賑過饑民叁萬玖千
壹百餘名口紹屬冊報收過捐賑銀貳千陸百

叁拾玖兩米壹萬柒百柒拾陸石伍升穀伍千
伍百捌拾石伍斗賑過饑民玖萬柒千叁百肆
名口此杭紹兩府捐賑之數也至台州府屬前
疏未經

題報但沿海遷民拾捌年拾壹月內臣與督臣奉
旨安插雖屢檄各屬申飭務令得所自入春以來時
屬旱災之後米價湧騰失業之民何從糊口况
遷民仰墮

宸衷特加軫恤臣敢不倡率捐濟以仰體

皇上如天之仁據報已賑過壹萬伍千肆百肆拾壹名口又天台一縣亦經府縣捐賑除貧生外賑過貧民肆百壹拾柒名口此雖前疏所未及併應一體

題明者也該司備查救荒賑饑欽遵

詔欵并奉部文原有優敘分別加級紀錄之例茲杭

紹賑災部以前任撫臣陳

按臣王 報有

罪贖銀穀應行動支賑濟用過銀穀及賑過饑

民造冊報部以憑查核至于勸輸紳衿賑濟饑

民應俟該撫將被災分數查明具

題之日另議等語今前撫按臣原報陸年起至拾

肆年積穀自拾陸年以前先已支銷無可取給

其拾伍拾陸拾柒年抵給孤貧猶且不敷拾捌

年贖穀停止原無積貯俱已另疏

題明前項官民紳衿捐助自應照例議敘據報捐

過銀數賑過花名造冊見在理合具

題聽部覆敘定奪至臣目擊民瘼杭紹台三郡饑

饉爲甚故倡先輸賑深恐溺職名青無能補過

不敢以涓滴之潤爲救荒之一得也既經該司
呈詳前來除將清冊送部外臣謹會同督臣趙
合詞具

題伏乞

勅下該部議覆施行

康熙貳年貳月初捌日題叁月拾肆日奉

旨該部議奏

再請蠲免寧台溫遷棄無徵疏

題爲遵

旨會閱浙省沿海一帶事准戶部咨開該臣等看得

浙撫朱

疏稱寧台溫三府沿海居民遷移

內地棄置田地山蕩等項並拾捌年分錢糧一

併請蠲所撥兵餉缺額該司另請撥補具

題前來案查先經臣部題定浙省錢糧拾捌年撥

充兵餉仍立定期限肆月內完叁分之貳陸月

內捌分全完若有起運遲延該督撫指名題參

以違悞軍需從重議處等因具覆奉

旨遵行在案其所撥兵餉拖欠兵丁何賴且沿海人
民于拾捌年柒月後始行遷移彼時照期錢糧
必俱催完又何得濶請民欠蠲免充撥拾捌年
分兵餉難以蠲免其沿海居民棄置田地山蕩
據稱選差滿官核查其棄置田地山蕩察勘係
該撫之事相應仍請

勅該撫將棄置田地山蕩等項康熙元年起應蠲錢
糧數目預款逐一查明分晰造冊作速題報以
憑確查其元年缺額銀兩俟該撫查明題報之
日并行核議可也等因奉

旨是依議行欽此抄部咨院仰司確覆去後茲據布

政司呈稱

云

等因到臣該臣看得寧台溫三

府沿海遷民棄置田糧順治拾捌年分除已完

外未完無徵銀陸萬玖千肆百肆拾伍兩壹錢

零又無徵練餉銀貳萬伍千伍百叁拾捌兩伍

錢捌分零臣前具疏請

蠲部覆以錢糧撥充兵餉定限陸月內捌分全完沿

海人民在來月後始遷錢糧必俱催完何得渥
請民欠

蠲免各行再查臣卽備行司道嚴檄三府確勘節次
行催茲據各屬詳報因查頻海各邑編戶在未
遷之前疊被寇災歷來逋餉原未能按年依限
清楚屢經前任督撫按臣分別疏叅部議經徵
各官革職降罰坐未及煖旋即去任各部有案
可稽是以年復一年積欠相仍處分踵至已非
一日矣邇其每年未完之故又緣浙民供辦錢

糧出于本年田地租稅必在秋成收穫之後始
得完納全書徵收則例原定夏稅秋糧二限有
司依期催科歲以爲常蓋念物力維艱原不能
先期預完一年之賦也向來各處軍需孔急部
立嚴限罔敢不遵印官惟事敲朴民間剝肉譬
瘡以應

功令然皆內地腴產猶可勉力輸將若此濱海患區
實不能于六月內卽可照期完納故節年歲叅
寧台溫三屬欠數獨多此已往之明驗也至順

治拾捌年柒月奉文起遣遷徙人民立限移家
毀室焚廬扶老挈幼投竄不遑將登禾稻盡棄
界外小民終歲辛勤俱歸烏有時臣與前督臣

趙 奉

諭安插親歷各府流離滿目哀籲盈途觀此情形生
全無術業經具疏入

告矣本年未完條銀有司無從復問前據司道府縣
詳報三府遷棄之額共計壹拾貳萬貳千玖百
餘兩查拾捌年柒月以前徵輸幾半其餘逋額

實非已完作欠初臣再三駁查取有各官印結
方敢列冊詳陳復念兵餉缺額恐部覆駁詰往
返耽延關係封疆前疏

請差滿員覆查誠非獲已今部議仍令臣查報敢不
詳慎今該道府縣同詞共述遷民死亾流散呼
號困苦情狀真一字一淚斷難以無產之逋復
追求於失業之殘黎也況荷

皇上洞鑒遷民顛沛無家特頒

上諭令臣等撥給田房務與生全

天恩浩蕩靡遠弗周此三府散徙難民實欠前項條
銀田產既已盡捐課稅實無從出豈忍反責追
呼量必蒙

皇上惻然垂念者伏祈

俞賜蠲免俾邊海子遺漸次生聚則官民不致徒累
頂戴

皇仁誠世世無盡也臣因前巡歷沿海一帶其地方
民隱悉心諮訪見聞真實各官詳報並無欺飾
不得不再爲冒昧早懇

宸斷施行至于缺額銀兩及無徵米石先于元年錢
糧內預支濟用前疏已悉仍應聽部議補者也
其棄置田地山蕩等項及藩司運司屯司糧道
應行蠲減額數前已造冊送部部議元年缺額
銀兩俟該撫查明

題報之日併行核議已據該司備將各縣康熙元
年起應蠲數目欵項逐一查明分晰造冊并拾
捌年無徵欵數及各官不扶甘結通行冊報見
在所當聽部一併覆核以清餉額者也既經該

司呈詳前來除將清冊送部外臣謹會同督臣

趙 鹽臣趙 合詞密

題伏乞

勅下該部議覆施行

康熙貳年貳月拾貳日題參月拾壹日奉

旨該部核議具奏

撫浙疏草目次

卷之四

條議台溫軍儲改徵本色疏

題覆趙秉和欵蹟疏

題請寧台溫寇荒通糧蠲豁疏

覆奏寧台溫寇荒無徵田畝疏

回奏遂烏諸三縣私派船工疏

請展 欽部事件限期疏

回奏韓則愈欵蹟疏

條議台溫軍儲改徵本色疏

題爲酌議改徵本色以足兵食事據布政司呈稱

云等因到臣該臣看得浙省舊設沿海衛所

官軍分汛戍守全書額載各府屬縣每年派徵
軍儲項下本色秋米收貯附近倉廩以備一歲
支用按月給軍從無壓欠法至善也自順治棚
年間前任督臣陳 查衛所官軍盡裁經制官
兵數少議將軍儲本色秋米內扣給實在制兵
月糧之外尚有餘存本色每石改徵折色銀壹

題叅解官莫琛私圖報雪疏

題覆重犯劉安援 赦疏

題覆重犯惠緩 赦疏

題覆重犯洪陽憲援 赦疏

題覆重犯曹仲等援 赦疏

題覆重犯林秀甫援 赦疏

請蠲寧台溫拾陸柒年通糧疏

題覆重犯陳阿長等免罪疏

題覆重犯盛二百四減罪援 赦疏

議扣餘米賠補漂沒漕糧疏

彙報衛屬旱災疏

題樓如璣誣叛招罪疏

謝加副都疏

再陳寧台溫拾捌年遷棄無徵疏

題覆白糧雇船經費難以裁扣疏

題覆重犯史氏等招罪疏

題報重犯謝玉明招罪疏

題請江山兵餉改抵協濟站銀疏

題明清丈田畝疏

輸助建造滿營房屋工料疏

題覆重犯陳二等招罪疏

題覆重犯林四援例疏

題覆重犯李氏等招罪疏

題覆重犯鍾一源等減罪疏

題覆重犯唐氏招罪疏

題覆流犯沈明霄等免罪疏

覆奏元年豆草價值並無浮冒疏

題覆鹽徒金德祥等招擬疏

撫浙疏草 卷四
兩撥補兵餉具

題在案後以海疆多事寇警頻聞台溫二府增設水陸官兵及調防各省客師兩倍昔年每月支放本色倉糧前因改折俱不敷用于是溫區則派金衢處三府協濟台區則派紹興府協濟但台溫越在海嶠峻嶺叢山不通舟楫紹金衢處協濟本色輪輓維艱愆期不至各營兵食歷年壓欠庚癸時呼臣兩次親歷東甌經過金處所屬各邑民苦遠運本色費累多端紛紛呈空而各營將領又以月米積逋屢陳壓欠臣檄道府各官確查利弊乃知台溫原係產米之鄉利于復徵本色弊于改徵折銀蓋二府孤懸海隅阻截山嶺有米不能貿易隣封亦猶各郡不能遠輸台溫故徵米則易折銀爲難也在各府又以運米協濟爲累不得不以貴價折給營兵而營兵復以賤價強糴民間轉展交納難免滋擾地方是昔日議折軍儲本色至今日而不可不亟爲變通也查溫區見在官兵致千名每年該支

米叁萬貳千肆百石該府秋米除遷棄無徵外
實徵米陸千叁百肆石玖斗零尚不敷米貳萬
陸千玖拾伍石捌升零將軍儲原議折色銀貳
萬叁千陸百壹拾貳兩陸錢零改徵本色米貳
萬叁千陸百壹拾貳石陸斗零仍不敷米貳千
肆百捌拾貳石零并新增水師月米于溫府正
賦錢糧內就令本處撥買足額台區見在官兵
捌千壹百伍拾名每年額支米貳萬玖千叁百
肆拾石該府秋米除遷棄無徵外實徵米柒千
陸百捌拾石捌斗零將軍儲原議折色銀貳萬
壹千伍百壹拾捌兩肆錢玖分零改徵米貳萬
壹千伍百壹拾捌石零仍不敷米壹百肆拾石
零并新增水師月米俱應于台府正賦錢糧內
亦令本處撥買足額至台區水師右營兵八百
名先調寧區合旅故于寧波支給餉米今督臣
已將此營調回台州則其餉米併應于台府撥
給在台溫就便輸糧不能藉口推延在各營就
近支米不必遠待協濟而紹金衢處四府官民

亦得以甦其運米之累不幾一舉而兩利乎臣
又細查浙省年額滿漢官兵應需糧米除存留
南屯等項本色之外每年

奏銷冊內實缺兵米捌萬餘石增減不等年來部
撥正餉行令肆錢叁斗買米抵給較之前項改
折秋米每石壹兩計之實有節省餘銀自當將
二府先年原額本色照數復徵更正用足兵食
一轉移間不惟公私有益而兵民亦並受其利
他日海疆寧謐官兵減少再爲徐議折色可也

至于徵收糧米往昔原有章程十月開徵年終
完納務足一歲軍糈之額臣已一面備行各府
設置倉廩以爲經久可行之計所當據實

題請統候部議定奪既經該司道府縣僉議妥確
呈詳前來除清冊送部外臣謹會同督臣趙

合詞具

題伏乞

勅下該部議覆施行

康熙貳年貳月拾伍日題參月拾玖日奉

旨該部議奏

題覆趙秉和款蹟疏

題爲特糾縱蠹虐民縣令以儆官邪以安地方事
准刑部咨開該本部會同院寺會查得知縣趙
秉和一案先經按臣列款特疏糾叅奉
旨咨行審擬去後今據該撫將趙秉和擬杖衙役任
應宿等分擬絞徒援

敕具題前來查原叅趙秉和信用蠹書任應宿私派
夫匠共折銀玖拾兩又秉和將訪犯蔡勇等收
爲馬快濫給印票詐索平民章統十等共得銀

貳百壹拾壹兩本官豈無染指情弊且原叅秉和將巨蠹趙國輔係奉

旨訪犯仍收糧房任爲心腹今招開據秉和供稱任內並未收用趙國輔又據民人任仕三供稱縣官嚴比賠糧係經承趙國輔唆使扳累則國輔又明係秉和書役前後供吐不符事關婪贓難以擬結仍請

勅下該撫逐一詳審確擬限五箇月具奏可也等因奉

旨依議行欽此抄部咨院仰司覆審在案茲據按察司呈稱云云等因到臣該臣看得革職蕭令趙秉和一案前經勘明

題覆准部駁查各蠹婪私本官豈無染指及收用訪蠹前後供吐不符咨行復審行據司廳確鞫修船派夫俱任應宿之私侵指盜詐財實蔡勇等之朋索若侵糧賠累又徐正之藐法害民嚴審本官實無染指被害李華等供証鑿鑿再三駁勘始終不及秉和似難深求至于趙國輔被

訪之後本官確供並未收役再審任仕三亦供
國輔訪後不在衙門係唆使徐正妄扳查與原
招初供相同及刑官質之該縣卯簿果無其名
今國輔病故無庸再議趙秉和縱蠹肆虐革職
杖治允當厥辜任應宿等仍照原擬分別絞徙
查事在

赦前可否追贖免罪均聽部議核奪徐正侵餉情罪
聽別案歸結既經該司確勘前來相應具
題伏乞

勅下法司覆議施行

康熙貳年貳月貳拾日題參月貳拾肆日奉

旨三法司知道

題請寧台溫定荒逋糧蠲豁疏

題爲沛

恩澤以收人心明賞罰以肅衆志廣鼓勵以振軍聲

事據布政司呈稱云等因到臣該臣看得寧

台溫三府錢糧頻年拖欠皆因寇亂荒殘流移

相繼田畝汙萊村烟斷絕以致賦額徒懸催科

無術雖有司之叅罰日加奈逃亡之追徵莫問

兵糈日詘庚癸時呼唯以司庫那移隣府協濟

爲之補苴一時歷年以來各屬之完欠從未有

一歲清楚之額也前各屬援引科臣姚 條疏
賊寇殘破地方請行

蠲恤一款部覆謂果有被賊傷殘積逋不能完者俟
該督撫按查明據實具

題應否議蠲另行議覆之案紛紛詳請備陳致寇
積欠情形臣與前督臣趙 俱批布政司確察
向來被寇始末及曾否

題報情由去後茲據司詳順治拾叁年間台州馬
信叛變之後郡城兩遭淪陷天台仙居歷被山

寇蹂躪溫屬各邑土寇何兆龍等積年荼毒順
治拾伍年間海逆大鯨登犯屬邑衛所多被殘
破寧波之象山奉化逼臨海畔寇黨不時肆掠
民率逃亡此皆實係被賊傷殘之地查台郡自
順治拾年至拾肆年逋糧貳拾叁萬伍千柒百
餘兩前撫臣陳 有台郡重罹寇患一疏溫郡
自順治拾貳年至拾伍年逋糧壹拾叁萬柒千
柒百玖拾餘兩并拾陸年被災田畝分數前督
臣趙 有甌郡異常災荒一疏又前撫臣史

復經補贖會請

蠲恤則二郡積逋難完自昔年山寇竊發迄今逋負相沿已非朝夕之故矣此二案見在確查另行報結外至拾陸拾柒拾捌叁年拋荒田地賦稅無徵戶口逃亡無從追比臣前欽奉

上諭會同前督臣趙安插沿海遷民議將荒田撥給被遷人戶業已彙疏入

告臣隨頒發冊結各式責成該道及府正刑官將冠荒無徵錢糧履歷丈勘清釐核算除三府遷徙

界外拾捌年未完額銀本年貳月拾貳日臣先具疏請

蠲仰贖

宸聰矣其拾陸拾柒拾捌年寇荒無徵據查溫屬拾陸年該銀捌萬陸千玖百肆拾捌兩叁錢零先經部覆准免災傷銀壹萬玖千玖拾捌兩柒錢零但災傷止就被災之重輕分蠲數之多寡若寇亂荒殘盡屬不耕之土非如災傷分數可以同年而語仍應照無徵之數並請全蠲茲查溫

屬拾陸年除已獨壹萬玖千玖拾捌兩柒錢有
奇外又開墾續完銀玖千柒百伍拾捌兩捌錢
零米貳千柒百玖拾壹石陸斗零實未完銀伍
萬捌千玖拾兩柒錢零未完米柒千柒百陸拾
肆石玖斗零拾柒年除開墾續完外實計無徵
該銀柒萬伍千陸百叁拾陸兩柒錢零該米柒
千陸百玖拾陸石柒斗零拾捌年除界外遷棄
并界內開墾外尚有界內實計寇荒無徵該銀
壹萬陸千貳百捌拾玖兩陸錢零該米壹千伍
百伍拾柒石零該練餉銀貳千貳拾肆兩壹錢
零又寧屬拾陸年實寇荒無徵銀貳百伍拾壹
兩玖錢米叁拾柒石捌斗零拾柒年寇荒無徵
銀貳百伍拾壹兩玖錢米叁拾柒石捌斗零拾
捌年寇荒無徵銀貳百伍拾壹兩玖錢米叁拾
柒石捌斗零練餉銀陸拾貳兩肆錢零又台屬
拾陸年實寇荒無徵銀叁千貳拾兩捌錢零米
肆百肆拾石肆斗零拾柒年寇荒無徵銀叁千
貳拾兩捌錢米肆百肆拾石肆斗零拾捌年寇

荒無徵銀叁千貳拾兩捌錢零米肆百肆拾石肆斗零練餉銀叁百壹拾貳兩肆錢零以上叁府未完拾陸拾柒拾捌叁年田庄丁糧在未經遷棄之前與既經遷棄之後總因寇殘無從出辦並非以熟作荒別有侵冒之弊也臣又查溫州拾捌年荒冊較今備報無徵之冊數目未符者蓋因泰順續報荒田叁千餘畝應行補入其永嘉報荒之後已開懇以萬陸千餘畝仍當于前冊照數減除今俱一一詳加釐正矣若夫溫州一府各年逋餉特多司庫僅發兵糧每年動經累萬臣亦經兩疏將該管府縣印官

題叅然而議處頗仍逋延如故實由地方殘敝委棄無徵丁糧並缺之所致也臣因稽溫屬歷年叅罰各案如該府掌署印官則有降調知府孟希舜同知蔡華宏馮起龍通判趙塹孔各縣掌署印官則有降調通判劉偉革職知縣韓則愈陳伊昌魯可遠宋國琛李用光高儀坤王煌余起光蕭曾彥皆捧檄方來坐席未煖旋即罷去

各官携家遠任豈不自惜功名亦由事勢考成之貽累誠非各官督催之不力倘逋額不蠲卽日易一官恐無濟于事也伏乞

皇上睿鑒俯念邊海殘疆子遺待盡將寧台溫三府拾陸拾柒年無徵未完并拾捌年界內無徵未

完

勅部蠲恤見在無徵之餉額與已前司庫之借支並議撥補庶民生軍餉兩有攸賴矣至如荒田給遷民前經地方各官共諮民隱祇因荒田逋額未除故不敢受田執業倘蒙

蠲豁卽可招徠開墾限以三年起科漸次可成樂上不特逋戶有更生之慶而遷民亦有安全之地鼓舞

皇仁未有極也除撥給一事容于欽奉

上諭一案另行

題覆外今據該司造到無徵各冊合將積逋難完據實具

題聽部覆核定奪旣經該司呈詳前來除將清冊

送部外臣謹會同督臣趙 合詞密

題伏乞

禮下該部議覆施行

康熙貳年叁月貳拾貳日題肆月貳拾陸日奉

旨該部核議具奏

覆奏寧台溫寇荒無後田畝疏

題爲欽奉

上諭事准戶部咨開該臣等看得浙撫朱 疏稱

寧台溫三郡濱海居民遷徙內地遵奉

上諭會同督臣趙 酌議將奉化等縣寇荒無主

田叁千肆百肆頃零計丁撥給開墾又稱遷徙

之民流離失所困苦請撥餉銀賑濟散給置買

牛種搭蓋茅房就依荒田安插耕鑿三年成熟

照例起科其棄置田地丁糧另疏具

題今將遷移過戶口姓名數目造冊具

題前來除原居城市并手藝營生及有親戚相傍者聽其自便外查無家無土赤手貧民雖經該督撫議給荒田開墾但查浙省原無久荒之田今報有叁千肆百肆頃零俱稱無主荒田責成各官丈勘題請蠲免荒額然後酌量撥給等因查該督撫題報節年災傷俱經臣部照被災分數蠲除並無報有寇亂無主荒田今議開墾荒田或借端明將見在實納錢糧之田巧作荒田亦未可定相應請

勅該督撫將貧民遵奉前

諭設法安插務令得所并查有無冒報荒田速行具題以憑核議可也等因奉

旨依議行欽此抄部咨院仰司確覆去後催據布政司呈稱云等因到臣該臣看得寧台溫三府

沿海居民遷移內地欽奉

上諭命督撫酌給田房親身料理仰見

皇上軫念生全務令小民盡需實惠臣與前督臣趙

躬行沿海郡邑再四熟籌并集地方各官
講求酌給之法查界內編戶輸糧田產各有業
主勢難分給僉議各府向有寇災拋荒田土賦
缺丁逃無人開墾倘官絡牛種撥令遷民耕耨
三年陞科即可開荒成熟前經會疏入

告部覆浙省節年災傷曾經議免並無報有寇亂無
主荒田或借端將見在實納錢糧之田巧作荒
田亦未可定應查有無冒報速行具

題以憑核議臣與督臣俱復檄各該道府縣履畝
勘查臣仍頒發冊式分別清丈節次守催始緣
各道彙造清冊取到印結批發藩司覆加查核
茲據詳報寧台溫各府細冊有先經冊報今覆
核相符應按冊題報者有前冊未開今續勘荒
田應行補入者有原冊報荒今已召墾應行減
除者總以今次丈勘所報田地山蕩等項爲實
在拋荒之確數計三府寇荒無徵田地內寧府
奉化縣及象山縣共陸千貳百肆拾捌畝零
府天台偃居二縣原報肆萬壹百壹拾柒畝零

續報荒田叁千壹百餘畝溫府除永嘉縣續報
認佃田玖萬陸千肆百餘畝又增入泰順縣續
報荒田叁千貳拾捌畝零合永樂瑞平泰五縣
共貳拾萬肆千貳百捌拾伍畝零統計寧台溫
三府共貳拾伍萬叁千柒百玖拾柒畝零臣查
前報寇荒田畝數內有永嘉一縣覆勘數少恐
有捏造情弊再駁該司確查據各官覆稱永嘉
一縣舊報荒田肆拾伍萬餘畝拾陸拾柒兩年
節次開墾過共壹拾玖萬伍千伍百餘畝拾捌
年報冊後招民續認又開墾玖萬陸千肆百餘
畝據稱應照原冊減除故與原報不符並非以
熟作荒有捏造之弊也至于前任督撫節年

題報災傷部議止照災荒例計分免糧而寇亂無
徵實未全蠲糧額是以台溫二屬積逋兵餉無
歲不然又部駁節年並未報有寇亂無主荒田
等語查台郡拾貳年至拾肆年寇荒逋糧前撫
臣陳 有台郡重罹寇患之疏溫郡拾貳年
至拾伍年寇荒逋糧并拾陸年被災田畝分數

前督臣趙 有甌郡異常災荒之疏此二案
見在確查明白另行

題報則寇亂荒殘之狀前任督撫二臣業已屢實
宸聰矣是臣原報數目委非實納錢糧熟地巧作荒
田敢于冒昧妄陳也惟是遷移之民內有向來
止務農業非有田地無以資生赤手無歸流移
困苦此等貧民十居五六若非給與田土別無
安全之計乃台州道府縣極言撥給荒田之便
者温州道府縣有謂遷民不願受田者及訊其
不願受田之故蓋緣拋荒已久逋糧未豁誠恐
受產之後反致迫呼民皆畏累遲疑似非不願
耕鑿也伏祈

皇上俯將荒田無徵累年積欠丁糧盡予

蠲除責令地方有司撥給遷民隨便開墾照例三年
成熟陞科執業則失所編氓未有不思耕田而
食鑿井而依自爲遂生之計也據詳寧台溫三
府造報荒冊及經營各官印結并藩司彙報荒
田額徵銀米各數清冊理合據實

題明聽部核議定奪此案關係勘報積荒田土督
臣與臣時加催督造冊速報求以早沛

皇仁祇因三府地方遼廣委官履畝丈勘田土丁糧
冊帙浩繁數盈萬計往返駁查致需時日勢難
如限完結臣前赴溫州清餉亦經展限在案該
司查溫州署印同知馮起龍永嘉知縣韓則愈
冊報遲緩列揭開報應否處分併聽部議既經
該司呈詳前來除將冊揭印結送部外臣謹會

同督臣趙

合詞密

題伏乞

勅下該部議覆施行

康熙貳年叁月貳拾貳日題 月 日奉

旨

回奏遂烏諸三縣私派船工疏

題遵

旨據實明白回

奏事准工部咨開該臣等查得打造戰船一切物料工價原係銷筭正項錢糧今據科臣嚴疏稱浙江造船俱分派各州縣其工費給發者十不過二三餘皆取辦于地方里甲如海寧等縣知縣李景勛等派銀私折見經叅奏若臣聞見所及則有遂安等縣知縣錢周鼎等指船私派

等因具題前來臣等議得指船私派及短少等弊俱係地方所行之事難以懸擬相應請

勅浙江撫臣備將疏內事理嚴查據實具題以憑議覆可也等因奉

旨依議嚴行欽此抄部咨院仰司確審在案茲據按

察司呈稱

云

等因到臣該臣看得浙省海道

匪茹順治十六年間安南將軍明

奉

旨統兵駐浙出洋征剿立待督修戰艦軍機密速刻

不容緩前任督撫具

題請撥料價兵工二部會議止令不拘何項錢糧動支濟用工完查例報銷各屬因未定項款而藩司又量給料價不敷支用維時軍令森嚴前任督撫議派杭嘉湖寧紹金衢嚴入府屬縣印官辦料遠運費用繁難各該有司將一切物料竟自妄派里民辦解或賒取舖行運納混稱勸輸名色其實皆私派累民也科臣嚴具疏指叅遂安知縣錢周肅烏程知縣程雲步諸暨知縣張士琳各私派事欵奉

旨解任咨行前撫臣史一 察勘虛實臣接管嚴催

歷據司詳廳審實因船工急迫縣無見貯悉皆里民派輸完工而非官役經手查遂安諸暨二縣則皆責之坊里重尚義嚴慶堂等徵銀自辦官役止驗解押催稽其派用銀數遂安冊報則數倍科叅諸暨冊報則僅及原叅之什五耳據審張士琳親供砍伐船木里長日買原無求免嚴慶堂等俱供賄墊借債安有詐侵烏程一縣則係徵收貯庫俱給官役金門縉丘志科等領辦料物其實收銀數與科叅畧同臣因查當年造船派累民間非獨遂安烏程諸暨三縣據各屬冊報各項工料俱多糜費濫用批令藩司嚴加確減三分之二議將減去浮冒銀數責令經手各官名下追出給還原輸里民抵納正項條銀業于恭報興修戰船等事疏內彙冊具

題見候部議定奪茲臬司復移藩司查原冊核實價值如遂安修船四隻司發縣給并勸輸銀共用過伍千肆百壹兩陸錢零內應請准銷銀壹

千叁百叁拾肆兩烏程縣修船七隻司發縣給并勸輸銀共用過壹萬貳千柒百陸拾叁兩有奇內應請准銷銀叁千肆拾柒兩貳錢零諸暨修船四隻零司發縣給并勸輸銀共用過叁千伍百肆拾貳兩有奇內應請准銷銀壹千陸百陸兩零臣以所減浮價恐各官役從中豈無侵冒再三駁核據稱各官實無染指議責經手坊里官役名下清還里遞但戰船急務雖曰一時迫切豈得擅議輸納私派里民自富仍照臣前議除核實價應候戶兵工三部會議撥發正項照數給還民間外其餘核減濫用前銀仍應責令錢周鼎程雲步張士琳名下同經手官役坊長清理給民不得脫然事外庶杜將來違禁私派之端也錢周鼎等妄派累民咎自難追雖其事在

赦前仍應聽部議處定奪再查此案駁覆減值有逾定限但臣已將難完情由及巡歷甌郡兩經具疏展限在案相應一併

題明伏乞

勅下該部覆議施行

康熙貳年參月貳拾貳日題肆月貳拾柒日奉
旨該部核議具奏

請展 欽部事件限期疏

題爲請展

欽件部咨期限並陳難完情由仰懇

宸鑒事據布按二司糧儲道各詳稱云等因到臣

該臣看得

欽件部咨俱關錢糧完欠刑名出入事皆切要凡應

奏報應咨達者嚴檄司道經管衙門依期報結無

容少有稽緩計自臣到任以來年半之內兩赴

溫州雖在道途跋涉亦不敢片刻怠忽業經陸

續

題報共玖百伍拾件又咨報各部共壹千壹拾件
拮据料理蚤夜靡遑其各屬有司怠緩不前節
次

題叅俱經議處在案其于督責之法亦既不遺餘
力矣臣查前撫臣史 交代冊開未完

欽部事件爲數最多昔因未立有限俱淹歷歲時中
有七八年沉閣未報者臣先經具疏寬限一面
備檄奉行衙門次第催結拾捌年拾壹月內欽

奉

上諭安插沿海遷移人民臣赴溫州會同前督臣趙
親身料理誠恐

欽件稽遲再

題明展限又元年貳月內據布按二司及管糧道
各詳先奉案驗勢難速結者臣又列項具
題展限元年拾月內赴溫州料理兵餉又

請展限俱經部覆在案然積牘繁難終不能盡數報
結臣復嚴檄切責茲據布政使袁一相李茂按

察使法若真糧道右叅政梁鳳鳴各詳承奉事
件實有事勢維艱委難一時竣事緣浙省幅員
遼濶各府距省有千餘里米捌百里伍陸百里
不等藩司糧道項下如察核條款吊驗批領催
追侵欠一經駁查動須浹月攢造冊籍每至紙
盈千萬又如台溫各屬寇殘之後案簿灰燼尤
難稽核臬司項下如緝逃追贓籍沒侵欺從前
沿爲滯案臣雖日事催呼急切罔應各省事件
之多無甚于浙而浙省清理之難尤無甚于臣
之今日也至臣衙門前任撫臣陳

告病接

任終

被逮進京史

又係告病解任適當按差停

撤諸事歸併以歷來久稽之案致數年積弛之
餘值茲

功令新嚴一旦按限叅罰交責于臣章程有限轉瞬
逾期此實事艱時迫非臣督催之敢于少緩也
查未完事件自節經展限以來各部限期參月
肆月俱當以次扣滿除該司道見在催查易結

者不敢槩列展限其布政司冊報

欽件部咨共玖拾柒件按察司冊報共捌件糧道冊報共貳拾貳件內難完情由備註各前件之下委須漸次儉催非能同時並竣臣查難完事件准有部咨許令展限遵奉在案理合據實

題明伏乞

睿鑒

勅部覆核再爲寬限容臣嚴督催結庶免遲悞之愆矣既經該司道呈詳前來除將事件清冊送部外相應具

題伏乞

勅下該部議覆施行

康熙貳年叁月貳拾柒日題伍月初壹日奉

旨該部議奏

回奏韓則愈欵蹟疏

題爲特糾不職縣令仰祈

勅部議處以儆官邪事准刑部咨開浙江總督趙

題叅永嘉縣知縣韓則愈職欵緣由奉

旨這所叅韓則愈不職事情併本內有名犯証該撫
親審

確議具奏該部知道欽此抄部咨院有司確審去

後催據按察司呈稱

云等因到臣該臣看得

已故温州府降調知府孟希舜詳訴永嘉縣知

縣韓則愈劣蹟該前督臣趙

據以糾參臣

凜遵親審確議具奏之

旨自當加慎窮研務求其實嚴行臬司及直季各刑
官細審盡屬風影臣查原申知府孟希舜近以
病故恐承讞者徇庇曲卸再三批駁茲據覆詳
如首欵多徵火耗據張子容等供稱溫等較之
庫馬原輕壹錢柒捌分不等此皆找足正數原
無額外多徵先據告詞府審坐贓項元而子容
等且辯稱匿名不認駁審未結今刑訊加贈既
有此數豈是子虛但各犯証咸供溫俗銀等每
分原輕二厘實非苛索衆口僉同似難懸坐二
欵冒銷米價每石壹兩貳錢係藩司酌定之數
先給庫票然後納米此龔寵徐維玠堅供可據
也三欵扣銀歛費查供應駐防糗糧原係責成
府佐買辦縣官既未經手則扣剋何從查此事
亦據侯思芹告詞已經府審坐贓陳蓼生等詳
勘未結實與則愈無干四欵草揭橫徵據稱溫
郡兵燹之餘冊籍散失前令卽據草揭徵比至

則愈始行督造架冊因推收不明張鳳翥等訐
告在府此咎在前令而于則愈又無涉也惟經
承陳蓼生將已故劉康社欠糧移入方赤名下
造冊舛誤罪固難辭今查蓼生已經訪案擬絞
因贓蹟尚未明確見在駁勘罪應從重臣親提
犯証公同司廳各官質審無異反覆推敲則愈
實無染指難以吹求據審各款則愈供係孟希
舜捏陷但希舜物故無從質問至韓則愈遲悞
兵餉臣節次疏奏又以各年帶徵錢糧不完部
議革職亦無庸置議相應據實具

題聽候部議核奪臣前赴溫州清理兵餉已經展
限在案相應一併

題明伏乞

勅下該部覆核施行

康熙貳年肆月初拾日題伍月拾壹日奉

旨刑部核議具奏

題參解官莫琛私圖報雪疏

題爲更定考成則例事據布政司呈詳餘姚縣縣丞莫琛領解本色藥材蠟茶批廻無獲及寄書與子希圖報復緣由到臣該臣看得餘姚縣解官莫琛領解順治拾捌年分戶禮工三部本折藥材蠟茶芋蔴等項錢糧係拾捌年捌月內給批起解久未獲批節經具疏查叅已于禮部項下更定考成則例案內部議將經管知府吳之樞罰俸一年餘姚縣知縣何縉降俸二級戴罪

督催在案臣一面嚴檄該司行提莫琛家屬追
比批廻該司行據紹興府申解莫琛親子莫超
及衙役張朱詳訊口供并獲寄回家信莫琛見
在京邸止苧蔴一項掣獲工部批廻其蠟茶并
本折藥材尚未投納該司察其家信內有云上
司倘因查催之故不顧情理體面須從報房寫
信釘封寄陳元燮陳聖功家轉付我寓自有直
捷之法人以惡待我我便顧不得人此亦報施
宜爾等語臣閱司詳不勝詫異查莫琛領解錢
糧幾及二年潛留京寓久不上納府縣各官俱
經

題叅議處則其嚴限監比家屬法所宜然詎琛罔
思罪已反圖陷人乃作字與子欲肆含沙不知
其用何奸術妄云直捷報復也么臈末員領侵
額課猶愍不畏法匿形

輦轂之下敢施鬼蜮之謀若不嚴加重懲將來奸
宄效尤則在下經管各官莫敢過問者矣理合
據實

題參請

勅該部并密行巡城御史緝拿莫琛寃詰根由搜查藥材蠟茶等項錢糧見在何處就近追納如有侵欠或在京比追或押回浙省追完補解庶法紀彰而

欽件得以蚤竣矣既經該司呈詳前來相應密

題伏乞

勅下該部議覆施行

康熙貳年肆月初拾日題奉

旨據奏解官莫琛潛京兩年領解錢糧不行交納好生可惡着卽嚴拿追擬具奏該部知道

題覆重犯劉安援 赦疏

題爲恭陳四款以佐

皇上勤民大政事據按察司呈稱云云等因到臣該

臣看得劉安之毀斃汪氏也因竊葢之微嫌致

鄰佑之群閭氏以助夫曹申而在場安以袒婿

吳大沛而肆毆傷哉老嫗頃刻云亡檢証俱真

擬抵奚喙茲據司詳安與汪氏原無仇隙歷審

又無謀故之情援引

詔欵開載一時忿激相毆致死者兇犯免死決杖仍

給埋葬銀兩之例可否允從應聽部議核奪吳
大沛雖未加功實爲禍階與得財箝制之徐二
崧均杖不枉查大沛等事在

赦前相應追贖免罪既經該司確詳前來理合具

題伏乞

勅下法司覆議施行

康熙貳年肆月拾捌日題伍月拾玖日奉

旨三法司核議具奏

題覆重犯惠一援 赦疏

題爲恭陳四款以佐

皇上勤民大政事據按察司呈稱云云等因到臣該

臣看得惠一因封船之故肆狐假之威適有張

令聞痧發偃卧在舟惠一乃強其鼓楫或恃勢

逞雄勢所必至曾未逾時而令聞奄逝矣傷經

檢驗絞抵奚辭及再爲細察毆時尚無確證曾

延醫僧瑞英診治亦供痧老難醫且審惠一素

不謀面從無怨仇是無謀故實情今該司援引

詔欵斷給埋葬之例呈詳前來可否允從聽候部議
核奪既經該司勘詳前來相應具

題伏乞

勅下法司覆核施行

康熙貳年肆月拾捌日題伍月拾玖日奉

旨三法司核議具奏

題覆重犯洪陽憲援 赦疏

題爲恭陳四欵以佐

皇上勤民大政事據按察司呈稱云等因到臣該

臣看得洪陽憲傷斃洪九四一案先因陽憲與

洪孟元筭糧詬誶陽憲使酒逞兇持刀相向孟

元則見機躲避九四乃從旁解紛遂攫其鋒刀

傷手腕越宿云云論法似應絞抵但揆厥初念

陽憲原有傷元之意而無死四之心今該司援

引十三年

詔欵原無仇隙一時忿激相毆致死者兇犯免死決
杖仍斷給埋塋銀兩之例呈詳前來可否允從
應聽部議核奪洪孟元因糧召釁杖治不枉查
孟元事在

赦前相應免罪既經該司勘詳前來理合具

題伏乞

勅下法司覆核施行

康熙貳年肆月拾捌日題伍月拾玖日奉

旨三法司核議具奏

題覆重犯曹仲等援 赦疏

題爲恭陳四欵以佐

皇上勤民大政事據按察司呈稱云云等因到臣該

臣看得曹仲等之毆死蔣元也事起謔詈輒逞

毒拳檢有傷痕律抵不枉但查曹仲素無嫌隙

毆後延醫似無必死蔣元之心且元殞于保辜

限期貳拾日之外律有不得濫擬條例業經會

審駁勘今該司援引決杖追給埋葬之例此亦

情法之平其助毆擬杖之曹心曹四并硬証之

張五詐索之楊奇各援

赦具詳前來可否允從追贓沒官均候部議核奪相應具

題伏乞

勅下法司覆核施行

康熙貳年肆月叁拾日題陸月初叁日奉

旨三法司核議具奏

題覆重犯林秀甫援 赦疏

題爲恭陳四款以佐

皇上勤民大政事據按察司呈稱云等因到臣該臣看得林秀甫本與陳阿舅微嫌起爭迨邀飲勸解忿已釋矣復因各償酒資又相格鬪群鬪之際混濁不分秀甫等遂將從旁解紛之王大章共毆殞命檢有傷痕論法應抵但細察其情原無仇故今該司援引免死決杖追給埋塋銀兩于例允符俞阿官徐君美黨惡助毆徒配不

杜陳阿舅首事起釁杖治允宜可否援

赦宥免均候部議定奪既經該司勘詳前來相應具

題伏乞

勅下法司覆核施行

康熙貳年肆月叁拾日題陸月初叁日奉

旨三法司核議具奏

請調寧台溫拾陸柒年通糧疏

題爲敷陳未議以彰

皇仁事據布政司呈稱云云等因到臣該臣看得寧

台溫三府沿海遷民欽奉

上諭着督撫酌給田地房屋親身料理安插得所使

小民盡沾實惠倘料理不周或被徃告發覺定

行治罪仰見

皇恩濡渙嘉予生全真如天之覆露矣臣前兩次親

歷濱海郡邑目觀遷民室廬盡毀田地無存扶

老孥幼哀號遍野不忍見聞日與道府有司商酌救濟柰界內田房各有其主無從撥給臣與前督臣趙 再三會議惟有酌撥界內荒田請量發帑金買給牛種使之相依耕鑿庶幾漸次招徠曾密疏上

聞部覆承允又因三府地方荒殘歷年逋餉催科無術自遷徙之後民皆逃移事故積欠額糧從何追問各道有司詳陳疾苦情形真一字一淚籲請盡蠲舊賦勝似議給田房臣據各官呈詳將拾陸拾柒拾捌年遷民風欠分別造冊取具印結先後三疏激切賣陳仰懇

皇仁破格蠲除惠此子遺誠非得已也而部覆臣兩次請蠲遷民拾捌年欠糧之疏堅執年額各餉定限陸月全完之議雖臣反覆辯論終置無庸再議臣竊憂此未蠲之積逋皆諸餉之正數何敢不議行追然又恐遷民益甚流亡走險更煩長慮臣惟有躊躇悚惶而已茲據藩司又詳覆科臣王 條陳安插小民之得所必先寬其

催科之

功令議將棄置田地未完額賦報明豁免部覆應俟督撫將何年何項應免錢糧

題報另議一案該司復將各屬遷遣人戶田土丁糧造冊彙詳據稱自拾伍年以前未完先奉

詔赦已經清察司官查明欸項除侵欺抗納外民欠錢糧俱已槩奉蠲免矣其拾捌年分遷棄未完先經詳臣於遵

旨會閱浙省沿海一帶事案內兩次具

題見經部駁臣又行查候另疏再陳今各屬冊欸則係拾陸拾柒兩年之未完也據查寧屬之鄞縣奉化定海象山台屬之臨海黃巖太平寧海溫屬之永嘉樂清瑞安平陽拾陸年分共未完銀陸萬壹千陸百肆拾叁兩柒錢零拾柒年分共未完銀伍萬叁千陸百伍拾伍兩陸錢零又各屬拾陸年共未完米柒千叁百貳拾肆石玖斗零拾柒年分共未完米陸千玖百壹拾肆石肆斗零以上米石皆係有留未完之數也臣因

反覆恭繹

皇上原頒

諭旨憫念各省遷徙人民棄家失業凡有可給田房
尚然責成各督撫悉心料理務期安全豈遷民
本等逋課我

皇上如天之仁反有靳惜而不與之盡豁乎雖計臣
慎重錢糧未允所請然臣身爲封疆大吏敢不
凜惕

駁論設法調劑惟是浙省旣無田房可撥斯民
流離苦不勝言又何忍督責有司執追無產之
逋致使其兄弟妻子離散豈非有負我

皇上軫卹遺黎之

德意耶臣每據各屬申報饑民困敝更有相率奔聚
逃亾山澤者臣因申飭曉諭兩次措發台溫二
府銀陸百兩捐賑撫慰而督臣趙

會臣熟

商措發司帑貳千伍百兩差官分發寧台溫三
郡酌量救濟猶恐涓滴難解卽懸若再將未遷
以前之相沿積逋追呼於旣遷以後之失業流

民此又萬萬不得之數也至于各經管有司因催科不及臣節經

題叅部議降革皆坐未暇煖相繼罷去此又官爲民累之苦臣如隱忍不言邊民日益逃亡則雖日叅一官亦無補于逋餉之萬一也臣近接各部會議咨文奉有

明旨行查拾柒年以前催徵不得各項錢糧如係民欠酌議蠲除今寧台溫三府遷民逋課廬舍田園盡棄界外更自可原故不憚煩瑣據實詳陳伏乞

皇上垂念逃移待盡子遺臣等無計生全惟仰懇睿慈

特召計臣檢臣前後各疏令詳悉熟籌應如科臣條奏亟議蠲豁海邦幸甚臣民幸甚倘以臣言爲謬察臣原疏

特差滿官一員賁冊來浙履畝按冊清查地丁不難立見虛實也該司備將應免年分項款數目開造清冊并取各縣花戶細冊見在所當

題報聽部核議臣又查寧台溫三府拾陸柒捌等
年寇荒無徵錢糧本年叁月內先具有需

恩澤以收人心一疏前寧台二府冊報係界內無徵
之數其溫州所報則界內界外未完銀米俱已
併造入冊今冊係三府拾陸柒捌兩年界外田
糧未完與界內寇荒兩不相混但今寧台二府
界外寇荒未完之數原未入前冊而溫州一府
則界外寇荒未完已造入前冊之內該司聲說
明白庶前後兩冊不致有混冒之愆又前冊止

開寇荒無徵銀米今冊係界外未完通查開報
二冊數目自有不同合併聲明統聽部核者也
此案因攢造花戶細數冊籍浩繁往返駁查勢
不得不需時日臣前赴溫州清餉亦經展限在
案既經該司呈詳前來除將冊結送部外臣謹
會同督臣趙 合詞審

題伏乞

勅下該部議覆施行

康熙貳年肆月叁拾日題陸月初貳日奉

旨該部議奏

題覆重犯陳阿長等免罪疏

題爲恭陳四款以佐

皇上勤民大政事據按司呈稱云等因到臣該臣
看得陳阿長係故盜鄭一新等之案犯也先以
其與監故父陳正卿與叔雲卿同時被獲致識
者疑爲盜夥並擬大辟茲據該司細加研鞫阿
長原無上盜分贓口供卽失主章雲亦云實未
見有阿長在夥臣以事關盜案出入再三嚴駁
據詳阿長贅出在外于臘月貳拾柒日伊父正

卿喚回度歲念陸之刼阿長原未同行詳閱初
供質諸今審實無遁情是安得以父刼之故並
辟其子也應予平反省釋冤囚至陳明峰一犯
歷審係微債徒振文有地隣甘結呈據但與匪
類出納杖懲蔽辜查事在

大赦以前可否免罪仍聽部議核奪未獲魏四等嚴
緝另結既經該可確勘前來相應具

題伏乞

勅下法司議覆施行

康熙貳年伍月拾貳日題陸月拾貳日奉

旨三法司核議具奏

題覆重犯盛二百四減罪援 赦疏

題爲恭陳四欵以佐

皇上勤民大政事據按察司呈稱云云等因到臣該

臣看得盛二百四行竊倪師堯家財始則撬門而入失主熟睡不知旋則負贓而出供有威劫情狀但歷經馭勘是竊非強且同行上盜爲從之錢二十九樓瑞前經恤刑擬以竊律改斬擬徒矜請具

題業該法司議覆計贓改杖援引順治拾叁年案

月

恩赦免罪釋放奉有

俞旨遵行在案則盛百二四盜屬一情法難兩議論
以竊盜爲首賊至滿數依律絢首似無枉縱未
獲方四照提另結據詳本犯事在

大赦以前可否免罪聽候部議定奪既經該司覆勘
前來相應具

題伏乞

勅下法司覆核施行

康熙貳年伍月拾貳日題陸月拾貳日奉

旨三法司核議具奏

議扣餘米賠補漂沒漕糧疏

題爲風雹漂壞船糧懇賜

題扣餘米以全

國儲事據糧儲道呈稱云等因到臣該臣看得
浙省各衛所領運康熙貳年起運元年分漕糧
業已過淮內有運官陳永盛等各幫漕船至天
妃閘等處忽于肆月拾柒等日陡遇風雹壞船
沉米臣于伍月內業已具疏

題報矣茲據該道詳稱糧艘遭風損壞未有如今

歲之多查舊例撈救濕米分酒各船帶運如其
交納不敷仍派本幫攤補今報壞船至于八隻
漂流糧米共計肆千陸百柒拾餘石此天災最
重而軍困異常者矣患丁掛欠若止令本幫攤
賠一時力難措處各軍剝肉醫瘡勢必反道正
課該道思得通省各船抵通交納京通二倉正
耗之外每年各有餘米存剩近例以十分爲率
以三分扣抵舊欠以七分給軍回南據議將各
衛所給軍之七分請

勅總督倉場務照患丁漂沒數目通盤打筭槩行扣

抵是留浙幫之有餘以補患幫之不足計無便
于此者仍將扣留某衛某所某屯丁名下餘米
若干聽倉場臣備細列冊移會到臣以便責成
糧道立限照追患丁米價給還代扣各軍一轉
移間俾被災各丁得以通融完贖正糧不致虛
懸掛欠而餘米官丁回南即可照數具領原值
誠調劑時艱之一策也所當據實具

題聽部覆議定奪既經該道呈詳前來除清冊送

部外臣謹會同總漕臣林

合詞具

題伏乞

勅下該部議覆施行

康熙貳年陸月初捌日題崇月初拾日奉

旨戶部議奏

彙報衛屬旱災疏

題爲彙報衛屬旱災事據分守金衛嚴道石公議

胡養忠呈稱該本道看得三衛郡縣最困于閏

差駱驛尤苦于田土荒蕪若再加以旱災猶病

勢危羸之人頻投砒鹵未有不斃亡殆盡者也

如今歲春二月至夏五月久暘不雨母論深塘

巨壑並無勺水之可收卽此長河大川早見中

流之欲斷况衛屬地當上游錯壤萬山當雨暘

時若之年瘠土所登僅獲下農之入若春夏逢

早則已播之種不苗未插之禾將枯卽待雨而救之已什不得其二三矣且民間旱禾原以濟二麥之不足而秋穀卽以完租賦之有餘今早穀旣未秀其苗秋田亦恐遲其力民無食則離散爲憂衢無民則錢糧可慮此農夫望焦土而長號印官對遺黎而伏涕本道雖禱祈修省無能回挽

天和惟有慘惻具詳早爲元元請命也查府報各縣災傷江山實有八分常山實有七分已上龍游實有六分西安實有五分獨開化頗得微雨雖罹旱災計分數難邀

蠲例未敢混報然較之他郡一分更甚于二分矣伏與本都院下憐生命上布

聖恩槩將衢民荒旱情形迅與會

題得

蠲一分受十分之益留一民爲十民之資旣據該府冊報前來擬合轉詳等因到臣據此該臣看得衢屬各邑居浙上游山多田少土瘠民疲卽時

和年豐而秋收亦薄矧連歲旱荒民多逃徙課額逋虧非得佈種有秋無以資生命而供正賦也先據該道詳報西龍江常四縣自春入夏甘霖不降禾苗之已植者遍野焦枯田疇之未種者無方插蒔夏稼難興秋成絕望臣卽批行確察被災分數都畝花戶姓名去後據報江山實有八分常山實有七分以上龍游實有六分西安實有五分除一面備檄該道府有司再行確勘被災田畝分數另行造冊報部議奪外所有旱災情形理合據實先行

題報臣謹會同督臣趙

合詞具

題伏乞

勅下該部察照施行

康熙貳年陸月拾叁日題奉

旨戶部知道

題樓如璣誣叛招罪疏

題爲申報捏造偽劄事據按察司呈稱云云等因

到臣該臣看得樓如璣與樓洵珊樓洵瑛係同
堂叔侄而張公時則隣佑也向懷祀田口角之
嫌遂設誣陷通海之計如璣捏造偽劄一填洵
珊洵瑛之名一填張公時之名令僕樓節兒委
之道旁復自尾其後適有謝應明途遇拾取如
璣故作不知作爲趨視卽歸語諸兄樓如輅如
梈欲其從容求釋意圖嚇詐未已也非樓如梈

等先事呈明鮮有不墮其術者迨經嚴批駁勘
贗始真情畢露假造偽劄偽印供認歷歷律以
誣人謀叛反坐之罪斬不爲枉謝應明已經庾
斃樓節兒委不知情無庸擬議除將偽造劄付
送部察核外既經該司勘詳前來臣謹會同督

臣趙

合詞具

題伏乞

勅下法司覆核施行

康熙貳年柒月初捌日題捌月拾貳日奉

旨三法核擬具奏

謝加副都疏

奏爲恭謝

天恩事准吏部咨爲勦獲謀叛僞王解請

明旨定奪事內開該臣等查得浙江總督趙 題

報擒獲僞王朱在鉞等有功各官一案該兵該

覆稱總督趙 提督田 巡撫朱 會委

官兵恪中機宜提督田 應准紀錄一次又稱

巡撫朱 未罷軍務時指授方畧調度擒勦

總督趙 巡撫朱 并同知毛賡南應請

勅吏部分別議敘等因臣部查該撫朱

擒勦之

功與該督趙

一體議敘或分別議敘并當

日獲偽王縛渠魁同事武職各官作何分別議

敘臣部無憑查議隨經咨查兵部去後今據兵

部咨開查康熙元年肆月該浙撫朱

疏稱

浙東虎爪山賊謀攻城邑又浙西大盜相繼猖

獗臣密諭副將王可就深入巢穴搜擒偽王朱

在鉞偽副叅等部議王可就加一級署都督同

知至該撫朱

指授方畧檄調官兵擒偽王

縛渠魁之功應分別議敘前疏已明等因咨覆

前來查該督趙

疏稱如會委官兵恪中機

宜則前督臣趙

撫臣朱

提督臣田

至于既獲偽王復縛渠魁尤撫臣朱

未罷

軍務時指授方畧調度擒勦也今查提督田

已經兵部議敘紀錄一次原任督臣趙

亦

應照例准與紀錄一次查趙

已經解任應

照新例准與紀錄一次註冊至撫臣朱

既

經兵部查明于未罷軍務時指授方畧擒勦之

功應分別議敘等因查覆前來查副將王可就
已經兵部議加一級其撫臣朱 查事在未

定新例之前亦應照例准加一級查朱 見

係都察院右僉都御史加一級今加一級應擬
加都察院右副都御史仍照舊管事又查疏稱
同知毛賡南繼拿大盜夾輔折衝等語事在未
定新例之前同知毛賡南亦應照把總于光祖
例准與紀錄一次可也等因奉

奉 旨 著加都察院右副都御史仍照舊管事餘
依議欽此欽遵密封到部移咨到臣准此臣隨
恭設香案望

闕叩頭謝

恩訖伏念臣本疎庸謬叨撫浙適當初蒞警報頻聞
浙東之山寇披猖謀攻城邑浙西之僞王倡亂
招納叛臣督提二臣遠駐邊海時臣居省未罷
軍機因會委官兵入山搜勦復密授方畧分道
蕩平此皆仰仗赫濯

天威蓋亦臣子當爲職分臣實無功可紀乃蒙我

皇上俯俞部敘分別之請遂加微臣晉秩之榮臣聞
天詳務無地惟有益勵愚忠矢竭犬馬以勉圖
報稱於萬一爾理合恭

謝謹具奏

聞

康熙貳年柒月拾壹日題 月 日奉

旨

再陳寧台溫拾捌年遷移無徵疏

題爲遵

旨會閱浙省沿海一帶事准戶部咨開該臣等查得

浙省寧台溫三府沿海居民遷移內地棄置田

地無徵錢糧先據該撫朱 造冊具題臣部

覆請

勅該撫查明元年起應蠲錢糧數目欵項分晰造冊

題報以憑核議移咨去後今據該撫朱 疏

稱節年歲參寧台溫三府欠數甚多拾捌年逋

額實非以完作欠元年起應蠲數目一併造冊具題前來備查冊開寧台溫三府元年分界外棄置田地無徵額銀內除禮兵工三部項下錢糧聽各部查議外臣部項下銀玖萬壹千捌百肆拾伍兩零既經該撫查明會同督鹽二臣具題相應扣除又該撫請補拾捌年分未完無徵銀玖萬肆千叁百捌拾玖兩叁錢肆分零查先經該撫疏請撥補臣部具覆拾捌年撥充兵餉仍立定限肆月內完叁分之貳陸月內刪分全完且沿海人民于拾捌年柒月以後遷移錢糧必俱催完覆奉

俞旨欽遵在案無庸查議者也奉

旨依議欽此抄部咨院仰司嚴催去後復據布政司

呈稱云等因到臣該臣看得順治拾捌年寧

台溫三府沿海遷徙人民棄置田土本年額賦

逋欠無徵前據司道府縣備述遷民流離困苦

真有鄭圖難繪者前臣激切詳陳額

請豁免部議每年撥餉應陸月內刪分全完奉遷人

民事在七月疑錢糧必俱徵完不准議免臣嚴檄各屬設法催徵復據詳覆難民逋課田園拋棄救死扶傷尚苦不暇一聞徵欠相率逃亡有司追呼無術唯有束手聽參臣復會同督臣趙

連章具

題部臣仍執六月應完限期終置無庸再議且立限二個月照數催完如再不完指名

題參奉有

前旨臣以事關軍需部限嚴切節行司道各官大聲

疾呼星催完解每據各該道府具詳各屬從來徵收租稅民間必俟秋成始能完足正課雖在內地豐稔之年亦未有全完于六月之內者況寧台溫三府沿海人戶死于兵火死于寇荒層見疊告歷年逋餉從無一楚歲衆守令降革有差部曹有案可稽難容外吏欺飾一字者查十八年分奉文起遣時當七月將登田禾盡棄界外室廬焚燬老幼播遷豈反有完糧獨早者乎今則餓莩盈途哀鴻遍野乃欲以無產之欠額

追呼及待盡之子遺責令有司依限完納此必
不得之數也臣凜惕

功令又不敢不祇遵部議嚴限督責其如地方各官
衆口同辭或稱追比法窮非徒無益兼恐生虞
者或稱不敢顧惜身命負百姓以負

朝廷者或稱既無可追之人又無可變之產萬萬難
完者有稱妻孥賣盡皮骨空存流丐他方餓殍
溝壑者如此慘苦情形不能枚指初臣與督臣
屢閱各屬申呈措處銀貳千伍百兩差官分發
賑濟又臣去冬再歷溫郡先賑給過銀陸百餘
兩實不能救萬分之一臣等日擊顛連業已屢
疏入

告矣今各該有司再詳痛切又何敢壅民隱而不以
上

聞乎因計寧台溫三屬完欠分數止溫屬爲最若寧
台二屬原欠無幾按司詳十八年分無徵項下
共欠銀玖萬肆千玖百捌拾叁兩有奇內有練
餉銀貳萬伍千伍百叁拾捌兩零實係遷移在

先加派在後田糧先棄界外萬無再行派徵之
理此項練餉自應除豁此外未完無徵實共銀
陸萬玖千肆百肆拾伍兩壹錢零查寧波額銀
壹拾柒萬捌千柒百柒拾餘兩除已完外未完
捌千柒百捌拾叁兩零台州額銀壹拾伍萬捌
千壹拾玖兩零除已完外未完玖千捌百捌拾
餘兩温州額銀壹拾伍萬壹千柒拾餘兩除已
完外未完銀伍萬柒百柒拾餘兩按部行六月
全完之額計扣分數寧台兩府所欠止伍厘陸

厘惟温州一府逋額爲多但該府兵荒寇疫屬

邑殘破各年諸餉拖欠日甚經營各官前後疏

叅如署印通判趙聖孔劉偉同知蔡華宏馮起

龍知府孟希舜劉肅之俱經降調知縣韓則愈

王世顯陳伊昌季鳳翔魯可遠宋國琛李用光

高儀坤等俱經革職此皆坐未及暖旋卽罷斥

豈各官不以功名爲重甘心自棄實由地方困

敝無計催科耳卽此兵餉一項查順治拾陸拾

柒兩年未完尚有玖萬柒千餘兩則拾捌年奉

遷無徵之額委難復問于今日若部臣必欲行
追卽日易一官無濟于事也又拾捌年無徵米
壹萬伍千貳百柒拾石有奇查每年各屬秋米
皆在冬月開徵今田畝柒月遷棄該年秋米無
從復徵此項米石亦應與練餉併行蠲豁該司
詳查項欵逐一分晰拾捌年陸月之內委未徵
收今立限嚴追仍無完納伏讀我

皇上軫念遷民特頒

上諭撥給田房責成督撫務令安插得所豈斯民本
等棄產適賦反令追求使不得沾

皇仁之浩蕩乎臣身在地方故不憚煩瑣再三冒昧
仰懇

睿慈

勅部詳察會議毋執成見

持賜蠲豁則殘黎幸甚海隅幸甚除將該司造到寧
台溫三府經營催徵職名及各官呈詳違限扣
明月日各具揭帖并未完簡明清冊見在統聽
該部核議定奪此案因催解駁詳必需時日臣

監臨聞事又經具疏展限在案既經該司查據
該道府縣呈詳前來臣謹會同督臣趙
詞具
合

題伏乞

勅下該部議覆施行

康熙貳年玖月初壹日題拾月初三日奉

旨戶部議奏

題覆白糧僱船經費難以裁扣疏

題爲漕船空棄可惜請復白糧帶運之法以省

國費以資後用事准戶部咨開該臣等查得浙江

省拾捌年分漕船裝載白糧查追僱船銀兩一

案先經該撫題稱拾壹年間具題各欸冊中原

無僱船之項無可裁解臣部查民船裝載白糧

賦役全書載有募船字樣今漕船係公家之船

既裝載白糧其僱募之價自應減扣解部覆奉

俞旨欽遵在案今據該撫朱

疏稱僱船銀兩卽

行糧道梁鳳鳴查扣解部據該道呈詳盡爲經費支銷無從扣解又屢批確查逾限四月有餘尚未定議確覆題叅前來查減扣僱船銀兩自應遵限追解何得遲延至今尚未定議確覆而糧道梁鳳鳴違限四月之咎難辭相應請

勅吏部議處其僱船銀兩請

勅該撫嚴行查追作速解部可也等因奉

旨依議欽此抄部咨院仰道嚴追去後茲據糧儲道

呈稱云云等因到臣該臣看得浙省康熙元年

起運順治拾捌年白糧直任今糧道費應查過

照部文議用減存漕船六十二隻每隻運米伍

百叁拾叁石捌斗柒升零議給各項經費銀肆

百伍拾柒兩壹錢壹厘米貳拾捌石又給協部

各官役路費捌百玖拾陸兩卽以全書額編嘉

湖二府白糧項下經費銀米改折共實徵銀貳

萬玖千貳百叁拾陸兩貳錢零米壹千柒百叁

拾陸石儘數抵給運丁民間私貼盡行裁禁並

未議有僱船銀兩在內前經具

題原冊條款在部可按也時各衛所運丁咸以舊額經費解運不敷比照先年漕船帶運成規呈控該道詳議加給行月二糧亦經題

部覆未允且復行查民船運白賦役全書載有僱船字樣既以公家漕船裝白則僱船之價自應裁扣解部等語臣檄行確察駁詰再三據該道叅政梁鳳鳴詳覆白糧一項不止浙省如江南蘓松常三府白糧經費拾捌年亦用減存漕船除扣解丁字沽起剝一項外每船實給陸百肆拾餘兩備述部覆奉有

俞旨今浙省止給每船肆百伍拾柒兩零米貳拾捌石較之江南則浙省運丁原議少給壹百陸拾餘兩該道稱見今各丁因前此部覆未允另給行月故抵北起交缺額俱貸商本旗債完公已爲苦累若執全書舊載僱船字樣再議扣解不幾重困窮丁亦萬萬難得之數也臣又查今春起運康熙元年分白糧因舊編經費不足臣據道詳援照江南成例具

題加徵初部覆不允幾至悞運後總督總漕二臣
復據總協部官呼籲缺費不能起運開行又准
會疏題

請加給銀貳萬伍千叁百肆拾叁兩米肆百叁拾肆
石伍升零業經部議允行其視拾捌年所用減
存漕船經費實多裁省豈可反加追扣致該年
窮丁有偏枯之歎也應請

勅部確察江南拾捌年白糧亦用減存漕船裝運經
費如果每船允銷陸百肆拾餘兩則浙省原給
數少似無庸議及裁扣也既經該道備將先後
議詳及經費支給項款開造細冊呈詳前來除
將原冊送部覆核定奪外相應具

題伏乞

勅下該部議覆施行

康熙貳年玖月初壹日題拾月初叁日奉

旨戶部知道

題覆重犯史氏等招罪疏

題爲恭陳四款以佐

皇上勤民大政事據按察司呈稱云等因到臣該

臣看得史氏石氏皆已故沈兆昌之婢女也與

逆奴周二稔姦情密乃私竊主物與二花銷因

被覺察畏寃輒就朋謀內應通賊弑主攫貨潛

逃罪惡上通于天矣屢審無疑寸磔不枉周二

與沈明亭等相繼冥誅不能明正顯戮誠有餘

憾朱末官係僱倩舟子銀實工價原未知情但

與盜夥寄信不首杖懲蔽辜孫潮潮等嚴緝另
結既經該司確勘前來相應具

題伏乞

勅下法司覆議施行

康熙貳年玖月初陸日題拾月拾壹日奉

旨三法司核擬具奏

題報重犯謝玉明招罪疏

題爲發審事據按察司呈稱

云等因到臣該臣

看得謝玉明與滯北趙氏通姦情客商同吳文
合謀致死其夫張二玉明手抱其身趙氏衣塞
其口吳文加功繩緝其喉玉明慮二復甦又從
而靴踢腎囊慘哉張二一命云云暮夜沉屍相
謂鬼神莫測袋浮河畔孰知天網難逃趙氏吳
文已服天刑不能明正顯戮誠有餘恨謝玉明
律斬矣辭既經該司勘詳前來相應具

題伏乞

勅下法司覆核施行

康熙貳年玖月拾捌日題拾月貳拾伍日奉

旨三法司核擬具奏

題請江山兵餉抵協濟站銀疏

題爲協站銀兩空懸夫役繁苦實極懇乞仰遵

綸音准免正項以救殘邑公私之交困事據布政司

呈稱云等因到臣該臣看得江山爲浙閩接

壤之衝南連浦城遠隔三站向來師旅經行差

使絡繹一切支應最爲繁苦又加協閩兵餉銀

鞘不時驟至役夫千百皆催之民間刻不容待

者此誠浙省第一衝疲之邑也舊設常山廣濟

一驛每年站銀常山縣額徵柒百玖兩肆錢肆

分零開化縣額徵肆百伍拾叁兩玖錢捌分零
原係全書驛站成規編載近該驛改歸江山所
屬則常開二縣額徵站銀自應移解江山以充
正項支用又順治拾伍年間因該驛應付經費
不敷前任藩司會同郵道詳請協濟議將寧波
金華溫州三府每年額該解府站銀共壹千柒
百壹拾柒兩有奇改撥江山爲僱夫之用該前
撫臣陳 批允在案此二項錢糧每年皆係

江山縣應收支用之款也惟是各屬協濟視爲

末務率多呼應不靈而江邑夫差疊來猝至將
何緩急該縣印官勢必那移正項剝肉醫瘡遂
致歷年透用額餉逋欠不楚該令相繼

題叅降革誠爲公私並困也茲該道屢據縣詳議
以各屬應解站銀應令藩司撥充兵餉卽以江
山應解餉銀扣存本縣以抵站銀應用臣檄行
司道一面將歷欠協濟經管各官查取職名冊
揭另疏

題叅外至于抵會事宜責令再三確計務求畫一

據詳兵餉驛站各有年終考成則例若就便抵
會在江邑既可自爲補濟無悞付應在各屬亦
免彼此解運不敢緩視一轉移間計莫便于此
也第寧溫二府原額站銀內有遷棄田糧應照
減徵料筭通計常山開化共銀壹千壹百陸拾
叁兩肆錢叁分零寧波府照減徵該銀叁百捌
拾貳兩伍錢捌分零金華府照原額該銀捌百
伍拾貳兩捌錢零温州府照減徵該銀捌拾玖
兩肆錢壹分零以上二縣三府站銀項下共實
徵銀貳千肆百捌拾捌兩貳錢零聽布政司檄
給兵餉將常山等拾陸縣每年裁入兵餉項下
考成其江山縣應解司兵餉項下內民壯充餉
銀及田地山充餉銀共貳千肆百捌拾捌兩貳
錢叁分零聽該縣扣作站銀支用每年裁入驛
站項下考成俱于康熙叁年爲始各行責成庶
不致有諉誤之弊理合

題明仰祈

睿鑒

勅部核議定奪轉行遵奉既經該司呈詳前來除將
清冊送部外臣謹會同督臣趙 合詞具

題伏乞

勅下該部議覆施行

康熙貳年拾月貳拾貳日題拾壹月貳拾伍日
奉

旨該部核議具奏

題明清丈田畝疏

題爲清查各省之地以除積弊事准戶部咨開該
臣等四部會議得科臣碩穆科疏稱錢糧拖欠
皆由地土不清地丁確冊未立請差滿漢官大
省差二三員小省差一二員遍歷府州縣親行
確丈踏勘地土末界共熟好地若干徵糧銀若
于內應解戶禮兵工四部各若干其銀不必分
晰款項除本色外共作十分按其拖欠處分等
語查得除錢糧共作十分前經科臣劉如漢條

議戶部具覆不便允行奉有

俞旨速行在案今各項錢糧各作十分催徵尚有拖欠若共作十分催徵則錢糧拖欠愈多應仍照前行至于地丁有紳衿富戶串通書吏隱匿亦不可定自應照科臣條議差官親行踏勘清查但各省巡撫係專管錢糧相應暫停差官請嚴勅各撫嚴行確查戶口之增減田地之荒熟務將豪強紳衿富戶串通奸詭書吏欺隱人丁地畝徹底查出備造清冊取具印結限文到二年內

題報之日臣等請

旨再差廉幹官員清查其隱匿之人在巡撫等所查之時將所隱地丁自首者免罪自出首之年起科如承查官員不嚴行查出或所隱之人不行自首被差去之官查出或傍人出首將承查巡撫以下各官并隱匿之人一併從重治罪其所隱地丁按隱匿之年起科又疏稱荒地令民耕種如滿三年計畝徵糧等語查荒地招民開墾三年後起科係現行定例況于去年戶部因各

省荒地甚多又經請

旨定限伍年墾完康熙陸年秋間差官查勘在案相應仍請

勅下各該撫遵

前旨嚴行督墾可也等因奉

旨依議欽此抄部咨院仰司清丈去後茲據布政司

呈稱云等因到臣該臣看得科臣碩穆科條

陳清察地丁通糧及豪強侵隱一疏部覆責成

各省巡撫確查立限兩年

題報再差廉幹官員覆勘奉有

俞旨誠爲重務也臣隨檄藩司通行察議去後據仁

錢二縣則稱該縣田地悉遵老額錢糧照額徵

解鮮有荒地毋容欺隱查明時清丈數年始得

告竣今參酌時宜必須先報圖圩長弓算手會

叅田地山蕩字號請頒發弓式沿坵履畝案冊

丈勘等語據嘉興縣則稱並無拋荒棄土若遵

丈量有僉報弓手之擾有供應人工之繁若不

遵丈量有違

功令行止兩難等語臣俱批藩司確勘茲據該司詳
覆備查前明會典開載萬曆陸年浙省田土共
肆拾陸萬陸千玖百陸拾玖頃捌拾貳畝零今
我

朝賦役全書刊載浙省田土共肆拾柒萬捌千捌百
柒拾叁頃捌拾捌畝零以今設昔似無遺漏再
繹部疏並未有丈量字樣今據各縣呈送冊式
所開丈量積筭之法三廣裨補四不等之形與
夫鈔弓木尺管弓纜弓棕繩之制皆本古法第
山谷高下尖圓斜直形勢不一惟得明于筭術
者一人教十十人教百百人教千分效清丈庶
得有濟若止憑筭手弓手轉移紳縮作弊無窮
强者凌弱黠者欺愚里甲紛爭聚閭官役科歛
紛如未見其可或行各屬確查戶口之增減田
地之荒熟查造清冊印結具

題此與部疏相符或沿坵履畝確勘清丈寸寸
量度之此與科疏相符悉候批示遵行等語臣
念丈量全省田地山蕩攸關

國計民生若奉行少有不善必致所在騷然誠非細故也臣閱科疏雖有請官遍歷州縣確丈語句但部覆僅云確查戶口增減田地荒熟務將豪強侵隱徹底查出造冊取結

題報原未有竟令丈量字樣也今各屬紛紛詳臣裁決行止且陳創行丈量必先僉報圖圩長弓筭手其間官役里民緣之爲奸弊莫窮詰若無論荒熟概行清丈恐非歲月可計事于重大臣又何敢輕率舉行徒滋累民也伏查此案部行各省直查勘事同一例亦非浙江一省可以異議臣恐耽悞

欽限如浙屬郡邑有節年拖逋錢糧田地積荒無徵者勢必委官遍歷鄉都分別經界按畝丈量乃知虛實見在檄行清丈容臣核明造冊次第題報外惟是通省熟好地畝或照部覆止將戶口地畝冊結確查造報或照科疏槩行屢畝清丈臣未敢憶議仰惟

皇上

睿鑒槩丈全省地畝非同容易且事屬初舉行止宜
詳請

勅部臣斟酌損益會議妥當行臣等畫一遵奉庶

欵件免致貽悞俾外吏有所適從矣既經該司呈詳

前來臣謹會同督臣趙 合詞具

題伏乞

勅下該部議覆施行

康熙貳年拾壹月貳拾陸日叁年正月拾壹日
奉

上戶部議奏

輸助建造滿營房屋工料疏

題爲撥給房屋事據布政司呈稱云等因到臣
該臣看得滿洲八旗佐領來杭駐防其所住房
屋部令于滿洲官兵餘剩房屋酌量撥給若隣
近無房于先住滿洲佐領連邊側近處所公同
裁給臣隨會商前督臣趙 公同司道各官

親臨踏勘因查滿營建于省會城西地方南至
湧金門北至錢塘門營內並未有餘剩房屋臣等
遵令部文應自滿營連邊裁給當在于湧金以

南錢塘以北二者之間查勘民房酌量撥住時
因薦紳士民均恐裁給失巢俱皇皇赴臣泣訴
皆云順治拾陸年間先次奉撥民房側近滿營
兩門百姓推諉聚訟以致科臣風聞叅劾今尙
情愿捐輸造蓋併力完工臣卽會同前任將軍
柯 及副都統并司道府縣各官與紳衿耆民
人等公議于滿營空隙地面鳩工建造以爲八
旗佐領駐劄之所一以實營室一以便輿情至
于捐助之多寡有無悉聽士民樂輸纖毫不涉

于官役之手幸士民急公爭先厥工隨已落成
所有工料等項行據該司詳稱除奉臣備細核
減外通盤合筭共計用過銀叁千捌百伍拾兩
伍錢伍分捌厘尚有餘剩銀肆拾陸兩捌錢肆
分柒厘難以零星分還各戶行令存貯縣庫另
聽將來修葺支銷據司備造支用工料并捐助
銀兩各細數文冊見在所當據實

題明聽部覆核既經該司呈詳前來除清冊送部
外臣謹會同督臣趙 合詞具

題伏乞

勅下該部查照施行

康熙貳年拾貳月貳拾壹日題 月 日奉

旨

題覆重犯陳二等招罪疏

題爲恭陳四款以佐

皇上勤民大政事據按察司呈稱云等因到臣該

臣看得陳二沈大皆行劫分贓築堰索價之盜

也陳二一犯先以同夥盜首張快牛與二夥共

未確部駁質審業經前撫臣佟 勘明具

題快牛奉

旨正典陳二查係另案咨行速結彼時刑官尹從王
因陳二事主被害俱無出証引擬贓銷監候之

例續獲沈大則狡口仇板減等擬流前臬司宋
琬又以二盜俱屬防官擒解招罪未協復行駁
提居民質審該知縣金假屢詳本里民人俱各
逃散拘審無從節經駁勘遲久未結臣自接任
後清理積年大獄查沉閣最多隨具疏

題明次第催督完報在案前據覆詳二犯情罪出
入互異嚴批確鞫茲據詳稱陳二夥劫馮國典
舖沈大搶掠新帶鎮等家二犯雖花費贖供
已明均擬斬引創緩決庶蔽厥辜臣駁查此

案遲久未結緣由茲據該司廳詳覆陳二情罪
開重辟向因無主出質幾經駁覆必俟贓証有
憑庶可以服其心且移提被害居民証佐俱屬
蘇松隔屬查提往返終以逃亡無解未免時日
濡遲非敢故爲玩延也相應據實一併

題明伏乞

勅下法司覆核施行

康熙貳年拾貳月貳拾壹日題
參日奉
題
參年正月貳拾

旨三法司核擬具奏

題覆重犯林四援例疏

題爲恭陳四款以佐

皇上勤民大政事據按察司呈稱云等因到臣該

臣看得林四之毆死林抱真也因族人林如珍

贅娶王阿呂母呂氏爲妻後因貧難反目爲阿

呂母子所逐四與如珍聚飲而言及之林四輒

逞酒狂行兇修怨午夜持棍直入王阿呂家阿

呂知機先避同居林抱真出爲解紛四竟不辨

是非執棍毒毆移刺殞命推情實尋覈於阿呂

原無意于抱真然誤傷絞抵之律不能辭也今
該司復引原無仇隙一時忿激相毆追銀決杖
之例可否允從應候法司覆核定奪此案因前
任經管官駁勘未結臣清理積贖業經具疏

題明在案茲催據該司勘詳前來相應具

題伏乞

勅下法司覆核施行

康熙貳年拾貳月貳拾貳日叁年正月貳拾貳

日奉

旨三法司核議具奏

題覆重犯李氏等招罪疏

題爲恭陳四款以佐

皇上勤民大政事據按察司呈稱云等因到臣該

臣看得李氏淫牝也與徐廷志比隣而居通姦情密因志續娶蔣氏遂懷妬心買砒永借治瘡之由送粉團爲絕命之計嗟哉蔣氏食之殞亡按以毒藥殺人之律李氏不能違于一斬矣徐廷志因姦召禍與買藥之李五屢經駁勘承問各官俱審並未知情共謀李五應定杖懲查徐

楊沛政草
卷四
廷志所犯律無正條據擬比依姦夫自殺其夫
姦婦雖不知情律絞減一等流三千里臣查名
例若斷罪無正條者引律比附應加應減定擬
達部奏

聞今廷志比擬罪名聽法司核議定奪既經該司勘
詳前來相應具

題伏乞

勅下法司覆核施行

康熙貳年拾貳月貳拾伍日題叁年正月貳拾

叁日奉

旨三法司核擬具奏

題覆重犯鍾一源等減罪疏

題爲恭陳四款以佐

皇上勤民大政事據按察司呈稱云等因到臣該

臣看得鍾一源與鍾應盛名稱從堂叔侄盛妻
阮氏則有服之姘也乃一源獸行爲心矚叔應
盛入山採茶初假省弟之名旋作鴉奔之計又
復假稱夫婦契賣詐財無良極矣前讞者惡其
賣倫傷化各擬縲首

題報大獄在案但事關倫常禮嚴服制後以情罪

未符節經駁勘問刑各官拘訊族長鍾爾結稱
一源委係應盛從堂之侄服屬總蔴考制案律
未至重刑擬以城旦實限于法也阮氏祝二俱
病故應無庸議此案前任經管官駁勘未結臣
清理積贖業經具疏

題明在案茲催據該司勘詳前來相應具

題伏乞

勅下法司覆核施行

康熙貳年拾貳月貳拾伍日題參年正月貳拾

貳日奉

旨刑部知道

題覆重犯唐氏招罪疏

題爲恭陳四款以佐

皇上勤民大政事據按察司呈稱

云等因到臣該

臣看得淫牝唐氏與俞四比隣姦密視夫高如

福爲眼中之釘蓋非旦夕矣乃乘福臥病在床

商同俞四用纏脚之帶行兇毒之謀勒福咽喉

立殞其命乃復僭之鬼爰幸天網不漏旋即就

獲俞四先服冥誅猶有餘恨唐氏亟當寸磔以

肅倫常此案因前任經管官審勘未結臣清理

積毒業經具疏

題明在案茲催據該司勘詳前來相應具

題伏乞

勅下法司覆核施行

康熙貳年拾貳月貳拾伍日題參年正月貳拾

貳日奉

旨三法司核擬具奏

題覆流犯沈明霄等免罪疏

題爲恭陳四款以佐

皇上勤民大政事據按察司呈稱_云等因到臣該

臣看得叛犯王瑞等一案先該臣核擬具

題部議王瑞從賊下海復登岸索餉歷審情真已

經奉

旨正法其昏暮誤擒民人虞保釋放在案惟是部查

案犯沈明霄沈雲門沈雨泰原供畏賊殺害不

敢鳴官遽擬知謀叛不首擬流未協沈岳英沈

小麻既係途遇逼勒何遽擬知情不首咨臣再
行詳審今據承問刑官細查沈明霄等三犯皆
濱海漁戶柱頭當王瑞束索網戶餉銀委不在
家因畏賊殺害不敢鳴官確供不移沈岳英沈
小麻途遇被執傾囊求生亦無改口揆于賊勢
逼勒情實可矜論以知而不首亦非懸坐前招
均擬遠流蓋緣海疆戒嚴賊氛未靖惟恐奸民
無知甘心容隱故引律從重弗敢失之縱也臣
復經駁勘各官審擬如初該司援康熙元年正
月以前叛案奉有槩從寬免之

旨謂沈明霄等情罪又有可原詳請

題釋應否准從聽部核議定奪未獲張瑞沈和尚
仍嚴緝另結既經該司勘詳前來相應具

題伏乞

勅下該部覆核施行

康熙參年正月拾叁日題貳月初玖日奉

旨三法司知道

覆奏元年豆草價值並無浮冒疏

題爲酌議收買豆草以恤民艱以足軍需事准戶部咨開該臣等查得浙撫朱疏稱康熙元

年收買過料豆壹拾肆萬捌千壹百玖拾肆石捌斗肆升計康熙元年分給放過料豆玖萬柒千肆百柒拾叁石肆斗尚有餘豆伍萬柒百貳拾壹石肆斗肆升并順治拾捌年豆玖拾捌石柒斗叁升俱應俟康熙貳年接支又康熙元年共放過馬草貳百柒拾柒萬玖千陸拾柒束每

豆壹石價銀壹兩柒錢叁分捌厘每草壹束價銀壹分陸厘滿檔開有稻穀名色實係料豆支給等因查康熙元年陸月內欽奉

上諭無豆省分應按各省出產不拘何項糧米支給該撫既稱浙省原不產豆又何預行採買全支料豆且該撫前送估餉冊開歲需料豆上伍萬捌千貳百叁拾餘石穀捌萬柒千叁百伍拾餘石今疏內雖稱部文未到之先預買應照報部之數買支何得濫額多買如許所買豆價較之

稻穀豆價每石多浮柒錢有零該藩司比報部數目多買者甚屬糜費錢糧應請

勅下該督撫將買豆多用價銀玖萬餘兩作速追扣候充康熙叁年兵餉其買過馬草每束開價壹分陸厘甚屬太浮難以准銷併請

勅下該督撫嚴駁核減題報以憑查核可也等因奉旨依議欽此抄部咨院仰司確覆去後茲據布政司呈稱云云等因到臣該臣看得康熙元年分浙省滿營需用料豆草束先經造冊

題請開銷部覆浙省原不產豆又何預買全支且應照報部之數買支何得溢額多買豆價較穀價每石多浮柴錢有零請

勅督撫將多用銀兩追扣其買過馬草開價太浮併行嚴駁核減具

題臣隨行該司扣追核減去後茲據詳稱浙不產豆盡屬商販外來連年海氛未靖兵馬調勦靡常不得不預爲採辦以備不時之需所以康熙元年分共收買過料豆壹拾肆萬捌千壹百玖

拾肆石捌斗肆升貯棧候用本年柒月內適奉有無豆省分應按出產不拘何項糧米支給之上諭則預買前項豆石係在部文未到之先收貯臣恐後來報銷駁詰當經具疏

題明除放過康熙元年拾月分止外尚存豆陸萬捌千餘石仍聽滿營馬匹支用業經該部議覆前豆准俟支完報銷奉有

諭旨遵行在案原非違例預行採買全放料豆也今部覆以溢額多買行追浮價臣節次駁查但據

司稱穀價之高下隨年歲之豐歉先年奉有部
文如果穀貴于豆應全給料豆如穀賤于豆仍
令豆穀兼支故順治拾捌年秋成預買之際原
浙屬災荒穀值騰貴每石時價壹兩貳錢若照
從前

題定事例以壹石伍斗之穀抵豆壹石該銀壹兩
捌錢查該年報銷冊內每豆壹石止價壹兩柒
錢叁分捌厘實省銀陸分貳厘以穀壹石伍斗
抵豆壹石較算價值並未有每石多浮柒錢之

數又安得有虛糜玖萬餘兩之值可以追扣充
餉原冊在部可按也至于草束浙民藉爲農薪
從無市集商販年來旱澇頻仍草價高貴俱發
見銀遠購四鄉零星收買過壩盤塘裝載挑運
俱有腳費加以堆貯候放不無朽爛折耗其數
必虧每束總核給壹分陸厘此係順治拾肆年
豐稔之時酌定價值成例具存近緣歲歉辦解
各役尚在告苦賠累據稱實無浮價可減臣與
督臣又再四嚴駁該司堅稱豆草俱無虛冒所

當再疏

題明聽部覆核定奪既經該司呈詳前來臣謹會

同督臣趙 合詞具

題伏乞

勅下該部議覆施行

康熙叁年正月貳拾陸日題叁月初叁日奉

旨戶部知道

題覆塩徒金德祥等招擬疏

題爲商力疲竭

國課無歸籲賜酌奪全法全民事准戶部咨開巡

視塩課監察御史趙 題前事等因奉

旨據奏浙東遷徙之民失業無倚千百成羣私煎塩

斤殊干法紀地方官何無禁阻着察明議奏金德

祥等着該撫審擬具奏該部知道欽此抄部咨院

仰司審擬去後催據按察司呈稱云等因到

臣該臣看得私煎典販塩政首嚴蓋所以疏商

引而裕

國課也地方各官自當加意巡緝以杜私煎私販之弊乃有灶丁金德祥李進啓崔承我尹德等因所居塩場遷棄失業遂於界內沿江地面削土引潮私自淋漓煎燒雖云所用無幾不過一二斤以爲日用之計但各犯違禁煎塩按律城旦均無容辭至于塩臣趙 原疏有千百成羣之語臣屢行駁查據稱當日該府通判鄭守先原申僅云老幼男婦將及千餘鵠面鵠衣哀乞道傍遷徙邊民多方安插有未諳耕種止煎塩活命日燒一二斤易米一二升救活殘喘等語當獲金德祥等四名申報懲創塩臣遂據

以入

告今駁審各犯咸供界內居民食淡生疾因不能遠買官塩率皆引潮私煎此愚民犯法實情亦非盡係遷民敢於千百成羣也見獲四犯已擬徙做餘稱查無住址姓名似難槩爲深求除見在嚴飭毋使再犯外該管印官不早禁阻致有違

犯據查該管職名係臨清

縣知縣田宇所當一併

題叅候部議處定奪今據該司呈詳前來如

題伏乞

勅下該部議覆施行

康熙參年正月參拾日題參月初貳日奉

旨該部擬議具奏

撫浙疏草目次

卷之五

題覆駁核戰船工料疏

請蠲衢屬積荒田地額課疏

謝加工部左侍郎疏

再參邊海誤餉各官疏

題覆無徵叛產價值疏

三覆寧台溫拾捌年遷徙無徵疏

題覆積贖難完并報遲悞職名疏

報寧邑海塘坍決疏

駁改章十罪名疏

請豁罪犯拖欠贖穀疏

請蠲寧台溫遷棄無徵各餉疏

再請寧台溫寇荒無徵疏

白糧船隻改抵歲造漕艘疏

報明各年大獄已未完疏

報寧紹水災疏

請豁十六十七年遷棄無徵錢糧疏

目錄

題覆駁核戰船工料疏

題爲恭報興修戰船仰祈

勅部速覆以襄捷伐事准工部咨開該臣等案查浙

江撫臣佟 先欲修船造冊具題隨經臣部

題覆准動該省額徵戰船銀兩如有不敷照依

三部會議事理動用工完造冊奏銷等因行文

去後今兵部題覆浙江撫臣朱 疏稱察核

修船錢糧事隸工部請

勅工部查議等因咨咨前來臣等按冊查核修過大

題叅蕭山知縣何璉不職疏

題覆重犯任進富援赦疏

覆奏重犯沈善慶招擬疏

題覆重犯葉三招罪疏

題明巡歷外郡疏

題覆運丁支給行月無追疏

題明弁丁掛欠漕糧無追疏

回奏催徵不得未題各案緣由疏

題覆白糧無丁字沽可追疏

題叅桐廬知縣楊可楫催糧無術疏

題覆屯欠無徵并請仍照舊額疏

題請漕運加船帶運白糧疏

題留官員折贖抵給孤貧口糧疏

謝加工部左侍郎疏

題報衢屬異常水災疏

題覆江常二縣協台兵餉無徵疏

請蠲詞犯贖穀疏

請豁衢屬積年荒糧疏

小戰船貳百陸拾壹隻除原船廢板估變銀陸百柒拾捌兩玖錢零外共用過銀玖萬壹千貳百玖拾叁兩零內所修小船價值比大船亦有多者且修船俱係一時而各屬用過銀兩多寡不一用過勸輸等銀共開壹萬伍千肆百餘兩又請動正項撥補原船廢板船數若干又未開明事關錢糧相應仍請

勅下該撫將用過工料錢糧逐項再加核減原船廢板變價船數勸輸銀兩補還情由一併備細查

明造冊具

題以憑再議可也等因奉

旨依議欽此抄部咨院仰司確覆去後茲據布政司呈稱云等因到臣該臣看得浙省修過大小戰船價值數目先經臣細加核實造冊

題請銷算部覆所修小船價值比大船亦有多者且修船俱係一時各屬用銀多寡不一用過勸輸等銀又請正項撥補廢板船數又未開明咨臣再行逐項核減并補還情由查明造冊具

題茲催據該司詳稱順治拾陸年均派杭嘉湖寧
紹金衢嚴八府修造大小戰船貳百陸拾壹隻
時因

王師雲集立待戰艦出洋勦逆軍令森嚴刻不容
緩各官咸畏後事之誅惟圖速于告竣安惜糜
費金錢且八府有司庀材鳩工同日並舉遂致
物料騰貴價值浮用寔此之故前據八府冊報
用過銀共有貳拾柒萬餘兩之多臣恐報部駁
結公同藩司再三核減逐款刪削僅准銷算三
分之一共核實價玖萬壹千玖百餘兩其餘浮
費有稱動支正項錢糧及那借勸輸者有稱賒
取舖行以濟燃眉者俱不准開銷仍責令經手
官役照數清償賠補誠謂寧嚴毋濫亦無可再
減矣今部駁各款如謂小船價值亦有多于大
船該司稱當日水鎮原開水船犁艚堪用之肆
拾伍隻亦須小修故原估大船工料自當稍簡
其船艚等船雖小內應大修拆造者板木朽廢
實同新造故原估工料多于大船前送部冊內

核減細欸一一可按似不能拘執船之大小槩
論價之低昂也又謂修船俱係一時各屬用銀
多寡不一臣查當年船工派于八府屬縣正官
相距寧波船廠或隔千里或隔陸柴百里或隔
數百里不等者路途既有遠近則運料盤費多
寡自必不同亦不能一例開銷致滋偏枯浮冒
之弊此臣與藩司細心核定據實

題報非敢欺飾扶同也又勸輸等銀叁萬伍千肆
百餘兩彼時經手各官因庫乏正項又惕于軍
機名雖勸輸預輸其實則借端加派或賒取鋪
行苟畷竣事俱屬病民前臣蒞仕之初據士民
控訴不已如烏程遂安諸暨三縣借名預輸曾
經科臣嚴 疏叅臣已勘實

題結仍責各官清還民間業經部覆奉有

俞旨 在案則勸輸一項自應照數請撥正項給還原
輸里甲故臣前疏議于戶兵二部缺兵餉銀項
下撥補庶免加派累民至于核實工料銀玖萬
壹千玖百柒拾壹兩玖錢捌分零原係減去浮

用確數見在各官紛紛申稱實費無從賠補尚請額外銷算今萬難再爲核減除廢板變價銀陸百柒拾捌兩玖錢伍分零抵算外實應銷銀玖萬壹千貳百玖拾叁兩叁分零內除支用過年額戰船銀壹萬叁百玖拾陸兩壹錢貳分尚該銀捌萬捌百玖拾陸兩零內勸輸預輸等銀見請撥額補還其餘應銷銀肆萬伍千肆百伍拾捌兩零應請前疏將未完戰船軍器牛角等逐一照數抵銷以清積案查工料核減細數冊

已經達部其廢板船數據司遵照部文查造變價清冊同另造工料簡明冊揭見在所當具

題聽部核奪再照此案因駁減料價事在入府屬邑往返催覆必需時日致逾定限臣前監臨文武科場二次已經彙疏展限理合一併

題明既經該司呈詳前來除將冊揭送部外相應

密

題伏乞

勅下該部議覆施行

康熙叁年正月叁拾日題叁月初貳日奉

旨該部核議具奏

請蠲衛屬積荒田地額課疏

題爲疲郡凋殘已極荒糧苦累難堪懇速具

題以廣

皇仁事據布政司呈稱云等因到臣該臣看得衛

屬五邑處浙上游山高水迅砂積成田所在地

土率皆磽瘠卽時和年豐收穫最下自明季以

來歷逋正賦蓋非今日矣我

朝定鼎之初因界連江浙閩三省之交各處山賊聚

衆稱戈劫掠焚殺殆無寧宇及官兵會剿則事

出西沒人民荼毒村舍丘墟遂致田地荒蕪耕
秦蔽野矣迄今貳拾年來課稅之積欠數多里
甲之逃亡日甚官於此地者催科無術束手待
叅從前守令降調革職以去者指不勝屈見在
有司掛議問罪羈留者尚有多人總緣地方荒
殘又當閩省門戶且值頻年用兵輪蹄絡繹供
應浩繁夫差苦累民不堪命老幼歿于力役少
壯逃亡遐方而窮鄉僻井斷幾絕烟甚有久棄
荒區竟成虎狼巢穴者矣該道胡養忠痛陳官
民困苦五言疾首疚心各印官備申荒涼景象
真有難圖難繪臣與督臣會商若不亟爲除荒
徵熟將見人戶盡逃

國賦從何追解隨批委該道親駐衢郡端令該府
印官刑官督同縣官履畝丈量拋荒地土取具
不扶其結不許以熟冒荒去後節據該道造冊
詳覆批行藩司細勘據稱衢屬積荒田地查常
山一邑順治拾肆年間曾前按臣王 具

題請豁未蒙議蠲其西龍江開四縣及衢所皆由

歷任守令皆未履畝丈勘詳請

題蠲是以有額無徵久懸虛額等語臣查荒田逋課見有科臣碩穆科條陳丈量清察欺隱一疏通行各省確察今衢屬五邑積荒田地既經該道府廳縣各官丈勘確實並無欺隱則康熙貳年以前一切絕戶荒額逋糧俱當照畝盡數開除其冊報衢州府屬總共荒田壹拾陸萬柒千玖百貳拾壹畝零荒地玖萬肆千貳百玖拾玖畝零均應責成各該印官大張曉示招諭流亡速歸開墾照依部文定例三年成熟按則起科庶使積年荒土漸次得成樂郊而有司各官可免虛糧考成之累各邑未盡子遺亦不致有包荒賠課之害矣該司道比引山西荒稅江右浮糧已蠲成例呼籲請豁臣等駁勘再三委非欺飾所當據實呈請伏祈

皇恩早賜蠲豁則逃亡之戶可還額課之賦可復闕於

國計民生匪淺鮮也謹將丈量清冊各官印結見

在送部統聽該部核議定奪既經該司呈詳前

來臣謹會同督臣趙

合詞具

題伏乞

勅下該部議覆施行

康熙叁年貳月初肆日題叁月拾肆日奉

旨戶部核議具奏

謝加工部左侍郎疏

奏爲恭謝

天恩事准吏部咨爲銷算事該臣等查得戶部疏稱

浙江巡撫朱

督催康熙元年起運順治拾

捌年分漕糧及漕折銀撥解各省兵餉并解部

各項俱已全完應請

勅吏部照順治拾柒年定例議敘等因前來案查順

治拾柒年題定例浙江漕糧拾分全完者加一

級其巡撫照糧道例議敘在案今浙江巡撫朱

既經戶部查明督催所屬漕糧各項俱已
全完照例准加一級查朱 見係都察院右

副都御史今加一級應擬加工部右侍郎兼都

察院右副都御史仍照舊管事可也等因奉

旨朱昌祚加工部右侍郎兼都察院右副都御史仍

照舊管事欽此欽遵抄部送司案呈到部移咨到

臣准此臣隨恭設香案望

闕叩頭謝

恩訖伏念微臣謏庸下愚濫竽重寄當撫浙受事之

日值地方積弛之餘逋漕賈餉祇緣災告頻仍

措解輓輸實惟督催恐後臣嚴徵策勵幸歲額

勉完此乃職分之當爲有何勞勛之可紀荷蒙

皇上俯俞部覆議敘之請遂加微臣晉秩之榮聞

命自天感

恩無地惟有益矢捐糜殫竭心力以圖報稱于萬一

爾理合恭

謝謹具奏

聞

康熙參年貳月拾壹日題 月 日奉

旨

再參邊海誤餉各官疏

題爲查參邊海誤餉有司以懲積玩事據布政司

呈稱云云等因到臣該臣看得邊海官兵荷戈

汛守全藉糧餉徵給以時乃可鼓其効命原不

容少有遲悞也臣自撫浙之初首以軍食爲重

綜核從前糧餉歷年壓欠甚有數月無給者臣

俱徹底清查將誤餉各官節次具疏

題參議處在案復檄藩司另將別項措借飢軍仍

一面嚴行未完各屬立限追徵完解剴諭差催

殆無虛日臣自受事以來因浙省兵餉有司怠視催科積欠數多玩愒成風一朝難返誠恐各官再蹈前轍倘致候餉脫巾關係匪小臣與藩司每年會計各標營兵餉月米俱照部撥項欸內將贓罰水脚等項難完零雜各欸俱留內地省城支用並不派留邊地各府惟將本年正賦改折裁扣額編兵餉照數撥足立限督徵稍有遲悞差提經承嚴行懲比節年遺欠餉米帶徵各官臣亦屢疏特參歲參間敢姑息各該有司謂宜凜惕

功令俱當設法輸將以濟兵糈不意寧紹台溫處五府守令仍然藐忽將康熙貳年分原撥餉米壓欠不完那掩不楚以致營弁日事呼庚臣卽備行該道府縣及標營將領呈報完欠確數總發該司備悉清查計原撥兵餉項下寧波府尚欠餉銀壹萬貳千玖拾叁兩壹錢零欠糧米貳千捌百貳拾玖石零紹興府尚欠餉銀貳萬肆千壹百叁兩零欠糧米肆千肆百柒拾壹石零台

州府尚欠餉銀肆萬壹千捌百捌拾叁兩零欠糧米捌千壹百貳石零溫州尚欠餉銀貳萬肆千玖百肆拾捌兩零欠糧米壹萬肆千捌百柒拾伍石零處州府尚欠餉銀貳千伍百柒拾伍兩零欠糧米貳百伍拾玖石零該司又查台州府屬舊欠餉銀該府不行催解又不查欠屬報叅迨臣與該司嚴行清查始行開報康熙貳年分餉銀除未完貳萬伍千餘兩外又將已完額內那借貳萬壹千叁百玖拾餘兩抵還各營舊欠以致共欠肆萬壹千捌百捌拾餘兩無論那新補舊歲額不清將來此項借支又當作何補濟因循玩悞誠不可解該司又稱歷年兵餉透用缺額已經

題明查未經撥補者如酌撥拾肆年兵餉事又既郡災荒事又遵

旨會閱浙省沿海一帶事又酌撥拾捌年兵餉等事又備陳兵協二餉等事以上五案共計缺額銀肆拾捌萬伍千肆百捌拾餘兩俱經屢疏具

題又順治拾陸拾柒拾捌叁年寧台溫叁府荒殘
未完錢糧共肆拾餘萬見在審陳邊兵等事案
內具

題遂致掛欠兵餉俱于司庫借支該司因帑藏如
洗故將各府本年見徵實在正額錢糧撥留兌
給以上五府及各縣印官急視緊急兵餉將見
年部撥項欸越歲無楚悞餉之咎均不容追台
屬守令則又那新掩舊年額混淆其咎尤甚也
所當據實指名特疏

題參從重處分以爲將來遲餉者之戒既經該
司呈詳前來除將職名已未完冊揭送部查
核外臣謹會同督臣趙

合詞密

題伏乞

勅下該部議覆施行

康熙叁年貳月拾玖日叁月貳拾肆日奉
旨該部核議具奏

題覆無微叛產價值疏

題爲遵

諭敬陳職掌清查明季藩產事據按察司呈稱云
等因到臣該臣看得何兆龍等叛產估變一案
前經確查

題覆准部駁查已解前督臣修 犒軍銀壹千捌
拾貳兩何得擅自動支應嚴追解補遷棄界外
產價捌百伍拾貳兩零有無已徵在官界內未
變產價壹千壹百壹拾壹兩零應嚴查變價衙

役王日新等使那銀叁百叁拾陸兩零速追完
解咨行確覆茲據司詳前解犒軍銀兩已經督

臣趙

備查順治拾貳年間果因

王師集闕前督臣修取解軍需在卷無從再爲

追補至于界外棄置產價雖奉行估變在先但
甌郡頻年寇擾人戶遁迹地土久已拋荒故向
無召買及旋奉遷遺界外委無徵收在庫何從
完解又界內未變產價一項緣各產坐臨山陬
業爲虎狼巢窟今既屬見在膏腴尚且無人承

售况積年荒蕪逆產何能報買累民前價萬難

追變節經批駁各官結覆無異自當請

旨蠲豁以結塵案及查王日新等侵欠銀兩內陳世

昇一犯欠銀壹百壹拾捌兩玖錢零又爲酌議

追解贓罰一案侵賊無完奉

旨解部入官在案今亦無屬追求其餘欠銀已據追

完肆拾陸兩玖錢有奇未完銀兩見在查估各

犯家產勒催完解臣以事關部駁屢檄嚴查據

覆委無欺飾取具廳縣各不扶甘結前來相應

具

題再查此案臣監臨闡事業經彙疏展限理合一併

題明伏乞

勅下該部覆議施行

康熙叁年貳月拾玖日題叁月貳拾伍日奉

旨該部知道

三覆寧台溫拾捌年遷徙無徵疏

題爲遵

旨會閱浙省沿海一帶事准戶部咨開該臣等查得

浙省寧台溫三府順治拾捌年分無徵銀兩先

經浙撫朱

題請蠲免臣部查沿海人民于

順治拾捌年柒月以後遷徙錢糧必俱催完又

該撫朱

請撥補順治拾捌年無徵錢糧臣

部未經蠲免仍請

勅該撫限文到兩個月內作速催完如仍不完指各

題叅等因咨行在案今據該撫朱

疏稱順

治拾捌年分無徵銀玖萬肆千玖百捌拾叁兩有奇又米壹萬伍千貳百柒拾石有奇請蠲等因開造經管帶徵違限各官職名冊揭又此案已經展限題明前來查順治拾捌年無徵未完銀米自應于未遷徙之前完解該撫不查遷徙以前已徵在官之錢糧而止稱遷徙以後催徵不得之疾苦其中不無已徵侵欺之弊又不將帶徵各官開明分數指叅難以遠議應將揭開帶徵各官未完各官徐化民等壹拾柒員一面先交吏部停其陞轉一面將未完錢糧仍請勅下該督撫限文到兩個月作速完解如仍不完將帶徵各官查明分數指叅再查此案先經該撫朱題展限之先業已違限據稱係台溫二府各官違限相應照揭開將郭日燧等拾壹員交與吏部查議可也等因奉

旨依議欽此 部咨院仰司嚴催去後茲據布政司

呈稱云等因到臣該臣看得順治拾捌年寧

台溫三府沿海遷遣人民棄置界外無徵逋額
臣節據司道府縣各官激切詳陳遷民恒產自
奉嚴限軍令室廬毀焚田地拋棄少壯散于各
鄉老幼號于四野救死扶傷生全無術而棄產
負糧又安忍追呼臣前奉

上諭安插遷民及清理餉務兩次巡歷目擊流離繪
圖難盡康熙元年正月貳拾伍日于欽奉

上諭事疏中請帑賑濟備述困苦情形又本年陸月
初陸日于遵

旨會閱浙省沿海一體事

請蠲遷棄丁糧疏中密陳無徵緣由奉

旨部議該年餉銀原限陸月內捌分全完遷移在柒

月以後必俱催完均未允從臣復嚴檄督催不

遺餘力據司道詳覆瀕海各邑在未遷之前被

寇荼毒有年又災疫相繼人民死徙原非旦夕

歷來逋餉從未按年清楚經管有司歲叅特案

降革罷去者指不勝屈而地方錢糧必于每年

秋獲始得上完當年遷徙之後人逃戶散實無

陸月以前捌分全完之事詳告官民並困真痛
哭流涕者矣臣于康熙貳月拾貳日密疏

請豁將萬難追徵之情反覆剖論冒瀆

宸聰誠非得已也部覆仍然不允臣檄督差催全無
完納據各屬同詞哀籲實是無民可迫唯有束手
待斃而已臣于康熙貳年玖月初壹日遵照
部議將未完及違限各官職名

題參並陳難完民隱再疏

請豁部覆又以不查遷徙以前已徵在官之錢糧而

止稱遷徙以後催徵不得之疾苦其中不無已
徵侵欺之弊仍令將未完錢糧限文到兩個月
完解奉

旨咨行臣隨一面飛檄屢催去後茲據該司詳覆寧
台溫三府屬順治拾捌年界外未完錢糧部以
陸月全完柴月始行遷移必俱催完恐有已徵
侵欺之弊不准蠲免故仍立限嚴催臣查本年
叁府未完藩司項下逋課原報共銀玖萬肆千
玖百捌拾叁兩零內練餉該銀貳萬伍千伍百

叁拾捌兩零查新加練餉在順治拾捌年捌月
奉文而遷徙在先該年柒月實無遷後再行加
派於民之弊此情理之易見者外又有屯司項
下加派屯田練餉壹百壹拾貳兩柒錢叁分零
既起遣在前加派在後將使責追何民尚亦懸
此虛額亟應一例蠲除無庸再爲置議者也又
額徵藩司項下未完米壹萬伍千貳百柒拾石
零查浙省一應漕白南秋屯米每年例於拾月
開徵界外田地既於柒月遷棄並未徵收顆粒
米從何出併當照數除額亦無庸查議者也前
項未完玖萬肆千玖百捌拾叁兩零應免新加
練餉一項實止逋銀陸萬玖千肆百肆拾伍兩
零謹按司冊寧台溫叁府順治拾捌年起運兵
充餉連閩等銀前詳開列寧波額該壹拾柒萬
捌千柒百柒拾玖兩肆錢零已完壹拾陸萬玖
千玖百玖拾伍兩捌錢零未完捌千柒百捌拾
叁兩伍錢零是已完及玖分伍厘矣台州額該
壹拾伍萬捌千壹拾玖兩零已完壹拾肆萬捌

千壹百叁拾陸兩玖錢零未完玖千捌百捌拾
貳兩壹錢零是已完及玖分肆厘矣卽據部覆
定限陸月捌分全完之語計此貳府完數亦皆
逾額遷棄之後民實無完安有已徵在官乃敢
隱匿不報也至溫州府屬原與別府迥不相同
山寇海賊疊遭蹂躪幾貳拾年樂清瑞安平陽
叁縣順治拾伍年爲海逆鄭成功殘破盤踞半
載有餘人民屠戮城郭圯墟荒涼景象不堪見
聞以致節年錢糧積欠至叁拾餘萬守令被叅

降革者貳拾餘員臣屢疏言之甚詳部覆各年
考成叅疏一一可按非敢欺飾一字也計溫屬
順治拾捌年起運兵克餉連閏等銀額該壹拾
伍萬壹千柒拾肆兩柒錢零已完壹拾萬貳百
玖拾伍兩伍錢零未完伍萬柒百柒拾玖兩肆
錢零該道府縣屢詳屢結備述節年寇災之苦
一字一淚實係遷民逋欠並無分毫已徵在官
容其侵欺不報也該道府又查起遣遷民雖在
柒月而會議遷徙之文先在是年正月奉到沿

海人民早已搖搖靡定況於未收未獲之時豈
遽能辦完糧稅此又情事之昭然可信者三府
屬遷徙子遺顛連疾苦及逋課斷難復徵始末
臣會督臣密陳

請蠲者四次臣又于沛

恩澤以收人心等事又于敷陳未議以廣

皇仁事題覆科臣條奏二疏中詳陳民困及設法捐

賑情由又經二次督臣趙

躬歷各府將遷

民逃亡最慘情狀會臣奏

聞一次是久在

皇上照臨之中不敢再爲縷悉矣倘此項未完苟可

設法敲朴何待部臣再四駁結以自貽遲悞之

咎耶今部限兩月之期已逾司道府縣瀝陳如

故各官亦惟靜聽叅處豈其不以功名爲念耳

心自棄乎實由追比無民催科無術也至部駁

不將帶徵各官開明分數難以遽議等語臣查

此項原非各官催徵不力若部臣必欲清追完

解卽日叅一官亦無裨於事但部議行查遵不

敢遲業于康熙貳年拾貳月貳拾壹日先具有
司考成無例等事一疏將寧台溫三府未定正
賦各職名彙冊揭參見候部覆定奪矣伏念我
皇上軫恤遷民頒有撥給田房責成督撫務令安插
得所之

上諭煌煌

天語遐邇踴躍今日斯民木等棄產之通糧豈反有
虧惜使不得沾

皇仁之浩蕩乎臣等再三駁察計無復之不得不據
實再疏入

告仰祈

睿鑒勅部將臣等前後疏奏次遷民最苦無徵情
節詳加確核覆請

皇上破格

垂慈早賜蠲除庶湯火殘黎登諸衽席之上而海疆
下吏亦得以仰戴

高厚於無既矣既經該司呈詳前來除將冊結送部
外臣謹會同督臣趙 合詞具

題伏乞

勅下該部議覆施行

康熙叁年貳月拾玖日題叁月貳拾柒日奉

旨該部議奏

題覆積贖難完并報遲悞職名疏

題爲大獄積贖尚多臣因會審再駁謹具疏

題明以俟勒催詳結事准刑部咨開該本部議得

浙撫疏開陸續詳審重犯情罪無疑者共壹拾

陸起又順治拾壹年起至順治拾捌年止據臬

司冊開未結叁伯壹拾柒起相應請

勅該撫將未結事件逐件速結具奏再查順治拾壹

年至今各案久不題結其歷年承問遲悞各官

應

勅下諷撫詳查職名具題另議可也等因康熙元年
拾月貳拾陸日奉有是依議行之

旨欽遵咨行在案迄今年餘未見該撫題覆相應嚴
催等因咨院仰司催造去後茲據按察司呈稱
云云等因到臣該臣看得浙省大獄繁多一時
審結匪易如盜案以贓仗爲憑人命須屍傷爲
據若勘詳不得其情爰書似難遽定前任撫按
諸臣不能盡行

題結者職此之故臣前受事之時適當巡方停止

一切刑名大案歸併料理臣檢查歷年塵牘沉
滯數多最久卽嚴檄按察司徹底清查勒令逐
件詳勘隨據冊報各案未完臣恐復踴遲結之
咎曾將從前未結各案緣由具疏

題明業准部覆今將順治拾壹年起至順治拾捌
年止各案久不

題結歷年承問遲悞各官詳查職名具

題另議臣卽嚴行確查造報去後茲據該司與各
刑官脩詳大辟重案舊例俱候按臣巡歷各府

始行造冊解送審錄情真罪當者方行具

題餘仍發司覆勘按臣年半報滿更差計及參年方得一遇會審及臨鞠之際各犯或有狡辯游移或有情法未協以致屢費推敲再三駁覆經年累月勢實使然自臣清查之後嚴行催結不遺餘力問刑各官亦奉行惟謹隨駁隨詳罔敢少懈查該司呈詳各案情罪允協覆核無異者節經陸續具

題及現在繕疏共有捌拾餘起又于清查刑獄等

事疏內將前撫按批允發落并監斃重囚未經

報結者臣又

題銷過共陸拾柒起已准部覆在案其餘各件或

因賊仗未明失主畏累不出或因傷械無據前

後供吐不同且事經年遠証佐無從拘質及臣

兩次會審盜案重犯見夥斃賊消聲冤巧辯人

命兇首見屍親無存希圖漏網是又必須詳加

駁問俱不敢草率報結自貽法司叅駁然既訊

稔疑又不敢附會成招草菅民命致干

天和有事

皇上泣罪之仁則此難結各案自當下次逐府再行會審具

題總因從前積案數多誠難一旦盡置典刑況大獄生死攸關平反不敢不慎亦難照依常限任臆率決致有冤濫也伏惟

睿慈俱容臣再加勘明次第具

題少仰副

朝廷飭法明刑至意所有原報順治拾壹年起至順治拾捌年止參伯壹拾柒起事由清冊未結各案應取從前遲延各官職名揭帖該司脩造前來謹送部查議外再查此案因查造歷年各官勘詳次數卷案繁多事屬各府地方遼濶往返催駁致需時日臣監臨文武兩關又經具疏展限相應一併

題明伏乞

勅下該部議覆施行

康熙叁年貳月拾玖日題叁月貳拾伍日奉

古刑部知道

題叅蕭山知縣何璉不職疏

題爲縣令昏庸惰職謹據實揭報亟請

題叅以無悞地方事據分守寧紹台道右叅議王

廷璧呈稱蕭山一邑向稱浙東第一衝衢官斯

土者非四應長才擔當過人弗克勝任而愉快

不意知縣何璉七尺空具一籌莫展遇事全無

張主線索一味由人到任數月交盤一欸未清

諸餉百無一應致營弁噪號于公庭衙役相繼

而逃散至于供應船隻夫馬先期不能預脩臨

時多累民夫若夫地方利弊民生休戚問之茫然如醉如癡欲望其剔釐振刷爲衝邑起色爲殘黎作主必不可得此一官者雖到任日淺然以泥塑木雕之人濫膺百里之寄在任一日貽誤一日所關于地方民生良匪淺鮮也本道鯁鯁焉慮之若非蚤爲揭報仰懇

題叅罷斥另請銓選賢能恐將來貽患有不可收

拾者矣謹據實開具款揭伏候鑒奪計開一本

官形同木偶吏治民情茫然莫曉且語言艱澁

每逢應對張目結舌片言莫措闔縣有瘟神之

號一本官受事參月交盤竟付水閣新舊兵餉

壓欠如山一任檄催如雨本官惟閉門推病差

官營弁噪呼不已繼以痛苦本官若無耳焉一

本官威令全無書役門皂見本官漫無主持盡

皆逃散不肯供役縣務全廢一本官情僮成性

蕭山水陸衝衢一任兵馬過往上司經臨船隻

夫馬百呼不應西興驛與城市居民徃徃被兵

丁強拉緯夫叫苦如雷本官全然不顧等因到

臣據此該臣看得蕭邑地當孔道夙號衝疲惟藉印官振作區畫今新任知縣何璉據該道詳揭受事參月昏噴無知交盤竟付高閣諸餉置之罔聞人役思逃兵民交關杜門滯泣稱病政事一切全廢誠不可一日姑容俾其貽誤地方除一面檄行該道議擇能員交代署事外理合據實指參伏乞

勅下該部處分員缺亟爲銓補勒限星馳赴任庶邑

務不致廢弛矣

康熙參年貳月貳拾肆日題參月貳拾柒日奉

旨何璉着議處具奏吏部知道

題覆重犯任進富援 赦疏

題爲恭陳肆款以佐

皇上勤民大政事據按察司呈稱云云等因到臣該

臣看得任進富之毆斃黃貴顯也因觸翻其行

挑之鹽乃憤激兇毆畢命須臾傷訖俱真殺祇

不在但前按臣會審之際本犯曉曉于原無仇

隙止因一時誤傷致駁勘未結迨臣清理積贖

具疏

題明駁批司廳確覆據詳順治拾捌年正月初玖

日

大赦洪頒除謀殺故殺不赦外其餘咸赦除之則進
富圖毆傷人應照律例追銀貳拾兩給付被殺
親屬允相符合可否與庇克杖決之李元並邀
宥免應聽法司議奪既經該司勘詳前來相應具
題伏乞

勅下法司覆議施行

康熙癸亥年貳月貳拾捌日題肆月初肆日奉

旨三法司核議具奏

覆奏重犯沈善慶招擬疏

題爲彙報內地賊情仰祈

睿鑒事准刑部咨開該本部會同都察院大理寺會
看得沈善慶等一案該督疏稱善慶乘船列械
刦掠往來客商復將水手倪三等殺死該督但
以駢首無辭定案但查招內原捕計秀以大盜
殺捕等事具呈嘉善縣且招內同知推官俱稱
大盜沈善慶歷審均屬盜情是真及後按察司
引律以謀叛定擬難以擬結相應請

勅該督仍將沈善慶詳審或係謀叛或係大盜確擬
定罪限伍個月具奏臣部再議其承問各官招
律互異情由詳查職名具題到日送吏部議處
可也又一議得沈善慶等一案據同知推官歷
審沈善慶大盜情真諛督看語內亦稱善慶乘
船列械刦掠往來客商復將水手倪三等殺死
以斬首無辭定案按察司又將沈善慶引謀叛
已行律前後互異情由係該督審擬具題不便
仍駁總督審擬相應請

勅諛撫再審沈善慶或係謀叛或係大盜定議併詳
查錯悞承問官職名限伍個月具題到日一併
議覆可也等因奉

旨依後議欽此抄部咨院仰司覆勘去後茲據按察
司呈稱云云等因到臣諛臣看得沈善慶一案
部駁同知推官歷審善慶大盜情真該督亦稱
乘船列械刦掠往來客商以斬首無辭定案按
察司又將沈善慶引謀叛已行律前後互異請
旨行臣再審或係謀叛或係大盜并查錯悞承問官

職名定議具

奏臣脩查原案杭州府同知毛賡南初審沈善慶與監故蛋四等皆係江洋大盜投誠漏網復叛爲賊先實冲塘行劫後則殺捕燒船及至官兵會剿猶敢立營設幟混稱霸王鼓衆拒敵當陣被獲自供卑職營將申文可據故原擬謀叛律斬續獲同夥蛋四徐曾等止論強盜律斬後該司批駁杭州府推官紀元再審時同黨蛋四等俱已監故止存善慶一犯故刑官仍擬謀叛之

律按察司法若真亦照二官所擬罪名轉詳

臣查督臣看語沈善慶嘯聚湖蕩之中流突江浙交界一帶地方乘船列械劫掠往來客商猶敢拒敵官兵幸而當陣擒獲歷審善慶親供鑿鑿駢首無辭等語則是仍照司擬之引謀叛也細查卷案非同知推官審擬大盜按察司改引謀叛是前後原無互異茲復加細訊善慶情形行劫客商則爲強盜投誠復叛拒敵官兵實類叛形前此司廳俱擬謀叛已行蓋從重論罪亦

不爲枉今據該司仍照原擬應否止坐強盜律
條自在法司緣情入法非臣所敢擅議也至查
錯悞承問官臣關前後招擬司廳俱引謀叛律
斬實非異同但同知毛賡南旣將善慶從重論
叛復將續獲監故夥盜蛋四等又論強盜一事
兩引致干駁詰疎忽難辭統聽部議定奪臣前
監臨文武兩關已經具疏展限在案今據該司
勘詳前來相應密

題伏乞

勅下法司覆核施行

康熙叁年叁月拾貳日題肆月初拾日奉

旨三法司知道

題覆重犯葉三招罪疏

題爲恭陳四款以佐

皇上勤民大政事據按察司呈稱云云等因到臣該

臣看得葉三人奴也蒸姦主母滅法瀆倫真罪不容誅矣主覺而假歸伺隙三猶肆志逞淫迨獲於枕蓆之間尚敢持磚擊主其悖逆不猶甚乎李氏懷慚自經葉三亟宜正典李元禎携氏潛歸并牽引成姦之雙喜均杖不枉此案因前任經管各官駁勘未結臣清理積牘業經具疏

題明在案茲催據該司勘詳前來相應具

題伏乞

勅下法司覆核施行

康熙參年參月拾伍日題肆月拾貳日奉

旨三法司核擬具奏

題明巡歷外郡疏

題爲仰遵

勅諭巡歷地方謹報啓行日期伏祈

睿鑒事臣欽奉

勅諭內載

皇帝勅諭都察院右僉都御史加一級朱昌祚茲命
爾巡撫浙江等處地方駐劄杭州府專理該管地
方舉覈文職賢否糧餉刑名一切民事爾宜宣布
德意撫安人民約束衙門員役使之恪遵法紀毋

致作弊生事擾害官民巡歷地方修濬城池詢訪
民瘼禁戢奸頑其掌印都司行掌印都司屯局都
司僉書衛守備守禦所千總衛千總經管錢穀領
運漕船仍照舊聽爾統轄所屬地方應徵應免錢
糧皆照戶部題過新定經制遵行曉諭仍細加體
察如有司各官朦朧重收借端科派叅奏處治嚴
飭所屬察解逃入凡地方利弊有可蘓息民困振
飭維新者逐件條奏請旨施行地方脩儲之計如
常平社倉等事責令有司力行修舉所屬司道以
下各官果有真心任事廉能著效者卽據寔舉薦
如粉飾欺僞貪酷殃民庸懦溺職者不時叅奏其
通省防守地方剿禦賊寇提調兵馬舉核武職賢
否一切軍務俱係提督管理不得干預如有武官
騷擾地方擾害良民縱兵搶掠及隱匿賊情不報
等事聽爾會同提督糾叅從重治罪爾仍聽總督
節制勅中開載未盡事宜聽爾詳酌施行年終將
行過事蹟及兵餉錢糧造冊送部察考爾受茲委
任須持廉秉公殫心竭力以副委任如怠玩廢弛

貪黷乖張貽誤地方責有所歸爾其慎之故諭欽
此欽遵除卽騰黃脩頒撫屬文職司道府州縣
并都司衛所各衙門一體遵照在案切臣謬膺
簡命巡撫浙江適巡方裁撤兼理按差欽奉

勅書令臣巡歷地方周諮利弊察吏安民責任綦重
也第向來緣承前官積弛之後錢穀屢歲施通
刑名多年沉閣

欽件部咨久未報結臣晝夜拮据救過靡遑節經具
疏上

聞在案勢必駐省督催方克陸續

奏銷如順治拾捌年拾壹月間欽奉

上諭安插寧台溫參府遷徙人民臣拜疏卽行甫得
事竣正欲巡歷郡邑途中接准原任將軍柯

准兵部清字咨行拏獲叛寇錢雲五等一案會

審臣隨星馳旋省又于康熙元年正月間聞旋
大兵駐省養馬料理供應糧草至叁月初旬方
竣本年拾月因沿海各府兵餉壓欠將卒呼庚
臣復具

題親行各府正在清理忽接督臣密咨爲造寫逆

書一案奉

旨行拏逆犯卽又回省康熙貳年貳月內會同

欽差侍郎臣吳 對 等推勘逆案直至康熙貳年

伍月始奉

旨結案本年捌月拾月文武兩闡監臨試事是以蒞
浙迄今未及周爰咨度茲臣受事將及參載巡
行所屬似難再緩恭繹

勅書開載臣等責諸務自當力行罔敢怠忽如巡歷

所至修濬城池詢訪利弊禁戢奸頑及所屬應

徵應免錢糧細加體察以杜重徵科派與武職

之騷擾地方縱兵搶掠隱匿賊情等事皆關

國計民生倘非躬行體訪振刷安民除暴祛弊肅

綱何以仰副

皇上之委任以宣布

德意撫綏人民乎且兼之兩浙各府縣歷年應徵兵

餉或托諸寇亂或諉以災荒頭緒難清逋欠日

甚以致各營守汛兵士呼庚頻見脫巾可虞猶

爲急務臣親詣其地徹底清查用杜奸欺至若
官吏之臧否利弊之興除容臣次第奏

聞謹擬參月貳拾日東巡金衢嚴參府以次再歷各
府但上游諸郡往返必需時日一切奉行

欽部事件未能如期報竣應

請寬限容臣回省料理仍照各部立限逐件完結庶
免遲悞之咎理合一併具疏

題明伏乞

勅下該部查照施行

康熙叁年叁月拾伍日題肆月拾肆日奉

旨該部議奏

題覆運丁支給行月無追疏

題爲欽奉

上諭事據糧儲道呈稱云云等因到臣該臣看得浙

省順治拾貳拾叁年漕船凍北奉文僱募民船

因水脚不敷在于運丁行月銀米內加貼支給

曾經前總漕臣蔡具

題部覆允行奉

旨遵照原非重冒復于康熙元年貳月間部又行文

查追祇緣事經捌年議追一旦各衛所運丁存

亡不一遂致久無完納今准部單開查催徵不得情由行據該糧道詳稱行月貳糧原係運丁安養家口并撐駕人役工食之需水脚銀兩又為僱覓民船裝載漕米之費當年輓遲為速實係運丁急公支用並非私充已索且奉

旨允給在前部議查追在後今為時已久迨亡強半一二減棄疲丁唯有奄奄待斃經年累月追比無從催徵不得職此之由臣再第三批查糧道與衛所各官詳覆無異茲據該道脩造支給細冊并取實難追比印結現在所當具

題聽部議豁庶

皇恩廣沛而

欽案早完矣再照此案因駁核需時臣于監臨展限之後又經彙疏展限理合一併

題明既經該道呈詳前來除將冊結送部外臣謹

會同總漕臣林督臣趙合詞具

題伏乞

勅下該部議覆施行

康熙叁年叁月貳拾日題肆月貳拾肆日奉

旨戶部議奏

題明弁丁掛欠漕糧無追處

題爲欽奉

上諭事據糧儲道呈稱云云等因到臣該臣看得浙
省順治肆年起至順治拾叁年止掛欠漕糧部
查催徵不得情由行據該糧道詳稱歷年欠糧
弁丁因羈北無完發南迫北爲時已久道府聽
衛奉文承追未有不以

功令爲心身各爲念安肯聽其拖延不納無柰累歲
積逋盈千累萬迨丁莫問故弁無追或比併其

子孫或波累其宗族遂成產盡戶絕者不可勝計矣卽見在弁丁家產妻孥俱已變賣不然一身僅存皮骨縱日事鞭苔無裨欠額唯有幽囚長繫待斃囹圄而已若以弁兵故絕委無追補部文有令原選各官攤賠之議據稱就以糧道論之迄已病故強半其餘府廳等官年久事故均非見在無可追呼及詢近日漕運何以能完昔時何以致欠則據弁丁泣訴以爲順治拾貳年以前行月本折未均節年糧船凍阻坐守數月旱涸剝淺盤費浩繁原因黍食過多以致交糧虧欠順治拾叁年以後河渠順利漕艘安濶且行月糧本折均平非如舊日之每石止發折銀伍錢矣各項糧銀盡數全支非如舊日之扣留防欠矣兼之雇船水脚俱發現銀新斛南北相同出入無虞耗折近以用足而能完昔以費竭而致欠天時人事定有不同但前任糧道據弁丁開將未領行月等項抵銷過米柒拾柒萬捌千貳佰肆拾餘石今該道查稱冊內有以水

脚抵銷有以斛面抵銷或有以未領行月等項抵銷除追完者已經轉解抵欠外其餘未完查無回報而該道又謂抵銷等項率皆有名無實者如屯租既難以未奉津運之年准其朦抵如俸薪又難以見追漕欠之弁聽彼混支至所云江南別幫地隔人非猶難查核總皆各弁計窮力竭希圖寬釋一時然其已抵錢糧原與無抵各弁總屬未完之積案今奉

上諭察報難完情由此正弁丁千秋一日之會所當具

題聽部核議以廣

皇仁者也再照此案因頭緒繁多往返駁詰動需時日未能如期完報故于入關寬限之後臣又具疏展限在案理合一併

題明既經該道呈詳前來除冊結送部外臣謹會

同總漕臣林 督臣趙 合詞具

題伏乞

勅下該部議覆施行

康熙參年參月貳拾日題 月

日奉

旨

回奏催徵不得未題各案緣由疏

題爲欽奉

上諭事准戶部咨開案查康熙貳年參月內議政王

貝勒大臣九卿科道官會議各直省願治拾柒

年以前一應催徵不得錢糧請

勅各該督撫除各省蠲免錢糧外有如拖欠者查明

拖欠緣由并欠戶姓各造冊取該管官印結至

于贖罰侵欺那移浮冒等項關稅缺額被賊劫

失因補地無種未徵錢糧等項是何情由催徵

不得一併查明具題所有廣東福建鹽課逋欠甚多亦應確查俱應照各省原限再寬限壹個月督撫會同將各部錢糧各造一冊具題等因覆奉

俞旨欽遵通行在案今查止有豫省題到其餘各省催徵不得一應錢糧或有省分全未題到者或有省分止題到一二件尚未盡行具題者至今逾限已久各該督撫應將

欽件依限具題完結如何怠玩推遲延宕當參處但因部文于何月日到省無從可查未知違限幾月幾日况無各官職名不便遽行議處應請嚴勅各該督撫一面將逾限不行具題緣由明白回奏一面將

欽件星速題報完結可也等因奉

旨依議欽此欽遵抄出到部移咨到臣隨備案通行司道去後據布政司糧儲道各呈稱云云等因

到臣據此除部單內按察司項下欽奉

上諭事周應昌等貳拾柒案未完贓銀先經

題報訖布政司項下除查叅違悞等事一案王賢
侵欺順治拾肆拾伍年緞疋壹千壹佰貳拾肆
疋先據該司冊報追完臣已給咨解部訖又仰
奉

綸音等事王賢侵欠絲綿緞疋一案該督臣趙

于本色之額解虛懸等事疏內分晰已未完數

目請

旨定奪矣又遵

諭陳言事常山縣縣丞陳位坤領解順治拾年拾壹
年分未完蠟茶銀兩一案又欽奉

上諭事未完裁官經費銀兩一案又預備緞疋事順

治拾陸年採買緞疋核減銀兩一案又亟請應

用顏料事順治拾陸拾柒年未完顏料蠟茶一

案又嚴催節年未完等事順治肆伍陸年及順

治玖年未完蠟茶銀兩並順治拾貳年本色未

完顏料蠟茶等項銀兩一案又敷陳未議等事

未完順治拾陸拾柒年戶部項下銀米一案俱

經

題報訖今又續

題台郡既復等事順治拾肆年台郡刦失錢糧一

案糧道項下

題過掛欠漕糧事順治肆年起至拾叁年止運軍拖欠未完一案又漕糧弊重日深等事順治拾貳拾叁年運軍重支行月水脚一案又請寬

欽件等事順治拾年運軍多領截耗一案該總漕臣

林會臣

題報外該臣看得浙省順治拾柒年以前戶禮兵工肆部未完本折錢糧欽奉

上諭行查催徵不得情由立限具

題會議蠲徵此蒙

皇上洞鑒積年逋課徒累官民無益于事誠

特恩曠典千古希覲也臣等外吏奉行恐後敢不夙

夜料理徹底清釐勉圖早竣以仰副

朝廷德意惟是省分有大小事情有難易勢不能槩

照定限草率報結致干參駁自貽罪戾臣于節

次請寬限期疏中冒瀆

欽此矣今戶部以直省有逾定限請

旨令各該督撫自行明白回

奏臣不敢不以難完情由一一詳晰剖陳之如浙
省財賦甲于東南錢穀項款萬孔千瘡亦與各
省迥異茲一旦奉

旨清查順治貳年起至拾柒年積逋其間事遠人亡
官更吏易有稱郡邑寇隔冊籍俱焚者有稱地
方荒殘卷案無憑者有頭緒舛錯登訾不明者
是必一駁再駁其難其煩之幅輳遼闊卽往

返馳覆亦必經旬浹月其實在民欠者必造都

論里甲花戶姓名有司印信冊結將拖欠難追
情節逐一申明方可爲據若侵欺各犯內人亡
產盡者必取府縣具結始請

蠲免人在產無者例應解部入官又人亡產在及人
存有產者俱當搜變完解不敢槩請免追似此
分別查勘必需月日斷難與簡易各省依期報
竣也該管司道屢詳有府縣報到冊結者見在
轉造冊頁動以千萬計晝夜不輟倘一欸未確

一處未齊不能彙成總冊且自奉文行查之後
拾壹府屬之中府官陸員縣官貳拾玖員俱以
積逋錢糧相繼降革離任而新舊各官交代之
際始末未悉不仰具結或有差訛又需駁覆必
俟該司道逐項確詳臣等察核無異乃可據以
入

告不能速結職此之由寔非敢爲耽延也至查戶部
各咨到浙月日係康熙貳年肆月貳拾等日又
先後准到禮兵工三部咨同前事俱當以戶部

肆月參拾日咨到爲始扣算陸個月定限又臣

監臨文武兩關部准寬參個月在案 又前據

布政司左布政使袁一相右布政使李茂督糧

道叅政梁鳳鳴屯局都司張遇留各詳冊籍如

山寔難依期完報臣恐部誥稽延隨會同督臣

于康熙貳年拾貳月限內具疏展限并將未送

冊結知縣鄒度宏等壹拾肆員

題叅部覆議處在案此又非臣等逾限不行

題明也至康熙參年貳月念玖日方准部咨不准

寬期該司道袁一相等詳請寬限具

題在前非敢緩視

欽限也臣查各部單開事件內已經合疏

題過共壹拾叁件外其餘各案勒限各該司道刻

期次第報完臣又于康熙叁年叁月貳拾日會

同督臣趙 臣再疏

題明逐件分晰各疏

奏結見候部覆伏惟

奏鑒浙省從前積遺各案為數繁多勢難依期率結

自奉文以來節經具疏寬限在案理合據實定回

奏仰 聖

睿慈原有施行

康熙叁年叁月貳拾捌日題肆月貳拾叁日奉

旨該部知道

題覆白糧無丁字沽可追疏

題爲漕船空棗可惜請復白糧帶運之法以省

國費以資後用事准戶部咨開該臣等查得浙江
省順治拾捌年分漕船裝載白糧其僱船銀兩
先經臣部請

勅該撫減扣解部去後今據浙撫朱 疏稱白糧一

項不止浙省如江南蘄松常三府白糧順治拾
捌年亦用減存漕船除丁字沽一項扣解外每
船實給銀陸伯肆拾餘兩今浙省止給銀肆伯

伍拾餘兩難以追扣請照江南漕船支給經費之例造冊題報等因前來查順治拾捌年江南省減存漕船裝運白糧先經江寧巡撫韓具題實無僱船之銀可減請將丁字沽雇剝每石減去壹錢貳分臣部覆准遵行在案今浙省漕船裝運白糧原係一事今該撫請將江南順治拾捌年允銷之案確查覆核定奪具題應准照江南銷過之例仍將丁字沽雇剝銀兩亦照江南例每石壹錢貳分照數減扣作速解部可也等因奉

旨依議欽此欽遵抄部咨院仰道確覆去後茲據糧道呈稱云云等因到臣該臣看得康熙元年起運順治拾捌年白糧原准部覆科臣條議用減存漕船裝運其白糧項下合用經費卽以全書額編銀米抵給運丁民間私貼盡行禁止時因各丁以舊額經費實不敷用紛紛具呈比擬順治拾壹年漕船帶運白糧成例請加行月二糧前任糧道姿應奎據以具詳議派民間加徵補

給臣隨具疏

題明該部議覆補給行月不便允行奉有

俞旨咨行在案部臣又以民船運白全書載有僱船
字樣行令裁扣解部臣查順治拾捌年白糧經
費遵照部議止儘全書舊編額銀每船給銀肆
伯伍拾柒兩零米貳拾捌石此外並不加派民
間毫厘私貼各衛所減存漕船運丁告苦不已
安有僱船之銀可以追扣臣復具疏

題覆該部又以該年江南蘇松常三府亦用減存

漕船每船報銷有扣丁字沽起剝一項復令照

例每石追銀壹錢貳分但查江省參府新定白
糧經費全書額載規則與浙省舊定全書經費
數目迥不相侔江省每船給銀陸伯肆拾餘兩
浙省每船較江南少給壹伯陸拾餘兩彼時曾
援例請補行月二糧議派里民津貼部覆並不
准行各丁抵北起交賠累已不堪命安有起剝
之銀再行追扣江浙全書原自多寡難以同日
並語臣前後

題覆白糧經費各疏及糧道造報項款細冊一一
在部可按若復議迫于各衛所窮丁名下則當
日原領經費比江南數少似難再累于糧完之
後也欲議加于嘉湖里甲則白糧竣運已逾叁
載前奉部文申飭止給原編經費民間私貼書
行禁止原咨甚明更難違悖輕議加派于今日
也此項丁字沽起剝銀兩無從照例減追解部
所當據寔具

題聽部察照前後疏冊及江浙二省全書查明除
免以銷前案既經該道呈詳前來相應具

題伏乞

勅下該部議覆施行

康熙叁年叁月貳拾捌日題 月 日奉

旨

題叅桐廬知縣楊可楫催糧無術疏

題爲劣生侮法抗徵驟令催科無術據寔糾叅以
肅法紀事據嚴州府廳呈報云云等因到臣該
臣看得桐廬縣順治拾貳叁肆伍年拖欠錢糧
前經清察司官查係里長包侵部議照數追解
奉

旨嚴催撥充閩粵兵餉不在催徵不得之內該縣知
縣楊可楫職在催科自宜明白曉示設法催徵
何乃惟事猷朴刑比過嚴遂有例貢許元劣生

濮光天許燦然徐有斐王運昌悍民徐應商皇
甫黜屠兩和屠康如吳少塘喻濮杞等不察前
項積逋原未議諮妄謂見奉

上諭清查順治拾柒年以前拖欠異圖

蠲免乃敢鼓衆抗徵羣聚縣門侮官藐法莫此爲甚

臣一面由行府正刑官親詣該縣確查起事根

由臣卽首巡嚴郡并密檄訪拏劣生去後隨據

知府劉茂先推官高凌雲查覆實係許元濮光

天等倡首聚闖臣將有各各犯嚴檄拘拿併行

確查有無欠糧情由低

旨究擬外知縣楊可栴性多浮躁罔恤民情術乏催

科致業衆怨理合據實一併

題叅聽部議處定奪臣謹會同督臣趙合詞具

題伏乞

勅下該部議覆施行

康熙叁年叁月貳拾捌日題伍月初壹日奉

旨該部嚴察議奏

題覆屯欠無徵并請仍照舊額疏

題爲欽奉

上諭事據屯局司呈詳云云等因到臣該臣看得浙

省衛所屯糧自順治玖年至順治拾柒年歷年

拖欠追比查叅終無清楚貽爲積累已非一日

內弁祿舍役侵抗銀兩先該清察餉司查追各

項據冊開台衛欠祿除先經解部及今見在勒

追外其餘逋欠悉屬逃亡故絕並無產屬可追

見據該司分別項款登卷冊報至如屯丁積欠

根由各衛所咸稱屯糧一項在明時每石折徵銀伍錢逐年抵給屯丁月糈原未徵解充餉我朝鼎建初奉文屯田照民田一例科糧每石徵收肆伍錢不等至順治陸年間前督臣陳

題議每石徵銀壹兩卽以抵給衛所官役俸工經費遂致累歲倍徵矣自加徵之後屯丁因課重租輕辦納不前每歲疊懸虛額或地瘠拋荒或丁逃戶絕兼值寇亂災傷相仍見告施逋籽粒徵比無從雖叅罰日嚴奈迫呼罔應此皆荒丁無告之苦情也今奉

上諭清查順治拾柒年以前未完錢糧催徵不得情由部單開列行查此項誠待盡屯丁更生之會臣等屢據司詳再三批勘據覆積年屯欠委由倍加課額困苦無徵各衛所脩陳隱情誠非捏飾並具不扶各結見在則從前加額逋課所當與小民拖欠並徵

浩蕩此後衛所屯糧仍應請照順治初年伍錢舊額或照各州縣民田分上中下三則科徵除豁新

加屯額自無紙上虛數統聽該部覆核議奪庶
皇仁均沛而弁丁之夙累亦得以少甦矣既經該司
呈詳前來除將清冊送部外臣謹會同督臣趙

合詞具

題伏乞

勅下該部議覆施行

康熙叁年肆月拾貳日題

月 日奉

旨

題請漕運加船帶運白糧疏

題爲漕艘減存旣多民船僱募滋費請

勅部議察例帶運白糧以裕

國計以重漕艘事准戶部咨開該臣等查得科臣

周 條議康熙貳年漕糧蘇松等府存留兵米

貳拾柒萬石遂減江浙漕船陸百餘隻間泊待

朽反多苦蓋請將蘇松常嘉湖五府白糧用前

減船裝運每船除給經費陸百肆拾餘兩併飯

米外較之民船可省銀拾萬有奇等因前來查

順治拾捌年漕糧改折減存船隻先經臣部裝
運白糧覆准在案今又據科臣周 疏稱康熙
貳年留漕減存船隻除總部仍用通判外每府
止用部推守千一員領幫帶運蘇松常嘉湖五
府白糧此以現在之船運正供之米既可省錢
糧臣部難以懸議相應請

勅總漕江浙二撫將減存漕船裝載康熙叁年起運
康熙貳年分白糧果否可省錢糧船隻足數有
無累民仍速查明具題以憑議覆可也等因奉

旨依議欽此抄部咨院仰道確議去後茲據糧儲道

呈稱云云等因到臣該臣看得浙省嘉湖二府
解運白糧歷因原編經費額數不敷加派民間
極為苦累從前補偏救敝更置靡常而經久可
行官民兩利則無如漕船帶白之法實為至便
也項科臣周 以康熙叁年起運康熙貳年分
白糧江南存留漕米貳拾柒萬石應減船陸百
餘隻請用減存漕艘裝載白糧起運條為五便
部覆果否節省有無累民令臣查明具

題復于本年正月貳拾日接准總漕臣休 咨會
行據督糧道叅政梁鳳鳴詳稱康熙貳年分原
用民船裝白業已僱修受兌不便更張再議反
致觀望耽延應俟康熙肆年起運康熙叁年分
白糧確查核議隨經總漕臣會臣

題明在案一面備行該道細加考訂據詳白糧之
役故明民運久稱敝政我

朝鼎建自順治貳年至拾年改爲官收吏解尋又改
爲官收官解皆以經費不足連年苛徵至順治
拾壹年欽奉

恩詔白糧民解累民官解仍以累民今後于該省糧
船分帶以甦官民之累欽此該前撫臣秦 總漕

臣沈 會疏具

題將該年半徵本色白糧于實在出運漕船壹千
貳百捌拾壹隻之內抽撥載白船陸拾貳隻卽
以全書額編經費抵給扣算每船給經費銀肆
百伍拾柒兩壹錢壹釐飯米貳拾捌石又行糧
銀壹拾玖兩捌錢米壹拾陸石伍斗月糧銀叁

拾陸兩玖錢零米伍拾貳石捌斗其月糧內仍
扣出銀貳拾肆兩分給受酒漕船爲負重之資
領運官議定柒員每員給官俸路費銀壹百貳
拾捌兩又給廩工銀貳百壹拾肆兩玖錢零自
順治拾壹拾貳拾叁拾肆年糧額全完軍民並
賴一切私貼盡行禁革矣至順治拾伍年部議
以附漕代運仍支行月貳糧未嘗有減于民而
反有虧于

國于是會議具

題復令協部押運奉

旨通行其經費仍缺難支勢不得不照順治拾壹年
以前加派于民查該年供用庫項下白糧全徵
本色共僱民船柒拾叁隻每船給經費銀捌百
肆拾壹兩捌錢零飯米玖拾玖石陸斗又總協
部官役路費工食等銀肆千陸拾玖兩貳錢零
米伍百玖拾柒石叁斗零順治拾陸柒年相繼
踵行民復稱困計民船運白之多費與漕船帶
白之節省數目多寡固已截然可按至康熙元

年起運順治拾捌年白糧科臣王 議用減存
漕船部覆暫准壹年臣具有直陳白糧經費私
派之弊一疏請自康熙元年爲始如漕糧全運
應仍用漕船洒帶之議請革苛派少甦民累部
覆未允又因是年旣用減存漕船則其經費亦
應照順治拾壹年舊例原有行月二糧臣查部
文不許動支漕項曾請于民間條議津貼內照
舊徵給部議亦未准從各衛所運丁赴北揭債
抵費至今控告不已康熙貳年起運康熙元年
白糧仍令總協部官領運亦以經費不足臣據
各官屢詳具

題比例加賠初部不允幾至悞運後該督臣趙

會疏比照江南一例補徵始得竣役此又白糧
經費再行加派之明驗也今康熙叁年起運康
熙貳年分白糧科臣復申漕帶之法雖本年起
運已迫不得不以民船裝運然而漕帶之議剖
晰利弊洞如觀火將來新運亟當舉行臣因部
覆科疏確查有無節省再第三批詰該道備陳漕

船運白實省經費惟是運船缺額必須酌議通
變據議順治拾壹貳叁肆等年白糧俱係半徵
止用漕船陸拾貳隻今康熙肆年起運康熙叁
年分白糧全徵照舊額應增出船陸拾肆隻其
該用船壹百貳拾陸隻今浙省出運漕船僅壹
千壹百陸拾隻若以壹百貳拾陸隻之白糧盡
洒于漕船之內勢必船重難行自應添造新船
卽可漕白並濟該道以漕船額設造修銀兩止
有淺貢永減二項除台溫等區無徵拖欠外歲
徵不過叁萬餘金舊船加脩取給于內恐添造
新船不多則不能帶運白糧議將康熙肆年起
運康熙叁年分加派白糧經費內暫徵工料協
濟造船用補時拙下運船足卽將新派加貼盡
數減免誠亦調濟甦民之見也今實計應添造
船數目除將陸拾貳隻仍循舊例于漕幫中抽
出裝運實應協造糧船陸拾肆隻每隻該銀貳
百捌拾叁兩柒錢零共該銀壹萬捌千壹百貳
拾玖兩伍錢零其新漕應加歲造船隻另俟確

查于淺貢永減銀內動支應用則運船無慮缺額矣計用白糧船壹百貳拾陸隻照順治拾壹年漕帶之例合用經費及行月二糧并領運通判協部守千公費廩工等項共該用銀陸萬捌千柒百肆拾柒兩肆錢零米壹萬貳千貳百伍拾玖石捌斗除全書額編銀伍萬捌千肆拾陸兩貳錢零嘉屬餘耗米叁千捌百玖拾捌石貳斗零抵給外尙不敷銀壹萬柒百壹兩貳錢零米捌千叁百陸拾壹石伍斗零亦應于前項新加經費內照數徵給則運費無虞不足矣至部查漕船裝載白糧果否可省錢糧船隻足數有無累民查白糧全運雇募民船照

題定例應用經費銀壹拾萬叁千陸兩肆錢米肆千柒百陸拾陸石肆斗較之全書原額經費加派至拾分之肆實屬累民以致百姓紛紛告苦不已如新運以漕船帶運照順治拾壹年定例并議徵協濟造船一項共應用銀捌萬陸千捌百柒拾陸兩玖錢零米壹萬貳千貳百伍拾玖

石捌斗計免民間加派銀壹萬陸千壹百貳拾玖兩肆錢零下次運船足額其暫徵協濟造船銀兩又應免派于民矣唯米石則民船經費較少漕船支給較多緣民船水手止給飯米而漕船運丁應支行月故有不同但運白旗丁應支行月本折既于白糧加貼經費內徵給則漕運項下行月銀米又應裁省計折色銀及本色折價銀共壹萬柒千陸百貳拾玖兩玖錢零俱應裁扣解部此則漕船帶運白糧節省之數也協濟船隻併入漕幫僉選旗丁領運同漕並免先漕起行船夫不須雇募協部不須重費嘉湖兩府小民又得免通年加派之若是漕帶白糧一舉而有數利不惟無累于民實切有利于國臣請自康熙肆年起運康熙叁年白糧爲始每歲漕船附帶永著爲例于以速

上供而除疾苦所裨匪淺鮮矣至于領運守千往來兌運實非一員可能料理仍應照舊遴選七員庶不致有顧此悞彼之慮所當一併

題明統聽部議定奪既經該道呈詳前來除將造船清冊及條議各冊送部查核外臣謹會同總

漕臣林 督臣趙 鹽臣顧 合詞具

題伏乞

勅下該部議覆施行

康熙叁年肆月拾貳日題 月 日奉

旨

題留官員折贖抵給孤貧口糧疏

題爲贖緩積穀既停孤貧口糧無出謹比例懇留

各官折贖抵給以沛

皇仁事竊惟哀此災獨

王政所先故凡郡邑各設養濟院舍責令有司加意

安全自古及今收養不輟此誠

朝廷軫恤無告殘黎之

恩典也臣查浙省賦役全書舊編年額雜支項下孤貧伍千陸百陸拾貳名布花木柴銀叁千叁百

玖拾柒兩貳錢孤貧口糧全支折色銀肆千玖
百肆拾陸兩肆錢孤鐸肆千叁百陸拾貳名口
糧內有全支本色并本折兼支不等共本色米
壹萬貳千肆百柒拾伍石捌斗又兼支折色銀
貳千叁百肆拾陸兩叁錢此項銀米自順治拾
肆年奉文全裁克餉議將各衙門自理贖鍰秋
冬二季積穀貯倉抵給口糧至順治拾捌年肆
月內復准部咨欽奉

上諭凡杖罪折贖小民納贖難完反致苦累以後除

官員仍照折贖小民犯罪卽着的決示懲不必折

贖通行大小衙門欽遵在案自此以後積穀無資
各府屬在前報過贖穀又逐年支放殆盡見行
藩司查冊報銷臣念額編孤貧口糧盡裁充餉
原以積穀抵給今詞犯罰贖業奉停止並無別
項錢糧可抵積穀之款屢據各屬孤貧紛紛哀
籲無術生全項臣巡歷金衢嚴三府見此孤獨
鰥寡疲癯殘疾之衆扶老挈幼鬻道左呼號
求食情殊可憫臣查各縣尚有存剩稍穀批令

給贍其並無餘穀縣分設法捐賑外臣方在籌畫間適閱邸抄江西督撫准有部咨查該省官員折贖銀兩若干及應給孤貧口糧若干造冊具

題以憑議覆該督見經造冊報部矣浙省年來寇亂災荒生民疾苦倍于他省各處孤貧嗷嗷待哺尤非齊民可比伏望

皇仁俯垂一視將浙省議罰各官折贖銀兩照例留

抵孤貧口糧覆載

鴻慈所造匪淺鮮矣臣一面檄司通行各屬脩查孤貧實在各口并康熙貳年至今未解各官折贖銀兩細數容俟報到之日另行達部外理合具題伏乞

睿慈

勅下該部議覆施行

康熙叁年伍月初貳日題 月 日奉

旨

謝加工部左侍郎疏

奏爲恭謝

天恩事康熙叁年伍月拾叁日准吏部咨爲銷算事

文選清吏司案呈奉本部送吏科抄出該本部

覆戶部題覆總督倉場白題前事等因奉

旨張朝珍加工部尚書兼都察院右副都御史韓世

琦加都察院右副都御史朱昌祚加工部左侍郎

兼都察院右副都御史俱照舊管事張尙賢抵銷

先降一級仍留原右副都御史餘俱依議欽此欽

遵抄部送司案呈到部移咨到臣准此臣隨恭
設香案望

闕叩頭謝

恩訖伏念微臣質本庸材任叨重寄當兩浙積困洊
災之日屬全漕催徵措解之艱策勵靡寧輓輸
恐後幸比年之兌運得相繼以告完此皆臣子
職分之當爲詎有

朝廷懋賞之可錄伏蒙

皇上俯俞議叙之請載加晉秩之榮聞

命自天戴

恩無地臣惟有勉竭心力益矢捐糜以圖報塞于萬

一爾理合恭

謝謹具奏

聞

題報衛屬異常水災疏

題爲異常水災急叩申請以救民命事據布政司
呈稱云等因到臣該臣看得衛屬處漸上游
路當孔道素稱地瘠民疲卽雨暘時若猶歉秋
收年來災旱頻仍兼之兵馬往來供應浩繁以
致民竄田蕪最爲困苦臣前據司道備陳荒殘
情形議蠲積逋業經會疏入

告未蒙部允見在覆查詎意西安江山常山開化四
縣申報今歲自春徂夏霖雨連綿麥穗垂成率

皆涸爛禾秧方插盡沒波流東作不與西成
望民困顛連殊堪惻憫除一面備檄該道府
委能員履畝再行確勘被災分數另行造冊
報部議奪外所據該司勘詳水災情形理合
先行題報臣謹會同督臣趙合詞具
題伏乞

勅下該部察照施行

康熙參年陸月拾玖日題

月 日奉

旨

題覆江常二縣協台兵餉無徵疏

題爲欽奉

上諭事據布政司呈稱云云等因到臣該臣看得衢

屬江山常山二縣順治拾柒年協台兵餉歷欠

未完臣前查經管知府甘日進常山知縣項時

亨江山署印縣丞趙景旭

題叅議處一面嚴督催解該府縣咸稱地方凋殘

萬難徵比復節經屢催去後茲據司詳順治拾

柒年協台餉銀江山縣未完叁千壹百壹拾柒

兩捌錢零常山縣未完壹千捌百壹拾捌兩玖錢零查各府兵餉該司例以撥兌作完後緣屬徵解不前台餉急需難緩業于司庫通融支給應催江常未完照數償補前因追徵無楚故將府縣印官

題叅革降至今仍懸欠額據查江山爲閩浙衝途一應官兵過往協餉解運由浙入閩者于該縣登陸由閩來浙者于該縣入江舟車夫役累百盈千小民困苦逃亡最爲疲劇常山地接江右荒殘之餘丁徭戶廢皆非別屬可比本年二月內臣有疲郡凋殘已極等事一疏會同督臣請除該府荒田通課併述有司催科艱苦之狀部覆謂順治拾柒年以前錢糧俟催徵不得題到之日另行會議咨行在案查此項通餉叅處甚嚴追呼日迫祇因田荒里廢無可追徵官民並累寃無裨于催解據詳此係順治拾柒年以前民欠未完錢糧前請彙入催徵不得案內今部議仍令逐件

題報該司復將該府縣荒里花名欠冊并不扶印
結查造見在所當據實

題明聽部覆核請

蠲仰崇

浩蕩並微

一視之仁者也既經該司呈詳前來除將冊揭印結
送部外相應具

題伏乞

勅下該部議覆施行

康熙叁年陸月拾玖日題 月 日奉

旨

謝陞閩督疏

奏爲恭謝

天恩事康熙三年閏六月二十六日准吏部咨爲補授總督事文選清吏司案呈奉本部送吏科抄出該本部題前事等因康熙三年閏六月初三日奉

旨朱昌祚初任浙江將壅積事件盡爲清理著有勞績今以福建巖疆特加簡用着陞兵部尚書兼都察院右副都御史總督福建等處地方軍務兼理

糧餉寫勅與他欽此欽遵抄部送司案呈到部擬
合行咨欽遵查照等因到臣准此臣恭設香案
望

闕叩頭謝

恩訖伏念臣一介孤踪十年宗屬謬荷

皇上填撫浙邦任事已越三期論績原無寸効惟緣
前人事務之積弛又兼各項錢穀之多逋臣雖
殫力清釐亦由職守本等有何微勞之可錄乃
叨晉秩之頻加覆餗滋憂捫心增赧亦思難酬

高厚正切莫報捐糜乃重奉

溫綸復溫字督閩棠

天恩特簡格出尋常顧微臣下愚才難勝任况總制
繫巖疆重寄八閩當邊海要區外洋有違竄逆
渠內地皆新歸士卒安內攘外措餉籌兵卽用
夙望大臣猶虞支持之靡及如臣疎庸陋質豈
可試與之投艱第奉

命義不容辭然祇承實加兢惕臣惟有永矢犬馬竭
盡愚忠仰報

朝廷知遇於萬一爾理合恭

謝謹具奏

聞

請蠲詞犯贖穀疏

題爲彙報浙民歲凶饑饉謹陳設法賑濟情由仰
祈

睿鑒事據浙江布政司左布政使袁一相右布政使
李茂按察司按察使馮瑾呈稱云云等因到臣
據此該臣看得順治六年至順治十四年各屬
自理贖銀七百七十五兩零贖穀四百七十八
石七斗零前報詞犯拖欠部覆以當時卽應完
納仍令速催收貯備賑隨令該司嚴催去後茲

據司詳各屬詞犯拖欠銀穀因前官任內追比
無完今事歷年遠故迺各犯無可復追其見在
比追者率係赤貧犯屬藉口罪贖久奉

赦寬並無完納至於潛縣原報勸輸穀石後因連歲
災荒俱無完貯則此項捐賑非逋欠可比亦不
能強令輸納該司查照本年閏六月二十二日
准到部又欽奉

諭順治十五年以前侵欠錢糧槩行

蠲免其順治六年至順治十四年原擬罪犯拖欠折
贖銀穀更與侵欠錢糧情事不同均當並徵

皇恩浩蕩銷結塵牘并將詞犯逐件登答造冊取具
府縣不扶印結見在所當據實

題報聽部覆

請蠲豁以廣

皇仁并銷部案既經該司會詳前來除將冊結送部
外相應具

題伏乞

勅下該部議覆施行

蕭德信屬積年荒根疏

題爲疲郡凋殘已極荒根苦累難堪懇速具

題以廣

皇仁事據浙江布政司左布政使袁一相右布政使

李茂呈稱云云等因到臣據此該臣看得蕭屬

各邑瀕江依瀾硤磧成閭素稱瘠壤民貧賦誦

自昔已然我

朝定鼎之初各處山賊竊發所在殺劫節次合剿兵
燹頻加又值閩省連年用兵該郡地處衝途差

繁役重養馬供應力不能支人民之死徙丁戶
之逃絕者不可勝數以致田地拋荒額糧虧缺
守令各官查叅降革指不勝屈實切官民並累
遂成極敝難返之勢前據該道胡養忠備詳荒
糧困苦諸狀臣與督臣會委該道駐扎衛州肅
令府正州官履畝丈勘通計荒田一十六萬七
千九百二十一畝零荒地九萬四千二百九十
九畝零已經會疏請將康熙二年以前荒糧通
額盡數開除責成各屬印官招諭流亡開墾成

康熙三年之後按則起科徵使見在人戶無
畏包荒再逃而令流移外境者聞見歸耕誠亦
調劑時艱之一策也茲部覆以田地錢糧有關
國課豈容久令荒蕪况康熙二年以前並未據該
督撫

題報何得遽稱有額無徵咨行催解夫課從租辦
租從田出有人有土事本相因循屬戶口逃亡
匪伊朝夕拋荒田地結勘不誣無主遺糧從何
追納卽見在業戶自辦稅糧猶多遺負若必以

荒糧責之熟里賠累將見子遺人戶盡致流亡
見耕田地又必拋荒則

國課愈虧開荒無日矣該司所謂荒糧一日不
則荒田一日不墾實因有田無主民畏賠荒之
故至于康熙二年以前未經

題報者查積荒田地必俟地方有司丈量覆勘造
冊申詳始可據以入

告循屬荒額既多錢糧日缺官于此者皆以歲額考
成勤避察罰賠未及暖而降筆隨之祇以去任
之身遂置民瘼于不問因循耽悞未經丈勘
常山一邑順治十四年間曾經前按臣王元鼎
具

題請豁未獲議蠲其餘各屬俱未申詳此係從前
守令失于勘報歷來督撫諸臣無憑具疏職此
之故自臣會委該道府官親行丈勘備將荒田
荒地遊戶絕戶確查細冊始得以二十年來積
困之民隱仰實

宸聰以爲該地方請命計臣慎重錢穀仍議追復然

前項荒糧在昔已爲無徵之逋額迄今虛懸紙上之追呼自非蠲荒督墾額課斷無可復該司備查部文有請

旨復定勸墾荒田事一案又清查各省之地以除積弊事一案皆責成各省招開墾三年起科五年報完立有成限遵行在案衛屬原丈荒田地畝正與部文見行定例相合且今順治十五年以前所欠各項錢糧概行蠲免

皇仁浩沛業已率土均沾衛屬荒田前經駁勘取結委無欺飾該司議照通行定例自康熙三年爲始一體議豁其以前逋欠銀米查照應蠲之額併准除荒另冊報部以便督令有司招民開墾按律起科庶流移可復賦額無虧而有司亦得變考成之累所關于

國計民瘼實非淺鮮矣查荒田四至細冊該司先經造送在部茲仍將簡明清冊開造見在所當補贖額懇

睿慈

勅部核覆轉行遵奉者也既經該司呈詳前來臣謹

會同督臣趙 合詞具

題伏乞

勅下該部議覆施行

報寧邑海塘坍決疏

題爲風潮驟逼塘坍鹹水急湧內地亟請修築以
救生靈以全

國課事康熙三年八月初五日據分巡杭嚴道會
事熊光裕詳稱云云等因各到臣據此該臣看
得杭屬海寧縣地臨瀕海爲杭嘉等府門戶每
遇海潮洶湧或陡起衝激則直薄縣城向來全
恃石塘以爲捍禦前因嘉屬海鹽縣石塘傾圯
據該道府詳報修築臣已備行各該道府先期

料理不意今歲秋潮疾風相激冲決據報海寧縣本年八月初一日半夜潮水從南門坍塌塘埂水漫過塘初二日午潮洶至颶風大作初三日又值大潮狂瀾奔突袤延一十五里鹹水淹入內地不惟海寧一縣昏墊可虞卽浙西杭嘉湖蘇松各屬

國課民生所關非淺臣已一面嚴檄該道熊光裕親詣塘所逐一勘禁督率官役夫匠晝夜併工堵截需用工料銀兩令確估定數并淹沒民居田禾行令該縣備查被災分數各冊俟造到另行報部據詳海寧塘銀每年額編一千兩自順治十六年至康熙三年共止六千兩今水勢汎濫工費繁鉅額銀尙慮不敷臣一面行令藩司確查嘉屬額編塘工銀兩除所屬海鹽支用之外有無餘存酌議通融支用至該道又稱築塘石塊應于該邑海濱尖赭二山就近採石裝運濟用力省工倍不致曠日悞事查尖赭二山雖在海口原非遷棄界外業經督臣移會議委杭

協中軍蕭鼎帶領汎兵督同海寧縣典史祁嘉
禎運石不許踰兩山界外運完卽行停止統聽
部議定奪既經該道詳報前來臣謹會同督臣

趙合詞具

題伏乞

勅下該部議覆施行

駁改章十罪名疏

題爲清查刑獄速銷積案禁飭沉閣叢弊以照

國憲以溥

皇仁事據按察司按察使馮瑾呈稱問得一名章十
云等因到臣據此該臣看得章十許瑞原招
載其與故盜吳福鳴及未獲叛犯陳宏達等同
夥行劫自供分贓初論強盜得財律斬歷經問
刑各官駁審因失主無証未成信獄後謂二犯
又投叛陳宏達等互相煽惑彼時查審起獲盟

牟無二犯姓名遂改擬謀叛未行爲從律流罪
至順治十三年冬該恤臣侯方夏按臣王元曠
兩次會審章十許瑞聚盟無名刦賍無主擬流
准徒金元操舟稚子末減擬杖援引

詔款叛逆于連昝疑之例俱經批允存案此從前承
問各官審理錯悞以致前後招情互異也至順
治十六年三月內前任按察使毛一麟具詳前
撫臣佟國器前按臣牟雲龍俱批發驛充徒杖
決矣後二臣相繼緣事俱未

題結臣自接任以來清理積年塵牘行據該司將
前任撫按批允發落久未

題結大獄各案備造招冊彙疏

題明部覆章十等一案從叛結盟夥刦情真引謀
叛未行准徒未協駁查經管職名議處仍令嚴
緝各犯確審定擬臣隨密行該司復行拿獲各
犯到官前擬審詳

題覆茲再准部駁招情互異咨行嚴審臣據司廳
各官勘詳細加駁查陳宏達與各犯結盟謀叛

事在順治六年六月初一日章十許瑞原從吳福鳴及陳宏達曾夥刦分贓則在當年六月初一日以前是二犯爲盜在先投叛在後矣前此問官謂盜案刦贓則無主出認而投叛盟軍則未載其名遂舍強盜得財之律改引從叛未行之條誠屬錯誤今臣再三確勘章十許瑞先與吳福鳴陳宏達夥刦龍糠蕩分贓有據雖失主年遠無從拘質但屢審自供情真仍當以二罪俱發從重論定擬乃爲確當章十許瑞律以強盜得財皆斬庶蔽厥辜未可因其後來投叛盟軍無名輕擬從叛未行流罪致有失出也金元操舟被獲尙在幼年歷審得衣原屬僱值前此問刑各官以其贓衣並未起獲改擬杖決具詳撫按久經發放但查原招冊內載本犯同故盜吳福鳴吳元彪被捕莫祥等于江家菴地方獲解該縣知縣孫繼儒時審據吳福鳴供與陳宏達拏旗號來看要福鳴相幫吳元彪供同陳宏達結盟做事又審金元等互供相同各等情在

卷則本犯明係知情不舉故前招依律改徒今
再加駁勘該司以本犯贓無起獲被誘操舟章
十亦供與衣一件實係償工似難與二盜起有
贓仗者一律同科仍應照原擬徒配可無枉縱
吳福鳴等監故免議焚燬未盡偽勅并檄旗盟
傘送部察核未獲陳宏達等嚴緝另結至于審
理錯悞未經具

題先行發落從前經管各官職名該司備造揭帖
見在送部議處外臣前巡歷地方已經具疏展
限在案相應一併

題明伏乞

勅下法司覆核施行

快下者同罪林放行

張門外

則亦案跡懸一

請辭罪犯拖欠贖穀疏

題爲紹屬奇荒特甚災黎流斃堪憐謹據各縣開
報情形備呈懇賜再

題破格賑恤以救予遺事據浙江按察司按察使

馮瑾呈稱云等因到臣據此該臣看得順治

十五十六十七年按察司及分巡溫處道衛溫

二府屬自理罰贖前據冊報詞犯拖欠贖銀七

十五兩五錢贖穀四百八十一石六斗零部覆

詞犯罪贖當時卽催完納何得仍有拖欠應行

所屬速催收貯備賑隨行嚴催去後茲據司詳
各衙門問罰事件內除已經追完銀穀備賑外
其中詞犯零星拖欠爲數或因故逃或因負病
敲扑無完當日委未追結後遇蒙順治十八年
正月初九日

詔赦渙頒除十惡等罪不赦外其餘輕犯流徙杖罪
已結正未結正咸蒙

赦宥是以各屬俱已停追今更歷年久查贖罪未完
銀穀與侵餉事犯有聞誠難復催收貯已據取
具經管官印結并難完冊冊見在應請援

赦宥免以沛

皇仁至于原報追完實在穀一千二十九石一斗零
銀一百五十三兩七錢零原係奉文備賑俟有
各屬應行賑給另行詳支報銷統聽部議定奪
既經該司呈詳前來除將冊結送部相應具

題伏乞

勅下該部議覆施行

題爲遵

請獨寧台溫遷棄無徵各餉疏

旨會閱浙江沿海一帶事擬浙江布政司左布政使
袁一相右布政使李茂呈稱云等因到臣據
此該臣看得浙省寧台溫三府順治十八年分
棄置田土無徵逋課前據司道府縣節次詳陳
遷民田房焚棄界外老幼死徙他鄉敲扑無人
追呼無術守令束手待叅臣兩次巡行安插目
擊官民困苦情形前後疏陳

請豁已經入次久在

皇上照臨之中矣部覆止將練餉秋米二項議免除額尚有未完民欠銀六萬九千四百四十五兩零仍咨臣追解隨檄該司勒催去後茲據該司府縣詳稱寧台溫三府有稱斗米忍賣一妻者有稱錢銀甘鬻一男者有稱總拘捕有人亦剝骨無完者民生至此何從催科誠不能繪監門之圖以形容其流離情狀也臣前准部咨謂此未完應六月全完七月始行遷移不准

蠲免查各項餉銀定限六月先完八分八月照數全完但民間賦稅必俟秋成方得課足卽豐稔地方亦從無半載之內照額全完者况寧台溫三府荒殘兵火幾二十餘年自通欠更難責以常限臣前疏查寧台溫府順治十八年額賦已完一及九分有餘是以逾部限分數之外惟温州一府完不及額蓋緣地方最苦難與別府同年而語故臣激切冒瀆特請

恩蠲茲部又謂未完前銀應于人民未遷之前完納

何得一槩

請蠲臣查是年七月奉有軍令嚴限遷徙將登禾稻
盡棄界外小民終歲辛力一旦顆粒無收卽本
年已納條銀莫非醫瘡剜肉既遷之後秋成失
望扶老挈幼逃散四方時蒙

上諭軫念遷民責成督撫親身安插撥給田房若不
得其所嚴加治罪煌煌

天語凡爲臣子敢不仰體

皇仁撫綏恐後又安忍拘囚難民追徵逋課自干重

譴此外吏當日之實情非敢欺飾一字部臣詰
責各官不能于人民未遷之前追完固慎重錢
穀至計臣雖于遷界後任事然親見流民慘苦
堪憐故不憚煩瑣反覆披陳仰冀

皇仁破豁蠲除也今前項未完無徵銀六萬九千四
百四十五兩事經數載分毫無從追納疏叅經
徵有司降革去任者十有八九新任帶徵者又
掛彈章臣屢疏言之甚詳矣豈各官不惜功名
貢由民迆地棄無能點金兩粟以補懸額之數

也今據藩司府縣合詞呼籲不得不再爲冒昧
伏懇

皇上軫念遷民流離顛沛道課萬難科徵似與尋常
有產拖欠者不同

鑒察臣等前後八次章疏將三府屬界外尾欠前銀
照數

俞賜蠲豁救此一方予遣實與條給田房之

恩諭並垂不朽矣既經該司呈詳前來臣謹會同督

臣趙 合同具

題伏乞

勅下該部議覆施行

再請寧台溫寇荒無徵疏

題爲沛

恩澤以收人心等事據浙江布政司左布政使袁一
相右布政使李茂呈稱云云等因到臣據此該
臣看得寧台溫三府先因寇患災荒人民死徙
歲額錢糧頻年拖欠有司被叅降革者指不勝
屈而三府之中溫郡尤爲甚也前據司查部覆
科臣姚廷啓條議一案內有被賊傷殘積逋不
能完者俟該督按查明據實具

題應否議獨另行議覆業將三府寇患情形并積欠順治十六十七十八年銀米數目業經造冊會

題部議以遇寇地荒彼時未經

題報至今始將已撥兵餉

題請豁免難以輕准仍令作速追完無悞兵餉臣隨檄司嚴行督催去後茲據司詳各屬如寧郡

之象山奉化通處海陳寇黨不時肆虐台郡之

天台僊居爲山寇劫戮蹂躪數年溫郡各邑初

爲土寇何兆龍等出沒焚殺既遭鄭逆賊踪殘

破盤踞荼毒更慘臣兩次巡行所至目覩城郭

丘墟村烟斷絕戶口大半流亡田土鞠爲榛棘

追徵莫問逋額徒懸從前兵餉不繼士卒呼庚

惟以司庫見餉那移補救年復一年虧缺正項

無從追補不得不據實屢疏激切

請蠲非敢以人戶見在猶可催徵而故爲以熟作荒

飾詞欺誑也今部議以已撥兵餉仍令作速追

完計臣慎重兵食臣等督催自當不遺餘力但

寧台溫三府拋荒田地實與他郡不同該司備
將積逋各案分晰查議除界外遷民未完順治
十六十七年錢糧在敷陳末議一案又界外遷
民未完順治十八年錢糧在遵

旨會閱一案先于本年九月初一等日先後疏

請見候部覆至此案係寇荒無徵積年懸欠據查前
冊順治十六十七年界外寇荒銀米已于敷陳
末議案內併行

題報外此案界內寇荒無徵計順治十六十七兩

年戶部起運併兵餉銀四萬八千五百九十二

兩二錢七分六釐工部銀一萬三千四百一十

六兩三錢四分七釐司道府縣存留銀一萬九

千八百三十九兩三錢二分三釐零又順治十

八年戶部銀一萬二千一百八十兩四錢一分

二釐零工部銀六千七百六兩九錢一分六釐

零司道府縣存留銀六百七十五兩一錢五分

九釐零內存留一項係本省經費雜支向來不

入考成據稱歷欠已久既不能追徵于順治十

八年以前必難完補于康熙三年以後應議除
帑無庸再計惟是戶部起運并兵餉銀共未完
六萬七百七十二兩六錢八分七釐零工部起
運銀共未完二萬一百二十三兩二錢六分三
釐零又界內寇荒未完米一萬三千六百九十
一石七斗一升零并未完練餉銀二千一百六
兩六錢三分零今再三駁勘實係田地拋荒久
爲不耕之土戶口凋散并無可追之人若欲以
未完銀米攤追于見在之遺黎則賠累愈多邇
亡愈甚將來遺貲更不可言矣至于督催之法
唯有考成分數查前此叅罰如溫郡守令皆以
追徵缺額捧檄方來旋遭降革新舊交接如有
傳舍豈真各官催科政拙實由錢糧追比無從
雖口處一官無補于完欠之數該司復據府縣
印結備述情狀請將寇荒積欠破格

蠲宥一面招復遷民撥給開墾按年成熟照例起科
庶界內待盡之民與界外流移之衆俱得以慶
更生且使餉額不致虛懸有司得免貽累仰荷

實非淺鮮矣既經該司呈請前來除將冊結送
部外臣謹會同督臣趙 合詞具

題伏乞

勅下該部議覆施行

白糧船隻改拆歲造漕艘疏

題爲

題明改折曰糧事據浙江糧儲道右叅政梁鳳鳴
呈稱云云等因呈詳到臣據此該臣看得浙省
康熙四年起運三年分白糧先議全徵本色計
用船一百二十六隻臣查白糧雇運向苦額編
經費不足加派累民議照順治十一年漕船帶
運之例仍恐白糧全徵盡酒漕船勢必船重難
行除照舊于漕幫抽用六十二隻外尙缺六十

四隻請將康熙四年起運三年分加派白糧經費暫徵協造下運船足卽行減免其應加歲造船隻另于淺貢永減銀內動支應用至不敷經費及行月二根領運協部公費廩工等項并于新增經費內徵給業經部覆奉有

俞旨咨行遵照隨檄該道嚴督催造去後續准部咨以順治十五年以前各項錢糧俱奉

上諭蠲免議將白糧暫行全折應充兵餉其折徵銀兩限文到六個月全完查白糧造船派徵銀五

在未准部文全折之先已據各屬陸續解銀一萬七千四百三十二兩一錢五分零內協造項下已動支經費銀六千四百兩今白糧既經全折則協濟船隻不便造完存貯空置何干以滋蠹朽應俟下年定議徵折再行成造至歲造漕船項下另有漕項淺貢錢糧該道以歲造船隻不敷見在添補請將協濟船六十四隻改作歲造漕船之數原支經費銀六千四百兩仍催淺貢銀兩歸還經費項欸又康熙三年分白糧項

下加徵銀二萬八千八百三十兩七錢二分零
米八千三百六十一石零白糧既徵折色經費
自應免派應將各屬已解到造船經費銀兩改
抵白折正項其各屬已徵未解銀兩并應作正
白折起批完解至如已派未徵銀米緊行停免
自全書額編白糧正耗米石并項下車夫等銀
之外不許銖黍加派如有官役乘機侵混情弊
該道據實揭報彙章叅究庶錢糧之款項明晰
而漕白之章程並有攸賴矣所當

題明聽部議覆定奪既經該道呈詳前來除將造
到收抵減徵清冊送部察核外臣謹會同總漕

臣林 督臣趙 鹽臣張 合詞具

題伏乞

勅下該部議覆施行

報明各年大獄已未完疏

題爲大獄積牘尙多臣因會審再駁謹具疏

題明以俟勒催詳結事據浙江按察司按察使馮

璉呈稱

云

等因到臣據此該臣看得浙省大

獄各案自順治十一年起至順治十八年止已

結三百三十一起未結三百一十七起內有前

任撫按駁行勘審而承問各官久無詳覆又有

批允監候而會審矜疑復行駁勘遂致積年沉

滯未經

題結臣于受事之初具疏

題明部令備查從前遲悞職名分別奉

赦前後臣卽行查具揭又經再疏

題報部覆從前各官揭內止開承問年月日期並未註明某官遲悞若干月日令嚴儆按察司將各官職名下詳註違限月日明白具

題議處隨檄該司逐一詳查茲據詳稱原報歷年大獄未結三百一十七起內除奉

旨已經發落者三十三起外又已經奉

旨查取職名送吏部議處者共六起又順治十四年大獄姚有貴卽十五年楊一元一案順治十三年俞三卽十四年小高等一案註明同案情由在冊應除此二案外前送職名揭帖實共二萬七十六起備造揭帖註明違限月日分別遇赦立限前後呈詳前來臣查每歲

題報已未結大獄起數始自順治十一年間奉文舉行在前撫臣秦世禎任內將順治初年至順治十一年重案俱彙疏

題報後接任撫按則一歲一報今部咨行查雖自
順治十一年起至十八年止承問遲悞職名但
查順治十一年以前未結事件原問各官自應
備列職名查司揭開列院司道府廳縣各官承
問已結未結實共二百七十六起詳註違限月
日以部行順治十八年爲止違限月日雖有遠
近俱屬遲悞均當議處內查順治十八年正月
初九日以前各官職名係在

赦前自順治十八年正月初十日至本年終止各官

職名係在

赦後又查是年八月十三日始准吏部咨文浙省定
限五個月其八月以前未奉有定限之行今揭
內職名下俱逐一註明經管違限月日分晰明
白統聽該部察照遇

赦前後及奉文定限各日期分別照例議處定奪臣
又查該司每年造報大獄各案以審勘明白批
允監候會審者報爲已結其尙在詳駁未經定
案者報爲未結歷年循例遵行臣前據司冊彙

報大獄積牘原疏開有已結三百三十一起內
有前任撫按諸臣

題結者一百五十二起又有批允候會審未經

題結者一百七十九起該臣任內陸續

題結過一百六十一一起以上共已結案三百一十

三起尙有一十八起因原招情罪未協覆加駁

勘則從前承問各官如前任撫按批允會審久

未

日家

題結前任臬司亦未詳請具

題竣案無論月日均屬耽悞註明

效前

效後併應一體揭報職名統聽部議照例處分至臣

自具

題寬限後徹底清理將原報未結數內重案嚴檄

問刑各官陸續勘詳及巡歷嘉興全華衢州嚴

州四府會同各道審錄過情真罪當者已經報

結並見在具

題共一百一十起其餘各案内多事遠人亡實証

無主如強盜則賍銷夥斃狡辯不承如人命
屍傷器仗供証游移非臣巡行所至逐府會官
親勘無以質成信獄正擬東巡各府會訊諸
適奉

恩諭陞任督閩側當暨省料理一切

欽部事外道冊交代不敢遽泥原案草率臆決自貽
法司參駁之咎況此積滯重獄民命攸關倘罪
或不當其辜恐有負

朝廷好生之德今新撫蔣 入境伊邇尙有駁勘者

案自當聽其循例出巡各府逐起會官審錄分
別情真矜疑緩決

奏請定奪庶獄無冤濫而塵案可得清結矣理合
一併

題明既經該司呈詳前來除將冊揭送部外相應
具

題伏乞

勅下該部議覆施行

報寧紹水災疏

題爲直陳水災奇荒事據浙江布政司左布政使
袁一相右布政使李茂呈稱康熙三年九月十
九日奉臣批寧波府呈詳云等因到臣據此
該臣看得浙省寧紹二郡連年災侵頻仍民不
堪命今歲自夏徂秋寧屬之鄞縣慈谿奉化象
山紹屬之山陰蕭山餘姚上虞八縣正當禾苗
秀實之際霪雨連綿海潮洶湧塘堤衝決水勢
瀾漫稻禾淹腐據地方各官勘詳誠屬異常水

災所當先行據實

上聞聽部議核定奪者也再照新准部文凡有災異
勿作幾次開報查地方月日已據該司備叙詳
中但被災輕重分數花戶姓名如待確勘彙報
恐逾秋災不過九月之限據司詳稱現催各道
府縣星速造冊另報外理合一併

題明既經該司呈詳前來臣謹會同督臣趙 合
詞具

題伏乞

勅下該部察照施行

請豁十六十七年遷棄無徵錢糧

爲欽奉

上諭事據浙江布政司左布政使袁二相右布政使

李茂呈稱云云等因到臣據此該臣看得寧台

溫三府沿海遷民先奉

上諭務令安插得所

皇仁浩蕩嘉予生全不啻視民如傷痍瘝一體之

德意矣科臣王日高敷陳末議等事一疏內稱安插

小民得所必先寬其催科之

功令議將棄置田糧報明豁免前臣勘明界外遷民
實係逃亡具疏

請免部覆見在行查順治十七年以前催徵不得未

完錢糧應俟督撫將應免錢糧

題報另議臣復據司詳又將寧台溫遷民花戶未

完順治十六十七年銀米款數細冊造報具

題今准部咨以欽奉

上諭順治十五年以前所欠錢糧一槩蠲免此案係

順治十六十七年之事仍令追解如再遲延逾

限卽將經追官指叅議處等語臣隨行該司勒

限追解節次屢催去後茲據該司備據各該道

府有司咸稱順治十五年以前未完錢糧槩奉

蠲免固已率土均沾順治十六年以後自當照舊催

徵至如此案係沿海界外遷民拖欠額糧在未

遷之前歷年尙因寇亂荒災迫呼不應旣經奉

文遷遣之後田廬拋棄丁口流移死亡離散無

從勾攝卽有寥寥子遺僅存皮骨依親傍眷棲

止靡寧餬口不遑資生無術若以從前相沿之

通額欲併追于一且雖復拊楊敲扑勢必不能
追徵分毫今三府守令率以年額未完錢糧徵
解不前坐席未暖叅處降革者前後幾及二十
餘員叅疏部覆有案可考各官捧檄而來豈皆
催科政拙不肯自受功名乎實緣遷民遺欠追
比無從也部臣繩以遲延逾限即便日取經追
之官叅罰議處寃無裨于完欠之數司道府縣
備將萬難追解情由再爲懇請伏念遷民疾苦
久厯

宸衷原頒

諭旨凡有可給田房尙令各督撫料理安插况此項
界外遷民逋賦誠與無故小民拖欠迥不相作
如逃亡者則無人追呼而一息尙存者又刑比
難加容忍視其死亡走險非所以仰副

皇上保全生民之至意也該司仍將順治十六十七
年遷民未完銀米造冊呈詳理合補贖額懇再
爲請命伏望

睿鑒遷民無產逋課實與尋常未完不同

特賜破格蠲宥

勅部覆議定奪既經該司呈詳前來除將清冊送部

外臣謹會同督臣趙 合詞具

題伏乞

勅下該部議覆施行